

آخريت

কুরআন ও সহীহ
হাদীসের আলোকে

আখিরাতেৰ চিত্র

মাওলানা মুহাম্মদ খলিলুর রহমান মুমিন

কুরআন ও সহীহ হাদীসের আলোকে

আখিরাতেৰ চিত্র

[পরিবর্ধিত ও পরিমার্জিত ৫ম সংস্করণ]

মাওলানা মুহাম্মদ খলিলুর রহমান মুমিন

প্রফেসর'স পাবলিকেশন্স

বাংলাবাজার-মগবাজার, ঢাকা।

কুরআন ও শহীহ হাদীসের আলোকে

আখিরাতের চিত্র

মাওলানা মুহাম্মদ খলিলুর রহমান মুমিন

প্রকাশক

এম. আমিনুল ইসলাম

মেধা বিকাশ প্রকাশন

প্রফেসর'স পাবলিকেশন্স

৩৮/৩ বাংলাবাজার, ঢাকা-১১০০

ফোন : ০১৯৭৭-১২৮৫৮৬, ০১৭১১-১২৮৫৮৬

প্রকাশকাল

প্রথম প্রকাশ : অক্টোবর-১৯৯২ ইং

৫ম সংস্করণ-২০০২ ইং

বিংশতম মুদ্রণ, মার্চ-২০১৯ ইং

প্রস্থস্বত্ব : প্রকাশক কর্তৃক সংরক্ষিত

ঘরে বসে বই পেতে ভিজিট করুন

www.medhabikash.com.

Mobil : 01977-128586

www.rokommari.com/boibazarcom

কম্পোজ ও ডিজাইন

প্রফেসর'স কম্পিউটার

মগবাজার, ঢাকা

মুদ্রণ

ক্রিসেন্ট প্রিন্টিং প্রেস

মগবাজার, ঢাকা

PPBN-020

ISBN : 984-31-1426-0

বিনিময় মূল্য □ ১৬০.০০ টাকা মাত্র ।

Quran o shohi Hadither Aloky Akherater Chitrao by Moulana Muhamad Khalilur Rahman Mumin and Published by Professor's Publication, Moghbazar, Dhaka-1217, Price : Tk. 160.00 only.

প্রথম সংস্করণের ভূমিকা

পাঁচটি বিষয়ের উপর ভিত্তি করে ইসলামের প্রাসাদ প্রতিষ্ঠিত, তার অন্যতম হচ্ছে 'ঈমান বিল গায়েব'। আবার ঈমান বিল গায়েব' যে স্তরের উপর নির্মিত তা হচ্ছে আখিরাত। আর আখিরাতকে কেন্দ্র করেই আবর্তিত হয় একজন মুমিনের যাবতীয় তৎপরতা। আল-কুরআনে আখিরাত সংক্রান্ত আলোচনা এতো বেশী করা হয়েছে যে, সেগুলো যদি একত্রিত করা হয় তবে তার পরিমাণ প্রায় ৭/৮ পারার মতো হবে। উদ্দেশ্য একটি, তা হচ্ছে আখিরাতের চিত্রকে হৃদয়ে গেঁথে দেয়ার প্রয়াস। তবে আল কুরআনের এ আলোচনাগুলো একত্রিত ও বিন্যাসিত নয় বিধায় সাধারণ পাঠকগণ সে চিত্রকে হৃদয়ঙ্গম করতে সক্ষম হন না। সে সমস্ত পাঠকগণের খেদমতে আমার এ ক্ষুদ্র প্রচেষ্টা।

এ বইয়ের যাবতীয় আলোচনা আল কুরআন, হাদীস ও নির্ভরযোগ্য তাফসীর গ্রন্থসমূহের বর্ণনার মধ্যে সীমাবদ্ধ। বাহুল্য কোন আলোচনা এতে স্থান পায়নি, ঘটনার ধারাবাহিকতা বজায় রেখে শিরোনামের ধারাবাহিকতা নির্ধারণের চেষ্টা করা হয়েছে এবং প্রতিটি বক্তব্যের প্রামাণ্য আয়াত অথবা হাদীসের উদ্ধৃতি দেয়া হয়েছে।

পাঠকদের খেদমতে আরজ, কোথাও কোন ভুল-ভ্রান্তি পরিলক্ষিত হলে এবং পরামর্শ থাকলে জানালে তা সাদরে গ্রহণ করা হবে।

পরিশেষে রাব্বুল আলামীনের দরবারে আকুল ফরিয়াদ তিনি যেন এ গুনাহগার, প্রকাশক ও পাঠকগণকে মহাসংকটের মূহুর্তে নাজাতের ব্যবস্থা করে দেন।

বিনীত

মাওলানা মুহাম্মদ খলিলুর রহমান মুমিন

তাং- ৮/১০/৯২ইং

পঞ্চম সংস্করণের ভূমিকা

সমস্ত প্রসংসা ঐ সত্ত্বার যিনি সমস্ত জ্ঞান ও হেদায়াতের উৎস। লাখো দরুদ ও সালাম তার প্রিয় হাবিব এবং সর্বশেষ নবী ও রাসুল হযরত মুহাম্মদ (সা:) এর উপর।

আজ থেকে প্রায় দশ বছর পূর্বে এই বই খানা প্রথম প্রকাশিত হয়। প্রকাশের সাথে সাথেই বইটি আশাতীতভাবে পাঠকের নিকট সমাদৃত হয়। ফলে প্রথম সংস্করণ অল্প সময়ের মধ্যে শেষ হয়ে যায়। কিন্তু বিভিন্ন প্রতিকূলতার কারণে বইটির সংস্করণের কাজ বিলম্ব হয়ে যায়। গত দু'বছর পূর্বে আমরা প্রফেসর'স পাবলিকেশন্স এর পক্ষ থেকে বইটির দ্বিতীয়, তৃতীয় ও চতুর্থ সংস্করণ প্রকাশ করি এবং তাও দ্রুত শেষ হয়ে যায়। ফলে পঞ্চম সংস্করণের প্রয়োজন দেখা দেয়। এবার নতুন প্রচ্ছদে বইটি পাঠকদের পরমর্শ ও প্রয়োজনের আলোকে আরও পরিবর্তন ও পরিবর্ধন করে মানোন্নয়নের চেষ্টা করা হয়েছে। আশা করি এ সংস্করণটি পাঠক মহলে পূর্বের চেয়েও অধিক গ্রহণযোগ্যতা লাভ করবে, ইনশাআল্লাহ।

এতদসত্ত্বেও অনিচ্ছাকৃত ভুল-ত্রুটিরজন্য আমরা পরম করুণাময় আল্লাহর নিকট ক্ষমা চাচ্ছি। এবং সূধী পাঠকদের নিকট পরামর্শ চাচ্ছি। বিনীত-

এ এম আমিনুল ইসলাম

জুলাই, ২০০২ইং

শিরোনাম বিন্যাস

বিষয়	পৃষ্ঠা নং
আখিরাত	১১
আখিরাত বাস্তব জীবনেরই প্রশ্ন	১১
আখিরাতে অনিবার্যতা	১২
আখিরাত বিশ্বাস না করার কারণ কি?	১৩
ব্যবহারিক জীবনে আখিরাত বিশ্বাসের প্রভাব	১৫
আখিরাতের শুরু	১৬
আলমে বারযাখ (কবর, সিঞ্জিন ও ইল্লিন)	১৬
বারযাখ নাম করণের তাৎপর্য	১৭
আলমে বারযাখ কেন?	১৭
আলমে বারযাখে অবস্থানকারীদের অবস্থা	১৮
মুমিন ব্যক্তির রুহ ইল্লিনে পৌঁছানো মাত্র অন্যান্য রুহ- তার কুসলাদি জিজ্ঞাসাবাদ করে	২৩
আলমে বারযাখ এক স্বপ্ন সদৃশ জগৎ	২৪
কিয়ামত	২৫
কিয়ামত কখনও সংঘটিত হবে	২৭
একজন ঈমানদার থাকাবস্থায় কিয়ামত হবে না	২৯
সেদিন ভূমিকম্প হবে	৩০
পাহাড়কে চালিয়ে দেয়া হবে	৩১
পাহাড়গুলো ধূনা পশমের মতো হবে	৩১
পাহাড় ও জমিনকে চূর্ণ-বিচূর্ণ করে দেয়া হবে	৩২
আসমান ফেটে যাবে	৩৩
আসমান কাঁপতে থাকবে	৩৪
আসমানকে তাবিজের মতো গুটিয়ে ফেলা হবে	৩৪
আসমান বিগলিত তামার ন্যায় হবে	৩৪

বিষয়

পৃষ্ঠা নং

আসমানের অসংখ্য দরজা হবে.....	৩৫
সূর্য, চাঁদ, তারা সমস্তই আলোহীন হয়ে যাবে.....	৩৫
নদী-সমুদ্র আগুনে পরিণত হবে.....	৩৬
প্রাণ ভয়ে ওষ্ঠাগত হবে.....	৩৮
চক্ষু বিষ্কারিত হয়ে যাবে.....	৩৮
মানুষ দিশেহার হয়ে পড়বে নেশা না করেও মাতাল হয়ে যাবে.....	৩৯
সেদিন শিশুরা বুড়ো হয়ে যাবে.....	৩৯
সেদিন আত্মীয় বন্ধু কেউ কারো পরিচয় দেবে না.....	৪০
সেদিন ক্ষমতা ও অহংকার থাকবে একমাত্র আল্লাহ.....	৪১
হাশর	৪২
হাশরের দিন ভূপৃষ্ঠকে সমতল করা হবে.....	৪২
ভূপৃষ্ঠ তার গর্ভের সব কিছু বাইরে বের করে দেবে.....	৪৪
পুনরায় সৃষ্টি করে হাশরে একত্রিত করা হবে.....	৪৬
সমস্ত মানুষ সেদিন উলঙ্গ হয়ে উঠবে.....	৪৭
অপরাধীরা ভুলে যাবে পৃথিবীতে কতোদিন ছিলো.....	৪৮
অপরাধীদেরকে চেহারা দেখেই চেনা যাবে.....	৪৯
সেদিন পাপীদেরকে অন্ধ বোবা ও কানা করে উঠনো হবে.....	৫০
সেদিন অপরাধীগণ অনুতাপ করবে	৫১
সেদিন পাপীরা ঘামে ডুবে থাকবে.....	৫২
হাশরের দিন মানুষ তার আমল অনুযায়ী বিভিন্ন প্রতীকে- আত্ম প্রকাশ করবে.....	৫২
প্রত্যেকেই নিজের আমল দেখতে পাবে.....	৫৬
সেদিন গোপন বিষয় প্রকাশ করা হবে.....	৫৭
বিচার	৫৯
সেদিন ন্যায় বিচার করা হবে.....	৬১
সর্বপ্রথম নামাযের হিসেব নেয়া হবে.....	৬২

বিষয়	পৃষ্ঠা নং
পিতামাতাও সেদিন ছেড়ে কথা বলবেনা.....	৬২
হিসেবের দিনের দেউলিয়া	৬৪
কেউ কারো সাহায্য করতে পারবে না.....	৬৫
তাদের বিভিন্ন অঙ্গ-প্রত্যঙ্গ সাক্ষ্য দেবে.....	৬৭
তারা পরস্পর দোষারোপ করবে.....	৬৯
ঈমানদারদের জন্য বিশেষ সুযোগ.....	৭১
আল্লাহর প্রতিবেশী ও বন্ধুদের মর্যাদা.....	৭২
বিনা হিসেবে জান্নাতে প্রবেশকারীগণ.....	৭৩
মিয়ান	৭৪
আমল নাম	৭১
শাফায়াত	৮২
শাফায়াত সংক্রান্ত ভ্রান্ত ধারণা	৮৩
ভ্রান্ত ধারণার খন্ডন.....	৮৩
শাফায়াতের ক্ষমতা কাউকে না দেয়ার কারণ.....	৮৪
কাকে শাফায়াত করার অনুমতি দেবেন.....	৮৬
জাহান্নামীদের জন্য কোন সুপারিশ নেই.....	৮৮
হাউয়ে কাউসার.....	৮৯
হাউয়ে কাউসার থেকে যাদেরকে তাড়িয়ে দেয়া হবে.....	৯১
পুলছিরাত.....	৯২
জাহান্নাম.....	৯৪
জাহান্নামের প্রাচীর.....	৯৫
জাহান্নামের গভীরতা	৯৫
জাহান্নামের আগুন.....	৯৬
জাহান্নামের শ্রেণী বিন্যাস.....	৯৭
জাহান্নামের একটি বিশেষ মাথা.....	৯৯

বিষয়

পৃষ্ঠা নং

জাহান্নামের সাপ ও বিচ্ছু.....	৯৯
আল্লাহ ও রাসূলের অস্বীকারকারীদের জন্য জাহান্নাম.....	৯৯
জিন, মানুষ ও পাথর জাহান্নামের ইন্ধন হবে.....	১০২
জাহান্নাম কাকে আহ্বান করবে?.....	১০৩
জাহান্নামীদেরকে গ্রাস করেও জাহান্নাম তৃপ্ত হবে না.....	১০৪
জাহান্নামীরা ভয়াবহ আজাবের সম্মুখীন হবে.....	১০৫
জাহান্নামে যাদেরকে কম শাস্তি দেয়া হবে.....	১০৭
জাহান্নামীদের আকার আকৃতির বিস্তৃতি ঘটিয়ে আযাব দেয়া হবে.....	১০৮
জাহান্নামীদের চোখের পানি.....	১১০
গায়ের চামড়া পরিবর্তন করে জ্বালানো হবে.....	১১১
জাহান্নামীরা ধূয়ার ছায়ার মধ্যে থাকবে.....	১১১
জাহান্নামীদের খাদ্য ও পানীয়.....	১১২
জাহান্নামীরা জান্নাতীদের নিকট খাদ্য ও পানীয় চাবে.....	১১৫
জাহান্নামীরা আফসোস করবে.....	১১৬
অপরাধীরা পৃথিবীতে ফিরে আসতে চাইবে.....	১১৮
আত্মীয়-স্বজন ও দুনিয়ার সব মানুষকে বিনিময় দিয়ে হলেও—	
জাহান্নামীরা বাঁচতে চাবে.....	১১৯
প্রত্যেক জাহান্নামী দল পূর্ববর্তী দলকে দোষ দেবে.....	১২০
অনুসারীগন নেতাদের শাস্তি দাবী করবে.....	১২১
জাহান্নামীদের প্রতি শয়তানের ভাষণ.....	১২৩
সেখানে সবার করা না কারা সমান হবে.....	১২৪
জাহান্নামের তত্ত্বাবধায়ক মালিকের নিকট অনুনয় বিনয়.....	১২৬
জাহান্নামীদের শেষ প্রচেষ্টা.....	১২৬
জান্নাত মোট আট প্রকার.....	১২৯
জান্নাতের প্রশস্ততা.....	১৩০
সম্পূর্ণ জান্নাত হবে শীতাতপ নিয়ন্ত্রিত.....	১৩১

বিষয়	পৃষ্ঠা নং
জান্নাতের অট্টালিকাসমূহ.....	১৩১
জান্নাতে কোন দুঃখ-কষ্ট থাকবে না.....	১৩২
জান্নাতে অশীল কথা শোনা যাবে না.....	১৩৩
জান্নাতীদের আর মৃত্যু হবে না.....	১৩৪
যা পেতে ইচ্ছে করবে তাই পাবে.....	১৩৫
অসীম সুখ সম্ভার কোনদিন শেষ হবে না.....	১৩৭
জান্নাতীদেরকে আল্লাহ পবিত্র স্ত্রী ও হুরদের সাথে বিয়ে দেবেন.....	১৩৮
হুরদের প্রান মাতানো সংগীত.....	১৪৩
জান্নাতীদের খেদমতের জন্য অসংখ্য গিলমান থাকবে.....	১৪৪
জান্নাতীদের দৈহিক গঠন.....	১৪৫
জান্নাতীদের পোশাক পরিচ্ছদ.....	১৪৬
জান্নাতীদের আসবাবপত্র.....	১৪৮
জান্নাতের নদী ও ঝর্ণা সমূহ.....	১৪৯
জান্নাতের বৃক্ষ ও বিহঙ্গকুল.....	১৫১
জান্নাতীদের খাদ্য ও পানীয়.....	১৫২
জান্নাতীদের প্রস্রাব পায়খানার প্রয়োজন হবে না.....	১৫৩
জান্নাতীদের সৌন্দর্য ও সম্প্রীতি.....	১৫৪
জান্নাতীগণ জান্নাতী বাপদাদা, স্ত্রী ও সন্তানসহ একান্নবর্তী পরিবারের ন্যায় বসবাস করবে.....	১৫৪
জান্নাতের বাজার.....	১৫৫
জান্নাতীদের মর্যাদাভেদে জান্নাতের প্রকারবেদ.....	১৫৬
নিম্ন মর্যাদার জান্নাতীদের প্রাপ্য.....	১৫৮
জান্নাতীগণ আল্লাহর দর্শন লাভ করবে.....	১৬৯

আখিরাত (أَخِرَّةُ)

رَخِرَ শব্দটি أَخِرَ শব্দের স্ত্রীলিঙ্গ। أَوْلُ এর বিপরীত শব্দ হিসেবে رَخِرَ শব্দটি ব্যবহৃত হয়। অর্থ- শেষ, সমাপ্তি, পরবর্তী ইত্যাদি।

এখানে ‘পরবর্তী’ অর্থে أَوْلُ শব্দের বিপরীত শব্দ হিসেবে أَخِرَّةُ শব্দটি ব্যবহৃত হয়েছে।

ইসলামী পরিভাষায় মৃত্যুর পর হতে অনন্ত অসীম জীবনে মানুষ মহাবিশ্বের যে অংশে অবস্থান করে তাকে أَخِرَّةُ বা পরলোক বলে।

আখিরাত বাস্তব জীবনের-ই- প্রশ্ন

মানুষ মরে যায়। তার স্থলে অন্য মানুষ জন্মগ্রহণ করে। তেমনিভাবে পশু-পাখী, গাছ-পালা ইত্যাদি বিলুপ্তি ঘটায় সাথে সাথে তাদের স্থান দখল করছে তাদের নতুন বংশধরেরা। প্রকৃতিতে এই যে পালাবদলের অব্যাহত ধারা এর কি কখনো কোন শেষ আছে? দার্শনিক ও বিজ্ঞানীগণ আজ এ ব্যাপারে সবাই একমত যে, এ বিশ্ব -ব্যবস্থা একদিন বিপর্যস্ত ও বিলুপ্ত হবে।

প্রথম সংস্করণের ভূমিকা যেমন পৃথক পৃথক একটি আয়ুষ্কাল রয়েছে, তা শেষ হয়ে যাবার সাথে সাথে ঘটে তার জীবনে বিপর্যয়, ঠিক তেমনিভাবে এ বিশ্ব জগতেরও একটি নির্দিষ্ট আয়ুষ্কাল আছে, যা শেষ হয়ে যাবার সাথে সাথেই ঘটবে এক মহাবিপর্ষয়-মহাপ্রলয়। মহান আল্লাহ রাব্বুল আলামীনও ঘোষণা দিয়েছেন :

كُلُّ مَنْ عَلَيْهَا فَانٍ - وَ يَبْقَى وَجْهَ رَبِّكَ ذُو الْجَلَالِ
وَ الْاِكْرَامِ -

“সমস্ত কিছুই ধ্বংস হয়ে যাবে, কেবলমাত্র তোমার মহিয়ান গরিয়ান রবের সত্তাই অবশিষ্ট থাকবে।” (সুরা আর - রাহমান : ২৬-২৭)

পৃথিবীতে যতোগুলো বাস্তব ও চাক্ষুষ বস্তু আছে, মৃত্যু হচ্ছে তার অন্যতম। মজার ব্যাপার হচ্ছে, এ মৃত্যুকে অস্বীকার করে এমন লোকের অস্তিত্ব পৃথিবীতে নেই। তবে মৃত্যুর পর কি কোন জীবন আছে, থাকলে তা কিরূপ? এ প্রশ্ন দুটো নিয়েই বেঁধেছে যতো গোল। প্রশ্ন দুটো নিছক খামখেয়ালী বা কোন দার্শনিক প্রশ্ন নয়। এটি বাস্তব জীবনেরই প্রশ্ন। কারণ এ প্রশ্নের জবাবের ওপর ভিত্তি করেই গড়ে ওঠে দুনিয়ার জীবন ধারা।

আখিরাতের অনিবার্যতা

একজন মানুষ সারা জীবন বহু ভালো কাজ করলো, কিন্তু তার পুরোপুরি ফলাফল সে পৃথিবীতে ভোগ করতে পারলোনা। বরং কোন কোন সংকর্মের ফলে তার উল্টো দুর্নাম ও অপমান সহিতে হলো। আবার এমন কিছু সংকাজ করলো যা দুনিয়ার লোকদের সামনে প্রকাশই পেলোনা। অপর এক ব্যক্তি স্বেচ্ছাচারী জীবন যাপনে অভ্যস্ত। এমন কোন কাজ নেই যা সে করেনি। এমনকি সে একাধিক মানুষও হত্যা করলো। এ অবস্থায় ঐ ব্যক্তিকে কি সব কাজের শাস্তি এ পৃথিবীতে দেয়া সম্ভব? যদি তাহাকে শুধুমাত্র হত্যার অপরাধেও শাস্তি দেয়া হয়, তবে তাও পুরোপুরি দেয়া সম্ভব নয়। কারণ একাধিক হত্যার শাস্তি স্বরূপ তাকে মাত্র একবারই হত্যা করা যেতে পারে। তারপরও তো সে আরো হত্যাযোগ্য অপরাধে অপরাধী হয়ে রইলো। তাকে শাস্তি দেয়ার আর কোন উপায়ই অবশিষ্ট থাকে না। তাই দেখা যাচ্ছে স্বল্পকালীন জীবনে মানুষ যে সমস্ত কাজ করে থাকে, তার প্রতিফল এতোই সুদূর প্রসারী ও দীর্ঘস্থায়ী যে, তা পুরোপুরি ভোগ করতে হলে লক্ষ কোটি বৎসর দীর্ঘায়ু প্রয়োজন। কিন্তু বিশ্ব প্রকৃতির বিধানে এতো দীর্ঘায়ু লাভ করা কোন ক্রমেই সম্ভব নয়। এ কারণেই মানুষের স্বাভাবিক জ্ঞান বুদ্ধির দাবী, এমন একটি দীর্ঘ জীবন হওয়া উচিত, যেখানে প্রতিটি পাপ-পুণ্যের পূর্ণ প্রতিফল ভোগ করা সম্ভব হয়। তবে মানুষের বিবেক -বুদ্ধি 'হওয়া উচিত' বা এমন একটি ব্যবস্থা প্রয়োজন' এ পর্যন্ত এসেই থেমে যায়। কিন্তু চূড়ান্ত রায় সে দিতে পারেনা। এ বিষয়ে নিশ্চিত ও বাস্তব কোন প্রমাণ মানুষের হাতে নেই বলেই গায়েবের প্রতি বিশ্বাস বা ঈমানই হচ্ছে তার একমাত্র উপায়। যে সম্পর্কে কুরআন ও হাদীসে বর্ণনা করা হয়েছে। তার সার কথা হচ্ছে, মহান আল্লাহ রাব্বুল আলামীন এমন এক জায়গা সৃষ্টি করে রেখেছেন যার গুরু আছে শেষ নেই। তার নাম আখিরাত। সেখানে অপরাধীদেরকে শাস্তি দেয়া হবে কিন্তু তাদের আর মৃত্যু হবেনা। আবার যাদেরকে

সুখ-স্বাচ্ছন্দ দেয়া হবে তারাও হবেন অমর। কোনদিন আর তারা মৃত্যুর মুখোমুখি হবে না।

আখিরাত বিশ্বাস না করার কারণ কি?

আখিরাত বিশ্বাস না করার যে সমস্ত কারণ থাকতে পারে সেগুলো আল্লাহ রাক্বুল আলামীন সুন্দরভাবে আল কুরআনে তুলে ধরেছেন। প্রধানত এই সমস্ত কারণেই মানুষ আখিরাতকে অবিশ্বাস করে থাকে। নিচে সংক্ষেপে তা আলোচনা করা হলো।

১. মানুষ নিজেকে উদ্দেশ্যহীন, স্বেচ্ছাচারী, দায়িত্বহীন মনে করে। নিজের জীবনকে সামগ্রিকভাবে নিষ্ফল ও নিরর্থক জ্ঞান করে এবং এ বিশ্বাস পোষণ করে যে, তার কোন তত্ত্বাবধায়ক ও হিসেব গ্রহণকারী নেই। আল্লাহ বলেন—

أَفَحَسِبْتُمْ أَنَّمَا خَلَقْنَاكُمْ عَبَثًا وَأَنَّكُمْ إِلَيْنَا لَا تُرْجَعُونَ -

“তোমরা কি মনে করেছে আমি তোমাদেরকে অনর্থক সৃষ্টি করেছি, তোমরা কি আর আমার কাছে ফিরে আসবেনা?” (সূরা মুমিনুন : ১১৫)

أَيَحْسَبُ الْإِنْسَانُ أَنْ يُتْرَكَ سُدًى -

“মানুষ কি ধারণা করে নিয়েছে যে, তাকে এমনিই ছেড়ে দেয়া হবে?” (সূরা কিয়ামাহ : ৩৬)

২. এদের চাওয়া পাওয়া দুনিয়ার জীবনেই সীমাবদ্ধ। তাই প্রাথমিক ও সাময়িক ফলাফলকেই তারা চূড়ান্ত মনে করে নেয়। তারা শয়তানের প্রতারণার শিকার। ইরশাদ হচ্ছে—

كَلَّا بَلْ تُحِبُّونَ الْعَاثِلَةَ - وَتَذَرُونَ الْآخِرَةَ

“কক্ষনো নয়, তোমরা-তো তাড়াতাড়ি পাওয়া যায় এরূপ ফলাফলকেই পছন্দ করো, আর পরকালের ফলাফলকে বর্জন করো।” (সূরা কিয়ামাহ : ২০-২১)

بَلْ تُؤْتِرُونَ الْآخِرَةَ خَيْرًا وَأَبْقَى - وَالْآخِرَةُ خَيْرٌ وَأَبْقَى -

তোমরা দুনিয়ার জীবনকে অগ্রাধিকার দিয়ে থাকো, অথচ আখিরাত হচ্ছে তোমাদের জন্য উত্তম ও অধিকতর স্থায়ী।” (সূরা আ'লা : ১৬-১৭)

وَعَرَّثَهُمُ الْحَيَاةَ الدُّنْيَا -

“তাদেরকে পার্থিব জীবন ধোকায় ফেলে দিচ্ছে।” (সুরা আরাফ - ৫১)

৩. যে সব বস্তু প্রকৃত পক্ষে চূড়ান্ত ফলাফলের দিক থেকে ক্ষতিকর আপাত লাভের প্রতি দৃষ্টি রাখার ফলে সেগুলোকেই সে উপকারী মনে করে বসে এবং তা পাবার জন্য ব্যাকুল হয়ে যায়। ইরশাদ হচ্ছে-

قَالَ الَّذِينَ يُرِيدُونَ الْحَيَاةَ الدُّنْيَا يَلِيتَ لَنَا مِثْلَ مَا أُوتِيَ قَا
رُونَ (۱) إِنَّهُ أَدُوٌّ عَظِيمٌ - وَقَالَ الَّذِينَ أُوتُوا الْعِلْمَ وَيَلِكُمْ
(ط) ثَوَابُ اللَّهِ خَيْرٌ لِمَنْ آمَنَ وَعَمِلَ صَالِحًا

“যারা শুধুমাত্র দুনিয়ার জীবনই চায়, তারা বললো, হায়! কারুনকে যা দেয়া হয়েছিলো তা যদি আমাদেরকেও দেয়া হতো। সে বড়োই সৌভাগ্যবান। আর যাদেরকে জ্ঞান দেয়া হয়েছিলো, তারা বললো: তোমাদের জন্য আফসোস! যে ব্যক্তি ঈমান এনেছে এবং সৎকাজ করেছে তার জন্য আল্লাহর দেয়া পুরস্কারই উত্তম। (সুরা কাসাস: ৭৯-৮০)

৪. আল্লাহর একটি বিধান হচ্ছে, পরকালের অসীম সুখ সম্ভার পেতে হলে দুনিয়ার অস্থায়ী সুখ সম্ভারকে ত্যাগ করার জন্য মানসিক ভাবে প্রস্তুত থাকতে হবে। কিন্তু কাফিররা যদিওবা পরকাল সম্পর্কে নেতিবাচক বক্তব্য রাখে না তবুও তারা তার জন্য দুনিয়ার কোন ছাড় দিতে রাজী নয় বরং দুনিয়ার জীবন পুরোপুরি ভোগ করার পর যদি তা পাওয়া যায় তবে আপত্তি নেই, এই নীতিতে বিশ্বাসী।

৫. প্রকারান্তরে আখিরাত অবিশ্বাসের দ্বারা মানুষের গোটা নৈতিক ও কর্মজীবনই প্রভাবান্বিত হয়ে থাকে। ফলে সে অহংকারী ও বিদ্রোহী হয়ে যায়। ইরশাদ হচ্ছে-

فَالَّذِينَ لَا يُؤْمِنُونَ بِالْآخِرَةِ قُلُوبُهُمْ مُنْكَرَةٌ وَهُمْ مُسْتَكْبِرُونَ

“যারা আখিরাতের প্রতি ঈমান রাখেনা তাদের মন সত্য কথাকে অস্বীকার করতে থাকে এবং তারা অহংকারী হয়ে যায়।” (সুরা নাহল : ২২)

وَمَا يَكْذِبُ بِهِ إِلَّا كُلُّ مُعْتَدٍ أَثِيمٍ -

সত্যকে অস্বীকার করেছে এবং গুনাহর কাছে লিপ্ত রয়েছে, এমন সব লোকেরাই প্রতিফল দিবসকে অস্বীকার করে।

ব্যবহারিক জীবনে আখিরাত বিশ্বাসের প্রভাব

বিশ্বাসের প্রতিফলন ঘটে কর্মে। মানুষ যে আকিদা- বিশ্বাস পোষণ করে, তার কাজে-কর্মে সে ধরণের আচরণই পরিলক্ষিত হয়। উদাহরণ স্বরূপ বলা যায়, একটি দোকানের কর্মচারী, যে তার মালিকের নিকট দোকানের আয় ব্যয়ের হিসেব দিতে হবে, এ বিশ্বাস রাখে না। এমন কি আয় ব্যয়ের হিসেব সংরক্ষণের জন্য কোন ব্যবস্থাও মালিকের পক্ষ হতে নেই। তখন ঐ কর্মচারী এমনভাবে দোকানদারী করতে থাকে যেন সে নিজেই মালিক। যখন মালিক হিসাব চাবে তখন ঐ কর্মচারী হিসাব দিতে সম্পূর্ণ ব্যর্থ হবে। আবার অন্য এক দোকানের কর্মচারী যে মালিকের নিকট হিসাব দিতে হবে এ বিশ্বাস রাখে এবং মালিকের পক্ষ থেকে সুষ্ঠুভাবে হিসেব নিকেশের জন্য প্রয়োজনীয় খাতাপত্রও আছে। তখন ঐ কর্মচারী নিজেকে ঐ দোকানের মালিক মনে করবে না বরং হিসাব দিতে হবে একথা মনে করে সর্বদা সে ভাবেই চলতে চেষ্টা করবে।

তেমনভাবে, যে ব্যক্তি আখিরাতকে অস্বীকার করে, পৃথিবীর প্রতিটি কাজেরই জবাবদিহি করতে হবে, এ ধারণা রাখে না, সে যা ইচ্ছা তা-ই করতে পারে। নীতি-নৈতিকতা বলতে কোন কিছু আর তার অবশিষ্ট থাকে না। আবার যে ব্যক্তি মনে করে প্রতিটি কাজের জন্যই তাকে জবাবদিহি করতে হবে এবং সে পৃথিবীতে ততোটুকু স্বাধীন যতোটুকু স্বাধীনতা একজন ছাত্র-ছাত্রী পরীক্ষার হলে বসে পেয়ে থাকে। তখন ঐ ব্যক্তির প্রতিটি পদক্ষেপ, আচার-আচরণ, কথা-বার্তা, লেন-দেন, ব্যবসা-বাণিজ্য ইত্যাদি সবকিছুই নির্দিষ্ট একটি সীমার মধ্যে সম্পাদিত হয়। ওপরোক্ত বিশ্বাসের কারণেই যেমন একজন রোযাদার নির্জনে লুকিয়ে পানাহার করে না। ঠিক তেমনি ভাবে একজন মুমিন কখনো কোন অবস্থাতেই আল্লাহর নির্দিষ্ট সীমালংঘন করে না। সূদ, ঘুষ, মদ, জুয়া, পরের সম্পদ অপহরণ ইত্যাদি প্রতিটি কর্ম সম্পাদনের পূর্বেই তার মানসপটে ভেসে উঠে আখিরাতের কর্তব্য চিত্র। ফলে তার মধ্যে ক্রমে ক্রমেই ঐ সব বস্তুর প্রতি বিকর্ষণ সৃষ্টি হয় এবং নৈতিক মানের পূর্ণ বিকাশ ঘটে।

আখিরাত গুরু

ইহলোক এবং পরলোকের মাঝে সেতুবন্ধন বা যবনিকা হচ্ছে মৃত্যু। মৃত্যুর একপাশে ইহলোক বা পার্থিব জীবন এবং অপর পাশে পরলোক বা আখিরাত। অতএব যে সব লোক মৃত্যুবরণ করেছে তারা সবাই আখিরাতে প্রবেশ করেছে। আর যারা কিয়ামত পর্যন্ত মৃত্যু বরণ করবে তারা প্রত্যেকেই আখিরাতের জীবনে প্রবেশ করবে। মৃত্যু যেমন সকলের জন্যই অনিবার্য, ঠিক তেমনি আখিরাতের জীবনও সকলের জন্যই অবশ্যম্ভাবী। আখিরাতকে আবার দু'ভাগে ভাগ করা যায় :

(১) আলমে বারযাখ $عَالَمُ بَرَزَخُ$ বা কবর, সিঁজিন ও ইল্লিনের জগৎ।

(২) আলমে হাশর $عَالَمُ حَشَرَ$ বা জান্নাত-জাহান্নামের জগৎ।

আলমে বারযাখ (কবর, সিঁজিন ও ইল্লিন)

মানুষের আত্মা মৃত্যুর পর পুনরুত্থানের পূর্ব পর্যন্ত যে জগতে অবস্থান করে তাকে আলমে বারযাখ বলে। মহান আল্লাহ বলেন :

وَمِنْ وَّرَائِهِمْ بَرَزَخُ إِلَى يَوْمِ يُبْعَثُونَ -

“এসব মৃত লোকদের পেছনে একটি বারযাখ অন্তরায় হয়ে আছে পরবর্তী জীবনের দিন পর্যন্ত”। (সুরা মুমিনুন : ১০০)

$بَرَزَخُ$ শব্দের অর্থ হচ্ছে পর্দা, যবনিকা। মৃত্যুর পর কিয়ামতের পূর্ব পর্যন্ত প্রতিটি মানুষকে পৃথিবী ও জান্নাত-জাহান্নামের মধ্যবর্তী দূরত্বে অবস্থান করতে হবে। তা এমন একটি জায়গা, সেখান থেকে যেমন পৃথিবীতে ফিরে আসা সম্ভব নয় ঠিক তেমনি ইচ্ছে করলেই জান্নাত কিংবা জাহান্নামে যাওয়াও সম্ভব নয়।

আলমে বারযাখকে কবর, ইল্লিন এবং সিঁজিনও বলা হয়। পবিত্র রুহ ইল্লিনে রাখা হবে এবং সেখানে জান্নাতের পরিবেশ বিরাজ করবে আর অপবিত্র রুহ বা পাপাত্মা সিঁজিনে রাখা হবে এবং সেখানে জাহান্নামের পরিবেশ বিরাজ করবে; আর কবরের আজাব বা শাস্তি বলতে মূলত ইল্লিন এবং সিঁজিনের কথাই বুঝানো হয়েছে। কেননা কবর বলতে নির্দিষ্ট সেই

গুহাকে বুঝায় না যেখানে মৃত লাশ দাফন করা হয়। সুতরাং কোন লাশ জীব-জন্তুতে খেয়ে ফেললে অথবা আগুনে পুড়িয়ে ফেললে এমনকি সাগরে ভাসিয়ে দিলেও তা আলমে বারযাখে অবস্থান করবেই।

বারযাখ নাম করণের তাৎপর্য

এ জগৎকে বারযাখ নাম করণের সুস্পষ্ট কারন হচ্ছে এই যে, মানুষ মৃত্যুর পর এবং কিয়ামতের পূর্ব পর্যন্ত এমন এক জতে অবস্থান করে যেখানকার কোন খবরা-খবর সংগ্রহ করা অথবা যোগাযোগ রক্ষা করা পৃথিবীবাসীর পক্ষে অসম্ভব। পৃথিবীবাসী তাদের অবস্থা দেখা তো দূরের কথা, তারা কি অবস্থায় আছে তা কল্পনাও করতে পারে না। এই যে রহস্য, অদৃশ্য পর্দা। তাই এ জগৎকে আলমে বারযাখ বলা হয়েছে। (আল্লাহ সর্বজ্ঞ)

আলমে বারযাখ কেন?

এখন প্রশ্ন হতে পারে মানুষের মৃত্যুর পর সাথে সাথে তার হিসেব-নিকেশ নিয়ে তাকে জান্নাত অথবা জাহান্নামে পাঠিয়ে দিলেই তো হয়, কিয়ামত, হাশর ও বারযাখের প্রয়োজন কি?

এ ব্যাপারে আল্লাহ ভালো জানেন, তবে আমরা যতোটুকু জানি তার আলোকে এর অন্যতম উত্তর এই যে, মানুষের সমস্ত ইবাদাত দু'ভাগে বিভক্ত, হক্কুল্লাহ ও হক্কুল ইবাদ। হক্কুল্লাহ বা আল্লাহর হকের হিসেব-নিকেশ আল্লাহ যখন ইচ্ছে করেন মিটিয়ে ফেলতে পারেন। কিন্তু হক্কুল ইবাদ বা বান্দার হক আল্লাহ তাঁর ঐ বান্দার অনুপস্থিতিতে চূড়ান্ত করে ফেলতে পারেন না, কেননা মৃত ব্যক্তির সাথে এমন অনেক জীবিত ব্যক্তির হক আছে যা মৃত ব্যক্তি নষ্ট করেছে কিন্তু ঐ বাদীগণের অনুপস্থিতিতে বিবাদীর বিচারকার্য সম্পন্ন হতে পারে না। এজন্যই এমন একটি জায়গা ও সময়ের প্রয়োজন যেখানে বাদী বিবাদী একই সময়ে উপস্থিত থাকতে পারে এবং বিচারকার্য তাদের সবার উপস্থিতিতে ও সাক্ষ্য প্রমাণের ভিত্তিতে সম্পূর্ণ হতে পারে। তাছাড়া মানুষ পৃথিবীতে এমন কিছু ভালো অথবা খারাপ কাজ করে যায়, যার দ্বারা পৃথিবী ধ্বংসের পূর্ব পর্যন্ত অব্যাহত থাকে। কাজেই সে সবেবের বিনিময় দিতে হলে পৃথিবী ধ্বংস পর্যন্ত অপেক্ষা করা ছাড়া কোন উপায় নেই। এ জন্যও আলমে বারযাখের প্রয়োজন।

আলমে বারযাখে অবস্থানকারীদের অবস্থা

কুরআন মজীদে বহু আয়াত ও বহু সহীহ হাদীসের মাধ্যমে প্রমাণিত যে, আলমে বারযাখে শাস্তি অথবা শান্তি প্রদান করা হবে। যেমন ফিরআউন ও তাঁর সঙ্গী সাথীদেরকে আলমে বারযাখে শাস্তি প্রদানের ব্যাপারে আল কুরআনে বলা হয়েছেঃ

وَحَاقَ بِالْفِرْعَوْنَ سُوءُ الْعَذَابِ - النَّارُ يُعْرَضُونَ عَلَيْهَا غُدُوًّا وَعَشِيًّا (ج) وَيَوْمَ تَقُومُ السَّاعَةُ (قن) اَدْخُلُوا آلَ فِرْعَوْنَ أَشَدَّ الْعَذَابِ -

“আর ফিরাআউনের সঙ্গী সাথীরা নিকৃষ্ট আজাবের আওতায় পড়ে গেলো। সকাল-সন্ধ্যা তাদেরকে আজাবের সামনে পেশ করা হয়। আর যখন কিয়ামতের মুহূর্তটি এসে যাবে তখন বলা হবে, ফিরাআউন ও তার সঙ্গী সাথীদেরকে (আরো) কঠিন আজাবে নিষ্ক্ষেপ করো।”-(সূরা মু'মিনঃ ৪৫-৪৬)

সূরা আন-নাহলে বলা হয়েছে-

الَّذِينَ تَتَوَفَّوهُمْ الْمَلَكَةُ ظَالِمِي أَنْفُسِهِمْ (س) فَالْقَوُّ السَّلَمَ مَا كُنَّا نَعْمَلُ مِنْ سُوءٍ (ط) بَلَىٰ إِنَّ اللَّهَ عَلِيمٌ بِمَا كُنْتُمْ تَعْمَلُونَ - قَادِخُلُوا أَبْوَابَ جَهَنَّمَ خَالِدِينَ فِيهَا (ط)

“যারা নিজেদের উপর যুলম করা অবস্থায় ফেরেশতাদের হাতে ধরা পড়ে যায় (অর্থাৎ যখন মৃত্যুর সময় উপস্থিত হয়) তখন (বিদ্রোহ পরিত্যাগ করে) সাথে সাথে আত্মসমর্পণ করে দেয় এবং বলে আমরাতো কোন অপরাধ করছিলাম না। তখন ফেরেশতাগণ বলেন তা আল্লাহ্‌ই ভালো অবগত আছেন। এখন যাও, জাহান্নামের দ্বারসমূহে প্রবেশ করো, তা হচ্ছে তোমাদের চিরদিনের আবাসস্থল।” (সূরা আন নাহলঃ ২৮-২৯)

الَّذِينَ تَتَوَفَّوهُمْ الْمَلَائِكَةُ طَيِّبِينَ (۷) يَقُولُونَ سَلَامٌ
عَلَيْكُمْ (۷) ادْخُلُوا الْجَنَّةَ بِمَا كُنْتُمْ تَعْمَلُونَ -

“সেই মুত্তাকীদেরকে, যাদের রুহ সমূহ ফেরেশতাগণ যখন পবিত্রাবস্থায় কবয করে, তখন বলেন-তোমাদের উপর শান্তি বর্ষিত হোক, তোমাদের আমলের বিনিময়ে এখন তোমরা জান্নাতে যাও।” (সূরা আন নাহলঃ ৩২)

অন্যত্র বলা হয়েছে-

إِنَّ الَّذِينَ تَوَفَّوهُمْ الْمَلَائِكَةُ ظَالِمِي أَنْفُسِهِمْ قَالُوا
فِيمَا كُنْتُمْ (ط) قَالُوا كُنَّا مُسْتَضْعَفِينَ فِي الْأَرْضِ (ط)
فِيهَا، قَالُوا أَلَمْ تَكُنْ أَرْضُ اللَّهِ وَأَسِعَةَ فَتُهَاجِرُوا
(ط) فَأَوْلِيكَ مَا وَهُمْ جَهَنَّمَ وَسَاءَتْ مَصِيرًا -

“যারা নিজেদের আত্মার উপর যুলম করে এবং সেই অবস্থায় ফেরেশতাগণ তাদের রুহ কবয করে, তখন তাদেরকে জিজ্ঞেস করেন, তোমরা পৃথিবীতে কি অবস্থায় ছিলে? জবাবে তারা বলেঃ আমরা পৃথিবীতে দুর্বল ও অক্ষম ছিলাম। তখন ফেরেশতাগণ বলেনঃ আল্লাহর জমিন কি অপ্রশস্ত ছিলো? তোমরা কি হিজরত করতে পারতে না? এসব লোকদের পরিণতি হচ্ছে জাহান্নাম। আর তা অত্যন্ত খারাপ জায়গা।” (সূরা নিসাঃ ৯৭)

এখানে লক্ষণীয় যে, কাফিরদের রুহ কবয করার মুহুর্তে তারা মৃত্যু সীমানার পরপারের অবস্থা নিজেদের আশা আকাংখার সম্পূর্ণ বিপরীত দেখতে পেয়ে হতাশাগ্রস্ত হয়ে পড়ে। আর অমনি সালাম ঠুকে ফেরেশতাদের মনে আস্থা সৃষ্টি করার প্রয়াস পায় যে, “আমরাতো কোন অন্যায় কাজ করিনি।” প্রতি উত্তরে ফেরেশতাগণ তাদেরকে ধমক দেন এবং জাহান্নামে যাওয়ার অগ্রিম খবর দেন। পক্ষান্তরে মুত্তাকীদের রুহ যখন কবয করা হয়, তখন ফেরেশতাগণ তাদেরকে সালাম দেন এবং জান্নাতী হওয়ার আগাম সুসংবাদ

প্রদান করেন ও মোবারকবাদ দেন। আলমে বারযাখের জীবন, অনুভূতি, চেতনা, আযাব ও সওয়াবে এর চেয়ে অধিক প্রকাশ্য আর কোন দলিলের প্রয়োজন আছে কি?

অবশ্য হাদীসে এর চেয়েও জোরালো ভাষায় আলমে বারযাখের শাস্তি ও শান্তির কথা বলা হয়েছে।

কবরের আজাব বা শাস্তির ব্যাপারে অসংখ্য হাদীস আছে। নিম্নে কয়েকটি হাদীস বর্ণনা করা হলো।

নবী করীম সাল্লাল্লাহু আলাইহি ওয়া সাল্লাম বলেছেন—

إِنَّ الْقَبْرَ أَوَّلَ مَنْزَلٍ مِّنْ مَّنَازِلِ الْآخِرَةِ فَإِنْ نَجَى مِنْهُ
فَمَا بَعْدَهُ أَيْسَرُ مِنْهُ وَإِنْ لَمْ يَنْجُ مِنْهُ فَمَا بَعْدَهُ أَشَدُّ مِنْهُ -

পরকালের ঘাঁটিসমূহের মধ্যে কবর হচ্ছে প্রথম ঘাঁটি। যদি কেউ সেখান থেকে মুক্তিলাভ করতে পারে তবে পরের ঘাঁটিগুলো তার জন্য সহজ হয়ে যায়, আর যদি মুক্তিলাভ করতে না পারে তবে পরের ঘাঁটিগুলো তার জন্য আরও কঠিন হয়ে পড়ে।

হযরত ওসমান (রা) বলেনঃ আমি রাসূল সাল্লাল্লাহু আলাইহি ওয়া সাল্লামকে একথাও বলতে শুনেছি। কবর অপেক্ষা অধিক ভয়ঙ্কর আর কিছু হবে না। (তিরমিযি)

قَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ إِنَّ أَحَدَكُمْ إِذَا
مَاتَ عُرِضَ عَلَيْهِ مَقْعَدُوهُ بِالْغَدَاةِ وَالْعَشِيِّ إِنْ كَانَ مِنْ
أَهْلِ الْجَنَّةِ فَمِنْ أَهْلِ الْجَنَّةِ وَإِنْ كَانَ مِنْ أَهْلِ النَّارِ
فَمِنْ أَهْلِ النَّارِ فَيُقَالُ هَذَا مَقْعَدُكَ حَتَّى يَبْعَثَكَ اللَّهُ
إِلَيْهِ يَوْمَ الْقِيَامَةِ -

নবী করীম সাল্লাল্লাহু আলাইহি ওয়া সাল্লাম বলেছেনঃ যখন তোমাদের

কেউ মৃত্যুবরণ করে তখন কবরে প্রতিদিন সকাল-সন্ধ্যায় তার স্থায়ী নিবাস দেখানো হয়। জান্নাতীদেরকে জান্নাত এবং জাহান্নামীদেরকে জাহান্নাম দেখানো হয় এবং বলা হয় যে, এটিই তোমার চিরন্তন আবাসস্থল। যতোদিন কিয়ামত না হয় ততোদিন পর্যন্ত অপেক্ষা করো। কিয়ামতের পরই তোমাকে সেখানে দেয়া হবে। (বুখারী, মুসলিম)

عَنْ عَائِشَةَ رَضِيَ اللَّهُ تَعَالَى عَنْهَا أَنَّ يَهُودِيَّةً دَخَلَتْ عَلَيْهَا فَذَكَرَتْ عَذَابَ الْقَبْرِ فَقَالَتْ لَهَا أَعَاذَكَ اللَّهُ مِنْ عَذَابِ الْقَبْرِ فَسَأَلَتْ عَائِشَةَ رَسُولَ اللَّهِ صَلَّى وَسَلَّمَ عَنْ عَذَابِ الْقَبْرِ فَقَالَ نَعَمْ عَذَابُ الْقَبْرِ حَقٌّ قَالَتْ عَائِشَةُ فَمَا رَأَيْتُ رَسُولَ اللَّهِ صَلَّى اللَّهُ عَلَيْهِ وَسَلَّمَ بَعْدُ صَلَّى صَلَوةً إِلَّا تَعَوَّذَ بِاللَّهِ مِنْ عَذَابِ الْقَبْرِ-

হযরত আয়িশা (রা) হতে বর্ণিত। এক ইহুদী মহিলা তাঁর নিকট আসে এবং কবরের আজাবের কথা স্মরণ করে; তখন আয়িশা (রা) বলেনঃ আল্লাহ্ তোমাকে কবর আজাব হতে মুক্তি দিন। অতঃপর আয়িশা (রা) কবরের আজাব প্রসঙ্গে রাসূলুল্লাহ সাল্লাল্লাহু আলাইহি ওয়া সাল্লাম এর নিকট জিজ্ঞেস করেন, হুজুরে পাক সাল্লাল্লাহু আলাইহি ওয়া সাল্লাম উত্তর দেন, কবরের আজাব সত্য। আয়িশা (রা) বলেনঃ এ ঘটনার পর হতে কোনদিন নবী করীম সাল্লাল্লাহু আলাই ওয়া সাল্লামকে নামাযের পর কবর আজাব হতে মুক্তি না চাইতে দেখিনি। (বুখারী, মুসলিম)

আবু সাঈদ (রা) হতে বর্ণিত, রাসূলে আকরাম সাল্লাল্লাহু আলাইহি ওয়া সাল্লাম ইরশাদ করেছেন-

لِيُسَلِّطَ عَلَى الْكَافِرِ فِي قَبْرِهِ تِسْعَةَ وَتِسْعُونَ تَنْيِينًا تَنْهَسُهُ وَتَلْدَغُهُ حَتَّى تَقُومَ السَّاعَةُ لَوْ أَنَّ تَنْيِينًا

مِنْهَا نَفَخَ فِي الْأَرْضِ حَتَّى تَقُومَ مَا أَنْبَتَتْ خَضِرًا -

কাফেরদের কবরে নিরানব্বইটি বিষধর সাপ থাকবে এবং কিয়ামত পর্যন্ত তাদেরকে দংশন করবে থাকবে। ঐ সাপগুলো (এতো বিষাক্ত হবে,) যদি পৃথিবীতে শ্বাস ফেলতো তবে পৃথিবীর সবুজ শ্যামলিমা ধ্বংস হয়ে যেতো। (দারেমী) তিরমিযির বর্ণনায় নিরানব্বই এর স্থলে সত্তরটি সাপের কথা উল্লেখ করা হয়েছে,। মূলতঃ সংখ্যা বুঝানো হাদীসের উদ্দেশ্য নয় বরং শাস্তির ভয়াবহতা প্রকাশ করাই উদ্দেশ্য।

قَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ إِذَا دُفِنَ الْعَبْدُ الْمُؤْمِنُ قَالَ لَهُ الْقَبْرُ مَرْحَبًا وَأَهْلًا أَمَا إِنْ كُنْتَ لَأَحَبَّ مَنْ يَمْشِي عَلَى ظَهْرِي إِلَى فَإِذَا وَلِيَّتْكَ الْيَوْمَ وَصِرْتَ إِلَى فَسْتَرِي صُنْعِيكَ فَيَتَّسِعُ لَهُ مَدٌّ بَصْرِهِ وَيَفْتَحُ لَهُ بَابُ الْجَنَّةِ -

রাসূলুল্লাহ সাল্লাল্লাহু আলাইহি ওয়া সাল্লাম বলেছেনঃ মুমিন বান্দাকে যখন দাফন করা হয়, তখন কবর তাকে বলে মারহাবা! তুমি তো নিজের বাড়ীতেই এসেছো। যারা আমার পিঠের উপর দিয়ে চলাচল করতো তাদের মধ্যে তুমি ছিলে আমার সর্বাধিক প্রিয়। আজ যখন তোমাকে আমার দায়িত্বে সোপর্দ করা হয়েছে, আর তুমিও আমার কাছে এসেছো এবার তুমিই চোখে দেখবে, আমি তোমার সাথে কতো সুন্দর ব্যবহার করি। তারপর দৃষ্টি যতোদূর যায় ততোদূর পর্যন্ত কবর প্রশস্ত হয়ে যায় এবং জান্নাতের দিকে তার একটি দরজা খুলে দেয়া হয়। -(তিরমিযি)

অন্য হাদীসে আছে- যখন মৃত ব্যক্তিকে কবরস্থ করা হয়, তখন নীল চোখ বিশিষ্ট কালো দু'জন ফেরেশতা তার নিকট আসেন। একজনের নাম মুনকার এবং অপরজনের নাম নাকীর। তারা জিজ্ঞেস করেন : এ ব্যক্তি [অর্থ্যাৎ হযরত মুহাম্মদ সাল্লাল্লাহু আলাইহি ওয়া সাল্লাম] সম্পর্কে তোমার বক্তব্য কি?

সে উত্তর দেয়, তিনি আল্লাহর বান্দা ও রাসূল।

أَشْهَدُ أَنْ لَا إِلَهَ إِلَّا اللَّهُ وَأَشْهَدُ أَنَّ مُحَمَّدًا عَبْدُهُ وَرَسُولُهُ

একথা শোনে তারা বলেঃ আমরা তোমার চেহারা দেখেই বুঝতে পেরেছি যে তুমি ঠিক জবাব দেবে। অতঃপর কবরকে ৭০ বর্গ হাত পর্যন্ত প্রশস্ত করে পুরোটা নূরে আলোকিত করে দেয়া হয়। তখন সে আনন্দের অতিশয্যে বলতে থাকে, আমাকে আমার পরিবার পরিজনের কাছে যেতে দাও। আমি তাদেরকে খবরটা দিয়ে আসি। তখন ফেরেশতারা বলেঃ তুমি ঐ বরের মতো ঘুমিয়ে থাকো যার ঘুম তার প্রিয়তমা কনে ছাড়া আর কেউ ভাগ্যতে পারেনা। কিয়ামতের দিন আল্লাহ্ রাক্বুল আলামীন তার স্বপ্নশয্যা থেকে তাকে ওঠাবেন। (তিরমিযি, বাইহাকী।)

মুমিন ব্যক্তির রুহ ইল্লিনে পৌছামাত্র অন্যান্য রুহ তার কুশলাদি জিজ্ঞাসাবাদ করে

নবী করীম সাল্লাল্লাহু আলাইহি ওয়া সাল্লাম বলেছেনঃ যখন মুমিন ব্যক্তির রুহ, ঐ সমস্ত মুমিনদের রুহের নিকট পৌঁছে, যারা ইতোপূর্বে গত হয়েছে; তখন ঐ রুহ সমূহ নবাগত আত্মাকে পেয়ে এতো বেশী আনন্দিত হয় যে, এ দুনিয়ায় হারিয়ে যাওয়া কোন ব্যক্তি ফিরে এলেও তোমরা এতো খুশী হও না। অতঃপর তারা সেই আত্মাকে জিজ্ঞেস করবেঃ অমুক ব্যক্তি কেমন আছে? তারপর তারা নিজেরাই বলবেঃ ভালো আছে, একটু থামো, একে বিশ্রাম নিতে দাও। দুনিয়ায় খুব ব্যস্ত ও পেরেশান ছিলো। তখন সে বলতে থাকবেঃ অমুকে এভাবে আছে এবং অমুক এভাবে আছে। এমনিভাবে সে তার পূর্বে যারা মৃত্যুবরণ করেছে এমন এক ব্যক্তি সম্পর্কে জিজ্ঞেস করবে সেতো মারা গেছে তোমাদের কাছে আসেনি? একথা শুনে তারা বলবেঃ সে দুনিয়া ছেড়ে এসেছে ঠিকই কিন্তু আমাদের কাছে আসেনি। নিশ্চয়ই তাকে জাহান্নামে পাঠিয়ে দেয়া হয়েছে। (মুসনাদে আহমদ, নাসাঈ)

আলমে বারযাখ এক স্বপ্ন সদৃশ জগৎ

মৃত্যু অর্থ হচ্ছে-শুধু দেহ ও রুহের বিচ্ছেদ বা বিচ্ছিন্নতা মাত্র, বিনাশ নয়। রুহ দেহ হতে পৃথক হয়ে যাওয়ার পর তা নিঃশেষ ও বিনাশ প্রাপ্ত হয় না। বরং দুনিয়ার জীবনের নৈতিক ও মানসিক দীর্ঘ অভিজ্ঞতা অর্জনের মাধ্যমে যে ব্যক্তিসত্তা গড়ে ওঠে তা নিয়েই রুহ জীবন্ত হয়ে থাকে। এমতাবস্থায় রুহের চেতনা, অনুভূতি, পর্যবেক্ষণ ও অভিজ্ঞতা স্বপ্নের মতোই হয়ে থাকে। অপরাধী রুহের নিকট ফেরেশতাদের জিজ্ঞাসাবাদ অতঃপর তা আজাব ও কষ্টে নিমজ্জিত হওয়া, জাহান্নামের সামনে উপস্থিত, সব কিছুই ঠিক তেমন, যেমন কোন হত্যা অপরাধীকে ফাঁসিতে ঝুলানোর নির্দিষ্ট দিনের একদিন পূর্বে এক ভয়াবহ স্বপ্ন রূপে তার সামনে প্রতিভাত হয়। পক্ষান্তরে এক পবিত্র আত্মার সম্বর্ধনা তাকে জান্নাতের সুসংবাদ প্রদান এবং জান্নাতের বায়ু ও সুগন্ধ তাকে আলোড়িত করে তোলে। এটা ঠিক সেই সরকারী কর্মচারীর ন্যায়, যে ভালো কাজ করার দরুন সরকারের আমন্ত্রণে রাজধানীতে উপস্থিত হয় এবং কর্তৃপক্ষের সাথে সাক্ষাতের একদিন পূর্বে প্রতিশ্রুত পুরস্কার লাভের জন্য যে সোনালী স্বপ্ন দেখে।

তদ্রূপ কবরবাসীগণ এমনি স্বপ্ন দেখতে দেখতেই কিয়ামত সংঘটিত হবে এবং আকস্মিকভাবে নিজের দেহ প্রাণ সহ জীবন্ত অবস্থায় হাশরের ময়দানে উপস্থিত হয়ে বিনয়ের সাথে বলে উঠবেঃ

يَوَيْلَنَا مَنْ بَعَثَنَا مِنْ مَرْقَدِنَا (سَكْتَةً)

“হায় হায়! আমাদের স্বপ্ন শয্যা হতে কে আমাদেরকে ওঠিয়ে আনলো।”

(সূরা ইয়াসীন : ৫২)

পরক্ষণেই ঈমানদারগণ পূর্ণ নিশ্চয়তার সাথে বলবেঃ

هَذَا مَا وَعَدَ الرَّحْمَنُ وَصَدَقَ الْمُرْسَلُونَ -

“এতো তাই যার ওয়াদা দয়াময় আল্লাহ করেছিলেন। আর নবী রাসূলদের কথাতো একেবারেই সত্য প্রমাণিত হলো।” (সূরা ইয়াসীন ১ : ৫২)

কিয়ামত (الْقِيَامَةُ)

কিয়ামত শব্দের অর্থ-সীমাহীন ধ্বংসযজ্ঞ, মহাপ্রলয়। যেহেতু সমস্ত সৃষ্টিলোক এক অদৃশ্য শক্তির বন্ধনে আবদ্ধ আছে, তাই একদিন সমস্ত সৃষ্টি হতে সেই অদৃশ্য শক্তিকে (অর্থাৎ মধ্যাকর্ষণ ও অভিকর্ষণ) তুলে নেয়া হবে, তখন সবকিছু এলোমেলো হয়ে যাবে এবং ধ্বংসপ্রাপ্ত হবে। তাকে বলা হয়েছে কিয়ামত বা মহাপ্রলয়। কিয়ামতকে (الْقِيَامَةُ) পবিত্র কুরআনে আস্ সাআহ্ (السَّاعَةُ) এবং ইয়াওমুল মাওউদ (يَوْمُ الْمَوْعُودِ) ও বলা হয়েছে।

আমরা দেখি কোথাও যদি সামান্য একটি বোমা ফেলা হয় তবে ঐ জায়গা চূর্ণ-বিচূর্ণ হয়ে যায়। আর যদি বোমার চেয়ে সহস্র কোটি গুণ বেশী শক্তিশালী বস্তু পৃথিবীতে পতিত হয় তবে তো আর কথা-ই নেই, মুহূর্তের মধ্যেই সমস্ত পৃথিবীর অস্তিত্ব ভূমিস্যাৎ হয়ে যাবে। আল্লাহ সেদিন (কিয়ামতের দিন) সমস্ত সৃষ্টি থেকে যখন মধ্যাকর্ষণ ও অভিকর্ষণ শক্তি তুলে নেবেন তখন পৃথিবীর চেয়ে কোটি কোটি গুণ বড়ো গ্রহ নক্ষত্র সমস্তই কক্ষচ্যুত হয়ে একে অপরের সাথে টক্কর খেয়ে চূর্ণ-বিচূর্ণ হয়ে যাবে এবং পৃথিবীর সমস্ত পাহাড়-পর্বত, গাছ-পালা, নদী-নালা এক কথায় সবকিছু মধ্যাকর্ষণ শক্তি হারিয়ে তুলার মতো মহাশূণ্যে ভেসে বেড়াবে এবং একটার সাথে আরেকটার ঘর্ষণে প্রতিটি বস্তুই বিকৃত হয়ে ধ্বংস প্রাপ্ত হবে। আর এ ধ্বংসযজ্ঞ সংঘটিত হতে মাত্র মুহূর্তকাল সময় ব্যয় হবে।

মহান আল্লাহ বলেনঃ

وَمَا أَمْرُ السَّاعَةِ إِلَّا كَلَمْحِ الْبَصَرِ أَوْ هُوَ أَقْرَبُ (ط) إِنَّ
اللَّهَ عَلَىٰ كُلِّ شَيْءٍ قَدِيرٌ-

“মহাপ্রলয় (কিয়ামত) সংঘটিত হতে বিন্দুমাত্র বিলম্ব হবে না; শুধু এতোটুকু সময়, যে সময়ের মধ্যে চোখের পলক পড়ে, অথবা তার চেয়েও কম। আসল ব্যাপার এই যে, আল্লাহ সবকিছু করতে পূর্ণ ক্ষমতাবান।”

-(সূরা আন নাহলঃ ৭৭)

অতএব তার জন্য সতর্ক হওয়ার কোন অবকাশই কেউ পাবে না, সেজন্য কোন প্রস্তুতিও গ্রহণ করতে পারবে না। ঐ নির্দিষ্ট সময় একদিন সহসা ও আকস্মিকভাবে নিমিষের মধ্যে এমনকি তার চেয়েও কম সময়ে এসে পড়বে। কাজেই যার চিন্তা ভাবনা করার ব্যাপার সে যেনো পূর্বেই পূর্ণ দায়িত্ব সহকারে চিন্তা-ভাবনা করে। আর নিজের আচরণ সম্পর্কে যা কিছু ফায়সালা গ্রহণের প্রয়োজন তা যেনো অনতিবিলম্বে গ্রহণ করে নেয়। কেউ যেনো এ ভরসায় বসে না থাকে যে, কিয়ামততো এখনো বহু দূরে অবস্থিত। যখন কিয়ামত আসবে তখন তাড়াতাড়ি আল্লাহর সাথে সম্পর্ক দৃঢ় করে নেয়া যাবে।^১

ইরশাদ হচ্ছেঃ-

وَنُفِخَ فِي الصُّورِ فَصَعِقَ مَنْ فِي السَّمَوَاتِ وَمَنْ فِي الْأَرْضِ

“আর সেদিন সিঙ্কায় ফুঁক দেয়া হবে। সাথে সাথে আসমান ও জমিনে যা কিছু আছে সমস্তই মরে পড়ে থাকবে।” (সূরা যুমারঃ ৬৮)

وَيَبْقَى وَجْهُ رَبِّكَ ذُو الْجَلَلِ وَالْإِكْرَامِ -

“কেবলমাত্র তোমার মহীয়ান গরিয়ান রবের মহান সত্ত্বাই অবশিষ্ট থাকবে।” (সূরা আর রাহমানঃ ২৭)

إِذَا وَقَعَتِ الْوَاقِعَةُ - لَيْسَ لِمَنْ لَوْقَعَتِهَا كَازِبَةٌ -

“যখন সেই সংঘটিতব্য ঘটনাটি সংঘটিত হয়েই যাবে, তখন সংঘটনের ব্যাপারে মিথ্যা বলার মতো কেউ থাকবে না।” (সূরা ওয়াকিয়াহঃ ১২)

কিয়ামত কখন সংঘটিত হবে?

কিয়ামত কখন সংঘটিত হবে তা একমাত্র আল্লাহ-ই জানেন। তিনি ছাড়া আর কেউ জানে না। এ ব্যাপারে স্বয়ং নবী করীম সাল্লাল্লাহু আলাইহি ওয়া সাল্লামও সুস্পষ্ট কিছু বলতে পারেননি। হাদীসে জিব্রাইল (আ) এ উল্লেখিত আছে একবার জিব্রাইল (আ) মানুষের বেশে নবী করীম সাল্লাল্লাহু আলাইহি ওয়া সাল্লাম এর নিকট এসে কিছু প্রশ্ন করেছিলেন এবং হুজুরে পাক সাল্লাল্লাহু আলাইহি ওয়া সাল্লাম তার উত্তর দিয়েছিলেন। জিব্রাইল (আ) কর্তৃক প্রশ্নাবলীর মধ্যে একটি প্রশ্ন ছিলো, কিয়ামত কখন সংঘটিত হবে?

জবাবে নবী করীম সাল্লাল্লাহু আলাইহি ওয়া সাল্লাম বলেন-

— مَا الْمَسْئُولُ عَنْهَا بِأَعْلَمَ مِنَ السَّائِلِ —

“এ ব্যাপারে জিজ্ঞাসিত ব্যক্তি জিজ্ঞেসকারীর চেয়ে বেশী কিছু জানে না।” —(বুখারী, মুসলিম।)

একবার কতিপয় সাহাবা (রা) রাসূলুল্লাহ সাল্লাল্লাহু আলাইহি ওয়া সাল্লামকে জিজ্ঞেস করলেন, ইয়া রাসূলুল্লাহ! কিয়ামত কখন সংঘটিত হবে? তখন তিনি নিম্নোক্ত আয়াতটি তিলাওয়াত করলেন-

قُلْ إِنَّمَا عِلْمُهَا عِنْدَ رَبِّي (ج) لَا يُجَلِّيٰهَا لَوَقْتِهَا إِلَّا هُوَ
(ط) ثَقُلَتْ فِي السَّمَوَاتِ وَالْأَرْضِ (ط) لَا تَأْتِيكُمُ إِلَّا بَغْتَةً
(ط) يَسْأَلُونَكَ حَفِيٌّ عَنْهَا (ط) قُلْ إِنَّمَا عِلْمُهَا
عِنْدَ اللَّهِ وَلَكِنَّ أَكْثَرَ النَّاسِ لَا يَعْلَمُونَ —(الاعراف ١٨٧)

আপনি বলে দিন কিয়ামত সংঘটিত হবার নির্দিষ্ট সময় শুধু আমার রব-ই

অবগত আছেন। এর সময় একমাত্র আল্লাহ ছাড়া আর কেউই প্রকাশ করতে পারবেনা। আকাশ ও পৃথিবীতে বিরাট দুর্যোগ দেখা দেবে। আকস্মিকভাবে তোমাদের উপর তা আপতিত হবে। তারা আপনার নিকট কিয়ামত সম্পর্কে এমন ভাবে জিজ্ঞেস করে, যেনো আপনি এ সম্পর্কে চূড়ান্ত সিদ্ধান্তে পৌঁছে গেছেন। আপনি বলুন এ সম্পর্কে শুধু আল্লাহই অবগত আছেন, কিন্তু অধিকাংশ লোক তা বুঝে না।

তবে হাঁ রাসূলে করীম সাল্লাল্লাহু আলাইহি ওয়া সাল্লাম কিয়ামত সংঘটিত হবার নির্দিষ্ট সময় বলতে না পারলেও তিনি তার পূর্বাভাস দিয়েছেন। যেমন— হাদীসে জিব্রাঈলে প্রশ্ন করা হয়েছেঃ—

فَأَخْبِرْنِي عَنْ أَمَارَاتِهَا ؟ -

[জিব্রাঈল (আ) বললেনঃ] আমাকে তা সংঘটিত হওয়ার কিছু আলামত বলুন।

জবাবে নবী করীম সাল্লাল্লাহু আলাইহি ওয়া সাল্লাম বললেনঃ—

أَنْ تَلِدَ الْأُمَمَةُ رَبَّتَهَا وَأَنْ تَرَى الْحَفَاةَ الْعُرَاةَ الْعَالَةَ رَعَى الشَّاةِ يَتَطَاوَلُونَ فِي الْبُنْيَانِ -

(তার একটি নিদর্শন হচ্ছে) দাসী তার মনিবকে প্রসব করবে।^২ (দ্বিতীয় নিদর্শন হচ্ছে) তুমি দেখবে খালি পা উদোম গা এবং রাখাল, এ সমস্ত লোক বড়ো বড়ো ইমারত নির্মাণ করবে, নেতৃত্ব দেবে এবং তারা এ ব্যাপারে একে অপরকে অতিক্রম করে যাবার চেষ্টা করবে। (বুখারী, মুসলিম।)

অন্য হাদীসে বলা হয়েছে রাসূলুল্লাহ সাল্লাল্লাহু আলাইহি ওয়া সাল্লাম

(২) মুহাদ্দিসগণ এ কথার বেশ কিছু ব্যাখ্যা দিয়েছেন। তার মধ্যে নিচের ব্যাখ্যাগুলো অন্যতম। একথা দ্বারা পিতামাতা তার সন্তান কর্তৃক কষ্ট পাবে বা লাঞ্চিত হবে একথা বুঝানো হয়েছে। অথবা একথা দিয়ে ব্যাপক মুর্খতার প্রতি ইংগিত করা হয়েছে। অর্থাৎ যখন দেখবে মুর্খতা সীমা ছাড়িয়ে গেছে তখন মনে করবে কিয়ামত সন্নিকটে। অথবা দাসীদের সন্তানরা রাষ্ট্রপতি বা রাষ্ট্রনায়ক হবে এবং তারা সন্তানের প্রজা হিসাবে বসবাস করবে ইত্যাদি। (রাহ্বারে মিশকাত শরীফ)

বলেছেনঃ যখন জিহাদ লব্ধ সম্পদকে ব্যক্তিগত সম্পদে পরিণত করা হবে, যখন গচ্ছিত বস্তুকে লুটের মাল গন্য করা হবে, যাকাতকে জরিমানার মতো কঠিন মনে করা হবে, যখন পার্থিব সম্পদ লাভের উদ্দেশ্যে ইলম (ধর্মীয় জ্ঞান) শিক্ষা করা হবে। যখন মানুষ স্ত্রীর আনুগত্য ও মায়ের অবাধ্যতা শুরু করবে, যখন বন্ধুকে নিকটে টেনে নেবে ও পিতাকে দূরে সরিয়ে রাখবে, যখন মসজিদ সমূহে হট্টগোল হবে, পাপাচারী দুষ্কৃতকারীদেরকে সম্মান করা হবে, যখন নিকৃষ্ট নীচ ব্যক্তি সম্প্রদায়ের প্রধান হবে, দুষ্ট লোকদেরকে তাদের অনিষ্টের ভয়ে সম্মান করা হবে। যখন গায়িকা নারী ও বাদ্যযন্ত্রের ব্যাপক প্রচলন হবে, যখন মদ্যপান শুরু হবে, পরবর্তী মুসলমানগণ পূর্ববর্তীদেরকে অভিসম্পাত করবে;

তখন তোমরা প্রতীক্ষা করো একটি লাল বর্ণ যুক্ত বায়ুর (যা বর্তমানে টর্নেডো, টাইফুন, গোর্কী, ঘূর্ণিঝড় ইত্যাদি নামে পরিচিত), ভূমিকম্পের ও ভূমিধ্বসের, আকার আকৃতি বিকৃত হয়ে যাওয়ার এবং কিয়ামতের এমন সব নিদর্শনের যেগুলো একের পর এক প্রকাশ হতে থাকবে। যেমন কোন মালার সূতো ছিড়ে গেলে তার দানাগুলো একের পর এক খসে পড়তে থাকে। (তিরমিযি।)

এ রকম আরো বহু নিদর্শনের কথা হাদীসে বলা হয়েছে।

একজন ঈমানদার থাকাবস্থায়ও কিয়ামত সংঘটিত হবে না

নবী করীম সাল্লাল্লাহু আলাইহি ওয়া সাল্লাম বলেছেনঃ—

لَا تَقُومُ السَّاعَةُ حَتَّى لَا يُقَالَ فِي الْأَرْضِ اللَّهُ اللَّهُ وَفِي رِوَايَةٍ لَا تَقُومُ السَّاعَةُ عَلَى أَحَدٍ يَقُولُ اللَّهُ اللَّهُ -

ততোক্ক্ষণ পর্যন্ত কিয়ামত সংঘটিত হবে না যতোক্ক্ষণ পর্যন্ত পৃথিবীতে আল্লাহ আল্লাহ বলার মতো কোন লোক থাকবে।

অন্য বর্ণনায় আছে—আল্লাহর নাম স্মরণকারী কোন ব্যক্তির উপর কিয়ামত সংঘটিত হবে না। -(মুসলিম)

মুসলিম শরীফে দীর্ঘ এক হাদীসে বলা হয়েছে—

..... অতপর আল্লাহ তা'আলা সিরিয়া হতে মৃদু ও সুশীতল বায়ু প্রবাহিত করবেন। ফলে সমস্ত ঈমানদার ব্যক্তি মৃত্যু বরণ করবেন। অণু পরিমাণ ঈমান আছে এরূপ একজন লোকও জীবিত থাকবে না। যদি তোমাদের কেউ পাহাড়ের গর্ভে প্রবেশ করে তবে এ শীতল বায়ু সেখানেও প্রবেশ করে তার প্রাণ হরণ করবে। এরপর শুধু পাপীগণ অবশিষ্ট থাকবে, যারা (অসৎ কাজে লিপ্ত হবার জন্য) পাখীর মতো উড়ে বেড়াবে এবং (হত্যা ও ধর্ষণের বেলায়) হিংস্র প্রাণীর মতো আচরণ করবে। তারা সৎকর্ম সম্বন্ধে অজ্ঞ থাকবে এবং অসৎ কর্মকে পাপের কাজ মনে করবে না। তাদের এ অবস্থা দেখে শয়তান মানুষের আকৃতি ধারণ করে তাদেরকে বলবেঃ (আক্ষিপ তোমরা এমন হলে কেন?) তোমাদের লজ্জা নেই। তারা বলবেঃ তুমিই বলা আমরা এখন কি করবো? তখন সে তাদেরকে মূর্তিপূজা শিক্ষা দেবে। তারা প্রচুর পরিমাণে জীবিকা পেতে থাকবে এবং উন্নত জীবন যাপন করতে থাকবে। এমতাবস্থায় শিক্ষায় ফুঁক দেয়া হবে এবং সকলেই শিক্ষার শব্দ শোনতে পাবে। এ শব্দ শোনে তারা ভয়ে বিহবল হয়ে পড়বে এবং তাদের ঘাড় একদিকে কাত হয়ে অন্য দিকে ওঠে যাবে। (মুসলিম।)

সে দিন ভূমিকম্প হবে

— إِذَا رُجَّتِ الْأَرْضُ رَجًا —

“পৃথিবীটা তখন হঠাৎ করে কাঁপিয়ে দেয়া হবে।” (সূরা ওয়াকিয়াঃ ৪)

অর্থাৎ এটি কোন স্থানীয় বা আঞ্চলিক ভূ-কম্পন হবে না বরং সমগ্র পৃথিবী একই সময় কাঁপিয়ে দেয়া হবে। এক আকস্মিক মুহূর্তে একটি শক্ত কঠিন ও সর্বাঙ্গক ধাক্কা লাগবে, যার ফলে কম্পন হবে।^৩

অন্যত্র বলা হয়েছে—

إِذَا دُلْزِلَتِ الْأَرْضُ زُلْزَالَهَا

(৩) তাফহীমুল কুরআন, ওয়াকীয়াহ, টীকা-৩

“পৃথিবীকে তখন তীব্র ও কঠিনভাবে নাড়িয়ে দেয়া হবে।”

(সূরা যিলযালঃ ১)

পাহাড়কে চালিয়ে দেয়া হবে

পৃথিবীর মধ্যাকর্ষণের ফলে পাহাড় সমূহ পেরেকের ন্যায় বসে আছে। সেদিন মধ্যাকর্ষণ শক্তি অবশিষ্ট থাকবে না, তাই স্বাভাবিক ভাবেই পাহাড়গুলো মহাশূন্যে তুলার ন্যায় ভাসতে থাকবে।

মহান আল্লাহ বলেন—

وَإِذَا الْجِبَالُ سُيِّرَتْ

“যখন পাহাড়-পর্বতগুলো চলমান করে দেয়া হবে।”

(সূরা আত্ তাকভীরঃ ৩)

وَيَسْأَلُونَكَ عَنِ الْجِبَالِ فَقُلْ يَنْسِفُهَا رَبِّي نَسْفًا -

“আর মানুষ আপনাকে পর্বত সম্পর্কে জিজ্ঞেস করে, আপনি বলে দিন আমার রব তা সম্পূর্ণরূপে উড়িয়ে দেবেন।” (সূরা ত্বা-হাঃ ১০৫)

অন্যত্র বলা হয়েছেঃ

وَتَرَى الْجِبَالَ تَحْسَبُهَا جَامِدَةً وَهِيَ تَمُرُّ مَرَّ السَّحَابِ

(ط)

“আজ তুমি পাহাড় দেখে মনে করছো, এটা বুঝি খুব দৃঢ়মূল হয়ে আছে? কিন্তু সেদিন তা মেঘমালার মতোই উড়তে থাকবে।”

(সূরা আল নামলঃ ৮৮)

পাহাড়গুলো ধূনা পশমের মতো হবে

وَتَكُونُ الْجِبَالُ كَالْعِهْنِ -

“আর পাহাড়গুলো রং বেরংয়ের ধূনা পশমের মতো হয়ে যাবে।”

(সূরা মাযারিজঃ ৯)

অন্যত্র বলা হয়েছেঃ-

الْقَارِعَةُ . مَا الْقَارِعَةُ - وَمَا أَدْرَكَ مَا الْقَارِعَةُ - يَوْمَ
يَكُونُ النَّاسُ كَالْفَرَاشِ الْمَبْتُوشِ - وَتَكُونُ الْجِبَالُ
كَالْعِهْنِ الْمَنْفُوشِ -

“ভয়াবহ দুর্ঘটনা! কি সেই ভয়াবহ দুর্ঘটনা? তুমি কি জানো সেই ভয়াবহ দুর্ঘটনাটি কি? সেদিন মানুষ বিক্ষিপ্ত পোকের ন্যায় এবং পাহাড় সমূহ রং বেরংয়ের ধূনা পশমের মতো হবে।” (সূরা আল কারিয়াঃ ১-৫)

রং বেরংয়ের কথা উল্লেখ করা হয়েছে এজন্য যে, পাহাড় পৃথিবীতে বিভিন্ন রংয়ের হয়ে থাকে যেমন কোনটি লাল মাটির পাহাড় আবার কোনটি পাথরের আবার কোনটি বরফের পাহাড়। পশম যেহেতু বিভিন্ন রংয়ের হয়ে থাকে তাই পশমের সাথে তুলনা করা হয়েছে।

পাহাড় ও জমিনকে চূর্ণ-বিচূর্ণ করে দেয়া হবে

وَحُمِلَتِ الْأَرْضُ وَالْجِبَالُ فَدُكَّتَا دَكَّةً وَاحِدَةً - فَيَوْمَئِذٍ
وَقَعَتِ الْوَالِقَةُ

“এবং পৃথিবী ও পর্বতমালাকে ওপরে তুলে একই আঘাতে চূর্ণ-বিচূর্ণ করে দেয়া হবে। সেদিন সেই সংঘটিতব্য ঘটনাটি ঘটেই যাবে।”

(সূরা আল হাক্বাহঃ ১৪-১৫)

সূরা ওয়াকিয়ায় বলা হয়েছেঃ-

وَبُسَّتِ الْجِبَالُ بَسًّا - فَكَانَتْ هَبَاءً مُنْبَثًّا -

“আর পাহাড়গুলোকে এমনভাবে বিন্দু বিন্দু করে দেয়া হবে যে, তা বিক্ষিপ্ত ধূলিকণায় পরিণত হয়ে যাবে।” (সূরা ওয়াকিয়াঃ ৫-৬)

وَإِذَا الْجِبَالُ نُسِفَتْ -

“তখন পাহাড়-পর্বত চূর্ণ-চূর্ণ করে দেয়া হবে।” (সূরা মুরসালাতঃ ১০)

আসমান ফেটে যাবে

إِذَا السَّمَاءُ انشَقَّتْ - وَأَذْنَتْ لِرَبِّهَا وَحُقَّتْ - وَإِذَا
الْأَرْضُ مُدَّتْ - وَأَلْقَتْ مَا فِيهَا وَتَخَلَّتْ -

“যখন আসমান ফেটে যাবে এবং স্বীয় রবের নির্দেশ পালন করবে, আর তার জন্য এটিই যথার্থ। যখন জমিনকে সম্প্রসারিত করা হবে এবং তার গর্ভে যা কিছু আছে বাইরে নিষ্ক্ষেপ করে জমিন শূণ্য হয়ে যাবে।”

(সূরা ইনশিকাকঃ ১-৪)

إِذَا السَّمَاءُ انْفَطَرَتْ -

“যখন আকাশ মণ্ডল ফেটে চৌচির হয়ে যাবে।” (সূরা ইনফিতারঃ ১)

وَيَوْمَ تَشَقُّقُ السَّمَاءُ بِالْغَمَامِ وَنُزِّلَ الْمَلَائِكَةُ تَنْزِيلًا -

“সেদিন আকাশ মেঘপুঞ্জসহ বিদীর্ণ হবে এবং ফেরেশতাদেরকে নামিয়ে দেয়া হবে।” (সূরা ফুরকানঃ ২৫)

السَّمَاءُ مُنْفَطِرٌ بِهِ - كَانَ وَعْدُهُ مَفْعُولًا -

“(এবং যার কঠোরতায়) আসমান দীর্ণ-বিদীর্ণ হয়ে যাবে। আর ওয়াদা তো অবশ্যই পূর্ণ হবে।” (সূরা মুরসালাতঃ ৯)

وَإِذَا السَّمَاءُ فُرِجَتْ -

“আর যখন আকাশকে চূর্ণ-চূর্ণ করা হবে।”

আসমান কাঁপতে থাকবে

يَوْمَ تَمُورُ السَّمَاءُ مَوْرًا - وَتَسِيرُ الْجِبَالُ سَيْرًا -

“সেদিন আসমান খর খর করে কাঁপতে থাকবে। আর পর্বত সমূহ স্থানচ্যুত হবে। (সূরা তুরঃ ৯-১০)

আসমান কাঁপতে থাকবে অর্থাৎ তখন এমন এক অবস্থার সৃষ্টি হবে যে, প্রত্যেকটি বস্তুই তার নিজস্ব স্থান হতে বিচ্যুত হয়ে দ্রুতগতিতে ছুটাছুটি শুরু করবে এবং পরস্পর ঘর্ষণের ফলে প্রকম্পিত হয়ে উঠবে।

আসমানকে তাবিজের মতো গুটিয়ে ফেলা হবে

يَوْمَ نَطْوِي السَّمَاءَ كَطَيِّ السِّجْلِ لِلْكِتَابِ (ط) كَمَا بَدَأْنَا

أَوَّلَ خَلْقٍ نُّعِيدُهُ (ط) وَعَدَّاءَ عَلَيْنَا (ط) إِنَّا كُنَّا فَعْلِينَ -

“সেদিন আমরা আসমানকে তাবিজের পৃষ্ঠার মতো ভাঁজ করে রাখবো, যেভাবে আমরা প্রথম সৃষ্টির সূচনা করেছিলাম, অনুরূপভাবে আমরা তার পুনরাবৃত্তি করবো। এটি একটা ওয়াদা বিশেষ যা পূর্ণ করার দায়িত্ব আমাদের। এ কাজ আমাদের অবশ্যই করতে হবে।” (সূরা আশ্বিয়াঃ ১০৪)

আসমান বিগলিত তামার ন্যায় হবে

يَوْمَ تَكُونُ السَّمَاءُ كَالْمُهْلِ -

“সেদিন আসমানসমূহ বিগলিত তামার ন্যায় হবে।” (সূরা মায়ারিজঃ ৮)

অন্যত্র বলা হয়েছে

فَإِذَا انشَقَّتِ السَّمَاءُ فَكَانَتْ وَرْدَةً كَالدِّهَانِ -

“(তখন কেমন হবে) যখন আকাশ মণ্ডল দীর্ণ-বিদীর্ণ হয়ে যাবে এবং তা সক্রিয় বর্ণ ধারণ করবে।” (সূরা আর রাহমানঃ ৩৭)

অর্থাৎ সেদিন এমন অবস্থা হবে, যে ব্যক্তিই তখন আকাশের দিকে তাকাতে শুধু আগুনের মতো দেখতে পাবে। বিগলিত তামা যেমন রক্তের

মতো টগবগ করে, সেদিন গোটা মহাশূন্যলোক তেমনি টগবগে আগুনের রূপ ধারণ করবে।

আসমানের অসংখ্য দরজা হবে

وَفُتِحَتِ السَّمَاءُ فَكَانَتْ أَبْوَابًا - وَسُيِّرَتِ الْجِبَالُ
فَكَانَتْ سَرَابًا -

“আকাশমণ্ডলকে উন্মুক্ত করে দেয়া হবে, ফলে তা কেবল দুয়ার আর দুয়ার হয়ে দাঁড়াবে। পাহাড় চালিয়ে দেয়া হবে, পরিণামে তা শুধু মরিচিকায় পরিণত হবে।” (সূরা নাবাঃ ১৯-২০)

আকাশমণ্ডল উন্মুক্ত করে দেয়া হবে অর্থ-উর্ধ্বতন জগতে কোনরূপ বাধা প্রতিবন্ধকার অস্তিত্ব থাকবে না, তখন চারদিক হতে আসমানী মুসিবত এমন অব্যাহত ধারায় বর্ষিত হবে যে, মনে হবে বর্ষণের সব দরজাই বুঝি খুলে দেয়া হয়েছে। এবং তাকে অবরুদ্ধ করার জন্য কোন দুয়ারই বন্ধ নেই।^৪

সূর্য, চাঁদ, তারা সমস্তই আলোহীন হয়ে যাবে

إِذَا الشَّمْسُ كُوِّرَتْ - وَإِذَا النُّجُومُ انْكَدَرَتْ -

“যখন সূর্যকে গুটিয়ে ফেলা হবে এবং নক্ষত্ররাজি আলোহীন হয়ে যাবে।” (সূরাআত্-তাকভীরঃ ১-২)

আরবী ভাষায় تَكْوِيرٌ অর্থ কোন কিছুকে পেচানো বা গুটানো, যেহেতু সূর্যকে জ্যোতিহীন করা হবে তাই রূপকভাবে বলা হয়েছে, সূর্যকে গুটিয়ে ফেলা হবে। অর্থাৎ সূর্যের আলোকে গুটিয়ে ফেলা হবে। দ্বিতীয় আয়াত হতে বুঝা যায় যে, নক্ষত্রগুলো শুধু বিচ্ছিন্ন বিক্ষিপ্ত হয়েই পড়বে না বরং সেগুলো অন্ধকারাচ্ছন্নও হয়ে যাবে।

(৪) তাফহীমুল কুরআন, সূরা নাবা, টীকা-১৩

অন্যত্র বলা হয়েছেঃ

فَإِذَا النُّجُومُ طُمِسَتْ - وَإِذَا السَّمَاءُ فُرِجَتْ -

“অতঃপর যখন নক্ষত্রমালা ম্লান হয়ে যাবে এবং আকাশকে বিদীর্ণ করে টুকরো টুকরো করা হবে।” (সূরা মুরসালাতঃ ৮৯)

وَخَسَفَ الْقَمَرُ - وَجُمِعَ الشَّمْسُ وَالْقَمَرُ - يَقُولُ
الْإِنْسَانُ يَوْمَئِذٍ أَيْنَ الْمَفْرُ - كَلَّا لَا وَزَرَ - إِلَى رَبِّكَ
يَوْمَئِذٍ الْمُسْتَقَرُّ

“চাঁদ আলোহীন হয়ে যাবে আর চন্দ্র ও সূর্যকে মিলিয়ে একাকার করে দেয়া হবে। তখন মানুষ বলবে কোথায় পালাবো? কখনো নয়। সেখানে তারা কোন আশ্রয়স্থল পাবে না। সেদিন প্রত্যেককেই তোমার রবের সামনে অবস্থান গ্রহণ করতে হবে।” (সূরা কিয়ামাহঃ ৮-১২)

চন্দ্রের আলোহীন হয়ে যাওয়া এবং চন্দ্র সূর্যের মিলিত ও একত্রিত হয়ে যাওয়ার আরও একটি অর্থ হতে পারে; তা হলো- কেবল মাত্র চন্দ্রের আলোই নিঃশেষ হয়ে যাবে না। (এই আলো তো সূর্য হতে প্রাপ্ত) স্বয়ং সূর্যও অন্ধকারে আচ্ছন্ন হয়ে যাবে। আলো ও জ্যোতিহীনতায় উভয়েই সম্পূর্ণ এক ও অভিন্ন হয়ে যাবে। এর দ্বিতীয় আরেকটি অর্থ হতে পারে, পৃথিবী সহসাই বিপরীত দিকে চলা শুরু করবে, আর সেদিন চন্দ্র ও সূর্য উভয়েই পশ্চিম দিক হতে এক সময় উদিত হবে। এর তৃতীয় আরেকটি অর্থ হতে পারে, তা হলো, চন্দ্র আকস্মিকভাবে পৃথিবীর মধ্যাকর্ষণ বন্ধন থেকে মুক্ত হয়ে যাবে এবং সূর্যের কক্ষপথে গিয়ে নিপতিত হবে। এর এমন কোন অর্থ হওয়াও অসম্ভব নয় যা এখনো আমাদের অজানা।^৫

নদী, সমুদ্র আশুনে পরিণত হবে

وَإِذَا الْبِحَارُ سُجِّرَتْ -

(৫) তাফহীমুল কুরআন, সূরা কিয়ামাহ, টীকা-৮

“এবং যখন নদী, সমুদ্র আগুনে পরিণত হবে।” (সূরা আত্ তাকভীরঃ ৬)
 ‘سُجِّرَتْ’ শব্দটি ‘تَسْجِيرُ’ শব্দ হতে নির্গত। আরবী ভাষায় চুল্লিতে আগুন প্রবলভাবে প্রজ্জ্বলিত করা বুঝাবার জন্য এ শব্দটি ব্যবহৃত হয়। কিয়ামতের দিন নদী সমুদ্রে আগুন জ্বলতে থাকবে, কথ্যটি খুবই দুর্বোধ্য ও আশ্চর্যজনক মনে হয়। কিন্তু পানির মূল তত্ত্ব যাদের জানা আছে তাদের নিকট এটা বিস্ময়কর বা আজগুবী বিবেচিত হবে না।

আল্লাহ তা‘য়ালার স্বীয় অসীম কুদরতের বলে পানি হচ্ছে অক্সিজেন ও হাইড্রোজেন নামক দু’টি গ্যাসের মিশ্রণ। একটি গ্যাস নিজে জ্বলে অপরটি জ্বলতে সাহায্য করে। মজার ব্যাপার হচ্ছে, এই পানিই আগুনের শত্রু। অর্থাৎ তা আগুনে নিভায়। এটা আল্লাহ এক অসীম ও অসাধারণ কুদরত, তাই সে কুদরতের সামান্য ইঙ্গিতই পানির মিশ্রণকে ভাগ করে দেয়ার জন্য যথেষ্ট। ৬

অন্যত্র বলা হয়েছে :

وَإِذَا الْبِحَارُ سُجِّرَتْ -

“যখন নদী, সমুদ্রকে দীর্ণ-বিদীর্ণ করা হবে।” (সূরা ইনফিতারঃ ৩)

সূরা আত্ তাকভীরে বলা হয়েছে সমুদ্র আগুনে পরপূর্ণ করে দেয়া হবে, আর এখনে বলা হয়েছে সমুদ্র সমূহ দীর্ণ-বিদীর্ণ করে দেয়া হবে। উভয় আয়াতকে মিলিয়ে চিন্তা করলে এবং সেই সঙ্গে কুরআন অনুযায়ী কিয়ামতের দিনে এক সর্বাঙ্গিক ভূমিকম্প সৃষ্টি হওয়ার কথা সামনে রাখলে সমুদ্রসমূহ দীর্ণ-বিদীর্ণ হওয়ার এবং আগুন জ্বলে ওঠার প্রকৃত অবস্থা আমাদের বোধগম্য হয়। এতে আমরা স্পষ্ট বুঝতে পারি যে, প্রথমে সেই সর্ব ব্যাপক ভূমিকম্পের দরুণ সমুদ্র সমূহের তলদেশ ফেটে দীর্ণ-বিদীর্ণ হয়ে যাবে এবং পানি মাটির গভীর তলায় (যেখানে প্রতি মুহূর্তে এক কঠিন উত্তপ্ত লাভা টগবগ করে ফুটেছে ও আলোড়িত হচ্ছে) পৌঁছতে শুরু করবে, তখন সেখানে পৌঁছে পানি তার দুই মৌল উপাদানে (অক্সিজেন ও হাইড্রোজেন) বিভক্ত

(৬) তাফহীমুল কুরআন, সূরা আত্ তাকভীর, টীকা-৬

হয়ে যাবে। অক্সিজেন প্রজ্জ্বালক এবং হাইড্রোজেন উৎক্ষেপক। তখন এভাবে বিপ্লবিত হওয়া এবং অগ্নি উদগীরক হওয়ার এক ধারাবাহিক প্রক্রিয়া (Chain of reaction) শুরু হয়ে যাবে, ফলে পৃথিবীর সমস্ত সমুদ্র-মহাসমুদ্র আগুনে পরিপূর্ণ হয়ে যাবে। (প্রকৃত ব্যাপার তো আল্লাহুই জানেন।)^৯

ভয়ে প্রাণ উঠাগত হবে

وَأَنْذِرْهُمْ يَوْمَ الْأَزْفَةِ إِذِ الْقُلُوبُ لَدَى الْحَنَاجِرِ
كظَمِينٍ -

“হে নবী ভয় দেখাও এ লোকদেরকে সেই দিন সম্পর্কে যা খুব সহসাই এসে পৌঁছবে। যখন ভয়ে প্রাণ উঠাগত হবে এবং মানুষ চুপচাপ ক্রোধ হজম করে দাড়িয়ে থাকবে।” (সূরা আল মু'মিনঃ ১৮)

يَوْمَ تَرْجُفُ الرَّاجِفَةُ - تَتَّبِعُهَا الرَّادِفَةُ - قُلُوبٌ يَوْمَئِذٍ
وَاجِفَةٌ -

“যেদিন ধাক্কা দেবে মহাকম্পনের একটি কাঁপন। তারপর আরেকটি ধাক্কা। লোকদের দিল সেদিন ভয়ে কাঁপতে থাকবে।”

(সূরা নাযিয়াতঃ ৬-৮)

চক্ষু বিক্ষারিত হয়ে যাবে

إِنَّمَا يُؤَخِّرُهُمْ لِيَوْمٍ تَشْخَصُ فِيهِ الْأَبْصَارُ - مُهْطِعِينَ
مُقْنَعِي رءُ وَسِيهِمْ لَا يَرْتَدُّ إِلَيْهِمْ طَرْفُهُمْ (ج) وَأَفْقِدْتَهُمْ
هَوَاءً -

“আল্লাহতো তাদেরকে ধীরে ধীরে নিয়ে যাচ্ছেন সে দিনটির দিকে, যখন

(৯) তাফহীমুল কুরআন, সূরা আল-ইনফিতার, টীকা-১

চোখগুলো দিকভ্রান্ত হয়ে চেয়ে থাকবে। আপন মস্তকসমূহ উর্ধ্বমুখী করে রাখবে। তাদের দৃষ্টি আর তাদের দিকে ফিরে আসবে না এবং তাদের অন্তর সমূহ ভয়ে উড়ে যাবে।” (সূরা ইব্রাহীমঃ ৪২-৪৩)

অর্থাৎ কিয়ামতের সেই ভয়াবহ অবস্থার সময় এমন কাতরভাবে তাকাতে থাকবে, দেখে মনে হবে যেনো তাদের চক্ষুসমূহ প্রস্তরবৎ হয়ে গেছে। না সেখানে পলক পড়ছে আর না দৃষ্টি ফিরে আসছে।

সূরা নাযিয়াতে বলা হয়েছে—

أَبْصَارُهَا خَاشِعَةٌ—

“তাদের দৃষ্টিসমূহ তখন ভীত-সন্ত্রস্ত হবে।” (সূরা নাযিয়াতঃ ৯)

অন্যত্র বলা হয়েছে—

فَإِذَا بَرِقَ الْبَصَرُ—

“তখন তাদের দৃষ্টি প্রস্তরীভূত হয়ে যাবে।” (সূরা কিয়ামাহ)

অর্থাৎ ভীত সংকিত, বিস্মিত ও হতভম্ব হয়ে চক্ষু স্থির হয়ে যাবে।

মানুষ দিশেহারা হয়ে পড়বে নেশা না করেও মাতাল হয়ে যাবে

يَوْمَ تَرَوْنَهَا تَذْهَلُ كُلُّ مُرْضِعَةٍ عَمَّا أَرْضَعَتْ وَتَضَعُ كُلُّ ذَاتِ حَمْلٍ حَمْلَهَا تَرَى النَّاسَ سُكَرَىٰ وَمَاهُمْ بِسُكَرَىٰ وَلَٰكِنَّ عَذَابَ اللَّهِ شَدِيدٌ—

“সেদিনের অবস্থা এই হবে যে, প্রত্যেক স্তনদানকারিনী নিজের স্তনদানরত সন্তান রেখে পালিয়ে যাবে। ভয়ে গর্ভবতী নারীর গর্ভপাত ঘটে যাবে। তখন লোকদের তুমি মাতালের মতো দেখতে পাবে কিন্তু তারা নেশাগ্রস্থ হবে না। আল্লাহর আজাব এতদূর ভয়াবহ হবে।” (সূরা আল হজ্জঃ ২)

সেদিন শিশুরা বুড়ো হয়ে যাবে

فَكَيْفَ تَتَّقُونَ إِنْ كَفَرْتُمْ يَوْمًا يَجْعَلُ الْوِلْدَانَ شِيبًا—

السَّمَاءُ مُنْفَطِرٌ بِهِ (ط)

“সেদিন কেমন করে রক্ষা পাবে যদি শিশুদেরকে বৃদ্ধ করে দেবে এবং যার কঠোরতায় আসমান দীর্ণ-বিদীর্ণ হয়ে যাবে।” (সূরা মুযাযিলঃ ১৭-১৮)

এ আয়াতটিতে একটি রূপক কথা দিয়ে কিয়ামতের ভয়াবহতা বুঝানো হয়েছে। মানুষ যখন বিপদগ্রস্থ হয়ে পেরেশান হয়ে যায়, তখন আপনজন কেউ তাকে দেখলে বলতে থাকে, অমুককে চিন্তায় বৃদ্ধ বানিয়ে ফেলেছে। অর্থাৎ ঐ ব্যক্তির বিপদ খুব ভয়াবহ, সমস্যা খুব জটিল। তেমনি ভাবে মহান আল্লাহও সেদিনের ভয়াবহতা বুঝানোর জন্য এ উপমা পেশ করেছেন।

সেদিন আত্মীয় বন্ধু কেউ কারো পরিচয় দেবে না

يَوْمَ يَفِرُّ الْمَرْءُ مِنْ أَخِيهِ - وَأُمُّهُ وَأَبِيهِ - وَصَاحِبَتِهِ
وَبَنِيهِ - لِكُلِّ امْرِيٍّ مِنْهُمْ يَوْمَئِذٍ شَأْنٌ يُغْنِيهِ -

“সেদিন মানুষ তার নিজের ভাই, পিতা-মাতা ও স্ত্রী-সন্তান হতে পালিয়ে বেড়াবে। তাদের প্রত্যেকের ওপর সেদিন এমন একটি সময় এসে পড়বে যখন নিজের ছাড়া আর কারো প্রতি লক্ষ্য রাখার অবস্থা থাকবে না।”

(সূরা আবাসাঃ ৩৪-৩৭)

وَلَا يَسْئَلُ حَمِيمٌ حَمِيمًا - يُبْصِرُونَ نَهُمْ (ط) يَوَدُّ
الْمُجْرِمُ لَوْ يَفْتَدِي مِنْ عَذَابٍ يَوْمَئِذٍ بِبَنِيهِ -
وَصَاحِبَتِهِ وَأَخِيهِ - وَفَصِيلَتِهِ الَّتِي تُتْوِيهِ - وَمَنْ فِي
الْأَرْضِ جَمِيعًا (٧) ثُمَّ يُنْجِيهِ -

“সেদিন কোন প্রাণের বন্ধু নিজের প্রাণের বন্ধুকেও জিজ্ঞেস করবেনা। অথচ তাদের পরস্পর দেখা হবে। অপরাধীরা সেদিনের আজাব হতে মুক্তি পাবার জন্য নিজের সন্তান, স্ত্রী, ভাই, তাকে আশ্রয়দানকারী নিকটবর্তী পরিবার, এমন কি পৃথিবীর সমস্ত লোককে বিনিময় দিয়ে হলেও মুক্তি পেতে চাবে।” (সূরা মায়ারিজঃ ১০-১৪)

لَنْ تَنْفَعَكُمْ أَرْحَامُكُمْ وَلَا أَوْلَادُكُمْ يَوْمَ الْقِيَامَةِ (ج)

“কিয়ামতের দিন না তোমাদের আত্মীয়তার সম্পর্ক কোন কাজে আসবে, না তোমাদের সন্তান সন্ততি।” (সূরা মুমতাহিনাঃ ৩)

অর্থাৎ পৃথিবীর সব রকমের আত্মীয়তা, সম্পর্ক-সম্বন্ধ ও যোগাযোগ সেখানে সম্পূর্ণরূপে বিচ্ছিন্ন হয়ে যাবে। দল, বাহিনী, বংশ, গোত্র, পরিবার ও গোষ্ঠী হিসেবে সেখানে হিসেব নিকেশ নেয়া হবে না। এক এক ব্যক্তি একান্ত ব্যক্তিগত ভাবেই সেখানে উপস্থিত হয়ে প্রত্যেককে নিজের হিসেব নিজেই দিতে হবে। এ কারণে কোন ব্যক্তির-ই আত্মীয়তা, বন্ধুত্ব বা দলের খাতিরে কোন অবৈধ কাজ করা উচিত নয়। কেননা নিজের কৃতকর্মের শাস্তি তাকেই ভোগ করতে হবে। তার ব্যক্তিগত দায়িত্বে অন্য কেউ অংশীদার হবে না।^৮

সেদিন ক্ষমতা ও অহংকার থাকবে একমাত্র আল্লাহর

إِنَّ اللَّهَ عَزَّ وَجَلَّ إِذَا كَانَ يَوْمَ الْقِيَامَةِ جَمَعَ السَّمَوَاتِ
السَّبْعَ وَالْأَرْضِينَ فِي قَبْضِهِ ثُمَّ يَقُولُ أَنَا اللَّهُ أَنَا
الرَّحْمَنُ أَنَا الْمَلِكُ أَنَا الْقُدُّوسُ أَنَا السَّلَامُ أَنَا
الْمُهَيَّمِنُ أَنَا الْعَزِيزُ أَنَا الْجَبَّارُ أَنَا الْمُتَكَبِّرُ أَنَا الَّذِي
أَبْدَأْتُ الدُّنْيَا وَلَمْ تَكُ شَيْئًا أَنَا الَّذِي أُعِيدُهَا أَيْنَ
الْمُلُوكُ أَيْنَ الْجَبَابِرَةُ -

“নিশ্চয়ই মহান ও মর্যাদাশীল আল্লাহ কিয়ামতের দিন সাতটি আকাশ ও পৃথিবী নিজের (কুদরতী) মুঠির মধ্যে ধারণ করে বলবেনঃ আমি আল্লাহ, আমি পরম করুণাময়, আমি রাজ্যাধিপতি, আমি পরম পবিত্র, আমি শান্তি, আমি রক্ষক, আমি শক্তিশালী ও ক্ষমতাবান, আমি গর্বের অধিকারী, আমিই পৃথিবী সৃষ্টি করেছি যখন তা ছিলোনা। আমিই পুনরায় তা সৃষ্টি করবো। আজ বাদশাহগণ কোথায়? কোথায় সেই অত্যাচারীগণ?” (হাদীসে কুদসী পৃঃ ২৬৮ ইমলামিক ফাউন্ডেশন, ঢাকা)

(৮) তাফহীমুল কুরআন, সূরা মুমতাহিনা, টীকা-৩

হাশর (الْحَشْرُ)

حَشْرُ (হাশর) শব্দের আভিধানিক অর্থ একত্রিত করা, জমা করা। শরীয়তের পরিভাষায় হাশর বলা হয় কিয়ামতের পর পুনরায় পৃথিবী সমতল করে সেখানে সমস্ত সৃষ্টিকে হিসেব নিকেশ নেয়ার জন্য একত্রিত করাকে।

হাদীসে আছে কিয়ামতের সময় তিনবার শিকায় ফুঁক দেয়া হবে। প্রথমটিকে বলা হয় نَفْخَةُ الْفَزَعِ (নাফখাতুল ফাযায়া) অর্থাৎ বিভিন্নকা সৃষ্টিকারী ফুঁক। এ ফুঁক সমস্ত সৃষ্টিকে কাঁপিয়ে দেবে, ভীত সন্ত্রস্ত ও সংকুচিত করে দেবে। দ্বিতীয় ফুঁককে বলা হয় نَفْخَةُ الْمَعْقِ (নাফখাতুছু ছায়া'কা) অর্থাৎ প্রচণ্ড বিপর্যয়ের ফুঁক। এর ধ্বনি শোনামাত্র সবকিছু ধ্বংসপ্রাপ্ত হবে। একমাত্র পরাক্রমশালী আল্লাহ ব্যতীত আর কিছুই অবশিষ্ট থাকবে না। অতঃপর জমিনকে বদলে সম্পূর্ণ ভিন্ন এক রূপ দেয়া হবে, উকাজ বাজারে ক্রীত চাদরের মতো এমনভাবে (জমিনকে) বিছিয়ে দেয়া হবে কোথাও একবিন্দু ভাঁজ বা খাঁজ থাকবেনা। তৃতীয় বার আরেকটি ফুঁক দেয়া হবে, অমনি যে যেখানে মরে পড়েছিলো সেখান হতেই সে পরিবর্তিত জমিনের বুকে উঠে দাঁড়াবে। এটাকে বলা হয় نَفْخَةُ الْقِيَامِ لِرَبِّ الْعَالَمِينَ (নাফখাতুল কিয়ামি লি-রাব্বিল আলামীন) অর্থাৎ রবের জন্য উঠে দাঁড়াবার ফুঁক। [বুখারী, আবু হুরাইরাহ (রা) কর্তৃক বর্ণিত]

হাশরের দিন ভূ-পৃষ্ঠকে সমতল করা হবে

فَيَذَرُوهَا قَاعًا صَفْصَفًا - لَا تَرَى فِيهَا عِوَجًا وَلَا أَمْتًا -

“আর জমিনকে এমন সমতল রুক্ষ-ধূসর ময়দানে পরিণত করা হবে, সেখানে ভূমি কোন উঁচু-নীচু এবং সংকোচন দেখতে পাবে না।”

(সূরা ত্বা-হাঃ ১০৬-১০৭)

সূরা ইব্রাহীমের শেষ রুকুতে বলা হয়েছে—

يَوْمَ تَبْدَلُ الْأَرْضَ غَيْرَ الْأَرْضِ وَالسَّمَوَاتُ وَبَرَزُوا لِلَّهِ
الْوَّاحِدِ الْقَهَّارِ -

“যখন জমিন ও আসমান বদল করে অন্য কিছু করে দেয়া হবে এবং সবকিছু পরাক্রমশালী প্রভুর সম্মুখে উন্মোচিত-স্পষ্ট হয়ে উপস্থিত হবে।”

(সূরা ইব্রাহীমঃ ৪৮)

অর্থাৎ গোটা ভূ-পৃষ্ঠের নদী-সমুদ্র ভরাট করে পাহাড় পর্বতগুলোকে চূর্ণ-বিচূর্ণ করে ধূলায় পরিণত করা হবে এবং বন-জঙ্গল দূর করে দিয়ে (গোটা ভূ-পৃষ্ঠ) মসৃণ সমতল এক বিশাল আকৃতির মাঠে রূপান্তর করা হবে।

হযরত আয়িশা (রা) রাসূলে করীম সাল্লাল্লাহু আলাইহি ওয়া সাল্লামকে জিজ্ঞেস করলেনঃ ইয়া রাসূলুল্লাহ! আকাশ ও পৃথিবী পরিবর্তিত হয়ে গেলে ঐ সময় মানুষ কোথায় থাকবে? রাসূল সাল্লাল্লাহু আলাইহি ওয়া সাল্লাম বললেন! ঐ সময় মানুষ পুল সিরাতের ওপর থাকবে। (মুসলিম)

হযরত সাহল ইবনে সা'দ (রা) বর্ণনা করেছেন, রাসূলুল্লাহ সাল্লাল্লাহু আলাইহি ওয়া সাল্লাম বলেছেনঃ কিয়ামতের দিন যে পৃথিবীতে মানুষকে একত্রিত করা হবে তার রং হবে সাদা এবং ধূসর বর্ণের মিশ্রিত রূপ। এ সময় মাটি রুটির মতো হবে। কোন কিছুর চিহ্ন এতে থাকবে না।

(বুখারী)

অন্যত্র বলা হয়েছে—

وَيَوْمَ نُسَيِّرُ الْجِبَالَ وَتَرَى الْأَرْضَ بَارِزَةً (٧)
وَحَشَرْنَهُمْ فَلَمْ نُغَادِرْ مِنْهُمْ -

“যখন আমরা পাহাড়-পর্বতগুলোকে চালিত করবো তখন তোমরা জমিনকে সম্পূর্ণ উলঙ্গ দেখতে পাবে। আর আমরা সমস্ত মানুষকে

এমনভাবে ঘিরে একত্রিত করবো যে (আগের অথবা পরের) কেউ বাকী থাকবে না।” (সূরা কাহাফঃ ৪৭)

ভূ-পৃষ্ঠ তার গর্ভের সবকিছু বাইরে বের করে দেবে

وَأَخْرَجَتِ الْأَرْضُ أَثْقَالَهَا - وَقَالَ الْإِنْسَانُ مَا لَهَا -

“পৃথিবী তার গর্ভের সবকিছু বাইরে বের করে দেবে। মানুষ জিজ্ঞেস করবে (পৃথিবীর) হলো কি?” (সূরা যিলযালঃ ২-৩)।

وَأَنَّ السَّاعَةَ آتِيَةٌ لَّا رَيْبَ فِيهَا (٧) وَأَنَّ اللَّهَ يُبْعَثُ مَنْ فِي الْقُبُورِ -

“কিয়ামতের মহূর্তটি অবশ্যই আসবে। এতে কোন প্রকার সন্দেহের অবকাশ নেই। আর আল্লাহ সেই লোকদেরকে অবশ্যই ওঠাবেন যারা কবরে শায়িত আছে।” (সূরা আল হাজ্জঃ ৭)

وَنُفِخَ فِي الصُّورِ فَأَذَاهُمْ مِنَ الْأَجْدَاثِ إِلَى رَبِّهِمْ يَنْسِلُونَ -

“পরে একবার শিঙ্গায় ফুঁক দেয়া হবে। আর অমনি তারা নিজেদের রবের দরবারে উপস্থিত হওয়ার জন্য কবর সমূহ হ'তে বেরিয়ে পড়বে।”

(সূরা ইয়াসীনঃ ৫১)

রাসূলে আকরাম সাল্লাল্লাহু আলাইহি ওয়া সাল্লাম বলেছেন-সর্বপ্রথম ভূ-পৃষ্ঠ বিদীর্ণ করে আমাকে দেখানো হবে। প্রথমে আবু বকর ও ওমর কবর থেকে বেরিয়ে আসবে। এরপর আমি কবরস্থানে যাবো। তখন কবরবাসীগণ কবর থেকে বেরিয়ে একত্রিত হতে থাকবে। অতঃপর আমি মক্কাবাসীদের প্রতীক্ষা করতে থাকবো। তারাও কবর থেকে বেরিয়ে আমার সাথে মিলিত হবে। তারপর আমি হারামাইনের মধ্যবর্তী স্থানে একত্রিত হবো। (তিরমিযি)

সূরা আল মায়ারিজে বলা হয়েছে-

يَوْمَ يَخْرُجُونَ مِنَ الْأَجْدَاثِ سِرَاعًا كَانَهُمْ إِلَى نُصْبٍ
يُؤْفِقُونَ - خَاشِعَةً أَبْصَارُهُمْ تَرَاهُمْ ذَلِيلَةً (ط) ذَلِكَ
الْيَوْمِ الَّذِي كَانُوا يُوعَدُونَ -

“সেদিন তারা নিজেদের কবর হতে বের হয়ে এমনভাবে দৌড়াতে থাকবে, (মনে হবে) যেনো নিজেদের দেবতার স্থান সমূহের দিকে দৌড়াচ্ছে। তখন তাদের দৃষ্টি অবনত হবে। অপমান লাঞ্ছনা তাদের ওপর সমাচ্ছন্ন থাকবে, এটি সেই দিন যার ওয়াদা তাদের নিকট করা হয়েছিলো।” (সূরা মায়ারিজঃ ৪৩)

أَفَلَا يَعْلَمُ إِذَا بُعْثِرَ مَا فِي الْقُبُورِ -

“তারা কি সে সময়ের কথা জানে না, যখন কবরে সমাহিত সব কিছুকে বের করা হবে।” (সূরা আ'দিয়াতঃ ৯)

يَوْمَ يَدْعُ الدَّاعِ إِلَى شَيْئٍ نُّكْرٍ - خُشِعًا أَبْصَارُهُمْ
يَخْرُجُونَ مِنَ الْأَجْدَاثِ كَانَهُمْ جُرَادٌ مُنْتَشِرٌ -

“যেদিন আহবানকারী এক কঠিন অবস্থার দিকে আহবান জানাবে, সেদিন মানুষ ভীতু চোখে নিজেদের কবর হতে এমনভাবে বের হবে, যেনো বিক্ষিপ্ত অস্তিসমূহ। তারা আহবানকারীর দিকে দৌড়াতে থাকবে।”

(সূরা ক্বামারঃ ৬-৭)

উপরোক্ত আয়াতসমূহে কবর বলতে সেই নির্দিষ্ট গুহাকে বুঝানো হয়নি যেখানে গর্ত করে লাশ দাফন করা হয়। বরং আলমে বারযাখের জগৎকে বুঝানো হয়েছে।

বিজ্ঞানের দৃষ্টিতে সমস্ত সৃষ্টি জগৎ অসংখ্য পরমাণু (Atom) দিয়ে

গঠিত। তাই কোন প্রাণীর মৃত্যু হলে তাকে যেখানেই ফেলা হোক না কেনো তার পরমাণুগুলো বিচ্ছিন্ন হয়ে জমিনের মধ্যে ছড়িয়ে থাকে। কিয়ামতের দিন আল্লাহর কুদরতে সেগুলো একত্রিত হয়ে পূর্বাকৃতি ধারণ করবে।

পুনরায় সৃষ্টি করে হাশরে একত্রিত করা হবে

মহান আল্লাহ বলেন-

أَفَعَيِّنَ بِالْخَلْقِ الْأَوَّلِ -

“আমি কি প্রথমবার সৃষ্টি করে ক্লাস্ত হয়ে পড়েছি?” (সূরা ক্বাফঃ ১৫)

অতঃপর দৃঢ়তার সাথেই আল্লাহ রাব্বুল আলামীন বলেন-

كَمَا بَدَأْنَا أَوَّلَ خَلْقٍ نُعِيدُهُ (ط) وَعَدَّا عَلَيْنا اِنَّا كُنَّا
فَاعِلِينَ -

“আমি যেভাবে প্রথমবার সৃষ্টি করেছি ঠিক সেভাবেই দ্বিতীয়বার সৃষ্টি করবো। এটা আমার পাকাপোক্ত ওয়াদা। আর এ কাজ আমাকে করতেই হবে।” (সূরা আযিয়াঃ ১০৪)

أَيَحْسَبُ الْإِنْسَانُ أَنْ نَجْمَعَ عِظَامَهُ - بَلَىٰ قَدَرِينَا
عَلَىٰ أَنْ نُسَوِّيَ بَنَانَهُ -

“মানুষ কি মনে করে, আমি তার হাড়গুলো একত্রিত করতে পারবোনা? কেনো নয়? আমরা তো তার অঙ্গ-প্রত্যঙ্গের গিরাগুলো পর্যন্ত যথাযথ বানিয়ে দিতে সক্ষম।” (সূরা কিয়ামাহঃ ৩-৪)

প্রথম মানব সৃষ্টির দিন হতে চূড়ান্ত প্রলয়ের দিন পর্যন্ত যতো মানুষ পৃথিবীতে জন্মগ্রহণ করেছে, তাদের সকলকে একই সময়ে জীবিত করে একত্রিত করা হবে।

ইরশাদ হচ্ছে-

ذَلِكَ يَوْمٌ مَّجْمُوعٌ (٧) لَهُ النَّاسُ وَذَلِكَ يَوْمٌ مَّشْهُودٌ -

“সেদিন সমস্ত মানুষকে একত্রিত করা হবে। অতঃপর (সেদিন) যা কিছু ঘটবে তা সকলের চোখের সামনেই সংঘটিত হবে।” (সূরা হুদঃ ১০৩)

অন্যত্র বলা হয়েছে

قُلْ إِنَّ الْأَوَّلِينَ وَالْآخِرِينَ - لَمَجْمُوعُونَ (لَا) إِلَى
مِيقَاتِ يَوْمٍ مَّعْلُومٍ -

“তাদেরকে বলা, প্রথম অতীত হওয়া ও পরে আসা সমস্ত মানুষকে নিঃসন্দেহে একটি নির্দিষ্ট দিনে একত্রিত করা হবে।”

(সূরা ওয়াকিয়াঃ ৪৯-৫০)

সমস্ত মানুষ সেদিন উলঙ্গ হয়ে উঠবে

عَنْ عَائِشَةَ قَالَتْ سَمِعْتُ رَسُولَ اللَّهِ صَلَّى اللَّهُ
عَلَيْهِ وَسَلَّمَ يَقُولُ يُحْشَرُ النَّاسُ يَوْمَ الْقِيَامَةِ
حُفَاةً عُرَاءَةً غُرْلًا - قُلْتُ يَا رَسُولَ اللَّهِ الرَّجَالُ
وَالنِّسَاءُ جَمِيعًا يَنْظُرُ بَعْضُهُمْ إِلَى بَعْضٍ فَقَالَ
يَاعَائِشَةُ الْأَمْرُ أَشَدُّ مِنْ أَنْ يَنْظُرَ بَعْضُهُمْ إِلَى بَعْضٍ -

হযরত আয়েশা (রা) বর্ণনা করেছেনঃ আমি নবী করীম সাল্লাল্লাহু
আলাইহি ওয়া সাল্লামকে বলতে শোনেছি, কিয়ামতের দিন সমস্ত মানুষ খালি
পা, নগ্ন দেহ ও খাতনা বিহীন অবস্থায় (হাশরের ময়দানে) একত্রিত হবে।
আমি জিজ্ঞেস করলামঃ ইয়া রাসূলুল্লাহ! এ অবস্থায় নারী পুরুষ কি একে
অপরের দিকে তাকাবে না? জবাবে তিনি বললেনঃ হে আয়েশা! কিয়ামতের
নির্মমতা ও ভয়াবহতা এমন হবে যে, সেদিন কেউ কারো প্রতি লক্ষ্য করার
অবকাশও পাবে না। - (বুখারী, মুসলিম।)

সেদিন সর্বপ্রথম হযরত ইব্রাহীম (আ) কে কাপড় পরানো হবে। তারপর

রাসূলে আকরাম সাল্লাল্লাহু আলাইহি ওয়া সাল্লামকে কাপড় পরানো হবে। নবী করীম সাল্লাল্লাহু আলাইহি ওয়া সাল্লাম বলেছেনঃ

সর্বপ্রথম আল্লাহু হযরত ইব্রাহীম (আ) কে কাপড় পরাবেন। আল্লাহ তা'আলা বলবেনঃ আমার বন্ধুকে কাপড় পরিয়ে দাও। তখন জান্নাতের দুটো সুস্বাদু ও নরম সাদা কাপড় তাঁকে পরিয়ে দেয়া হবে। তারপর আমাকে কাপড় পরানো হবে। -(বুখারী।)

অপরাধীরা ভুলে যাবে পৃথিবীতে কতোদিন ছিলো

মানুষ সেদিন আজাবের তীব্রতা ও ভয়াবহতা দেখে পেরেশান হয়ে যাবে। কোন ক্রমেই স্বরণ করতে পারবেনা যে, পৃথিবীতে তারা কতোদিন ছিলো। পরকালের সূচনা এবং তার দীর্ঘতা দেখে পৃথিবীর সময়টাকে তাদের নিকট এক ঘণ্টা অথবা তার চেয়ে কিছু বেশী মনে হবে।

ইরশাদ হচ্ছে-

وَنَحْشُرُ الْمُجْرِمِينَ يَوْمَئِذٍ زُرْقًا - يَتَخَفَتُونَ بَيْنَهُمْ
إِنْ لَبِثْتُمْ إِلَّا عَشْرًا - نَحْنُ أَعْلَمُ بِمَا يَقُولُونَ إِذْ يَقُولُ
أَمْثَلُهُمْ طَرِيقَةً إِنْ لَبِثْتُمْ إِلَّا يَوْمًا -

“আমরা অপরাধীদেরকে এমনভাবে ঘিরে আনবো, তাদের চক্ষু আতংকে বিস্ফারিত হয়ে যাবে। তারা পরস্পর চুপি চুপি বলাবলি করবে, আমরা পৃথিবীতে বড়োজোর দশ দিন সময় কাটিয়েছি। আমরা ভালো করেই জানি যে, তারা কি বলবে। তখন তাদের মধ্যে যে লোক সর্বাধিক সতর্ক অনুমান করতে পারবে, সে বলবেঃ না, তোমরা পৃথিবীতে মাত্র একদিন ছিলে।”

(সূরা ত্ব-হাঃ ১০২-১০৪)

قَالَ كَمْ لَبِثْتُمْ فِي الْأَرْضِ عَدَدَ سِنِينَ - قَالُوا لَبِثْنَا
يَوْمًا أَوْ بَعْدَ يَوْمٍ فَسئَلِ الْعَادِيْنَ -

“আল্লাহ তাদেরকে জিজ্ঞেস করবেন, তোমরা পৃথিবীতে কতোদিন ছিলে? প্রতি উত্তরে তারা বলবে, একদিন কিংবা তার চেয়ে কম সময় আমরা পৃথিবীতে ছিলাম। আপনি হিসেব রক্ষকদের নিকট জিজ্ঞেস করে দেখুন।”

(সূরা মু'মিনুনঃ ১১২-১১৩)

সূরা রুমে বলা হয়েছে—

وَيَوْمَ تَقُومُ السَّاعَةُ يُقْسِمُ الْمُجْرِمُونَ (لا) مَا لَبِثُوا غَيْرَ
سَاعَةٍ (ط) -

“যখন সে সময়টি এসে পড়বে, তখন অপরাধীরা ‘কসম’ খেয়ে বলবে, আমরা পৃথিবীতে এক ঘন্টার বেশী ছিলাম না।” (সূরা রুমঃ ৫৫)

অপরাধীদেরকে চেহারা দেখেই চেনা যাবে

يُعْرَفُ الْمُجْرِمُونَ بِسِيمَاهُمْ وَيُؤَخَذُ بِالنَّوَاصِي
وَالْأَقْدَمِ -

“অপরাধীরা সেখানে নিজ নিজ চেহারা দিয়েই পরিচিত হবে এবং তাদেরকে কপালের চুল ও পা ধরে চ্যাংদোলা করে (জাহান্নামের দিকে) নিয়ে যাওয়া হবে।” (সূরা আর-রাহমানঃ ৪১)

وَوُجُوهُ يَوْمَئِذٍ عَلَيْهَا غَبَرَةٌ - تَرْهَقُهَا قَتَرَةٌ - أُولَئِكَ هُمُ
الْكَافِرَةُ الْفَجِرَةُ -

“এবং সেদিন কতিপয় মুখমণ্ডল ধূলোমলিন হবে। কালিমালিগু অন্ধকার সমাচ্ছন্ন হবে। এরাই হলো কাফির ও পাপী লোক।”

(সূরা আবাসাঃ ৪০-৪২)

অন্যত্র বলা হয়েছে—

وَتَرَى الْمُجْرِمِينَ يَوْمَئِذٍ مُّقْرَنِينَ فِي الْأَصْفَادِ -
سَرَابِيلُهُمْ مِّنْ قَطِرَانٍ وَتَغْشَىٰ وُجُوهُهُمُ النَّارُ -

“সেদিন তুমি পাপীদেরকে দেখবে, শিকলে হাত-পা শক্ত করে বাধা রয়েছে এবং গায়ে গন্ধকের পোশাক পরানো হয়েছে। আর আগুনের স্কুলিঙ্গ তাদের মুখমণ্ডল আচ্ছন্ন করে রেখেছে।” (সূরা ইব্রাহীমঃ ৪৯-৫০)

সেদিন পাপীদেরকে অন্ধ বোবা ও কালা করে ওঠানো হবে

وَمَنْ كَانَ فِي هَذِهِ أَعْمَىٰ فَهُوَ فِي الْآخِرَةِ أَعْمَىٰ وَأَضَلُّ سَبِيلًا -

“আর যারা পৃথিবীতে অন্ধ হয়ে থাকবে, তারা আখিরাতেও অন্ধ হয়েই থাকবে। বরং পথ লাভ করার ব্যাপারে তারা অন্ধদের চেয়েও ব্যর্থকাম।”

(সূরা বনী ইসরাঈলঃ ৭২)

وَنَحْشُرُهُمْ يَوْمَ الْقِيَامَةِ أَعْمَىٰ وَجُوهِهِمْ عُمِيًّا
وَبُكْمًا وَصُمًّا (ط) مَا وَهُمْ جَهَنَّمَ (ط) -

“আমি তাদেরকে কিয়ামতের দিন অন্ধ, বোবা ও কালা (বধির) করে মুখের ওপর ভর করিয়ে টেনে নিয়ে আসবো।^১ তাদের শেষ পরিণতি জাহান্নাম।” (সূরা বনী ইসরাঈলঃ ৯৭)

وَنَحْشُرُهُ يَوْمَ الْقِيَامَةِ أَعْمَىٰ - قَالَ رَبِّ لِمَ حَشَرْتَنِي
أَعْمَىٰ وَقَدْ كُنْتُ بَصِيرًا -

“(যে ব্যক্তি আমার আদেশ নিষেধ হতে বিমুখ হবে) কিয়ামতের দিন আমি তাকে অন্ধ করে ওঠাবো। তখন সে বলবে, হে রব! পৃথিবীতে তো আমি চক্ষুস্থান ছিলাম কিন্তু এখানে কেনো আমাকে অন্ধ করে ওঠালো?

(সূরা ত্বা-হাঃ ১১৪-১১৫)

(১) হযরত আনাস (রাঃ) বর্ণনা করেছেন এক ব্যক্তি প্রশ্ন করলো, ইয়া রাসূলুল্লাহ্। কিয়ামতের দিন কাফিরদেরকে কিভাবে মুখ দিয়ে হাটিয়ে একত্রিত করা যাবে? উত্তরে তিনি বললেন যিনি দুনিয়াতে মানুষকে দুপায়ের ওপর ভর করে চালাতে সক্ষম, তিনি কি কিয়ামতের দিন তাদেরকে মুখে খর দিয়ে চালাতে সক্ষমতা রাখেন না? (বুখারী, মুসলিম)

সেদিন অপরাধীরা অনুতাপ করবে

وَجَاءَ رَبُّكَ وَالْمَلَكُ صَفًّا صَفًّا - وَجِئَ يَوْمَئِذٍ بِجَهَنَّمَ (۷)
يَوْمَئِذٍ يَتَذَكَّرُ الْإِنْسَانُ وَأَنَّى لَهُ الذُّكْرَى - يَقُولُ يَلِيْتَنِي
قَدُمْتُ لِحَيَاتِي -

“সেদিন তোমার রব আত্মপ্রকাশ করবেন এবং ফেরেশতাগণ সারিবদ্ধভাবে দণ্ডায়মান হবে। আর জাহান্নামকে সেদিন সবার সামনে উপস্থিত করা হবে। তখন মানুষ চেতনা লাভ করবে। কিন্তু তখন তার বোধশক্তি জঘাত হওয়ায় কি লাভ হবে? সে বলবে হায়! আমি যদি এ জীবনের জন্য অগ্রিম কিছু পাঠাতাম।” (সূরা আল-ফজরঃ ২২-২৪)

يَوْمَ يَنْظُرُ الْمَرْءُ مَا قَدَّمَتْ يَدَاهُ وَيَقُولُ الْكُفْرُ يَلِيْتَنِي
كُنْتُ تُرَابًا -

“সেদিন মানুষ সবকিছু প্রত্যক্ষ করবে যা তাদের হস্তসমূহ অগ্রিম পাঠিয়েছে। তখন প্রতিটি কাফের চিৎকার করে বলে ওঠবেঃ হায়, আমি যদি মাটি হয়ে যেতাম।” (সূরা নাবাঃ ৪০)

وَيَوْمَ يَعَضُّ الظَّالِمُ عَلَى يَدَيْهِ يَقُولُ يَلِيْتَنِي أَن تَّخَذْتُ
مَعَ الرَّسُولِ سَبِيلًا - يُؤْيَلْتِي لِمَ اتَّخَذْتُ فُلَانًا خَلِيلًا - لَقَدْ
أَضَلَّنِي عَنِ الذُّكْرِ بَعْدَ إِذٍ جَاءَنِي (ط) -

“জালিমরা সেদিন নিজেদের হাত কামরাতে থাকবে এবং বলবেঃ হায়, আমি যদি রাসূলের সংগ গ্রহণ করতাম (অর্থাৎ যদি রাসূলের অনুসরণ করতাম)। হায় আমার দুর্ভাগ্য! অমুক ব্যক্তিকে যদি আমি বন্ধুরূপে গ্রহণ না করতাম। তার প্ররোচনায় পড়েই আমি সে নসীহত গ্রহণ করিনি যা আমার নিকট এসেছিলো।” (সূরা ফুরকানঃ ২৭-২৯)

সেদিন পাপীরা ঘামে ডুবে থাকবে

সেদিন অপরাধীরা হাশরের মাঠে সবচেয়ে বেশী কষ্ট অনুভব করবে ঘামের কারণে। নবী করীম সাল্লাল্লাহু আলাইহি ওয়া সাল্লাম বলেছেনঃ কিয়ামতের দিন সূর্য মাত্র এক মাইল ওপরে থাকবে আর অপরাধীরা তার কর্ম অনুযায়ী ঘামতে থাকবে। আর এ ঘাম কারো পায়ের গোড়ালী, কারো হাটু, কারো কোমর পর্যন্ত ডুবে যাবে। আবার কেউ কেউ পা থেকে মুখ পর্যন্ত ঘামে ডুবে থাকবে এমন কি তার ঘাম লাগামের মতো মুখে এটে থাকবে। -(মুসলিম)

অন্য হাদীসে বলা হয়েছেঃ সেদিন মানুষের ঘাম এতো বেশী নির্গত হবে যে, তা দেখে তারা অতিষ্ঠ হয়ে আল্লাহর নিকট ফরিয়াদ করবেঃ হে আল্লাহ! আমাদেরকে জাহান্নামে পাঠিয়ে দাও তা বরং আমাদের নিকট এ কষ্টের চেয়ে সহজ হবে। অথচ জাহান্নামের ভয়াবহতা সম্পর্কে তারা অবহিত থাকবে। শুধুমাত্র ঘামের কষ্টে অতিষ্ঠ হয়ে তারা একথা বলবে। -(তারগীব, হাকিম।)

হাশরের দিন মানুষ তার আমল অনুযায়ী বিভিন্ন প্রতীকে আত্মপ্রকাশ করবে

সেদিন মানুষ পৃথিবীতে বিভিন্ন ধরনের আমলের পরিণাম অনুযায়ী বিভিন্ন প্রতীকে চিহ্নিত হয়ে হাশরের ময়দানে ওঠবে। নিচে সংক্ষেপে তার কিছু বর্ণনা দেয়া হলোঃ

প্রতিজ্ঞা ভঙ্গকারী

প্রতিজ্ঞা ভঙ্গকারীরা সেদিন প্রতিজ্ঞা ভঙ্গের পতাকা বহন করে হাশরের ময়দানে উপস্থিত হবে। -(মিসকাত)

যাকাত আদায় করেনি যে

যে ব্যক্তি যাকাত আদায় করবেনা হাশরের মাঠে এক বিশালদেহী অজগর তাকে জড়িয়ে রাখবে এবং দংশন করতে থাকবে। সোনা-রূপার যাকাত না দিলে তাকে সেদিন তা গরম করে ছ্যাকা দেয়া হবে।

যে ব্যক্তি গৃহপালিত চতুষ্পদ জন্তুর যাকাত আদায় না করবে সেদিন তাকে ঐ সমস্ত রূপক পশু শিং দিয়ে আঘাত করবে এবং খুর দিয়ে দলিত মখিত করতে থাকবে। (সূরা আলে ইমরান, বুখারী, মুসলিম।)

হত্যাকারী ও নিহত ব্যক্তি

রাসূলুল্লাহ সাল্লাল্লাহু আলাইহি ওয়া সাল্লাম বলেছেনঃ কিয়ামতের দিন নিহত ব্যক্তি তার হত্যাকারীকে এমন ভাবে ধরে আনবে, নিহত ব্যক্তির মাথা তার হাতে থাকবে এবং কর্তিত গলা থেকে ফিনকি দিয়ে রক্ত প্রবাহিত হতে থাকবে। এ অবস্থায় সে আল্লাহর নিকট ফরিয়াদ করতে করতে আরশের দিকে যাবে। -(তিরমিযি, নাসাঈ।)

হত্যাকারীর সাহায্যকারী

নবী করীম সাল্লাল্লাহু আলাইহি ওয়া সাল্লাম বলেছেনঃ কোন মুমিনকে হত্যা করার সময় যদি কেউ পরোক্ষভাবেও হত্যাকারীকে সাহায্য করে তবে সে এমনভাবে সেদিন হাজির হবে যে, তার দু'চোখের মধ্যে [অর্থাৎ কপালে] লেখা থাকবে- **أَنْسَ مِنْ رَحْمَةِ اللَّهِ** (আল্লাহর রহমত থেকে বঞ্চিত) -(ইবনে মার্জা।)

ভিক্ষুকের অবস্থা

যে ব্যক্তি মানুষের নিকট বার বার সওয়াল করবে সে কিয়ামতের দিন এমন অবস্থায় উত্থিত হবে তার মুখে কোন গোশত থাকবে না। -(বুখারী, মুসলিম)

বেনামাযীদের অবস্থা

রাসূলুল্লাহ সাল্লাল্লাহু আলাইহি ওয়া সাল্লাম বলেছেনঃ যে ব্যক্তি নামায আদায় করেনা, কিয়ামতের দিন তার জন্য কোন আলো হবে না, দলিল হবে না বা নাজাতের কোন উপায় থাকবে না। বরং সেদিন ফিরআউন, নমরুদ, হামান এবং উবাই ইবনে খালফের সাথে তার হাশর হবে। -(আহমদ, দারেমী।)

দু-মুখীপনার পরিণতি

রাসূল সাল্লাল্লাহু আলাইহি ওয়া সাল্লাম বলেছেনঃ যে ব্যক্তি দুমুখীপনা করবে কিয়ামতের দিন তার মুখ হবে আগুনের।

মিথ্যা স্বপ্নের বর্ণনাকারী

যে ব্যক্তি মিথ্যা স্বপ্ন বর্ণনা করবে তাকে কিয়ামতের দিন দুটো যবের

বীজের মধ্যে গিট লাগাবার জন্য বাধ্য করা হবে কিন্তু সে তা পারবে না। তাই সে শান্তি ভোগ করতে থাকবে। -(মিশকাত)

অহংকারের পরিণাম

পৃথিবীতে যে ব্যক্তি অহংকার দাঙ্কিতা প্রদর্শন করবে তাকে আল্লাহ তা'আলা সেদিন অপমানের পোশাক পরাবেন। -(আবু দাউদ)

অপরের জমি জোর করে দখল করার পরিণাম

যে ব্যক্তি অপরের জমি জোর করে দখল করবে। তাকে কিয়ামতের দিন সাত তবক জমি শিকল বানিয়ে তার কাধে ঝুলিয়ে দেয়া হবে।

-(বুখারী, মিশকাত)

সাম্ফ্য গোপন করার পরিণতি

যে ব্যক্তি সাম্ফ্য গোপন করবে তাকে কিয়ামতের দিন আগুনের লাগাম পরানো হবে। -(আহমদ, তিরমিযি)

একাধিক স্ত্রীর মধ্যে সমতা না করার পরিণতি

রাসূল সাল্লাল্লাহু আলাইহি ওয়া সাল্লাম বলেছেন যার একাধিক স্ত্রী আছে কিন্তু তাদের সাথে সমতা রক্ষা করে না, সে কিয়ামতের দিন এমন অবস্থায় ওঠবে যে, তার একপাশ গলিত অবস্থায় থাকবে। -(মিশকাত।)

আরশের ছায়ায় স্থান লাভকারীগণ

রাসূলুল্লাহ সাল্লাল্লাহু আলাইহি ওয়া সাল্লাম বলেছেনঃ কিয়ামতের দিন সাত ব্যক্তিকে আল্লাহ তাঁর আরশের ছায়ায় স্থান দেবেন। যেদিন তার ছায়া ছাড়া আর কোন ছায়া থাকবে না।

(১) ন্যায় বিচারক মুসলমান বাদশাহ বা কাযী।

(২) সেই যুবক যে আল্লাহর ইবাদতে তার যৌবন কাল অতিবাহিত করেছে।

(৩) যে ব্যক্তি মসজিদে নামায পড়ে এসে পুনরায় মসজিদে যাবার জন্য উন্মুখ হয়ে থাকে।

(৪) যারা পরস্পর আল্লাহর জন্য ভালোবেসে মিলিত হয় এবং পৃথক হয়।

(৫) যে ব্যক্তি নির্জনে আল্লাহর ভয়ে অশ্রু বিসর্জন দেয়।

(৬) যাকে কোন সুন্দরী মহিলা অসৎ কাজে আহ্বান করে এবং সে আল্লাহর ভয়ে তা প্রত্যাখ্যান করে।

(৭) এমন দাতা যে ডান হাতে দিলে বাম হাত জানতে পারে না।

-(বুখারী, মুসলিম।)

আল্লাহ প্রেমিকগণ

রাসূল সাল্লাল্লাহু আলাইহি ওয়া সাল্লাম বলেছেনঃ মহান আল্লাহ বলেন, আমার মাহাত্মের কারণে পরস্পর ভালোবাসা পোষণকারীদের জন্য স্বর্গের মিস্বার দেয়া হবে। তা দেখে নবী ও শহীদগণ ঈর্ষা পোষণ করবে। কেননা তারা সেখানে নিশ্চিন্তে মিস্বরের ওপর বসে থাকবেন এবং নবী ও শহীদগণ সুপারিশে মগ্ন থাকবেন। - (মিশকাত)

শহীদগণের অবস্থা

শহীদগণ কিয়ামতের দিন এমন অবস্থায় ওঠবেন দেখলে মনে হবে তার আহত স্থান থেকে তাজা রক্ত গড়িয়ে পড়ছে, রং হবে রক্তের মতো কিন্তু গন্ধ হবে মিশকের মতো। (বুখারী, মুসলিম)

মুয়াজ্জিনের মর্যাদা

রাসূল সাল্লাল্লাহু আলাইহি ওয়া সাল্লাম বলেছেনঃ মুয়াজ্জিনের ঘাড় কিয়ামতের দিন সবার চেয়ে লম্বা হবে। - (বুখারী, মুসলিম)

হজ্জ পালনাবস্থায় মৃত্যুবরণকারীর মর্যাদা

হজ্জ পালনাবস্থায় মৃত্যুবরণকারী কিয়ামতের দিন তালবিয়া পাঠরত অবস্থায় উঠবে। (বুখারী)

ক্রোধ নিবারণকারী

মহানবী সাল্লাল্লাহু আলাইহি ওয়া সাল্লাম বলেছেনঃ যে ব্যক্তি ক্রোধ হজম করলো কিন্তু তা পূর্ণ করার ক্ষমতা তার ছিলো। আল্লাহ কিয়ামতের দিন সবার সামনে তাকে ডেকে এনে পছন্দ মতো ছর গ্রহণের অনুমতি দেবেন (তিরমিযি)

প্রত্যেকেই নিজের আমল দেখতে পাবে

يَوْمَ تَجِدُ كُلُّ نَفْسٍ مَّا عَمِلَتْ مِنْ خَيْرٍ مُّحْضَرًا (ج)
 وَ مَّا عَمِلَتْ مِنْ سُوءٍ (ج) تَوَدُّ لَوْ أَنَّ بَيْنَهَا وَبَيْنَهُ
 أَمَدًا بَعِيدًا -

“নিশ্চয়ই সেদিন প্রত্যেক ব্যক্তি নিজের কৃতকর্মের ফল পাবে। চাই তা ভালো হোক বা মন্দ। সেদিন তারা কামনা করবে এ দিনটি যদি তাদের নিকট হতে অনেক দূরে অবস্থান করতো; তবে কতোই না ভালো হতো।”

(সূরা আলে-ইমরানঃ ৩০)

নবী করীম সাল্লাল্লাহু আলাইহি ওয়া সাল্লাম বলেছেন:

مَا مِنْكُمْ مِنْ أَحَدٍ إِلَّا سَيُكَلَّمُهُ رَبُّهُ لَيْسَ بَيْنَ اللَّهِ
 وَبَيْنَهُ تَرْجُمَانٌ وَلَا حَاجِبٌ يَحْجِبُهُ فَيَنْظُرُ أَيَمَنَ
 مِنْهُ فَلَا يَرَى إِلَّا مَا قَدَّمَ مِنْ عَمَلِهِ وَيَنْظُرُ أَشَامَ مِنْهُ
 فَلَا يَرَى إِلَّا مَا قَدَّمَ فَيَنْظُرُ بَيْنَ يَدَيْهِ فَلَا يَرَى إِلَّا
 النَّارَ تَلْقَاءَ وَجْهَهُ فَاتَّقُوا النَّارَ وَلَوْ بِشِقِّ تَمْرَةٍ -

“তোমাদের প্রত্যেকটি লোকের সাথে আল্লাহ সরাসরি কথা বলবেন (হিসেব -নিকেশ নেবেন)। সেখানে আল্লাহ এবং বান্দার মধ্যে উকিল বা দো-ভাষী হিসেবে কেউ থাকবে না। আর তাকে লুকিয়ে রাখার কোন আড়ালও থাকবেনা। সে ডান দিকে তাকালে নিজের আমল ছাড়া আর কিছুই দেখতে পাবে না, আর বাম দিকে তাকালে সেখানেও নিজের আমল ছাড়া আর কিছুই দেখতে পাবেনা। আবার যখন সে সামনের দিকে তাকাবে তখন জাহান্নাম ছাড়া আর কিছুই দেখবে না।”

এটিই যখন সত্য, তখন তোমরা আশুন থেকে বাঁচার চেষ্টা করো, একটি খেজুরের অর্ধেক দিয়ে হলেও -(বুখারী, মুসলিম)

সেদিন গোপন বিষয় প্রকাশ করা হবে

يَوْمَئِذٍ تُعْرَضُونَ لَا تَخْفَىٰ مِنْكُمْ خَافِيَةٌ -

“সেদিন সমস্ত বিষয় প্রকাশ করা হবে। তোমাদের কোন তত্ত্ব ও তথ্যই লুকিয়ে থাকবে না।” (সূরা হাক্কাহঃ ১৮)

“অর্থাৎ সবকিছুই তথ্য ভিত্তিক প্রকাশ করা হবে।”

অন্যত্র বলা হয়েছে—

يَوْمَئِذٍ تُحَدِّثُ أَخْبَارَهَا -

“সেদিন পৃথিবী নিজের ওপর সংঘটিত সমস্ত অবস্থা বর্ণনা করবে।”

(সূরা যিলযালঃ ৪)

এ আয়াত প্রসঙ্গে নবী করীম সাল্লাল্লাহু আলাইহি ওয়া সাল্লাম বললেন—

أَتَدْرُونَ مَا أَخْبَارُهَا ؟ قَالُوا اللَّهُ وَرَسُولُهُ أَعْلَمُ قَالَ
فَإِنَّ أَخْبَارُهَا أَنْ تَشْهَدَ عَلَىٰ كُلِّ عَبْدٍ وَأَمَةٍ بِمَا عَمِلَ
عَلَىٰ ظَهْرِهَا أَنْ تَقُولَ عَمِلَ عَلَىٰ كَذَا وَكَذَا يَوْمَ كَذَا وَ
كَذَا قَالَ فَهَذِهِ أَخْبَارُهَا-

“তোমরা কি বলতে পারো, সে অবস্থাটা কি, যা সে (জমিন) বলবে? লোকেরা বললোঃ আল্লাহ এবং তার রাসূল এ বিষয়ে অধিক জানেন। তখন তিনি বললেনঃ জমিন প্রত্যেক পুরুষ ও স্ত্রীলোক সম্পর্কেই সাক্ষ্য দেবে যে, তার ওপর (জমিনের ওপর) থেকে কে কি করেছে জমিন এসব অবস্থার বিস্তারিত বর্ণনা দেবে। মানুষের আমল বা কাজকেই আয়াতে আখবার বলা হয়েছে। (তিরমিযি, আবু দাউদ)

জমিন (পৃথিবী) নিজের ওপর অনুষ্ঠিত যাবতীয় অবস্থা ও ঘটনাবলী কিয়ামতের দিন প্রকাশ করে দেবে, এ কথাটি প্রাচীনকালের লোকদের কাছে খুবই বিশ্বয়কর ও অস্বাভাবিক মনে হয়েছে। জমিন কথা বলবে, এ ব্যাপারটি

হয়তো তাদের বোধগম্য হতো না। কিন্তু বর্তমানে বিজ্ঞানের অপূর্ব আবিষ্কার সিনেমা, লাউড স্পীকার, রেডিও, টেলিভিশন, টেপ রেকর্ডার প্রভৃতির ব্যাপক প্রচলন ও ব্যবহারের এ যুগে জমিন নিজের অবস্থাবলী কিরূপে বলে দেবে তা বুঝতে বিন্দু মাত্র অসুবিধা হওয়ার কথা নয়। মানুষ নিজের মুখে যা বলে বাতাসে ইথারের প্রবাহ, ঘরের প্রাচীর, তার ছাদ ও মেঝের প্রতিটি বিন্দুতে বিন্দুতে (কোন সড়কে, প্রান্তরে কিংবা কোন ক্ষেত্রে কথা বলে থাকলে) সে সবেদর অণু পরমাণুতে যুক্ত হয়ে আছে। আল্লাহ তা'আলা যখন চাবেন তখন এসব বস্তু থেকে কঠস্বর ও উচ্চারিত ধ্বনি ঠিক তেমনিভাবে পুনরাবৃত্তি করাতে পারবেন, যেমন তা প্রথমবার মানুষের কণ্ঠ হতে উচ্চারিত কিংবা ধ্বনিত হয়েছিলো। সে সময় নিজের কণ্ঠ কুহরে বহু পূর্বে উচ্চারিত নিজেরই কঠস্বর শুনতে পাবে। তার পরিচিত লোকেরা শুনে নিঃসন্দেহে বুঝতে পারবে এটা সেই ব্যক্তিরই কঠস্বর। মানুষ পৃথিবীর বুকে যে অবস্থায় এবং যেখানে যে কাজ করছে তার প্রত্যেকটি গতিবিধি ও নড়াচড়ার প্রতিবিম্ব তার পরিবেশের প্রত্যেকটি জিনিসের ওপরই পড়ছে এবং তার ছবি প্রতিফলিত হয়ে আছে। নিশ্চিন্দ্র ঘনো অন্ধকারে কোন কাজ করে থাকলে তাও গোপন থাকবে না। কেননা আল্লাহর এ বিশাল রাজ্যে এমন গোপন রশ্মি বর্তমান আছে, যার কাছে আলো-অন্ধকারের কোন তারতম্য নেই। তা সর্বাবস্থায়ই নিকট ও দূরের ছবি তুলতে সক্ষম। এসব ছবি, প্রতিচ্ছবি, প্রতিবিম্ব কিয়ামতের দিন চলচ্চিত্রের মতোই লোকদের চোখের সামনে ভাসমান ও ভাস্কর হয়ে উঠবে। সে নিজের জীবনকালে কখন, কোথায় এবং কি কি করেছে তা সে নিজের চোখেই প্রত্যক্ষ করতে পারবে।

এখানেই শেষ ও চূড়ান্ত নয়। এরপরও মানুষের দিলে যে সব চিন্তা কল্পনা, ইচ্ছা-বাসনা ও আশা-আকাংখা লুকিয়ে ছিলো, আর যে নিয়ত বা মনোভাব নিয়ে যে সমস্ত কাজ সম্পন্ন করেছিলো তাও বের করে তার সামনে সারি সারি করে রেখে দেয়া হবে। ১

(১) তাফহীমুল কুরআন, সূরা যিলযাল, টীকা-৪

বিচার (الحساب)

পৃথিবীর বিচার পদ্ধতি এবং তার উপায় উপকরণের চেয়ে আখিরাতের বিচার পদ্ধতি ও তার উপায় উপকরণ সম্পূর্ণ ভিন্ন আঙ্গিকে হবে। পৃথিবীতে দেখা যায়-একই বিচার অনেক সময় বিভিন্ন বিচারক কর্তৃক রায়ে ভিন্ন ভিন্ন সিদ্ধান্ত দেয়া হয়। তাছাড়া যার উকিল যতো বাকপটু এবং যুক্তিবাদী, বিচারের রায় তার দিকে যাবার সম্ভাবনা থাকে প্রবল। তেমনিভাবে মিথ্যে সাক্ষীদের বদৌলতে ও তাদের আধিক্যে রায় পরিবর্তন হয়ে যায়। পৃথিবীতে যিনি বিচারক তিনি শুধুমাত্র উভয় পক্ষের বক্তব্য ও যুক্তি থেকে নিজস্ব গবেষণায় সত্য উদঘাটন করে রায় দেবার চেষ্টা করেন। তা অনেক সময় সঠিক নাও হতে পারে।

পক্ষান্তরে আখিরাতের বিচার হবে নিরপেক্ষ এবং ন্যায়। আখিরাতের বিচার কার্য পরিচালনার জন্য নিম্নোক্ত পদ্ধতিগুলো প্রয়োগ করা হবে।

- ১। সেদিন একমাত্র বিচারক থাকবেন মহাপরাক্রমশালী ও মহাকৌশলী আল্লাহ রাব্বুল আলামীন।
- ২। কোন আসামীর পক্ষ থেকে কোন উকিল নিয়োগ করা হবে না। আসামীগণ বিচারকের সাথে বিনামাধ্যমে সরাসরি কথা বলবে।
- ৩। সেদিন প্রতিটি মানুষের সমস্ত আমলগুলোকে ভিডিও আকারে উপস্থাপন করা হবে। যাকে আমরা আমলনামা বলে থাকি।
- ৪। তাদের হাত, পা, কান -চাখ তথা সমস্ত অঙ্গ, প্রত্যঙ্গ সাক্ষ্য প্রদান করবে।
- ৫। নবী রাসূলগণ সাক্ষ্য প্রদান করবেন কারা ঈমান এনেছে এবং কারা ঈমান আনেনি।
- ৬। কারো ওপর কোন যুলম করা হবে না।
- ৭। আল্লাহ প্রদত্ত ওয়াদা পূর্ণ করা হবে।
- ৮। শাস্তির নির্ধারিত পরিমাণ কম বেশী করা হবে না।
- ৯। একজনের অপরাধে আরেকজনকে দায়ী করা হবে না।
- ১০। কেউ কারো কোন উপকার করতে পারবে না।

১১। সকল মানুষকে একই সাথে এবং একই জায়গায় উপস্থিত করা হবে।

মহান আল্লাহ রাব্বুল আলামীন ইরশাদ করেনঃ

يَصْلَوْنَهَا يَوْمَ الدِّينِ - وَمَا هُمْ عَنْهَا بِغَائِبِينَ - وَمَا
أَدْرَاكَ مَا يَوْمَ الدِّينِ - ثُمَّ مَا أَدْرَاكَ مَا يَوْمَ الدِّينِ - يَوْمَ لَا
تَمْلِكُ نَفْسٌ لِنَفْسٍ شَيْئًا (ط) وَالْأَمْرُ يَوْمَئِذٍ لِلَّهِ -

“বিচারের দিন তারা সেখানে প্রবেশ করবে এবং সেখান থেকে কখনো অনুপস্থিত থাকতে পারবে না। আর তুমি কি জানো, সেই বিচারের দিনটি কি? আবার বলছি, তুমি কি জানো, সেই বিচারের দিনটি কি? এটা সেই দিন, যখন কারো জন্য কিছু করার সাধ্য থাকবে না। যেদিন ফায়সালার চূড়ান্ত ক্ষমতা শুধুমাত্র আল্লাহর ইখতিয়ারেই থাকবে।” (সূরা ইনফিতারঃ ১৫-১৯)

يَوْمَ تُبْلَى السَّرَائِرُ - فَمَا لَهُ مِنْ قُوَّةٍ وَلَا نَاصِرٍ -

“যেদিন গোপন অজানা তত্ত্ব ও রহস্য সমূহের যাচাই পরখ করা হবে। তখন মানুষের নিকট না নিজের কোন শক্তি থাকবে, না কোন সাহায্যকারী তার জন্য (এগিয়ে) আসবে।” (সূরা আত্-তারিকঃ ৯-১০)

গোপন অজানা তত্ত্ব বলতে মানুষের আমলকে বুঝানো হয়েছে। মানুষের এ আমল এক গোপন ও অজানা ব্যাপার। মানুষের কাজের বাহ্যিক রূপ তো লোকদের সম্মুখে স্পষ্ট; কিন্তু তার পশ্চাতে যে মনোভাব ও মানসিক অবস্থা (নিয়ত) লুক্কায়িত থাকে, যে প্রবণতা, উদ্দেশ্য ও কামনা-বাসনা কাজ করতে থাকে, তার যে গোপন কার্যকরণ নিহিত প্রচ্ছন্ন থাকে, তা সবই মানুষের নিকট গোপন থেকে যায়। হিসেব-নিকেশের (কিয়ামতের) দিন এর সব কিছুই লোকদের সামনে সুস্পষ্ট ও প্রকট হয়ে দেখা দেবে। দুনিয়ায় কোন ব্যক্তি কি কাজ করেছে, সেদিন শুধু তার-ই যাচাই পরখ হবেনা বরং কেনো তা করেছে তারও সূক্ষ্ম বিচার ও যাচাই অবশ্যই হবে। ওপরন্তু মানুষ পৃথিবীতে যে কাজই করে, তার কি প্রভাব ও প্রতিক্রিয়া পৃথিবীর সমাজে প্রতিফলিত হলো, কোথায় কোথায় তা পৌঁছলো এবং কতোদিন কতোকাল তা অব্যাহত থাকলো তা সারা দুনিয়ার মানুষের নিকটই গোপন থেকে যায় এবং যে লোকটি কাজ করলো স্বয়ং তারও অনেক সময় তা অজানাই থেকে

যায়। এই অজানা রহস্যও সেদিন জনসম্মুখে উদঘাটিত হবে। আর তার যাচাই পরীক্ষাও হবে। ১

সেদিন ন্যায় বিচার করা হবে

ثُمَّ نَفِخَ فِيهِ أُخْرَىٰ فَإِذَا هُمْ قِيَامٌ يَنْظُرُونَ - وَوَأَشْرَقَتِ
الْأَرْضُ بِنُورِ رَبِّهَا وَوُضِعَ الْكِتَابُ وَجِئَ بِالنَّبِيِّينَ
وَالشَّاهِدَاتِ وَقُضِيَ بَيْنَهُمْ بِالْحَقِّ وَهُمْ لَا يُظْلَمُونَ -

“পরে আরেকবার শিঙ্গায় ফুঁক দেয়া হবে এবং সহসা সকলেই ওঠে দেখতে শুরু করবে। পৃথিবী তার রবের নূরে ঝলমল করে ওঠবে। (প্রত্যেকের) আমলনামা সামনে হাজির করা হবে। নবী রাসূল ও সকল সাক্ষীদেরকে উপস্থিত করা হবে। লোকদের মধ্যে যথাযথভাবে (সত্য সহকারে) ফায়সালা করে দেয়া হবে। কারো ওপর কোন যুলম করা হবে না।” (সূরা যুমারঃ ৬৮-৬৯)

এখানে সাক্ষী বলতে যারা লোকদের নিকট আল্লাহর পয়গাম পৌঁছে দিয়েছে তাদেরকে এবং সে সব সাক্ষীও। যারা লোকদের আমলের ব্যাপারে সাক্ষ্যদান করবে। এ সাক্ষী কেবলমাত্র মানুষই হবে না, ফেরেশতা, জিন, জন্তু-জানোয়ার ও মানুষের অঙ্গ-প্রত্যঙ্গ, দুয়ার- প্রাচীর, বৃক্ষ-পাহাড় সবকিছুই এ সাক্ষীর মধ্যে शामिल।

অন্যত্র বলা হয়েছে—

الْيَوْمَ تُجْزَىٰ كُلُّ نَفْسٍ بِمَا كَسَبَتْ (ط) لَا ظُلْمَ الْيَوْمَ
(ط) إِنَّ اللَّهَ سَرِيعُ الْحِسَابِ -

“(বলা হবে) আজ প্রত্যেকটি প্রাণীকেই তার উপার্জনের প্রতিফল দেয়া হবে, আজ কারো উপর জুলুম করা হবে না। আর আল্লাহ ক্ষীপ্রতার সাথেই হিসেব গ্রহণ করবেন।” (সূরা আর-মু’মিনঃ ১৭)

সূরা আল- কাহাফে বলা হয়েছে—

(১) তাফহীমুল কুরআন, সূরা তারেক, টীকা-৫

وَوُضِعَ الْكِتَابُ فَتَرَ الْمُجْرِمِينَ مُمْشِقِينَ مِمَّا فِيهِ
وَيَقُولُونَ يَوْمَئِذٍ نَحْنُ مَالِ هَذَا الْكِتَابِ لَا يُغَادِرُ
صَغِيرَةً وَلَا كَبِيرَةً إِلَّا أَحْصَاهَا (ج) وَوَجَدُوا مَا عَمِلُوا
حَاضِرًا (ط) وَلَا يَظْلِمُ رَبُّكَ أَحَدًا

“আর যখন আমলনামা সম্মুখে রেখে দেয়া হবে, তখন তোমরা দেখবে অপরাধীরা (নিজেদের আমলের কথা চিন্তা করে) খুবই ভয় পাচ্ছে। আর বলছেঃ হায়রে দুর্ভাগ্য! এটা কেমন কিতাব যে, আমাদের ছোট বড়ো কোন কাজই এমন থেকে যায়নি, যা লেখা হয়নি। তারা যে যা কিছু করেছিলো তার সমস্তই নিজের সম্মুখে উপস্থিত দেখতে পাবে। আর তোমার রব কারো প্রতি কোন যুলম করবেন না।” (সূরা কাহাফঃ ৪৯)

সর্ব প্রথম নামাযের হিসেব নেয়া হবে

হযরত আবু হুরাইরা (রা) বলেছেনঃ আমি নবী করীম সাল্লাল্লাহু আলাইহি ওয়া সাল্লামকে বলতে শুনেছি, (তিনি বলেছেন) কিয়ামতের দিন বান্দার কাছ থেকে সর্ব প্রথম নামাযের হিসেব নেয়া হবে। যে সুষ্ঠুভাবে নামাযের হিসেব দিতে পারবে অন্যান্য হিসেবে তার জন্য আরো সহজ হয়ে যাবে। আর যদি নামাযের হিসেবে অকৃতকার্য হয়ে যায় তবে সব হিসেবেই সে অকৃতকার্য হয়ে যাবে। যদি (হিসেবের সময়) ফরয নামাযে ঘাটতি দেখা দেয়, তবে আল্লাহ বলবেনঃ দেখো আমার বান্দার কোন নফল নামায আছে কিনা? নফল থাকলে ফরযের ক্রটিবিচ্যুতি তা দিয়ে পূরণ করা হবে। অতঃপর অন্যান্য আমলের হিসেব নেয়া হবে। অন্য বর্ণনায় আছে- অতঃপর যাকাতের হিসেব নেয়া হবে। -(মিশকাত।)

পিতামাতাও সেদিন ছেড়ে কথা বলবে না

পৃথিবীতে যে পিতামাতা সন্তানের জন্য পাগল। সন্তান আঘাত পেলে সে আঘাতটা সরাসরি তাদের হৃদয়ে অনুরণিত হয়। যে সন্তানের জন্য পিতামাতা মাথার ঘাম পায়ে ফেলে শ্রম দেন। যাদের মুখের এক টুকরো হাসি তাদের প্রাণকে জুড়িয়ে দেয়। নিজের মুখের গ্রাস নিজে না খেয়ে তাদেরকে খাওয়ান। সেই দরদী পিতা মাতাও সেদিন নিষ্ঠুর রুদ্রমূর্তি ধারণ করে সন্তানের ধ্বংস অনিবার্য করে তুলবে। নবী করীম সাল্লাল্লাহু আলাইহি ওয়া

সাল্লাম ইরশাদ করেনঃ

সন্তানের ওপর পিতামাতার কোন অধিকার থাকলে কিয়ামতের দিন তারা তাদের সন্তানের ওপর ক্ষেপে গিয়ে বলবেঃ আমাদের অধিকার দিয়ে দাও। সন্তান বলবেঃ আমিতো তোমাদেরই সন্তান! কিন্তু তারা সেদিকে কোন কর্ণপাত না করে তাদের দাবীর ব্যাপারে সোচ্চার হবে। দাবী পূরণের জন্য জেদ ধরতে থাকবে। এবং আকাংখা করবে, হায়! আজ যদি তার ওপর আরো অধিক ঋণ থাকতো! -(তাবারানী)

এখানে একটি কথা জেনে রাখা ভালো কিয়ামতের দিন দু'ধরণের হিসেব হবে। একটি হচ্ছে আল্লাহর হক সংক্রান্ত এবং অপরটি হচ্ছে বান্দার হক সংক্রান্ত। আল্লাহর হক আল্লাহু ইচ্ছে করলে মা'ফ করে দিতে পারেন। আবার শাস্তিও দিতে পারেন। পক্ষান্তরে বান্দার হক যতোক্ষণ পর্যন্ত সংশ্লিষ্ট ঐ বান্দা মা'ফ না করবে ততোক্ষণ পর্যন্ত আল্লাহুও মা'ফ করবেন না। কেননা যদি মা'ফ করে দেন তবে আল্লাহর নিরপেক্ষতা বজায় থাকে না এবং সেটা হবে যুলম। এ ব্যাপারে আল্লাহু ওয়াদাবদ্ধ যে, তিনি কারো প্রতি বিন্দুমাত্রও যুলম করবেন না। নিচের হাদীসটিতে এ কথাগুলো সুন্দরভাবে বলে দেয়া হয়েছে।

হযরত আয়িশা (রা) বর্ণনা করেছেনঃ এক ব্যক্তি নবী করীম সাল্লাল্লাহু আলাইহি ওয়া সাল্লাম এর নিকট এসে বসে পড়লো। তারপর বললোঃ ইয়া রাসূলান্নাহ! আমার নিকট কিছু গোলাম আছে, তারা আমার নিকট মিথ্যে কথা বলে এবং আমার মাল মাঝে মাঝে খেয়ানত করে। আমার বিরুদ্ধাচারণও করে। এ কারণে আমি তাদেরকে কখনো গালি দেই, আবার কখনো তাদেরকে মারধর করি। কিয়ামতে আমার কি উপায় হবে? রাসূল সাল্লাল্লাহু আলাইহি ওয়া সাল্লাম বললেনঃ তোমার গোলামদের যে অপরাধ এবং তোমার যে প্রতিকার এ দুটোকে আল্লাহ বিচারের দিন পরিমাপ করবেন। যদি উভয়ের সমান সমান হয় তবে কারো নিকট থেকে কোন পূণ্য নেয়া হবে না। অথবা কোন পাপও কাউকে দেয়া হবেনা। আর যদি তোমার শাস্তি তাদের অপরাধ থেকে বেশী হয়ে যায়, তবে তোমার থেকে তাদেরকে বদলা বা কিসাস আদায় করে দেয়া হবে। যদি তাদের অপরাধ তোমার দেয়া শাস্তি থেকে বেশী হয়ে যায় তবে তাদের থেকে তোমাকে বিনিময় আদায় করে দেয়া হবে। একথা শুনে সে ব্যক্তি মুখ ফিরিয়ে চিৎকার করে কাঁদতে লাগলো। (মা'আরিফুল হাদীস)

হিসেবের দিনের দেওলিয়া

রাসূলে আকরাম সাল্লাল্লাহু আলাইহি ওয়া সাল্লাম একবার সাহাবাগণকে প্রশ্ন করলেনঃ তোমরা কি জানো, প্রকৃত দেওলিয়া (নিঃস্ব) কে? সাহাবাগণ বললেনঃ যার সমস্ত ধন সম্পদ বিনষ্ট হয়ে গেছে সেইতো দেওলিয়া। রাসূল সাল্লাল্লাহু আলাইহি ওয়া সাল্লাম বললেনঃ আমার উম্মতের মধ্যে দেওলিয়া ঐ ব্যক্তি, যে কিয়ামতের দিন নামায, রোযা, যাকাত ইত্যাদি (এর সওয়াব) নিয়ে উপস্থিত হবে। কিন্তু সে কাউকে গালি দিয়েছিলো, আবার কাউকে অপবাদ দিয়েছিলো, অথবা অন্যায় ভাবে কারো মাল আত্মসাত করেছিলো, কারো রক্তপাত ঘটিয়েছিলো আবার কাউকে অযথা প্রহার করেছিলো। সেজন্য তার মিমাংসা এভাবে হবে যাকে সে কষ্ট দিয়েছিলো এবং যাদের অধিকার সে হরণ করেছিলো, তাদের সকলের মধ্যে তার নেক সমূহ বন্টন করে দেয়া হবে কিন্তু যদি হক আদায়ের পূর্বেই তার নেক আমল শেষ হয়ে যায় তবে সমস্ত হকদারের গুনাহ তার ওপর চাপিয়ে দেয়া হবে এবং তাকে জাহান্নামে নিক্ষেপ করা হবে। (মুসলিম)

এখানে একটি প্রশ্ন হতে পারে যারা পৃথিবীতে না জেনে অথবা ভুল বশতঃ কারো হক নষ্ট করে ফেললো। অতঃপর সে যখন জানতে পারলো যে, এটা শক্ত বড়ো গুনাহ। এর থেকে ততোক্ষণ পর্যন্ত পরিত্রাণ পাওয়া যাবে না, যতোক্ষণ পর্যন্ত ঐ বান্দা (যার হক নষ্ট করা হয়েছে) মা'ফ না করবে। এখন সে সংশ্লিষ্ট ব্যক্তির নিকট গিয়ে মা'ফ নিতে পারলেই হলো। যদি সে ব্যক্তি জীবিত থাকে এবং তার ধরা ছোঁয়ার মধ্যে থাকে তবে তো কোন সমস্যাই নেই। আর যদি সে ব্যক্তি ধরা ছোঁয়ার বাইরে থাকে, তখন কি করে সেই অনুতপ্ত ব্যক্তি মা'ফ পেতে পারে?

এ ব্যাপারে হাদীস শরীফে সুন্দর একটি পরামর্শ দেয়া হয়েছে। পরামর্শটি হচ্ছেঃ যদি কেউ কারো হক নষ্ট করে ফেলে। এবং অনুতপ্ত হওয়ার পর হক ফেরত দিয়ে মা'ফ নেয়ার কোন সুযোগ তার না থাকে। যেমন লোকটি মারা গেছে অথবা দেশান্তর হয়ে গিয়েছে। তখন যে পরিমাণ হক নষ্ট করা হয়েছে ঠিক ঐ পরিমাণ সম্পদ তার নামে সাদকা করে দিতে হবে এবং ঐ ব্যক্তির মাগফিরাতের জন্য আল্লাহর নিকট বেশী বেশী দু'আ করতে হবে। এতে আল্লাহ রাসূল আলামীন বিচারের দিন তার থেকে মা'ফ নেয়ার ব্যবস্থা করে দেবেন। এমনি এক ঘটনা সম্পর্কে নিচের হাদীসটিতে আলোকপাত করা হয়েছে।

হযরত আনাস (রা) বর্ণনা করেছেনঃ একবার নবী করীম সাল্লাল্লাহু আলাইহি ওয়া সাল্লাম আমাদের মাঝে তাশরীফ রাখছিলেন। এমন সময় তিনি হেসে ফেলেন যাতে তাঁর সামনের দাঁতগুলো দেখা যাচ্ছিলো। হযরত ওমর (রা) বললেনঃ ইয়া রাসূলান্নাহ্। আমার পিতা-মাতা আপনার জন্য কুরবান হোক, আপনি হাসছেন কেন? তিনি বললেনঃ আমার উম্মতের দু'ব্যক্তিকে অধঃমুখী করে আল্লাহ্র দরবারে হাজির করা হবে। তাদের একজন বলবেঃ হে আমার রব! আমার এ ভাইয়ের কাছ হতে আমার হক আদায় করে দিন। আল্লাহ্ বলবেনঃ হে অমুক। তুমি তার হক আদায় করে দাও। সে বলবেঃ হে আল্লাহ্! আমার একটি নেকীও অবশিষ্ট নেই। আল্লাহ্ পাওনাদারকে বলবেনঃ ওরতো কোন নেকী নেই। এখন তুমি কি করবে? সে বলবেঃ হে আল্লাহ্! সে আমার পাপের বোঝা বহন করুক। [আনাস (রা) বলেনঃ] তিনি একথা বলে কেঁদে ফেললেন এবং তাঁর দু'শব্দ বেয়ে অশ্রু প্রবাহিত হলো। তিনি বললেনঃ সত্যি সে দিনটি কি কঠিন। মানুষ সেদিন এমন বিপদে পড়বে, নিজের পাপের বোঝা অপরের কাধে তুলে দেয়ার প্রয়াস পাবে। অতঃপর আল্লাহ্ পাক ঐ দাবীদারকে বলবেনঃ মাথা তুলো, জান্নাতের দিকে তাকাও। সে মাথা তুলে দেখবে। সে বলবেঃ হে আল্লাহ্! এতো মূল্যবান রূপার সুউচ্চ শহর ও মুক্তা খচিত বালাখানা। এগুলো কি কোন নবীর জন্য? অথবা কোন সিদ্দীক বা শহীদদের জন্য? আল্লাহ্ বলবেনঃ এটা তার জন্য যে এর মূল্য দিতে পারবে। সে বলবেঃ ইয়া আল্লাহ্! এর মূল্য দেয়ার সামর্থ্য কি কারো আছে? আল্লাহ্ বলবেনঃ তা তোমার আছে। তুমি যদি তোমার ভাইকে মা'ফ করে দাও, তবে এটা তোমার। সে তৎক্ষণাৎ বলবেঃ আল্লাহ্ আমি তাকে মা'ফ করে দিলাম। আল্লাহ্ বলবেনঃ যাও, তোমার ভাইয়ের হাত ধরে উভয়ে জান্নাতে যাও। - (মুকাশাফাতুল কুলুব-ইমাম গাজ্জালী)

কেউ কারো সাহায্য করতে পারবে না

وَاتَّقُوا يَوْمًا لَا تَجْزِي نَفْسٌ عَنْ نَفْسٍ شَيْئًا وَلَا يُقْبَلُ مِنْهَا شَفَاعَةٌ وَلَا يُؤْخَذُ مِنْهَا عَدْلٌ وَلَا هُمْ يُنصَرُونَ -

“আর ভয় করো সে দিনকে যে দিন কেউ কারো সামান্যতম কাজেও

লাগবেনা, কারো পক্ষ থেকে সুপারিশ গৃহীত হবে না, বিনিময় নিয়ে কাউকে ছেড়ে দেয়া হবে না এবং অপরাধীরা কোথাও হতে কোনরূপ সাহায্য পাবেনা।” (সূরা বাকারাঃ ৪৮)

وَبَرَزُوا لِلَّهِ جَمِيعًا فَقَالَ الضُّعْفُؤُ لِلَّذِينَ اسْتَكْبَرُوا
 إِنَّا كُنَّا لَكُمْ تَبَعًا فَهَلْ أَنْتُمْ مُغْنُونَ عَنَّا مِنْ عَذَابِ اللَّهِ
 مِنْ شَيْءٍ (ط) قَالُوا هَدَانَا اللَّهُ لَهْدَيْنِكُمْ (ط) سَوَاءٌ
 عَلَيْنَا أَجْرُ عَنَّا أَمْ صَبَرْنَا مَا لَنَا مِنْ مَّحِيصٍ -

“এবং এই লোকেরা যখন আল্লাহর সামনে উন্মুক্ত হবে, তখন দুর্বল লোকেরা (অনুসারীরা) যারা বড়ো লোক (নেতৃস্থানীয়) ছিলো, তাদেরকে বলবেঃ পৃথিবীতে আমরা তোমাদের অধীন ছিলাম আজ আমাদেরকে বাঁচাতে কিছু করতে পারো কি? তারা বলবেঃ আল্লাহ যদি আমাদেরকে মুক্তির কোন পথ দেখাতেন তবে অবশ্যই আমরা তোমাদেরকেও পথ দেখাতাম। এখন আহাজারী করি কিংবা ধৈর্য্য ধারণ করি উভয়ই আমাদের জন্য সমান। আমাদের রক্ষা ও মুক্তি লাভের কোন উপায়ই নেই।”

সূরা আলে-ইমরানে আরো স্পষ্ট করে বলা হয়েছে-

إِنَّ الَّذِينَ كَفَرُوا لَنْ تُغْنِيَ عَنْهُمْ أَمْوَالُهُمْ وَلَا أَوْلَادُهُمْ
 مِنَ اللَّهِ شَيْئًا (ط) وَاللَّيْلُ هُمْ وَقُودُ النَّارِ -

“যারা কুফরী করেছে, সেদিন আল্লাহর সামনে তাদের ধন-সম্পদ না কোন উপকারে আসবে, না তাদের সন্তান-সন্তুতি। তারা জাহান্নামের ইন্ধন হয়েই থাকবে।” (সূরা আলে ইমরানঃ ১০)

মানুষ পৃথিবীতে সন্তান- সন্তুতির জন্য বৈধ-অবৈধ কোন বাহু-বিচার না করেই সম্পদ সংগ্রহের চেষ্টায় নিয়োজিত থাকে, এমনি অবস্থায়ই একদিন মৃত্যু তাঁর সামনে এসে দাঁড়ায়। তখন সন্তান-সন্তুতি অথবা অগণিত ধন-সম্পদ কোনটিই মৃত্যু যন্ত্রনাকে সামান্যতম হ্রাস করতে পারে না। ঠিক তেমনিভাবে সেই বিচারের দিন হিসেবে-নিকেশের সময়ও সেগুলো কোন উপকারে আসবেনা।

তাদের বিভিন্ন অঙ্গ-প্রত্যঙ্গ সাক্ষ্য দেবে

يَوْمَ تَشْهَدُ عَلَيْهِمُ أَلْسِنَتُهُمْ وَأَيْدِيهِمْ وَأَرْجُلُهُمْ بِمَا
كَانُوا يَعْمَلُونَ -

“তারা যেনো সে দিনটির কথা ভুলে না যায়, যখন তাদের নিজেদের জিহ্বা,
নিজেদের হাত ও পা তাদের (অতীতের) ক্রিয়া-কর্মের সাক্ষ্য প্রদান করবে।”
(সূরা আন-নূরঃ ২৪)

حَتَّىٰ إِذَا جَاءُوهَا شَهِدَ عَلَيْهِمْ سَمْعُهُمْ وَأَبْصَارُهُمْ
وَجُلُودُهُمْ بِمَا كَانُوا يَعْمَلُونَ - فَقَالُوا لِمَ لِيْجُودِهِمْ لِمَا
شَهِدْتُمْ عَلَيْنَا (ط) قَالُوا أَنْطَقَنَا اللَّهُ الَّذِي أَنْطَقَ كُلَّ
شَيْءٍ -

“অতঃপর সকলেই যখন সেখানে উপস্থিত হবে, তখন তাদের কান,
তাদের চোখ এবং তাদের দেহের চামড়া সাক্ষ্য দেবে, তারা পৃথিবীতে কি কি
কাজ করেছিলো। তখন তারা তাদের দেহের চামড়াকে বলবে তোমরা
আমাদের বিরুদ্ধে কেনো সাক্ষী দিলে? জবাবে ওরা বলবেঃ আমাদেরকে সে
আল্লাহ্-ই কথা বলার শক্তি দিয়েছেন যিনি সব জিনিসকেই বাকশক্তি সম্পন্ন
বানিয়েছেন।” (সূরা হা-মীম-আস-সাজদাঃ ২০-২১)

অর্থাৎ কেবল মানুষের অঙ্গ-প্রত্যঙ্গই সাক্ষ্য দেবেনা। পৃথিবীতে যতো কিছু
আছে সেদিন সব কিছুকেই বাকশক্তি সম্পন্ন বানিয়ে দেবেন এবং মানুষের
বিরুদ্ধে সাক্ষ্য গ্রহণ করবেন। কেননা সেদিন মানুষ আল্লাহ্র নিকট মিথ্যা
বলে বাঁচার চেষ্টা করবে, তখন তাদের বক্তব্য যে মিথ্যা, তা প্রমাণ করার
জন্যই আল্লাহ্ রাব্বুল আলামীন তাদের অঙ্গ-প্রত্যঙ্গ হতে সাক্ষ্য নেবেন।
যেমন অন্য জায়গায় এ সম্পর্কে এক মজার ঘটনা বলা হয়েছে-

وَيَدْعُونَ إِلَى السُّجُودِ فَلَا يَسْتِطِيعُونَ - خَاشِعَةً

أَبْصَارُهُمْ تَرَاهُمْ ذَلَّةً (ط) وَقَدْ كَانُوا يُدْعَوْنَ إِلَى
السُّجُودِ وَهُمْ سَالِمُونَ -

এবং তাদেরকে সিজদা দেয়ার জন্য ডাকা হবে, কিন্তু তখন তারা সিজদা দিতে পারবেনা। তাদের দৃষ্টি নিচু হবে, লাঞ্ছনা-অপমান তাদের ওপর চেপে বসবে। এরা যখন সুস্থ ছিলো তখনও সিজদার জন্য ডাকা হতো (কিন্তু তারা অস্বীকার করতো)।

ওপরোক্ত আয়াতের ঘটনাটি হচ্ছে, যদিও আল্লাহ তা'আলা সর্বজ্ঞ তবু সেদিন প্রমাণ ছাড়া কারো বিরুদ্ধে আল্লাহ কিছুই বলবেন না। সেজন্য সমস্ত হাশরবাসীকে জিজ্ঞেস করবেন, তোমরা কি পৃথিবীতে আমার স্বরণে নামায পড়তে? প্রতিউত্তরে সবাই বলবে, হ্যাঁ অবশ্যই আমরা পৃথিবীতে তোমার স্বরণে নামায পড়তাম। তখন আল্লাহ বলবেন, ঠিক আছে তাহলে আজ আমাকে সবাই একটা করে সিজদা দিয়ে দেখাও। একথা শুনে মুমিনগণ সাথে সাথে সিজদায় লুটিয়ে পড়বে কিন্তু সেদিন কাফিরদের কোমর বাঁকা-ই হবে না। তাই শত চেষ্টা করেও তারা সিজদা দিতে পারবেনা। আল্লাহ বলবেন, তোমাদের হলো কি? সিজদা দিচ্ছেনা কেনো? তখন তারা বলবে আমরা তো দুনিয়ায় ঠিকমতই সিজদা দিতাম কিন্তু আজ যে কি হলো বুঝিনা। এমনিভাবে বিচারের সময়ও মানুষ বিভিন্ন টালবাহানা শুরু করবে।

তখন আল্লাহ বজ্র কণ্ঠে ঘোষণা করবেনঃ

الْيَوْمَ نَخْتِمُ عَلَىٰ أَفْوَاهِهِمْ وَتُكَلِّمُنَا أَيْدِيهِمْ وَتَشْهَدُ
أَرْجُلُهُمْ بِمَا كَانُوا يَكْسِبُونَ -

“আজ আমরা তাদের মুখ বন্ধ করে দিচ্ছি। এদের হাত আমাদের সাথে কথা বলবে, পা সাক্ষ্য দেবে, এরা পৃথিবীতে কোথায় কি করছিলো।”

(সূরা ইয়াসীনঃ ৬৫)

তারা পরস্পর দোষারোপ করবে

وَلَوْ تَرَىٰ إِذِ الظَّالِمُونَ مَوْقُوفُونَ عِنْدَ رَبِّهِمْ (ط) يَرْجِعُ
بَعْضُهُمْ إِلَىٰ بَعْضٍ مِنَ الْقَوْلِ (ج) يَقُولُ الَّذِينَ
اسْتَضَعِفُوا لِلَّذِينَ اسْتَكْبَرُوا لَوْلَا أَنْتُمْ لَكُنَّا مُؤْمِنِينَ -
قَالَ الَّذِينَ اسْتَكْبَرُوا لِلَّذِينَ اسْتَضَعِفُوا أَنَحْنُ صَدَدْنَاكُمْ
عَنِ الْهُدَىٰ بَعْدَ إِذْ جَاءَ كُمْ بَلْ كُنْتُمْ مُجْرِمِينَ -

“তুমি যদি এ লোকদেরকে দেখো, যখন এ জালিমরা তাদের রবের সামনে দাঁড়াতে বাধ্য হবে, তখন তারা পরস্পর পরস্পরের ওপর দোষারোপ করতে থাকবে। যাদেরকে পৃথিবীতে দাবিয়ে রাখা হতো (অর্থাৎ অনুসারী) তারা যারা প্রভাবশালী (অর্থাৎ নেতা) তাদেরকে বলবেঃ তোমরা না থাকলে আমরা অবশ্যই মুমিন হতাম। তখন নেতারা বলবেঃ তোমাদের নিকট যে হেদায়েত এসেছিলো আমরা কি তা হতে তোমাদেরকে ফিরিয়ে রেখেছিলাম? না, বরং তোমরা নিজেরাই অপরাধী ছিলে।” (সাবাঃ ৩১-৩২)

সূরা আশ-শুয়ারায় বলা হয়েছে-

وَقِيلَ لَهُمْ أَيُّنَمَا كُنْتُمْ تَعْبُدُونَ - مِنْ دُونِ اللَّهِ (ط) هَلْ
يَنْصُرُونَكُمْ أَوْ يَنْتَصِرُونَ فَكُفُّوا فِيهَا هُمْ وَالْغَاوُونَ -
وَجُنُودٌ أِبْلِيسَ أَجْمَعُونَ . قَالُوا وَهُمْ يَخْتَصِمُونَ -
تَاللَّهِ إِنْ كُنَّا لَفِي ضَلَالٍ مُّبِينٍ - إِذْ نَسَوْنَ رَبَّ
الْعَالَمِينَ - وَمَا أَضَلَّنَا إِلَّا الْمُجْرِمُونَ -

“এবং তাদেরকে জিজ্ঞেস করা হবেঃ আল্লাহকে বাদ দিয়ে যাদের অনুসরণ করেছো, আজ তারা কোথায়? তারা কি তোমাদের কোন সাহায্য

করছে, না তারা নিজেরাই আত্মরক্ষা করতে সক্ষম? অতঃপর তাদের সে মাবুদ ও বিভ্রান্ত লোকেরা এবং ইবলিসের সৈন্য-সামন্ত সকলকেই ওপরে নিচে ঠেলে দেয়া হবে। সেখানে তারা পরস্পর ঝগড়া করবে। আর এ বিভ্রান্ত লোকেরা তাদের নেতাদের অথবা মাবুদদেরকে বলবেঃ আল্লাহর কসম! আমরা তো সুস্পষ্ট বিভ্রান্তিতে লিপ্ত ছিলাম। কেননা তোমাদেরকে রাব্বুল আলামীনের সমান মর্যাদা দিচ্ছিলাম। আজ অপরাধীরাই আমাদের বিভ্রান্তির জন্য দায়ী।” (সূরা আশ্ শূরারঃ ৯২-৯৯)

অন্যত্র বলা হয়েছে—

يَوْمَ الْقِيَامَةِ يَكْفُرُ بَعْضُكُم بِبَعْضٍ وَيَلْعَنُ بَعْضُكُم بَعْضًا
وَمَا أُولَئِكَ إِلَّا لَكُم مِّنْ نَّصْرِينَ -

কিয়ামতের দিন একদল অপর দলকে অস্বীকার করবে এবং পরস্পরকে অভিশাপ দেবে। পরিণতিতে তোমাদের ঠাই হবে জাহান্নাম। আর সেখানেও কোন সাহায্যকারী পাবেনা।

সেদিন সমস্ত দায় দায়িত্ব নেতা ও শয়তানের ঘাড়ে চাপিয়ে মানুষ মুক্তি পেতে চাবে। কিন্তু দুর্ভাগ্য, যাদেরকে তারা অভিযুক্ত করবে, তারা সবাই অস্বীকার করবে। সে কথাগুলো অত্যন্ত পরিস্কার ভাষায় আল্লাহ বলে দিয়েছেন।

ইরশাদ হচ্ছে—

وَقَالَ الشَّيْطَانُ لَمَّا قُضِيَ الْأَمْرُ إِنَّ اللَّهَ وَعَدَكُمْ
وَعَدَ الْحَقُّ وَوَعَدْتُكُمْ فَأَخْلَفْتُكُمْ وَمَا كَانَ لِي عَلَيْكُمْ
مِّنْ سُلْطَانٍ إِلَّا أَنْ دَعَوْتُكُمْ فَاسْتَجَبْتُمْ لِي فَلَا
تَلُومُونِي وَلُومُوا أَنفُسَكُمْ (ط) مَا أَنَا بِمُصْرِخِكُمْ
وَمَا أَنْتُمْ بِمُصْرِخِيَّ إِنِّي كَفَرْتُ بِمَا أَشْرَكْتُمُونِ مِنْ
قَبْلُ -

“(যখন পরস্পর দোষারোপ করতে থাকবে) তখন শয়তান বলবে, আল্লাহ তা’আলা তোমাদেরকে যে ওয়াদা করেছিলেন তা ঠিক হয়েছে। আর আমি তোমাদেরকে যে ওয়াদা করেছিলাম তার খেলাফ করেছি। (এখন) আমার ওপর তোমাদের কোন দায়-দায়িত্ব নেই। শুধু এতটুকু যে, আমি তোমাদেরকে ডাক দিয়েছি, আর অমনি তোমরা আমার ডাকে সাড়া দিয়েছো। তাই আজ আর আমাকে দোষ দিও না বরং নিজেদেরকেই দোষারোপ করো। কেননা আমি তোমাদেরকে ঘাড় ধরে কিছু করাইনি আর তোমরাও আমাকে জোর করে কিছু করাওনি। তোমরা আমাকে কেন্দ্র করে যে সমস্ত শিরক করেছো তা আমি আগেই অস্বীকার করেছি।”

(সূরা ইব্রাহীমঃ ২২)

সূরা ইউনুসে বলা হয়েছে—

وَيَوْمَ نَحْشُرُهُمْ جَمِيعًا ثُمَّ نَقُولُ لِلَّذِينَ أَشْرَكُوا
مَكَانَكُمْ أَنْتُمْ وَشُرَكَائِكُمْ (ج) فَزَيَّلْنَا بَيْنَهُمْ وَقَالَ
شُرَكَائُهُمْ مَا كُنْتُمْ آيَانَا تَعْبُدُونَ - فَكَفَى بِاللَّهِ شَهِيدًا
بَيْنَنَا وَبَيْنَكُمْ إِنْ كُنَّا عَنْ عِبَادَتِكُمْ لَغْفِيلِينَ -

“যেদিন আমরা সকলকে একত্রিত করবো। তখন আমরা মুশরিকদেরকে বলবোঃ থামো! তোমরা এবং তোমাদের বানানো মাবুদগণ সকলেই। অতঃপর আমরা তাদের মধ্যে সম্পর্ক বিচ্ছিন্ন করে দেবো। তখন তাদের মাবুদগণ বলবেঃ তোমরা তো আমাদের ইবাদাত করতে না, আমাদের ও তোমাদের মাঝে আল্লাহর সাক্ষ্যই যথেষ্ট। আর (যদিই বা আমাদের ইবাদত করে থাকো) আমরা সে ইবাদাত সম্পর্কে খবরও রাখতাম না।”

(সূরা ইউনুসঃ ২৮-২৯)

ঈমানদারদের জন্য বিশেষ সুযোগ

বিচারের দিন আল্লাহ রাব্বুল আলামীন একদল গুনাহ্গার মুমিনকে তাঁর

রহমতের চাদরের নিচে নিয়ে তাদের কৃত কিছু গুনাহর কথা স্বরণ করিয়ে দেবেন। তারা স্বীকার করবে এবং পেরেশানীর কারণে প্রায় বেহুস হয়ে যাবে এবং মনে মনে বলবে আমরা ধ্বংস হয়ে গেছি। তাদের পেরেশানী দেখে আল্লাহ্ বলবেনঃ আমি পৃথিবীতে তোমাদের এ অপরাধগুলো গোপন রেখেছিলাম। আজ তা মা'ফ করে দিলাম। তখন তাদের পুণ্যময় আমলনামা তাদের হাতে দিয়ে দেয়া হবে। -(বুখারী, মুসলিম।)

আল্লাহর প্রতিবেশী ও বন্ধুদের মর্যাদা

হাদীসে কুদসীর মাধ্যমে নবী করীম সাল্লাল্লাহু আলাইহি ওয়া সাল্লাম আমাদেরকে সুসংবাদ দিয়েছেন যে,

يَقُولُ اللَّهُ يَوْمَ الْقِيَامَةِ أَيْنَ جِيرَانِي؟ فَتَقُولُ
الْمَلَائِكَةُ مَنْ هَذَا الَّذِي يَنْبَغِي لَهُ أَنْ يُجَاوِرَكَ فَيَقُولُ
أَيْنَ قُرَاءُ الْقُرْآنِ وَعُمَارُ الْمَسَاجِدِ -

বিচারের দিন আল্লাহ্ রাব্বুল আলামীন তাঁর ফেরেশতাদেরকে জিজ্ঞেস করবেনঃ আমার প্রতিবেশীরা কোথায়? তাঁরা বলবেনঃ আপনার প্রতিবেশী হওয়ার যোগ্য কারা? তখন আল্লাহ্ বলবেনঃ যারা মসজিদ সমূহ আবাদ করতো এবং কুরআন শরীফ তিলাওয়াতকারীগণ কোথায়? -(আবু নঈম)

يَقُولُ اللَّهُ يَوْمَ الْقِيَامَةِ ادْنُوا مِنِّي أَحِبَّائِي؟ فَيَقُولُ
الْمَلَائِكَةُ مَنْ أَحِبَّائُكَ؟ فَيَقُولُ فَقُرَاءُ الْمُسْلِمِينَ -
فَيَدْنُونَ مِنْهُ - فَيَقُولُ أَمَا إِنِّي لَمْ أَزُ الدُّنْيَا عَنْكُمْ
لِهَوَانِ كَانَ بِكُمْ عَلَيَّ وَلَكِنْ أَرَدْتُ بِذَلِكَ أَنْ أضعِفَ لَكُمْ
كَرَامَتِي الْيَوْمَ فَتَمَنُّوْا عَلَيَّ مَا شِئْتُمْ الْيَوْمَ فَيُؤَمَّرُ بِهِمْ
إِلَى الْجَنَّةِ قَبْلَ الْأَغْنِيَاءِ أَرْبَعِينَ خَرِيفًا -

“কিয়ামতের দিন আল্লাহ বলবেনঃ আমার বন্ধুদেরকে নিয়ে এসো। ফেরেশতাগণ বলবেনঃ কারা আপনার বন্ধু? আল্লাহ বলবেনঃ দরিদ্র মুসলমানগণ আমার বন্ধু। তখন তাদেরকে আল্লাহর নিকট হাজির করা হবে। তখন আল্লাহ তাদেরকে লক্ষ্য করে বলবেনঃ আমি অন্য কোন কারণে পৃথিবীতে তোমাদের সুখ শান্তি কেড়ে নেইনি। শুধুমাত্র আজকের এ ভয়াবহ দিনে কয়েকগুণ বাড়িয়ে তার বিনিময় দেয়াই আমার ইচ্ছে ছিলো। সুতরাং তোমাদের যা খুশী আজ আমার নিকট চাও। অতঃপর ধনী ব্যক্তিদের চেয়ে চল্লিশ বৎসর পূর্বেই তাদেরকে জান্নাতে পাঠিয়ে দেয়া হবে।”

—[আবু শাইখ, আনাস (রা) হতে]

বিনা হিসেবে জান্নাতে প্রবেশকারীগণ

এমন ভয়াবহ দিনেও মনুষ্য হিসেব নিকেশ ছাড় পরম অতৃপ্তির সাথে জান্নাতে দাখিল হবার ছাড়পত্র পাবে। রাসূলুল্লাহ সাল্লাল্লাহু আলাইহি ওয়া সাল্লাম বলেছেনঃ

يُحْشَرُ النَّاسُ فِي صَعِيدٍ وَاحِدٍ يَوْمَ الْقِيَامَةِ فَيُنَادِ
مُنَادٍ فَيَقُولُ أَيُّنَ الَّذِينَ كَانَتْ تَتَجَافَى حُبُّوهُمْ عَنِ
الْمَضَاجِعِ فَيَقُومُونَ وَهُمْ قَلِيلٌ فَيَدْخُلُونَ الْجَنَّةَ
بِغَيْرِ حِسَابٍ ثُمَّ يُؤْمَرُ سَائِرُ النَّاسِ إِلَى الْحِسَابِ -

কিয়ামতের দিন সমস্ত মানুষকে একত্রিত করে ও ঠনো হবে। তারপর এক আহ্বানকারী উচ্চস্বরে আহ্বান করবেঃ তারা কোথায়, যাদের পিঠ বিছানা থেকে পৃথক থাকতে (অর্থাৎ তারা রাতের অধিকাংশ সময় নামাযে কাটাতে)? এ ঘোষণা শোনে কিছু লোক (পৃথক হয়ে) দাঁড়িয়ে যাবে। অবশ্য তাদের সংখ্যা হবে খুব স্বল্প। অতঃপর তারা বিনা হিসেবে জান্নাতে প্রবেশের অনুমতি পাবে। তারপর অন্যদের হিসেব গ্রহণের নির্দেশ দেয়া হবে।

—(বায়হাকী)

মিযান (المِيزَانُ)

وَنَضَعُ الْمَوَازِينَ الْقِسْطَ لِيَوْمِ الْقِيَامَةِ فَلَا تُظْلَمُ نَفْسٌ شَيْئًا ط وَإِنْ كَانَ مِثْقَالَ حَبَّةٍ مِّنْ خَرْدَلٍ أَتَيْنَا بِهَا ط وَكَفَىٰ بِنَا حَسِيبِينَ

“কিয়ামতের দিন আমরা সঠিক-নির্ভুল ওজন করার দাঁড়িপাল্লা সংস্থাপন করবো। তার ফলে কোন ব্যক্তির উপর এক বিন্দু পরিমাণ যুল্ম করা হবে না। যে এক বিন্দু পরিমাণও কিছু আমল করে তা আমরা তার সামনে হাজির করবো। আর হিসেব সম্পন্ন করার জন্য আমরাই যথেষ্ট।”

—(সূরা আশ্বিয়াঃ ৪৭)

হযরত সালমান (রাঃ) থেকে বর্ণিত, মহানবী সাল্লাল্লাহু আলাইহি ওয়া সাল্লাম বলেছেনঃ কিয়ামতের দিন আমল পরিমাপ করার জন্য মিযান স্থাপন করা হবে। তার বিশালতা এমন হবে যে, তার মধ্যে সমস্ত আসমান ও জমিন এক সাথে পরিমাপ করতে গেলেও কোনরূপ অসুবিধা হবে না। ফেরেশতাগণ এটি দেখে মহান আল্লাহর নিকট জিজ্ঞেস করবেনঃ এ দিয়ে কি বস্তু পরিমাপ করা হবে। মহান আল্লাহ বলবেনঃ সৃষ্টির মধ্যে যার ওজন গ্রহণ করতে চাবো, এটা তার ওজনই পরিমাপ করবে। একথা শোনে ফেরেশতাগণ বলবেনঃ হে আল্লাহ! আপনি পাক ও পবিত্র। আমাদের যেভাবে আপনার ইবাদাত করার কথা ছিলো আমরা সেভাবে তা করতে পারিনি।

হযরত আনাস (রাঃ) বর্ণনা করেছেনঃ রাসূলে আকরাম সাল্লাল্লাহু আলাইহি ওয়া সাল্লাম ইরশাদ করেছেন, কিয়ামতের দিন মিযানের নিকট একজন ফেরেশতা নিয়োগ করা হবে। মানুষ (আমল পরিমাণের জন্য) এ মিযানের নিকট আসবে। এখানে এলেই তাকে দু'পাল্লার মাঝামাঝি দাঁড় করানো হবে।

অতঃপর তার নেক আমলের পরিমাণ বেশী হলে, ফেরেশতাগণ উচ্চস্বরে চিৎকার করে ঘোষণা করবে। তার সে চিৎকার সমস্ত সৃষ্টিকূল শোনতে পারবে। বলা হবেঃ অমুক ব্যক্তি আজ হতে চিরদিনের জন্য ভাগ্যবান হিসেবে চিহ্নিত হলো, আর কখনো সে দুর্দশাগ্রস্থ হবে না। আর যদি আমলের পরিমাণ কম হয় তাহলে একজন ফেরেশতা অত্যন্ত বিকট শব্দে চিৎকার করে বলবেঃ অমুক ব্যক্তি চিরদিনের জন্য ব্যর্থ হয়ে গেলো। তার ভাগ্য আর কখনো ফিরবে না। এ চিৎকার সমস্ত সৃষ্টিকূলের কর্ণগোচর হবে।

—(আত্ তারগীব ওয়াত্ তারহীব)

الميزان (আল মিয়ান) শব্দের অর্থ নিক্তি, দাঁড়ি-পাল্লা, পরিমাপক যন্ত্র। শরীয়াতের পরিভাষায় ميزان (মিয়ান) বলা হয় সেই ‘পরিমাপক যন্ত্র’কে যা দিয়ে বিচারের দিন নেকী-বদী, ভালো-মন্দ পরিমাপ করা হবে।

এখানে প্রশ্ন হতে পারে, নেকী ও গুণাহ্ তো অপদার্থ অর্থাৎ এদের কোন আকার আকৃতি ও ওজন নেই তবে সেদিন কি করে ওজন করা হবে?

এ প্রশ্নের উত্তর হতে পারে—

একঃ সেদিন পরিমাপের জন্য নেকী ও গুণাহ্কে আকার-আকৃতি প্রদান করা হবে। এ কথার সমর্থনও হাদীস থেকে পাওয়া যায়। হাদীসে আছে, “বিচারের দিন মানুষ বড়ো বড়ো পাহাড়ের আকৃতিতে তাদের নেকসমূহ দেখতে পাবে।”

দুইঃ আমরা পৃথিবীতে বিভিন্ন জিনিস পরিমাপের জন্য ভিন্ন ভিন্ন পরিমাপক যন্ত্র ব্যবহার করি। যেমন দাঁড়িপাল্লা দিয়ে ধান, চাল, ছোলা ইত্যাদি পরিমাপ করা হয়, আবার তরল পদার্থ পরিমাপক পাত্র দিয়ে পরিমাপ করা হয়, তাপমাত্রা ও হিমাংক পরিমাপ করি থার্মোমিটার দিয়ে, তরল পদার্থের ঘনত্ব পরিমাপ করি ল্যাট্টোমিটার দিয়ে। তেমনিভাবে বায়ুচাপ পরিমাপ করা হয় বেরোমিটার দিয়ে। তদ্রূপ আল্লাহ রাব্বুল আলামীনও সেদিন ঠিক তেমনিভাবে পাপ ও পূর্ণ পরিমাপের জন্য এমন কোন পরিমাপক যন্ত্র ব্যবহার করবেন, যা আমরা পৃথিবীতে কল্পনাও করতে পারি না। শুধু মাত্র পরিমাপের ব্যাপারটা বুঝানোর জন্যই হয়তো দাঁড়িপাল্লার কথা উল্লেখ করেছেন। (প্রকৃত ব্যাপার

তো আল্লাহই জানেন)

ইরশাদ হচ্ছেঃ

وَالْوَزْنُ يَوْمَئِذٍ الْحَقُّ فَمَنْ ثَقُلَتْ مَوَازِينُهُ فَأُولَئِكَ هُمُ الْمُفْلِحُونَ وَمَنْ خَفَّتْ مَوَازِينُهُ فَأُولَئِكَ الَّذِينَ خَسِرُوا أَنفُسَهُمْ بِمَا كَانُوا بِآيَاتِنَا يَظْلِمُونَ

“আর সেদিন সত্য ও সঠিকভাবে ওজন করা হবে। যাদের পাল্লা ভারী হবে তারাই কল্যাণ লাভ করবে, আর যাদের পাল্লা হালকা হবে তারা নিজেরাই নিজেদের ক্ষতি ডেকে আনবে। কেননা তারা আমার আয়াতের সাথে জালিমদের ন্যায় আচরণ করছিলো।” –(সূরা আ'রাফঃ ৮-৯)

সূরা আল কারিয়াহ্- এ বলা হয়েছেঃ

فَأَمَّا مَنْ ثَقُلَتْ مَوَازِينُهُ فَهُوَ فِي عِيشَةٍ رَّاظِيَةٍ -
وَأَمَّا مَنْ خَفَّتْ مَوَازِينُهُ فَأُمُّهُ هَاوِيَةٌ - وَمَا أَدْرَاكَ
مَا هِيَ - نَارٌ حَامِيَةٌ

“অতঃপর যার পাল্লা ভারী হবে সে পছন্দমতো সুখে থাকবে। আর যার পাল্লা হালক হবে, গভীর গহ্বরই হবে তার আশ্রয়স্থল। তুমি কি জানো তা কি জিনিস? তা হচ্ছে জলন্ত আগুন।” –(সূরা কারিয়াহঃ ৬-১১)

আমলনামা (كِتَابٌ)

আমলনামা অথবা কৃতকর্মের ফলাফলকে কুরআনে كِتَابٌ বলা হয়েছে। এ কিতাব সেদিন কিসের উপরে লিখিত হবে বা কিসের মাধ্যমে দেয়া হবে তা জানার কোন উপায় আমাদের কাছে নেই। কেননা কুরআন হাদীসে এ সম্পর্কে কিছুই বলা হয়নি। আল্লাহ্ মানুষের এক একটি কথা, তার প্রত্যেকটি গতিবিধি ও কার্যকলাপের ক্ষুদ্রাতিক্ষুদ্র অংশকে, তার মনোভাব ও ইচ্ছা বাসনাকে, চিন্তা কল্পনাকে (গোপন হতে গোপনতর জিনিসকে) কিভাবে সংরক্ষণ করছেন বা কিভাবে সেদিন তার খতিয়ান বান্দার নিকট হস্তান্তর করবেন এ বিষয়ে সমস্ত জ্ঞান আল্লাহ্র ইখতিয়ারে। আমরা শুধু এতটুকু বুঝি যে, এগুলোকে সেদিন অবশ্যই একটা আকার আকৃতি দেয়া হবে।

আল্লাহ্ রাব্বুল আলামীন বলেনঃ

كُلُّ أُمَّةٍ تَدْعِي إِلَى كِتَابِهَا ط الْيَوْمَ تُجْزَوْنَ مَا كُنْتُمْ تَعْمَلُونَ - هَذَا كِتَابُنَا يَنْطِقُ عَلَيْكُمْ بِالْحَقِّ ط إِنَّا كُنَّا نَسْتَنْسِخُ مَا كُنْتُمْ تَعْمَلُونَ -

“প্রত্যেক দলকেই সেদিন ডেকে বলা হবেঃ এসো, তোমাদের ‘আমলনামা’ নিয়ে যাও। আজ তোমাদেরকে সে সব আমলের বিনিময় দেয়া হবে, যা তোমরা করেছো। এটা আমাদের তৈরী করা ‘আমলনামা’। তোমাদের ব্যাপারে সঠিক ও যথাযথ সাক্ষ্য দেবে। তোমরা (পৃথিবীতে) যা কিছু করছিলে আমরা তা যথাযথভাবে লিখে রাখতেছিলাম।”

-(সূরা আল্ জাসীয়াঃ ২৮-২৯)

অন্যত্র বলা হয়েছেঃ

يَوْمَ يَبْعَثُهُمُ اللَّهُ جَمِيعًا فَيُنَبِّئُهُم بِمَا عَمِلُوا ط أَحْضَهُ اللَّهُ وَنَسُوهُ -

“সেদিন আল্লাহ্ সবাইকে পুনরায় জীবিত করে উঠাবেন তারা (পৃথিবীতে) যা কিছু করে এসেছে তা তাদেরকে জানিয়ে দেবেন। তারা তো (তাদের আমল) ভুলে গিয়েছে, কিন্তু আল্লাহ যাবতীয় কৃতকর্ম শুনে শুনে সংরক্ষিত করে রেখেছেন।” –(সূরা আল মুজাদালাঃ ৫)

সূরা যিলযালে বলা হয়েছেঃ

يَوْمَئِذٍ يَصْدُرُ النَّاسُ أَشْتَاتًا لِّيُرَوْا أَعْمَالَهُمْ - فَمَنْ
يَعْمَلْ مِثْقَالَ ذَرَّةٍ خَيْرًا يَرَهُ - وَمَنْ يَعْمَلْ مِثْقَالَ ذَرَّةٍ
شَرًّا يَرَهُ -

“সেদিন প্রত্যেক লোক (দলবল ছাড়া) বিচ্ছিন্ন অবস্থায় ফিরে আসবে, যেনো তাদের আমল তাদেরকে দেখানো যায়। অতঃপর যে ব্যক্তি অনু পরিমাণ নেক আমল করবে তা সে দেখতে পাবে এবং যে ব্যক্তি অণু পরিমাণ বদ আমল করবে তাও সে দেখতে পাবে। –(সূরা যিলযালঃ ৬-৮)

সূরা বনী ইসরাঈলে বলা হয়েছেঃ

وَنُخْرِجُ لَهُ يَوْمَ الْقِيَامَةِ كِتَابًا يَلْقَاهُ مَنشُورًا - اِقْرَأْ
كِتَابَكَ ط كَفَىٰ بِنَفْسِكَ عَلَيْكُمْ حَسِيبًا -

আর কিয়ামতের দিন আমরা তাদের ‘আমলনামা’ প্রকাশ করবো, যাতে সবকিছু রেকর্ড থাকবে। (বলা হবে) পড়ো নিজে ‘আমলনামা। আজ নিজে হিসেব নেয়ার জন্য নিজেই যথেষ্ট। –(সূরা বনী ইসরাঈলঃ ১৩-১৪)

অন্যত্র বলা হয়েছেঃ

فَأَمَّا مَنْ أُوْتِيَ كِتَابَهُ بِيَمِينِهِ - فَسَوْفَ يُحَاسِبُ حِسَابًا
يَسِيرًا - وَيُنْقَلِبُ إِلَىٰ أَهْلِهِ مَسْرُورًا - وَأَمَّا مَنْ أُوْتِيَ

كُتِبَ وَرَاءَ ظَهْرِهِ - فَسَوْفَ يَدْعُوا ثُبُورًا - وَيَصَلُّوْنَ
سَعِيرًا -

অতঃপর যার “আমলনামা” ডান হাতে দেয়া হবে তার হিসেব সহজ ভাবে গ্রহণ করা হবে এবং সে সানন্দে আপনজনের নিকট ফিরে যাবে। আর যার “আমলনামা” তার পেছন দিক হতে দেয়া হবে সে মৃত্যুকে ডাকবে ও জ্বলন্ত অগ্নিকুন্ডে নিষ্কিণ্ড হবে। -(সূরা ইনশিকাকঃ ৭-১২)

অর্থাৎ যার ‘আমলনামা’ ডান হাতে দেয়া হবে তার হিসেব গ্রহণে কড়া-কড়ি ও কঠোরতা অবলম্বন করা হবে না। তাকে জিজ্ঞেস করা হবে না যে, তুমি অমুক কাজ কেনো করেছিলে? অমুক কাজ যে তুমি করেছো তার কৈফিয়ত দাও। ভালো কাজের সাথে খারাপ কাজও তার আমলনামায় লিপিবদ্ধ থাকবে কিন্তু ভালো কাজের ওজন যেহেতু পাপের তুলনায় বেশী হবে এজন্য তার অপরাধসমূহ এমনিই মাফ করে দেয়া হবে। পাপী লোকদের নিকট হতে হিসেব গ্রহণে যে কড়াকড়ি অবলম্বন করা হবে তা বুঝাবার জন্য কুরআন মজীদে **سوء الحساب** ব্যবহার করা হয়েছে। (রা’দ-১৮)। এর অর্থ অত্যন্ত খারাপভাবে হিসেব গ্রহণ করা। পক্ষান্তরে নেক লোকদের সম্পর্কে বলা হয়েছে: “এরা এমন লোক যে, তাদের ভালো ও নেক আমলসমূহ আমরা গ্রহণ করবো এবং তাদের গুণাহসমূহ মা’ফ করে দেবো।”-(সূরা আল্ আহ্কাফঃ ১৬) এর ব্যাখ্যা সম্বন্ধে নবী করীম সাল্লাল্লাহু আলাইহি ওয়া সাল্লাম যা ইরশাদ করেছেন, তা ইমাম বুখারী, আহ্‌মাম, মুসলিম, তিরমিযি, নাসায়ী, আবু দাউদ, হাকিম, ইবনে জরীর, আবদ ইবনে হুমাঈদ ও ইবনে মারদুইয়া হযরত অয়েশা (রা) হতে বর্ণনা করেছেন। একটি বর্ণনায় বলা হয়েছে নবী করীম সাল্লাল্লাহু আলাইহি ওয়া সাল্লাম বলেছেনঃ যারই হিসেব নেয়া হবে, সেই বিপদে পড়বে। হযরত অয়েশা (রা) জিজ্ঞেস করলেন, ইয়া রাসুল্লাহ! আল্লাহতায়াল্লা কি বলেননি যে, যার আমলনামা ডান হাতে হবে, তার হিসেব সহজে গ্রহণ করা হবে? নবী করীম সাল্লাল্লাহু আলাইহি ওয়া সাল্লাম বললেনঃ এটা হচ্ছে শুধুমাত্র আমলনামা পেশ করা

সংক্রান্ত কিন্তু যাকে জিজ্ঞেস করা হবে, সেই মারা পড়বে। অপর একটি বর্ণনায় হযরত আয়েশা (রাঃ) বলেন, আমি নবী করীম সাল্লাল্লাহু আলাইহি ওয়া সাল্লামকে একবার সালাতে এই দু'আ করতে শুনেছিঃ হে আল্লাহ্ আমার হিসেব হালকাভাবে গ্রহণ করো। তিনি যখন সালাম ফিরালেন তখন আমি এর তাৎপর্য জানতে চাইলাম। জবাবে তিনি বললেনঃ হালকা হিসেব অর্থ এই যে, বান্দার আমলনামা দেখা হবে এবং তাকে ছেড়ে দেয়া হবে। হে আয়েশা, সেদিন যার নিকট হিসেব চাওয়া হবে সেই মারা পড়বে।^১

সূরা আল হাক্কায় বলা হয়েছেঃ

فَمَا مَن أُوْتِيَ كِتَابَهُ بِيَمِينِهِ فَيَقُولُ هَآؤُمُ اقْرَءُوا
كِتَابِيَهٗ - اِنِّي ظَنَنْتُ اَنِّي مَلَقْتُ حِسَابِيَهٗ - فَهُوَ فِي
عَيْشَةٍ رَّاٰصِيَهٗ - فِي جَنَّةٍ عَالِيَهٗ - قَطُوفُهَا دَانِيَهٗ - كُلُّوْا
وَاشْرَبُوْا هَنِيْئًا بِمَا اَسْلَفْتُمْ فِي الْاَيَّامِ الْخَالِيَهٗ - وَاَمَّا
مَنْ اُوْتِيَ كِتَابَهُ بِشِمَالِهٖ فَيَقُولُ يَلِيْتَنِي لِمَ اُوْتِيَ كِتَابِيَهٗ
- وَاَمَّا اَدْرِمَ مَا حِسَابِيَهٗ - يَلِيْتَهَا كَانَتْ الْقَاضِيَهٗ -

“সেদিন যার আমলনামা ডান হাতে দেয়া হবে, সে বলবেঃ দেখো, পড়ো আমার আমলনামা। আমি ধারণা করেছিলাম যে, আমার হিসেব অবশ্যই পাওয়া যাবে। ফলে তারা বাঞ্ছিত সুখ সন্তোষে লিপ্ত হবে। আর যার আমলনামা বাম হাতে দেয়া হবে, সে বলবেঃ হায় আমার আমানামা যদি না-ই দেয়া হতো আর আমার হিসেব কি তা যদি না-ই জানতাম! হায়, (পৃথিবীর) মৃত্যুই যদি আমার চূড়ান্ত হতো।”-(সূরা আল হাক্কাহঃ ১৯-২৭)

এখানে বলা হয়েছে “আমলনামা” বাম হাতে দেয়ার কথা আবার সূরা ইনশিকাক এ বলা হয়েছে “আমলনামা পেছনে দেয়া হবে।”

উপরোক্ত দুটি কথা একত্রে চিন্তা করলে বুঝা যায় যে, সেদিন অপরার্থীরা নিজের আমলের ফলাফল পূর্বাঙ্কেই ধারণা করতে পারবে। তাই যখন আমলনামা দেয়া হবে তখন তারা হাত পেছনে নিবে, তবুও তাদেরকে পিছনে

(১) তাফহীমুল কুরআন, সূরা ইনশিকাক, টীকা-৬

গিয়ে জোর করে আমলনামা বাম হাতে দিয়ে দেয়া হবে। মানুষের এটা স্বভাবধর্ম যে, আপত্তিকর কিছু নিতে অস্বীকার করলেই সে হাত পেছনে নিয়ে গুটিয়ে ফেলে। এ কথাটিই আয়াতে সুস্পষ্টভাবে ইংগিত দেয়া হয়েছে।
(আল্লাহ্ সর্বজ্ঞ)

সূরা কাহাফে বলা হয়েছেঃ

وَوَضِعَ الْكِتَابُ فَتَرَى الْمُجْرِمِينَ مُشْفِقِينَ مِمَّا فِيهِ
وَيَقُولُونَ يُوَيْلَتْنَا مَا لِهَذَا الْكِتَابِ لَا يُغَادِرُ صَغِيرَةً وَ
لَا كَبِيرَةً إِلَّا أَحْضَاهَا ج وَجَدُوا مَا عَمِلُوا حَاضِرًا ط وَلَا
يَظْلَمُ رَبُّكَ أَحَدًا -

“আর যখন আমলনামা সামনে রাখা হবে, তখন তোমরা দেখবে, অপরাধীরা নিজেদের আমলনামার বিষয়ে খুবই ভয় পাচ্ছে। আর বলছেঃ হায়রে দুর্ভাগ্য! এটা কেমন কিতাব আমাদের ছোট বড়ো কোন কাজই এমন নেই যা আমলনামায় লিপিবদ্ধ করা হয়নি। তারা যা যা করেছিলো সবই নিজেদের সম্মুখে উপস্থিত পাবে। আর তোমাদের রব কারো প্রতি এক বিন্দু যুল্ম করবেন না।”-(সূরা কাহাফঃ ৪৯)

শাফায়াত (شَفَاعَةٌ)

শাফায়াত (شَفَاعَةٌ) শব্দের অর্থ হচ্ছে সুপারিশ করা। কোন ব্যক্তি অপর কোন ব্যক্তির জন্য উর্ধ্বতন কোন মহল বা ব্যক্তির নিকট আবেদন করা। শরীয়াতের পরিভাষায় শাফায়াত হচ্ছে বিচার দিবসে (বিচার চলাকালীন সময়) কোন গুনাহ্গার ব্যক্তির জন্য তার গুণাহ্ মাফের নিমিত্তে মহান আল্লাহ্ রাক্বুল আলামীনের দরবারে তার হয়ে কোন ব্যক্তির আবেদন করা।

শাফায়াত কে করতে পারবে এবং কে করতে পারবে না, অথবা কোন অবস্থায় করা যাবে এবং কোন অবস্থায় করা যাবে না, কার জন্য করা যাবে এবং কার জন্য শাফায়াত করা যাবে না, অথবা কার জন্য কল্যাণকর এবং কার জন্য কল্যাণকর নয় তা কুরআন এবং সুন্নাহ্য় স্পষ্ট করে বলে দেয়া হয়েছে। পৃথিবীতে মানুষের গুমরাহীর যতোগুলো কারণ আছে শাফায়াত সংক্রান্ত ভুল ধারণা তার মধ্যে একটি। এ জন্য আল কুরআন এবং হাদীসে এ বিষয়টি এতো বিস্তারিতভাবে আলোচনা করা হয়েছে যাতে কোনরূপ সন্দেহ-সংশয় বা সামান্যতম অস্পষ্টতা নেই।^১

সেদিন বিচার কার্য-চলাকালীন অবস্থা এবং সুপারিশ সংক্রান্ত বর্ণনা দিতে গিয়ে মহান আল্লাহ্ রাক্বুল আলামীন ইরশাদ করেনঃ

يَوْمَ يَقُومُ الرُّوحُ وَالْمَلَائِكَةُ صَفًّا لَّا يَتَكَلَّمُونَ إِلَّا مَنْ أَذِنَ
لَهُ الرَّحْمَنُ وَقَالَ صَوَابًا-

“সেদিন রুহ ও ফেরেশতাগণ কাতারবন্দী হয়ে দাঁড়াবে, কেউ কোন কথা বলবেনা সে ব্যতীত, যাকে পরম করুনাময় অনুমতি দেবেন। এবং সে যথাযথ ও সঠিক কথা বলবে।”-(সূরা আন নাবাঃ ৩৮)

এখানে শাফায়াতকারী দু’টি শর্তে শাফায়াত করতে পারবে।

(১) আল্লাহ্ তা’আলার পক্ষ হতে যে পাপীর জন্য যাকে সুপারিশ করার অনুমতি দেবেন শুধুমাত্র সে ব্যক্তিই এ পাপীর জন্য সুপারিশ করতে পারবে।

(১) তাফহীমুল কুরআন, সূরা মুদ্দাস্‌সির, টীকা-৩৬

(২) শাফায়াতকারী বা সুপারিশকারীকে যথাযথ ও সঠিক কথা বলতে হবে। অন্যায় আবদার করলেও তা গৃহিত হবে না।

অন্যত্র বলা হয়েছে: - مَنْ ذَا الَّذِي يَشْفَعُ عِنْدَهُ إِلَّا بِإِذْنِهِ -

“এমন কে আছে যে তাঁর (আল্লাহর) অনুমতি ছাড়া তাঁর নিকট কারো জন্য সুপারিশ করবে?” - (সূরা আল বাকারাঃ ২৫৫)

শাফায়াত সংক্রান্ত ভ্রান্ত ধারণা

পৃথিবীতে আল্লাহকে বাদ দিয়ে অন্য যেসব বস্তুর পূজা-অর্চনা করা হয়, তার পেছনে দু'টি ধারণা খুব প্রবল।

একঃ ক্ষমা করার ব্যাপারে আল্লাহর মতো এরাও ক্ষমতাবান।

দুইঃ যদিওবা ক্ষমা না করতে পারে তবে ক্ষমার ব্যাপারে অবশ্যই সুপারিশ করবে। মহান আল্লাহ বলেনঃ

وَيَقُولُونَ هَؤُلَاءِ شَفَعَاؤُنَا عِنْدَ اللَّهِ -

“(যখন এদেরকে জিজ্ঞেস করা হয় তোমরা এসব বস্তুর পূজা-আর্চনা কেন করো? এরা তো ভালো বা মন্দ করার ক্ষমতা রাখে না।) তখন তারা বলে, এরা হচ্ছে আল্লাহর নিকট আমাদের জন্য সুপারিশকারী।” - (সূরা ইউনুসঃ ১৮)

অন্যত্র বলা হয়েছেঃ

مَا نَعْبُدُهُمْ إِلَّا لِيُقَرِّبُونَا إِلَى اللَّهِ زُلْفَى -

“(কাফের মুশরিকগণ বলে) আমরা তো এগুলোর ইবাদাত করি কেবল এজন্য যে, তারা আমাদেরকে আল্লাহ পর্যন্ত পৌঁছে দেবে। (অর্থাৎ আল্লাহর নিকট আমাদের জন্য সুপারিশ করবে।)” - (সূরা যুমারঃ ৩)

ভ্রান্তধারণার খণ্ডন

এ সমস্ত বক্তব্যের প্রতিউত্তরে মহান আল্লাহ্ রাক্বুল আলামীন বলেনঃ

أَمْ اتَّخَذُوا مِنْ دُونِ اللَّهِ شُفَعَاءَ ط قُلْ أُولَئِكَ كَانُوا لَآيْمَلِكُونَ شَيْئًا وَلَا يَعْقِلُونَ - قُلْ لِلَّهِ الشَّفَاعَةُ جَمِيعًا -

“আল্লাহকে বাদ দিয়ে তারা কি অন্য শাফায়াতকারী বানিয়ে নিয়েছে?

তাদেরকে বলো, তাদের (ঐ সকল বস্তু) কোন ক্ষমতা না থাকলে এবং কিছু না বুঝলেও কি তারা সুপারিশ করবে? বলোঃ সকল প্রকার শাফায়াততো কেবলমাত্র আল্লাহর ইখতিয়ারভুক্ত।” –(সূরা যুমারঃ ৪৩-৪৪)

অন্যত্র বলা হয়েছে—

مَا لِلظَّالِمِينَ مِنْ حَمِيمٍ وَلَا شَفِيعٍ يُطَاعُ—

“জালিমদের কেউ দরদী বন্ধু হবে না, এ এমন কোন শাফায়াতকারী যার কথা মেনে নেয়া যেতে পারে।” –(সূরা আল মুমিনঃ ১৮)

সেদিন জালিমদেরকে ডেকে আল্লাহ্ রাক্বুল আলামীন বলবেনঃ

وَمَا نَرَىٰ مَعَكُمْ شُفَعَاءَ كُمُ الَّذِينَ زَعَمْتُمْ أَنَّهُمْ فِيكُمْ شُرَكَاءُ ط—

“আর আমিতো আজ তোমাদের সঙ্গে তোমাদের সে সুপারিশকারীদেরকে দেখছিনা, যাদের সম্পর্কে তোমরা মনে করছিলে যে, তোমাদের কার্যসিদ্ধির ব্যাপারে (আমার সাথে) তাদেরও অংশ রয়েছে।” –(সূরা আনুয়ামঃ ৯৪)

যেসব মুশরিকরা মনে করে, ফেরেশতারা আল্লাহ্‌র কাছে তাদের জন্য সুপারিশ করবে। তাদের ব্যাপারে মহান আল্লাহ্‌র বাণীঃ

“তারা (ফেরেশতাগণ) কারো সুপারিশ করবে না। শুধুমাত্র তাদের জন্য করবে যাদের পক্ষে সুপারিশ গ্রহণ করতে আল্লাহ্‌ রাজী হবেন। আর তারা তার ভয়ে ভীত সন্ত্রস্ত থাকে।” –(সূরা আল আশ্বিয়া : ২৮)

তাছাড়া সমস্ত ফেরেশতা একত্রিত হয়েও যদি কারো জন্য শাফায়াত করে তবুও তার পক্ষে কিছুমাত্র কল্যাণকর হতে পারে না, তোমাদের এই কৃত্রিমভাবে বানানো মাবুদদের শাফায়াত কারো বিপর্যয় রোধ করতে পারবে, সেটা তো সুদূর পরাহত ব্যাপার। খোদায়ীর ক্ষমতা ইখতিয়ার সম্পূর্ণ ও নিরংকুশভাবে একমাত্র আল্লাহ্‌রই হাতে নিবদ্ধ।^২

শাফায়াতের ক্ষমতা কাউকে না দেয়ার কারণ

শাফায়াত করার উপর এতো কড়াকড়ি ও বিধি নিষেধের কারণ হচ্ছে, মানুষ পৃথিবীতে কে কি ধরনের আমল করে, কবে কোথায় কার হক নষ্ট করা

(২) তাফহীমুল কুরআন, সূরা আল-নজম, টীকা-২১

হয়েছে, কোথায় কাকে হত্যা করা হয়েছে— ইত্যাদি কোন নবী, ওলী ও ফেরেশতাদের জানার ব্যাপার নয়। পক্ষান্তরে আল্লাহ্ প্রত্যেকের প্রতিটি কাজকর্ম সম্পর্কেই পূর্ণ ওয়াকিবহাল। তিনি জানেন কার নীতি ও ভূমিকা কি, নেক হলে তা কি রকম নেক, অপরাধী হলে কোন শ্রেণীর অপরাধী, ক্ষমা পাওয়ার যোগ্য, না পূর্ণ শাস্তি পাওয়ার অধিকারী? কিংবা তার অপরাধকে কোনরূপ হালকা বা মার্জনা করার অবকাশ আছে কিনা। কাজেই কি করে কোন ওলী-বুজুর্গ ব্যক্তি একজন লোকের যাবতীয় দায়-দায়িত্ব নিজ ঋন্ধে নিয়ে সুপারিশ করার সাহস পেতে পারে?

শাফায়াত সংক্রান্ত যে নীতি নির্ধারিত করা হয়েছে তা অত্যন্ত সত্য, নির্ভুল, যুক্তিযুক্ত ও ইনসাফপূর্ণ। আল্লাহর নিকট শাফায়াতের দরজা বন্ধ নয় কিন্তু সুপারিশ করার পূর্বে প্রত্যেকেরই আল্লাহর কাছ থেকে অনুমতি নিতে হবে। আর তাদেরকে আল্লাহর যার জন্য সুপারিশ করার অনুমতি দেবেন কেবলমাত্র তার জন্যই তারা সুপারিশ করতে পারবেন। আবার সুপারিশ করার জন্য শর্তও আছে। তা হলো সে সুপারিশ অবশ্যই ন্যায্যনুগ হতে হবে। আজ্ঞে বাজে সুপারিশ করার অধিকার সেদিন কাউকে দেয়া হবে না। একজন লোক পৃথিবীতে শত সহস্র মানুষের অধিকার হরণ করে এসেছে আর কোন বুজুর্গ সাহেব দাঁড়িয়ে তার পক্ষে সুপারিশ করবে যে, হুজুর মাফ করে দিন এবং পুরস্কার দিয়ে দিন তা আদৌ সম্ভব হবে না। ৩

সত্যি কথা বলতে কি, শাফায়াত কোন ফাসেক-ফাজের, কাফের-মুশরিকের জন্য হবে না, শুধুমাত্র গুণাহ্গার মুমিনের জন্য হবে। তাও এমন অবস্থায়, যখন কোন গুণাহ্গার মুমিন হিসেব নিকেশের পর তার নেকী সামান্য কিছু কম হবে, হয়তো কোন ওসীলা বা সুপারিশের মাধ্যমে পূরণ হওয়া সম্ভব। যেমন পরীক্ষায় অকৃতকার্য ঐ সব ছাত্র/ছাত্রীকে “থ্রেস” দেয়া হয়, যারা পাশ নম্বরের খুব কাছাকাছি অবস্থান করে অকৃতকার্য হয়।

মহান আল্লাহ বলেনঃ

يَوْمَئِذٍ لَّا تَنْفَعُ الشَّفَاعَةُ إِلَّا مَنْ أَذِنَ لَهُ الرَّحْمَنُ وَرَضِيَ لَهُ قَوْلًا-

“সেদিন শাফায়াত কার্যকর হবে না। তবে আল্লাহ রহমান যদি কারো পক্ষে তা করার অনুমতি দেন এবং তার জন্য গুনতে রাজী নন, সেটি ভিন্ন কথা।”

—(সূরা ত্বা-হাঃ ১০৯)

অন্যত্র বলা হয়েছেঃ

لَا تُغْنِي شَفَاعَتُهُمْ شَيْئًا إِلَّا مِنْ بَعْدِ أَنْ يَأْذَنَ اللَّهُ لِمَنْ يَشَاءُ وَيَرْضَى—

“তাদের শাফায়াত কোন কাজেই আসতে পারে না যতোক্ষণ না আল্লাহ এমন কোন ব্যক্তির পক্ষে তার অনুমতি দেবেন, যার জন্য তিনি কোন আবেদন গুনতে ইচ্ছে করবেন এবং তা পছন্দ করবেন।”

—(সূরা আন-নজমঃ ২৬)

বস্তুতঃ নিজের জোরে আল্লাহর নিকট সুপারিশকারী হয়ে দাঁড়াবার মতো শক্তি ও সামর্থ্য কারো নেই। নিজের সুপারিশ মানিয়ে নেয়ার শক্তি হওয়া তো অনেক দূরের কথা। আল্লাহ যাকে ইচ্ছে সুপারিশ করার ক্ষমতা দেবেন এবং যাকে ইচ্ছে দেবেন না, এটাতো সম্পূর্ণরূপে আল্লাহর ইখতিয়ার।

কাজে শাফায়াত করার অনুমতি দেবেন

বিভিন্ন হাদীসের মাধ্যমে জানা যায় যে, নবীগণ, শহীদগণ, ওলীগণ এবং নামায, রোযা, কুরআন ইত্যাদি বিভিন্ন আমলও সেদিন আল্লাহর নিকট সুপারিশ করার অনুমতি পাবে। তবে শাফায়াতকারীদের মধ্যে সর্বোচ্চ মর্যাদা ও সম্মানের অধিকারী হবেন, হুজুরে পাক সাল্লাল্লাহু আলাইহি ওয়া সাল্লাম।

হযরত আবু হুরাইরাহ (রাঃ) বর্ণনা করেনঃ

سَأَلْتُ رَسُولَ اللَّهِ صَلَّى اللَّهُ عَلَيْهِ وَسَلَّمَ قُلْتُ يَا رَسُولَ اللَّهِ مَاذَا رَدَّ رَبُّكَ فِي الشَّفَاعَةِ؟ قَالَ وَالَّذِي نَفْسُ مُحَمَّدٍ بِيَدِهِ لَقَدْ ظَنَنْتُ أَنَّكَ أَوَّلُ مَنْ يَسْأَلُنِي عَنْ

ذَلِكَ مِنْ أُمَّتِي لِمَا رَأَيْتُ مِنْ حِرْصِكَ عَلَى الْعِلْمِ ،
وَالَّذِي نَفْسُ مُحَمَّدٍ بِيَدِهِ لِمَا يَهْمُنِي مِنْ انْقِصَافِهِمْ
عَلَى أَبْوَابِ الْجَنَّةِ أَهْمٌ عِنْدِي مِنْ تَمَامِ شَفَاعَتِي لِمَنْ
شَهِدَ أَنْ لَا إِلَهَ إِلَّا اللَّهُ مُخْلِصًا وَأَنَّ مُحَمَّدًا رَسُولُ اللَّهِ
يُصَدِّقُ لِسَانَهُ قَلْبُهُ وَقَلْبَهُ لِسَانُهُ -

আমি নবী করীম সাল্লাল্লাহু আলাইহি ওয়া সাল্লামকে জিজ্ঞেস করিঃ ইয়া রাসূলান্নাহ! উম্মতের শাফায়াতের ব্যাপারে আপনার প্রভু আপনার কাছে কি প্রতিশ্রুতি দিয়েছেন?

নবী করীম সাল্লাল্লাহু আলাইহি ওয়া সাল্লাম বলেন, যার হাতে মুহাম্মদের জীবন তাঁর কসম, আমার দৃঢ় বিশ্বাস ছিলো যে, এ ব্যাপার তুমিই সর্ব প্রথম আমাকে প্রশ্ন করবে। কারণ আমি জানি, তুমি জ্ঞান পিপাসু। যাঁর হাতে মুহাম্মদের জীবন তাঁর কসম, আমার উম্মতের জান্নাতে যাবার চিন্তা আমার সব চেয়ে বেশী। আমি এ ব্যাপারে চিন্তিত নাই যে, লোক উঁচু মর্যাদা লাভ করুক বরং তারা জান্নাত লাভ করুক এই আমার চিন্তা।

যেসব লোক ইখলাছের সাথে এই সাক্ষ্য দেয়, আল্লাহ ব্যতীত আর কোন ইলাহা নেই এবং মুহাম্মদ সাল্লাল্লাহু আলাইহি ওয়া সাল্লাম তাঁর রাসূল। আর এমনভাবে এ সাক্ষ্য দেয় যে, তাদের অন্তর এ কথার সত্যতা প্রমাণ করে। আমি অবশ্যই তাদের জন্য সুপারিশ করবো। -(মুসনাদে আহমাদ, ইবনে হাব্বান, যাদেরাহ)

আনাস (রাঃ) বলেন, নবী করীম সাল্লাল্লাহু আলাইহি ওয়া সাল্লাম বর্ণনা করেছেনঃ

شَفَاعَتِي لَأَهْلِ الْكِبَائِرِ مِنْ أُمَّتِي -

আমার উম্মতের মধ্যে যারা কবিরাহ গুণাহ করেছে আমি তাদের জন্য সুপারিশ করবো। -(আবু দাউদ, বায়হাকী, তাবারানী)

জাহান্নামীদের জন্য সুপারিশ নেই

আল্লাহ রাব্বুল আলামীন বলেনঃ

فَهَلْ لَنَا مِنْ شُفَعَاءَ فَيَشْفَعُوا لَنَا أَوْ نُرَدُّ فَنَعْمَلَ غَيْرَ
الَّذِي كُنَّا نَعْمَلُ ط-

“(আখিরাতে তারা বলবে) এখনকি আমরা কোন সুপারিশকারী পাবো, যে আমাদের স্বপক্ষে সুপারিশ করবে? তা না হলে আমাদের আবার ফেরৎ পাঠিয়ে দেয়া হোক, আমরা আগে যেসব কাজ করতাম তার পরিবর্তে অন্য রকম কাজ করে দেখাবো।”-(সূরা আ’রাফঃ ৫৩)

প্রতিউত্তরে বলা হবেঃ

قَدْ خَسِرُوا أَنْفُسَهُمْ وَضَلَّ عَنْهُمْ مَا كَانُوا يَفْتَرُونَ-

“তারা নিজেরাই নিজেদেরকে ক্ষতির দিকে ঠেলে দিয়েছে। যেসব মিথ্যা কথা রচনা করেছিলো আজ তা সমস্তই ধ্বংস হয়ে যাবে।”

-(সূরা আ’রাফঃ ৫৩)

অন্যত্র বলা হয়েছেঃ

سَوَاءٌ عَلَيْهِمْ أَسْتَغْفَرْتَ لَهُمْ أَمْ لَمْ تَسْتَغْفِرْ لَهُمْ ط لَنْ
يَغْفِرَ اللَّهُ لَهُمْ ط إِنَّ اللَّهَ لَا يَهْدِي الْقَوْمَ الْفَاسِقِينَ-

“হে নবী! তুমি তাদের জন্য ক্ষমা চাও বা না চাও, তাদের জন্য সবই সমান। আল্লাহ্ কখনো তাদেরকে ক্ষমা করবেন না। আল্লাহ্ ফাসেক লোকদেরকে কখনো সঠিক পথ দেখান না।”-(সূরা মুনাফিকুনঃ ৬)

হাউযে কাউসার (حَوْضُ كَوْثَرٍ)

কোথর (কাউসার) শব্দের অর্থ সীমাহীন আধিক্য, অসীম, বিপুলতা ইত্যাদি। ইসলামের পরিভাষায় কাউসার (كَوْثَرٌ) বলা হয় হাশরের দিন নবী করীম সাল্লাল্লাহু আলাইহি ওয়া সাল্লামকে জান্নাতের নহর হতে দুটি ধারা এনে যে হাউযে ফেলা হবে এবং নবী করীম সাল্লাল্লাহু আলাইহি ওয়া সাল্লাম সেখান থেকে সমস্ত নেককার উম্মতদেরকে পানি পান করাবেন।

মহান আল্লাহ রাব্বুল আলামীন বলেনঃ

إِنَّا أَعْطَيْنَاكَ الْكَوْثَرَ-

“হে নবী! আমি আপনাকে কাউসার দান করেছি।”-(সূরা কাউসারঃ ১)

হাদীসে বর্ণিত আছে যে, নবী করীম সাল্লাল্লাহু আলাইহি ওয়া সাল্লামকে আল্লাহ দুটি কাউসার দান করবেন। একটি হাউযে কাউসার যা হাশরের দিন রাসূলুল্লাহ সাল্লাল্লাহু আলাইহি ওয়া সাল্লামকে দান করা হবে, অপরটি নহরে কাউসার অর্থাৎ কাউসার নামক ঝর্ণাধারা। এটি দেয়া হবে জান্নাতে। হাশরের দিন যখন মানুষ পিপাসায় ছটপট করতে থাকবে এবং পানি পানি বলে চিৎকার করতে থাকবে তখন নবী করীম সাল্লাল্লাহু আলাইহি ওয়া সাল্লাম সেই হাউযে কাউসার হতে তাঁর উম্মতদেরকে পানি পান করিয়ে পিপাসা নিবারণ করবেন।

রাসূলুল্লাহ সাল্লাল্লাহু আলাইহি ওয়া সাল্লাম বলেছেনঃ

إِنِّي فُرِطُ لَكُمْ وَأَنَا شَهِيدٌ عَلَيْكُمْ وَإِنِّي لَأَنْظُرُ إِلَى حَوْضِي الْأَنِ-

আমি তোমাদের পূর্বেই সেখানে পৌঁছবো ও তোমাদের ব্যাপারে সাক্ষ্য

দেবো আল্লাহর কসম! আমি এখনো আমার হাউয দেখতে পাচ্ছি। –(বুখারী)

নবী করীম সাল্লাল্লাহু আলাইহি ওয়া সাল্লাম হাউযে কাউসার সংক্রান্ত যে বিবরণ দিয়েছেন তা সামান্য শাব্দিক পার্থক্য সহকারে বুখারী, মুসলিম, মুসনাদে আহমাদ, তিরমিযি, ইবনে মাজাহ, আবু দাউদ প্রভৃতি হাদীসে বর্ণিত হয়েছে। তাঁর মূল বক্তব্য হচ্ছে “হাউযে কাউসারের পানি দুধের (কোন কোন বর্ণনায় রৌপ্য ও বরফের তুলনা দেয়া হয়েছে) চেয়েও সাদা, বরফের চেয়েও ঠান্ডা এবং মধুর চেয়ে অধিক মিষ্টি হবে এবং হাউযের নীচের মাটি মেশকের চেয়ে বেশী সুগন্ধিযুক্ত হবে। আকাশে যতো তারা আছে তার চেয়ে বেশী পান পাত্র রাখা হবে তার কিনারায়। যে ব্যক্তি একবার ঐ হাউযের পানি পান করবে তার আর কখনো পিপাসা লাগবে না। আর যে ব্যক্তি তা হতে বঞ্চিত থাকবে তার পিপাসা কখনো নিবৃত্ত হবে না।”

হজুরে পাক সাল্লাল্লাহু আলাইহি ওয়া সাল্লাম যখন মি'রাজে গমন করেন তখনও তাঁকে হযরত জিব্রাঈল (আঃ) হাউযে কাউসার দেখিয়েছেন। বস্তুতঃ হাউয সংক্রান্ত হাদীসসমূহ পঞ্চাশ জনেরও বেশী সাহাবী কর্তৃক বর্ণিত হয়েছে। কাজেই তার যথার্থতা সম্বন্ধে এক বিন্দু সন্দেহেরও অবকাশ নেই।

হযরত আনাস (রাঃ) একবার নবী করীম সাল্লাল্লাহু আলাইহি ওয়া সাল্লাম কে বললেন, ইয়া রাসূলুল্লাহ! আপনি কিয়ামতের দিন আমার জন্য সুপারিশ করবেন। তখন প্রতি উত্তরে নবী করীম সাল্লাল্লাহু আলাইহি ওয়া সাল্লাম বললেনঃ অবশ্যই করবো, ইনশাল্লাহ। পুণরায় আনাস (রাঃ) প্রশ্ন করলেন, “আমি আপনাকে হাশরের (বিশাল) ময়দানে কোথায় খুঁজবো? জবাবে নবী করীম সাল্লাল্লাহু আলাইহি ওয়া সাল্লাম বলেনঃ

أَوَّلُ مَا تَطْلُبُنِي عَلَى الصِّرَاطِ قُلْتُ فَإِن لَّمْ أَلْقَكَ عَلَى
الصِّرَاطِ ، قَالَ فَاطْلُبُنِي عِنْدَ الْمِيزَانِ قُلْتُ فَإِن لَّمْ
أَلْقَكَ عِنْدَ الْمِيزَانِ قَالَ فَاطْلُبُنِي عِنْدَ الْحَوْضِ فَإِنِّي لَا

أَخْطِيْ هَذِهِ الثَّلَاثَةَ مَوَاطِنُ-

সর্বপ্রথম আমাকে পুলছিরাতে খুঁজবে। [তখন আনাস (রাঃ) জিজ্ঞেস করলেন] যদি আমি সেখানে না পাই তবে কোথায় খুঁজবো? নবী করীম সাল্লাল্লাহু আলাইহি ওয়া সাল্লাম বললেনঃ যেখানে মানুষের নেকী-বদী ওজন করা হবে সেখানে খুঁজে দেখবে। [পুণরায় আনাস (রাঃ) প্রশ্ন করলেন] যদি সেখানেও না পাই তবে কোথায় খুঁজবো? নবী করীম সাল্লাল্লাহু আলাইহি ওয়া সাল্লাম বললেন, তাহলেঃ ‘হাউযে কাউসারে’ আসবে। এ তিন স্থানের কোন এক স্থানে আমি অবশ্যই থাকবো। (তিরমিযি)

হাউযে কাউসার থেকে যাদেরকে তাড়িয়ে দেয়া হবে

রাসূলুল্লাহ সাল্লাল্লাহু আলাইহি ওয়া সাল্লাম ইরশাদ করেছেনঃ অবশ্যই আমি কিয়ামতের দিন পানি পান করাবার জন্য তোমাদের সামনে হাজির হবো। যে আমার নিকট দিয়ে যাবে সেই তা পান করবে। একবার সে পানি পান করলে আর কখনো পিপাসার্ত হবে না। সেদিন পানি পান করার জন্য এমন লোক আমার কাছে আসবে যাদেরকে আমি চিনবো এবং তারাও আমাকে চিনবে কিন্তু তাদেরকে আমার নিকটবর্তী হতে দেয়া হবে না। আমার ও তাদের মধ্যে একটি আবরণ থাকবে। ফলে তারা পানি পান করতে পারবেনা। আমি বলবোঃ এরা তো আমার লোক, তাদেরকে আসতে দাও। বলা হবে আপনি জানেন না। এরা আপনার ইন্তেকালের পর দ্বীনের মধ্যে বিদ্যাত সৃষ্টি করেছে। একথা শোনে আমি বলবোঃ ভাগো! এখান থেকে।

(বুখারী, মুসলিম)

পুলছিরাত (صراط)

হাশরের ময়দানের চতুর্দিক জাহান্নাম দ্বারা গিরে দেয়া হবে এবং জাহান্নামের উপর হাশরের ময়দান হতে জান্নাত পর্যন্ত বিস্তৃত সেতু স্থাপন করা হবে, চুলের চেয়ে চিকন এবং তলোয়ারের চেয়ে ধারালো। প্রত্যেককেই সেই সেতু বা صراط অতিক্রম করে জান্নাতে পৌঁছতে হবে।

মহান আল্লাহ বলেনঃ

وَأَنْ مِّنْكُمْ إِلَّا وَارِدُهَا كَانَ عَلَىٰ رَبِّكَ حَتْمًا مَّقْضِيًّا -

“তামাদের মধ্যে এমন কেউ নেই, যে তার উপর আরোহন করবে না। এটা তো একটি চূড়ান্ত সিদ্ধান্তকৃত কথা। তা পুরো করা তোমার রবের দায়িত্ব।”-(সূরা মারইয়ামঃ ৭১)

মুমিন ব্যক্তিগণ সে ছিরাত বা সেতু অতিক্রম করে জান্নাতে পৌঁছতে সক্ষম হবে কিন্তু জাহান্নামীরা তা অতিক্রম করতে পারবে না, ফলে তারা জাহান্নামে নিক্ষিপ্ত হবে। তাছাড়া পুলছিরাত ভীষণ অন্ধকারাচ্ছন্ন হবে। সেদিন একমাত্র ঈমানের নূর বা আলো ছাড়া অন্য কোন আলো থাকবে না।

আল্লাহ রাব্বুল আলামীন বলেনঃ

يَوْمَ تَرَى الْمُؤْمِنِينَ وَالْمُؤْمِنَاتِ يَسْعَىٰ نُورُهُمْ بَيْنَ أَيْدِيهِمْ وَبِأَيْمَانِهِمْ -

“সেদিন তোমরা মুমিন পুরুষ ও স্ত্রী লোকদেরকে দেখবে, তাঁদের নূর তাদের সামনে এবং তাদের ডান দিকে দৌড়াতে থাকবে।” (সূরা হাদীদঃ ১২)

তখন জাহান্নামীরা মুমিনগণকে ডেকে নূর চাবে,

انظُرُونَا نَقْتَبِسْ مِنْ نُورِكُمْ قِيلَ ارْجِعُوا وَرَاءَكُمْ فَالْتَمِسُوا نُورًا ط فَضُرِبَ بَيْنَهُمْ بِسُورٍ لَهُ بَابٌ ط بَاطِنُهُ فِيهِ الرَّحْمَةُ وَظَاهِرُهُ مِنْ قِبَلِهِ الْعَذَابُ -

আমাদের দিকে একটু দেখো, যেনো আমরা তোমাদের “নূর” হতে কিছুটা উপকৃত হতে পারি।

কিন্তু তাদেরকে বলা হবে, পেছনে সরে যাও, অন্য কোথাও হতে নূর সংগ্রহ করো। অতঃপর তাদের মাঝে প্রাচীর দাঁড় করিয়ে আড়াল করে দেয়া একটি দরজা থাকবে। সে দরজার ভেতরে থাকবে রহমত এবং বাইরে থাকবে আজাব। -(সূরা হাদীদঃ ১৩)

কাফের, ফাসেক, ফাজের যেমন পৃথিবীতে আল্লাহর নুরের পথ হারিয়ে অন্ধকারের দিকে যাচ্ছে, সেদিনও তারা নিকষ আঁধারে হাতড়ে মরবে। আর মুমিনগণ যে নূর পাবে তা পৃথিবীতে সঠিক নির্ভুল আকীদা-বিশ্বাস ও নেক আমলের বিনিময়ে। ঈমানের যথার্থতা ও চরিত্র নৈতিকতার নিষ্কলমতাই নূর এ পরিবর্তিত হয়ে যাবে। কাজেই সেদিন কারো নূর অনেক দূর বিস্তৃত হবে আবার কারো নূর তার পায়ের চেয়ে দূরে পৌঁছাবে না।

মুমিনগণ বিভিন্ন গতিতে সেদিন ফুলসিরাত পার হবেন। নবী করীম সাল্লাল্লাহু আলাইহি ওয়া সাল্লাম বলেনঃ

فَأَوْلَهُمْ كَلِمَحِ الْبَرْقِ ثُمَّ كَحَضْرِ الْفَرَسِ ثُمَّ كَالرَّاكِبِ
فِي رِحْلِهِ ثُمَّ كَشَدِّ الرَّجُلِ كَمَشْيِهِ -

সেদিন কেউ বিজলীর ন্যায়, কেউ বায়ুর গতিতে, কেউবা ঘোড়ার গতিতে, কেউ সওয়ারীর গতিতে, কেউ দৌড়িয়ে, আবার কেউ কেউ হাঁটার গতিতে (পুলছিরাত) পার হবে। -(তিরমিযি, দারেমী)

বুখারী ও মুসলিম শরীফে এক দীর্ঘ হাদীসে বর্ণিত হয়েছে-

يُضْرَبُ الصِّرَاطُ بَيْنَ ظَهْرًا فِي جَهَنَّمَ فَاكُونُ أَنَا أَوْلُ
مَنْ يَجُوزُ مِنَ الرَّسْلِ بِأُمَّتِهِ وَلَا يَتَكَلَّمُ يَوْمَئِذٍ إِلَّا الرَّسْلُ
وَكَلَامُ الرَّسْلِ يَوْمَئِذٍ اللَّهُمَّ سَلِّمْ سَلِّمْ -

জাহান্নামের উপর একটি রাস্তা হবে, সমস্ত রাসূল ও নবীগণের পূর্বে আমি উম্মতসহ তা অতিক্রম করবো। এ সময় নবীগণ “হে আল্লাহ নিরাপদ রাখো” “হে আল্লাহ নিরাপদ রাখো” বলতে থাকবেন। কিন্তু আর কেউ কোন কথা বলতে পারবেনা।

জাহান্নাম (الْجَهَنَّمَ)

জাহান্নাম হচ্ছে বিচিত্র রকমের অসহনীয় যাতনার বিশাল কারাগার। জাহান্নামের আজাবের কারণে দৈহিক অঙ্গ-প্রত্যঙ্গ এমনকি দেহের মধ্যে অবস্থিত হৃৎপিণ্ড, নাড়ী-ভূড়ি, শিরা-উপশিরা, অস্থিমজ্জা ইত্যাদির বিকৃতি ঘটবে কিন্তু সেই তীব্র যন্ত্রণা হতে মুক্তি পাবার অথবা পালিয়ে যাবার কোন রাস্তাও খোলা থাকবেনা। মহান আল্লাহ বলেনঃ

وَمَا أَدْرَاكَ مَا سَقَرٌ - لَا تَبْقَىٰ وَلَا تَذَرُ - لَوْ أَنَّ لِلْبَشْرِ -
عَلَيْهَا تِسْعَةَ عَشَرَ -

“আর তুমি কি জানো, জাহান্নাম কি? তা শান্তিতে থাকতে দেয় না আবার ছেড়েও দেয়না। চামড়া বলসে দেয়। উনিশজন ফেরেশতা তার প্রহরী হবে।” - (সূরা মুদাস্সিরঃ ২৭-৩০)

অন্যত্র বলা হয়েছেঃ

لَا يَمُوتُ فِيهَا وَلَا يَحْيَىٰ

“সে (জাহান্নামে) মরবেওনা আবার জীবিতও থাকবেনা।”

- (সূরা আ'লাঃ ১৩)

إِذَا أُلْقُوا فِيهَا سَمِعُوا لَهَا شَهيقًا وَهِيَ تَفُورٌ - تَكَادُ
تَمَيِّزُ مِنَ الْغَيْظِ ط

“তারা (জাহান্নামীরা যখন সেখানে নিক্ষিপ্ত হবে, তখন তার ক্ষিপ্ততার তর্জন-গর্জন শুনতে পাবে। এবং তা উথাল-পাতাল করতে থাকবে, ক্রোধ আক্রোশে এমন অবস্থা ধারণ করবে, মনে হবে তা গোস্বায় ফেটে পড়বে।”

- (সূরা মুলকঃ ৭-৮)

إِذَا رَأَتْهُمْ مِنْ مَّكَانٍ بَعِيدٍ سَمِعُوا لَهَا تَغِيظًا وَزَفِيرًا
- وَإِذَا أَلْقَوْا مِنْهَا مَكَانًا ضَيِّقًا مُقَرَّبِينَ دَعَوْا هُنَالِكَ
تُبُورًا -

“জাহান্নাম যখন দূর হতে তাদেরকে (জাহান্নামীদের) দেখতে পাবে তখন তারা তার ক্রোধ ও তেজস্বী আওয়াজ (অর্থাৎ তর্জন-গর্জন) শুনতে পাবে। আর যখন তাদেরকে হাত-পা বাধা অবস্থায় জাহান্নামের কোন সংকীর্ণ স্থানে নিক্ষেপ করা হবে তখন তারা সেখানে কেবল মৃত্যুকে ডাকতে থাকবে।”

-(সূরা ফুরকানঃ ১২-১৩)

সূরা নাবায়ে বলা হয়েছেঃ

إِنَّ جَهَنَّمَ كَانَتْ مِرْصَادًا - لِّلطَّاغِيْنَ مَآبًا - لِّيُبَيِّنَ فِيهَا
أَحْقَابًا -

“নিশ্চয় জাহান্নাম একটি ঘাঁটি। আল্লাহ্‌দ্রোহীদের জন্য আশ্রয়স্থল। সেখানে তারা যুগ যুগ ধরে অবস্থান করবে।”-(সূরা নাবাঃ ২১-২৩)

জাহান্নামের প্রাচীর

রাসূল আকরাম সাল্লাল্লাহু আলাইহি ওয়া সাল্লাম বলেছেনঃ “চারটি প্রাচীর দ্বারা জাহান্নাম পরিবেষ্টিত। এর প্রতিটি প্রাচীরের প্রস্থ চল্লিশ বৎসর অতিক্রান্ত পথের দূরত্বের সমান। -(তিরমিযি।)

অতএব, যে প্রাচীরের দুরুত্ব চল্লিশ বৎসর অতিক্রান্ত রাস্তার সমান, কাজেই সেই প্রাচীরের দৈর্ঘ্যের ব্যাপারে আলোচনা নিশ্চয়োজন।

জাহান্নামের গভীরতা

রাসূলুল্লাহ সাল্লাল্লাহু আলাইহি ওয়া সাল্লাম বলেছেনঃ “যদি জাহান্নামের ভেতর একটি পাথর নিক্ষেপ করা হয়, তবে তা জাহান্নামের তলদেশে পৌছতে সত্তর বৎসর সময় লাগবে।” -(তারগীর, ইবনে হিব্বান)

হযরত আবু হুরাইরা (রাঃ) বর্ণনা করেছেনঃ একবার আমরা নবী করীম সাল্লাল্লাহু আলাইহি ওয়া সাল্লাম এর খেদমতে বসা ছিলাম। হঠাৎ আমরা একটি বিকট শব্দ শোনতে পেলাম। রাসূল সাল্লাল্লাহু আলাইহি ওয়া সাল্লাম জিজ্ঞেস করলেন, “তোমরা কি জানো এটা किसের শব্দ?” আমরা বললাম— “আল্লাহ ও তাঁর রাসূলই ভাল জানেন।” তিনি বললেন “এটা একটা পাথর পতিত হওয়ার শব্দ। আল্লাহ একে জাহান্নামে নিক্ষেপ করেছিলেন। সেটি সত্তর বছর চলার পর আজ জাহান্নামের তলদেশে পৌঁছেছে। এটি তারই শব্দ” —(মুসলিম)

জাহান্নামের আগুন

রাসূলুল্লাহ সাল্লাল্লাহু আলাইহি ওয়া সাল্লাম ইরশাদ করেছেনঃ

نَارُكُمْ جُزْءٌ مِّنْ سَبْعِينَ جُزْءًا مِّنْ نَّارِ جَهَنَّمَ - قِيلَ يَا رَسُولَ اللَّهِ إِنْ كَانَتْ لَكَافِيَةً؟ قَالَ فَضَلَّتْ عَلَيْهِنَّ بِتِسْعَةٍ وَسِتِّينَ جُزْءًا كُلُّهُنَّ مِثْلُ حَرِّهَا -

“তোমাদের ব্যবহৃত আগুন, (তাপমাত্রার দিক থেকে) জাহান্নামের আগুনের সত্তর ভাগের এ ভাগ মাত্র।” সাহাবাগণ আরজ করলেনঃ “ইয়া রাসূলুল্লাহ! দহনের জন্য এ আগুনই কি যথেষ্ট নয়?” তিনি বললেনঃ “হ্যাঁ তবুও পৃথিবীর আগুনের চেয়ে জাহান্নামের আগুন উনসত্তর গুন বেশী দহন শক্তি সম্পন্ন।” —(বুখারী, মুসলিম)

তারগীব ওরা তারহীবের এক বর্ণনায় আছে—

“জাহান্নামীগণ যদি পৃথিবীর আগুনের সংস্পর্শে আসতো তাহলে সুখনিদ্রা এসে যেতো।”

অন্য এক রিওয়াতের আছে, রাসূলুল্লাহ সাল্লাল্লাহু আলাইহি ওয়া সাল্লাম ইরশাদ করেছেনঃ

أَوْقِدَ عَلَى النَّارِ أَلْفَ سَنَةٍ حَتَّى أَحْمَرَّتْ ثُمَّ أَوْقِدَ

عَلَيْهَا أَلْفَ سَنَةٍ حَتَّىٰ أَبْيَضَتْ ثُمَّ أُوقِدَ عَلَيْهَا أَلْفَ
سَنَةٍ حَتَّىٰ أَسْوَدَتْ فَهِيَ سَوْدَاءُ مُظْلَمَةٌ -

“এক হাজার বৎসর পর্যন্ত জাহান্নামের আগুনকে উত্তাপ দেয়া হয়েছে। ফলে তা রক্তিম বর্ণ ধারণ করেছে। তারপর আবার এক হাজার বৎসর পর্যন্ত উত্তাপ দেয়া হয়েছে। পরে তা সাদা বর্ণ ধারণ করেছে। অতঃপর আরো এক হাজার বৎসর পর্যন্ত উত্তাপ দেয়া হয়েছে। তারপর তা কালো বর্ণধারণ করেছে। সুতরাং বর্তমানে তা গাঢ় কালো ও তমসাচ্ছন্ন -(তিরিমিযি)

জাহান্নামের শ্রেণী বিন্যাস

لَهَا سَبْعَةُ أَبْوَابٍ ط لِكُلِّ بَابٍ مِنْهُمْ جُزْءٌ مَّقْسُومٌ -

“জাহান্নামের সাতটি দরজা (স্তর) আছে। প্রত্যেকটি দরজার জন্য ভিন্ন ভিন্ন দল নির্ধারিত হয়েছে।”-(সূরা আল হিজরঃ ৪)

অর্থাৎ জাহান্নাম হচ্ছে পরলোকের এমন একটি বিশাল এলাকা যেখানে বিভিন্ন ধরনের শাস্তির জন্য ভিন্ন ভিন্ন এলাকা নির্ধারিত আছে। সেগুলোকে প্রধানতঃ সাত ভাগে ভাগ করা হয়েছে। যথাঃ

- (১) হাবিয়া।
- (২) জাহীম।
- (৩) সাকার।
- (৪) লাযা।
- (৫) সাদির।
- (৬) হতামাহ্।
- (৭) জাহান্নাম।

বিভিন্ন স্তরে বিভিন্ন ধরনের অপরাধীরা শাস্তি ভোগ করবে। যেমনঃ কাফের, মুশরিক, ব্যভিচারী, সুদখোর, ঘুষখোর ইত্যাদি, সবার জন্যই ভিন্ন

ভিন্ন স্তরে শাস্তি নির্দিষ্ট আছে। আবার প্রত্যেকটি স্তরের অনেকগুলো ঘাঁটি আছে। যথাঃ

غَسَاقٌ (গাছছাক) : একটি হ্রদ। যা জাহান্নামীগণের রক্ত, ঘাম ও পুঁজ ইত্যাদি প্রবাহিত হয়ে সেখানে জমা হবে।

غَسَلِينَ (গিছলিন) : এটা হচ্ছে জাহান্নামীদের মল-মূত্র জমা হওয়ার স্থান। জাহান্নামীরা যখন খুব ক্ষুধা-তৃষ্ণা অনুভব করবে তখন উপরোক্ত দু'জায়গা হতে পানাহার করতে দেয়া হবে। তাছাড়া “তীনা তুল খবল” নামক বিষ ও পুঁজে পরিপূর্ণ আরেকটি কুপের কথাও হাদীসে উল্লেখ করা হয়েছে।

صَعُودٌ (সাউদ) : এটা তীনা তুল খবলের পাড়ে অবস্থিত একটি বিশাল পাহাড়।

এক শ্রেণীর জাহান্নামীদেরকে ঐ পাহাড়ের উপর উঠায়ে সজোরে ধাক্কা দিয়ে নিচে ফেলা হবে, পুণরায় উঠানো হবে এবং ফেলা হবে এভাবে শাস্তি দেয়া হবে।

ইরশাদ হচ্ছেঃ

سَارَهُقُهُ صَعُودًا

“সহসা-ই আমি তাকে সাউদ নামক পর্বতে চড়াবো।”

-(সূরা মুদাস্‌সিরঃ ১৭)

جُبُّ الْحُزْنِ (যুব্বুল হজন) : এটা জাহান্নামীদের আরেকটি ঘাঁটি। এখানে রিয়াকার ও অহংকারী লোকদেরকে শাস্তি দেয়া হবে।

غِي (গাই) : এটা জাহান্নামের মধ্যে সবচেয়ে ভয়ংকর জায়গা। কেননা “গাই”য়ের ভীতিজনক হংকার শব্দে জাহান্নামের অন্যান্য স্থান প্রতিদিন ‘গাই’ হতে চারশত বার আশ্রয় প্রার্থনা করে।

জাহান্নামের একটি বিশেষ মাথা

নবী করীম সাল্লাল্লাহু আলাইহি ওয়া সাল্লাম বলেছেনঃ “কিয়ামতের দিন জাহান্নাম থেকে একটি বিশেষ মাথা বের হবে। তার দুটো চোখ কান থাকবে যা দিয়ে সে দেখতে ও শোনতে পাবে। এবং একটি জিহবাও থাকবে, তা দিয়ে সে কথা বলবে। সে বলতে থাকবেঃ আমাকে তিন ব্যক্তির উপর প্রাধান্য দেয়া হয়েছে। (১) অহংকারী, বিদ্রোহী (২) যে ব্যক্তি আল্লাহ ছাড়া আর কাউকে ইলাহ মনোনীত করেছে এবং (৩) চিত্রকর।” –(তিরমিযি)

জাহান্নামের সাপ ও বিছু

নবী করীম সাল্লাল্লাহু আলাইহি ওয়া সাল্লাম ইরশাদ করেছেনঃ

انْ فِي النَّارِ حَيَّاتٍ كَأَمْثَالِ الْبُخْتِ تَلْسَعُ أَحْدَاهُنَّ
اللسعة فيجدُ حموتها أربعين خريفاً وإن في النارِ
عقاربٌ كَأَمْثَالِ الْبِغَالِ الْمُؤَكَّفَةِ تَلْسَعُ أَحْدَاهُنَّ اللسعة
فيجدُ حموتها أربعين خريفاً -

“জাহান্নামে বড়ো ঘাড় বিশিষ্ট উটের ন্যায় সাপ আছে। সে সাপগুলো এমন বিষাক্ত ও ভয়ংকর যে, যদি একবার কাউকে দংশন করে তবে চল্লিশ বৎসর পর্যন্ত তার বিষের ক্রিয়া থাকবে। আর জাহান্নামে কাঠ বহনকারী খচ্চরের ন্যায় বিছু আছে। সেগুলো যদি একবার কাউকে দংশন করে তবে চল্লিশ বৎসর পর্যন্ত তার দংশন জ্বালা সে (জাহান্নামী) অনুভব করবে।”
–(আহমদ)

আল্লাহ ও রাসূলের অস্বীকারকারীদের জন্য জাহান্নাম

ইরশাদ হচ্ছেঃ

وَالَّذِينَ كَفَرُوا بِرَبِّهِمْ عَذَابُ جَهَنَّمَ ط وَبِئْسَ
الْمَصِيرُ -

“যে সব লোক তাদের রবকে অস্বীকার ও অমান্য করেছে, তাদের জন্য রয়েছে জাহান্নাম। তা আবাসস্থল হিসেবে অত্যন্ত খারাপ জায়গা।”

-(সূরা মূলকঃ ৬)

إِنَّ الَّذِينَ كَفَرُوا وَمَاتُوا وَهُمْ كُفَّارٌ أُولَٰئِكَ عَلَيْهِمْ لَعْنَةُ
اللَّهِ وَالْمَلَائِكَةِ وَالنَّاسِ أَجْمَعِينَ - خَالِدِينَ فِيهَا
لَا يُخَفَّفُ عَنْهُمُ الْعَذَابُ وَلَا هُمْ يُنظَرُونَ -

“যারা কুফরী করেছেন এবং কাফের অবস্থায়ই মৃত্যুবরণ করেছেন তাদের উপর আল্লাহর, ফেরেশতাদেরও সমস্ত মানুষের লা'নত। এ অবস্থায় তারা (জাহান্নামে) অনন্তকাল অবস্থান করবে। তাদের শাস্তি কমানো হবে না অথবা অন্য কোন অবকাশ দেয়া হবে না।”-(সূরা বাকারাহঃ ১৬১-১৬২)

إِنَّا أَعْتَدْنَا لِلْكَافِرِينَ سَلَاسِلًا وَأَغْلَالًا وَسَعِيرًا -

“আমরা কাফেরদের (আল্লাহ ও রাসূলের অস্বীকারকারী) জন্য শিকল, কর্তকড়া ও দাউ দাউ করে জ্বলা আগুন প্রস্তুত করে রেখেছি।”

-(সূরা দাহরঃ ৪)

(১) উপরোক্ত প্রত্যেকটি আয়াতে কুফর শব্দটি ব্যবহৃত হয়েছে। কুফর শব্দের অর্থ গোপন করা, লুকানো। এ থেকেই অস্বীকারের অর্থ বের হয়েছে। ঈমানের বিপরীত এ শব্দটি বলা হয়। ঈমান অর্থ মেনে নেয়া, কবুল করা, অস্বীকার করা। কুরআনের বর্ণনার প্রেক্ষিতে কুফরীর মনোভাব ও আচরণ বিভিন্ন প্রকার হতে পারে।

একঃ আল্লাহকে একেবারেই না মানা। অথবা তাঁর সার্বভৌম কর্তৃত্ব ও ক্ষমতা স্বীকার না করা এবং তাঁকে নিজেই ও সমগ্র বিশ্বজাহানের মালিক, প্রভু, উপাস্য ও মার্বদ হিসাবে মেনে নিতে অস্বীকার করা। অথবা তাকে একমাত্র মালিক বলে না মানা।

দুইঃ আল্লাহকে মেনে নেয়া কিন্তু তাঁর বিধান ও হেদায়াত সমূহ জ্ঞান ও আইনের একমাত্র উৎস হিসেবে মেনে নিতে অস্বীকার করা।

তিনঃ নীতিগতভাবে একথা মেনে নেয়া যে, তাকে আল্লাহর বিধান অনুযায়ী চলতে হবে কিন্তু আল্লাহ তাঁর বিধান ও বাণীসমূহ যে নবী রাসূলের মাধ্যমে পাঠিয়েছেন তাদেরকে অস্বীকার করা। (পরবর্তী পৃঃ দ্রঃ)

চারঃ নবীদের মধ্যে পার্থক্য করা এবং নিজেদের পছন্দ ও মানসিক প্রবণতা বা গোত্রীয় ও দলীয় প্রীতির কারণে তাদের মধ্য হতে কাউকে মেনে নেয়া এবং কাউকে না মানা।

(পরবর্তী পৃঃ দ্রঃ)

অন্যত্র বলা হয়েছে, যারা কুফুরী করবে তাদের জান্নাতে যাওয়া ততোখানি অসম্ভব যতোখানি অসম্ভব সূচের ছিদ্রের ভেতর দিয়ে উষ্ট্র প্রবেশ করা।

আল কুরআনে বলা হয়েছেঃ

اِنَّ الَّذِيْنَ كَذَّبُوْا بِآيٰتِنَا وَاَسْتَكْبَرُوْا عَنْهَا لَا تَفْتَحُ لَهُمْ
اَبْوَابُ السَّمٰوٰتِ وَلَا يَدْخُلُوْنَ الْجَنَّةَ حَتّٰى يَلِجَ الْجَمَلُ فِى
سَمِّ الْخِيَاطِ ط وَكَذٰلِكَ نَجْزِى الْمُجْرِمِيْنَ - لَهُمْ مِّنْ جَهَنَّمَ
مِهَادٌ وَّ مِنْ فَوْقِهِمْ غَوَاشٍ ط وَكَذٰلِكَ نَجْزِى الظَّالِمِيْنَ -

“যারা আমার আয়াতগুলোকে মিথ্যা মনে করে অস্বীকার করেছে এবং বিদ্রোহীর ভূমিকা অবলম্বন করেছে, তাদের জন্য আসমানের দরজা কখনো খোলা হবে না। তাদের জান্নাতে প্রবেশ করা ততোখানি অসম্ভব যতোখানি অসম্ভব সুইয়ের ছিদ্রপথে উটের প্রবেশ। অপরাধীদের জন্য প্রতিফল এমন হওয়াই উচিত। তাদের জন্য আগুনের শয্যা ও চাদর নির্দিষ্ট আছে। আমরা জালামদেরকে এরকম প্রতিফলই দিয়ে থাকি।” –(সূরা আরাফঃ ৪০-৪১)

পাঁচঃ নবী ও রাসূলগণ আল্লাহর পক্ষ থেকে আকীদাহ বিশ্বাস নৈতিক-চরিত্র ও জীবন যাপনের বিধান সম্বলিত যে সব শিক্ষা বিবৃত করেছেন সেগুলো অথবা সেগুলোর কোন কোনটি গ্রহণ না করা।

ছয়ঃ এসব কিছুকে মতবাদ হিসেবে মেনে নেয়ার পর কার্যতঃ জেনে বুঝে আল্লাহর বিধানের নাফরমানী করা এবং এই নাফরমানীর উপরে জোর দেয়া। একই সঙ্গে দুনিয়ার জীবনের আনুগত্যের পরিবর্তে নাফরমানীর উপর নিজের কর্মনীতির ভিত্তি স্থাপন করা। আল্লাহর মোকাবেলায় এসব বিভিন্ন ধরনের চিন্তা ও কাজ মূলতঃ বিদ্রোহাত্মক। এর মধ্যে থেকে প্রতিটি চিন্তা ও কর্মকে কুরআন কুফরী হিসেবে চিহ্নিত করেছে। এ ছাড়াও কুরআনের কিছু কিছু জায়গায় কুফুর শব্দটি ব্যবহৃত হয়েছে আল্লাহর দান, অনুগ্রহ ও নিয়ামতের প্রতি অকৃতজ্ঞ হওয়ার অর্থে। সেখানে শোকর বা কৃতজ্ঞতার বিপরীতে এ শব্দটি ব্যবহার করা হয়েছে। শোকর-এর অর্থ হচ্ছে যিনি অনুগ্রহ করেছেন তার প্রতি অনুগৃহীত থাকা, তাঁর অনুগ্রহকে যথাযথ মূল্য ও মর্যাদা দান করা, তাঁর প্রদত্ত অনুগ্রহকে তাঁর সন্তুষ্টি ও নির্দেশ অনুসারে ব্যবহার করা এবং অনুগৃহীত ব্যক্তির মন অনুগ্রহকারীর প্রতি বিশ্বস্ততার আবেগে পরিপূর্ণ থাকা। এর বিপরীত পক্ষে কুফুর বা অনুগ্রহের প্রতি কৃতজ্ঞতা হচ্ছেঃ অনুগ্রহকারীর অনুগ্রহ স্বীকার না করা এবং এ অনুগ্রহকে নিজের যোগ্যতা বা অন্য কারো দাসুপাশীশের ফল মনে করা অথবা অনুগ্রহকারীর অনুগ্রহ প্রদান করা সত্ত্বে তার সাথে বিশ্বাসঘাতকতামূলক আচরণ করা, এ ধরনের কুফরীকে আমরা নিজের ভাষায় কৃতম্নতা, অকৃতজ্ঞতা, নিমকহারামী ও বিশ্বাসঘাতকতা ইত্যাদি শব্দের মাধ্যমে প্রকাশ করে থাকি। (তাফহীমুল কুরআন, সূরা বাকারা, ঠীকা-১৬১)

জ্বীন, মানুষ ও পাখর জাহান্নামের উদ্ধন হবে

وَلَقَدْ ذَرَأْنَا لِجَهَنَّمَ كَثِيرًا مِّنَ الْجِنِّ وَالإِنسِ لَهُمْ قُلُوبٌ لَّا يَفْقَهُونَ بِهَا ز وَلَهُمْ أَعْيُنٌ لَّا يُبْصِرُونَ بِهَا ز وَ لَهُمْ أَذَانٌ لَّا يَسْمَعُونَ بِهَا ط أُولَئِكَ كَالْأَنْعَامِ بَلْ هُمْ أَضَلُّ ط أُولَئِكَ هُمُ الْغَافِلُونَ -

“আমরা জাহান্নামের জন্য বহু জ্বীন ও মানুষ পয়দা করেছি। তাদের কাছে দিল রয়েছে কিন্তু তারা তা দিয়ে চিন্তা ভাবনা করে না। তাদের চাখ আছে তবুও তারা দেখেনা, তাদের কান আছে কিন্তু তা দিয়ে তারা শুনেনা, তারা জন্তু জানোয়ারের মতো বরং তার চেয়েও নিকৃষ্ট। এরাই গাফেলদের অন্তর্ভুক্ত।”

সূরা বাকারায় বলা হয়েছেঃ

فَاتَّقُوا النَّارَ الَّتِي وَقُودُهَا النَّاسُ وَالْحِجَارَةُ ۗ أُعِدَّتْ لِلْكَافِرِينَ -

“তোমরা জাহান্নামের ঐ আগুনকে ভয় কর যার ইন্ধন হবে মানুষ ও পাথর। যা কাফেরদের জন্য তৈরী করা হয়েছে।”-(সূরা বাকার)

সূরা তাহরীমে শুধু ভয় করার কথাই বলা হয়নি বরং বাঁচার কার্যকরী পথ অনুসন্ধানের কথা বলা হয়েছে।

ইরশাদ হচ্ছেঃ

يَا أَيُّهَا الَّذِينَ آمَنُوا قُوا أَنْفُسَكُمْ وَأَهْلِيكُمْ نَارًا وَقُودُهَا النَّاسُ وَالْحِجَارَةُ عَلَيْهَا مَلَائِكَةٌ غِلَاظٌ شِدَادٌ لَّا يَعْصُونَ اللَّهَ مَا أَمَرَهُمْ وَيَفْعَلُونَ مَا يُؤْمَرُونَ -

“হে ঈমানদারগণ! নিজেকে এবং স্বীয় পরিবারবর্গকে সে আগুন হতে রক্ষা করো যার ইন্ধন হবে মানুষ ও পাথর। সেখানে অত্যন্ত কর্কশ, রুঢ় ও নির্ভর স্বভাবের ফেরেশতা নিয়োজিত থাকবে। যারা কখনো আল্লাহর আদেশ অমান্য করে না। যে হুকুমই তাদেরকে দেয়া হোক না কেনো তা ঠিক ঠিক ভাবে পালন করে।”-(সূরা আত-তাহরীমঃ ৬)

এখন প্রশ্ন হতে পারে মানুষ ও জ্বীনকে আগুনে জ্বালানো হবে এটা যুক্তিসংগত। কারণ তাদেরকে জ্ঞান-বুদ্ধি দিয়েছেন এবং তার প্রয়োগের স্বাধীনতাও দিয়েছেন কিন্তু পাথরতো জড়ো পদার্থ, তাদেরকে কেন পুড়ানো হবে?

এর উত্তর হচ্ছে, দু’টি কারণে পাথরকে পোড়ানো হবে।

একঃ যেহেতু মুশরিকগণ পাথরের মূর্তি তৈরী করে তার পূজা-আর্চনা করে এবং বলে যে, এরা আমাদেরকে সেদিন সুপারিশ করে বাঁচিয়ে দেবে। তাই তাদেরকে দেখিয়ে দেখিয়ে তাদের সাথেই সে সব পাথরের মূর্তিগুলোকে পুড়ানো হবে। যেনো মুশরিকগণ বুঝতে পারে ঐ সব পাথর নিজেকে রক্ষা করার সামর্থ পর্যন্ত রাখেনা কাজেই কি করে তাদের মুক্তির জন্য সুপারিশ করতে পারে।

দুইঃ আগুনে পাথর পুড়ালে আগুনের তাপমাত্রা আরও বৃহত্তর বেড়ে যায়। তাই যেহেতু কাফেরদেরকে কঠিন শাস্তি দেয়াই আল্লাহর ফায়সালা তাই আগুনের তাপমাত্রা বাড়ানোর জন্যই পাথর পুড়ানো হবে। (এ ব্যাপারে আল্লাহই ভালো জানেন।)

জাহান্নাম কাকে আহ্বান করবে?

ইরশাদ হচ্ছেঃ

تَدْعُوا مَنْ أَدْبَرَ وَتَوَلَّى - وَجَمَعَ فَأَوْعَى -

“জাহান্নাম সেই ব্যক্তিকে আহ্বান করবে, যে সত্য ও সুন্দর থেকে মুখ ফিরিয়ে নিয়েছিলো এবং তা থেকে পালিয়ে বেড়াচ্ছিলো। আর যে ধন-সম্পদ (আল্লাহর পথে ব্যয় না করে) জমা করতো এবং তা আকঁড়ে ধরে থাকতো।”-(সূরা মায়িজঃ ১৭-১৮)

তাফসীরে ইবনে কাসীরে এ আয়াতের ব্যাখ্যায় বলা হয়েছেঃ বন্য প্রাণী যেমনিভাবে তার খাদ্য অনুসন্ধান করে নেয় ঠিক তেমনিভাবে জাহান্নাম হাশরের মায়দান থেকে দুষ্ট লোকদেরকে এক এক করে খুঁজে নেবে।

অবশ্য অন্য হাদীসে আছে— সেদিন জাহান্নামের সত্তর হাজার লাগাম থাকবে এবং প্রতিটি লাগাম ৭০ হাজার করে ফেরেশতা ধরে রাখবে।
—(মুসলিম)

অন্য রিওয়ায়েতে অতিরিক্ত আছে যে, আল্লাহ না করুন, যদি সে সময় ফেরেশতাগণ লাগাম ছেড়ে দেয় তবে সে প্রত্যেক ব্যক্তিকে তার খাবায় টেনে নেবে। চাই সে সৎ হোক কিংবা অসৎ হোক। —(তারগীব ওয়া তারহীব)

জাহান্নামীদেরকে খাস করে জাহান্নাম তৃপ্ত হবে না

ইরশাদ হচ্ছেঃ

يَوْمَ نَقُولُ لِجَهَنَّمَ هَلِ امْتَلأتِ وَتَقُولُ هَلْ مِنْ مَزِيدٍ -

“আমি সেদিন (জাহান্নামীদেরকে ভর্তি করার পর) জাহান্নামকে জিজ্ঞেস করবোঃ তুমি কি পরিপূর্ণ হয়ে গিয়েছো? জাহান্নাম বলবেঃ আরো আছে কি?”

—(সূরা ক্বাফঃ ৩০)

নবী করীম সাল্লাল্লাহু আলাইহি ওয়া সাল্লাম বলেছেনঃ

لَا تَزَالُ جَهَنَّمُ يُلْقَى فِيهَا وَتَقُولُ هَلْ مِنْ مَزِيدٍ حَتَّى يَضَعَ رَبُّ الْعِزَّةِ فِيهَا قَدَمَهُ فَيَنْزَوِي بَعْضُهَا إِلَى بَعْضٍ فَتَقُولُ قَطُّ قَطُّ بَعِزَّتِكَ وَكَرَامِكَ -

“জাহান্নামে জাহান্নামীদেরকে অনবরতো ফেলা হবে। আর জাহান্নাম বলতে থাকবে, আরো আছে কি? সমস্ত জাহান্নামীদেরকে নিক্ষেপ করার পরও জাহান্নাম পরিতৃপ্ত হবে না। তখন আল্লাহ তা’আলা জাহান্নামের মধ্যে তাঁর

কুদরতী কদম রাখবেন। ফলে জাহান্নাম সংকোচিত হয়ে যাবে। আর বলতে থাকবেঃ ব্যস, ব্যস! আপনার উযুত ও অনুগ্রহের শপথ করে বলছি। আমার আর প্রয়োজন নেই।”-(বুখারী, মুসলিম)

জাহান্নামীরা ভয়াবহ আজ্ঞাবের সম্মুখীন হবে

خَذُوهُ فَعْلُوهُ - ثُمَّ الْجَحِيمِ صَلُّوهُ - ثُمَّ فِي سِلْسِلَةٍ ذَرْعُهَا
سَبْعُونَ ذِرَاعًا فَاسْلُكُوهُ - فَلَيْسَ لَهُ الْيَوْمَ هُنَا حَمِيمٌ -
كَانَتْ جِمَلَتْ صُفْرٌ -

“(নির্দেশ দেয়া হবে) ধরো এবং গলায় ফাঁস লাগিয়ে দাও। অতঃপর জাহান্নামে নিক্ষেপ করো। আর সত্তর হাত দীর্ঘ শিকল দিয়ে ভালোভাবে বেধে দাও। (বলা হবে) আজ তার সহানুভূতিশীল সহমর্মী কোন বন্ধুই নেই।”
-(সূরা আল হাক্বাহঃ ৩১-৩৫)

সূরা মুরসালাতে বলা হয়েছেঃ

انْطَلِقُوا إِلَى ظِلٍّ ذِي ثَلَاثِ شُعَبٍ - لَا ظَلِيلٍ وَلَا يُغْنِي مِنْ
الْهَبِّ - إِنَّهَا تَرْمِي بِشَرَرٍ كَالْقَصْرِ -

“(জাহান্নামীদেরকে বলা হবে) চলো, সে ছায়ার দিকে যা তিনটি শাখা বিশিষ্ট। যেখানে না (শীতল) ছায়া আছে আর না আঙনে লেলিহান শিখা হতে রক্ষাকারী কোন বস্তু। সে আঙন প্রাসাদের ন্যায় বিরাট স্কুলিঙ্গ নিক্ষেপ করবে। তা এমনভাবে লাফাতে থাকবে, দেখলে মনে হবে যেন হলুদ বর্ণের উট।”-(সূরা মুরসালাতঃ ৩০-৩৩)

অন্যত্র বলা হয়েছেঃ

إِذَا الْأَغْلُلُ فِي أَعْنَاقِهِمْ وَالسَّلْسِلُ ط يُسْحَبُونَ - فِي
الْحَمِيمِ لَا تُمْ فِي النَّارِ يُسْجَرُونَ -

“যখন তাদের গলায় শিকল ও জিজির লাগানো হবে, তখন তা ধরে টগবগ করে ফুটন্ত পানি দিয়ে টানা হবে এবং পরে জাহান্নামের আগুনে নিক্ষেপ করা হবে।”-(সূরা আল-মুমিনঃ ৭১-৭২)

وَإِنَّ لِلطَّغْيِينِ لَشَرًّا مَّابٍ - جَهَنَّمَ جَ يَصَلُونَهَا جَ فَيُبْسَ
الْمِهَادُ - هَذَا لَا فَلَئِدُ وَقُوهُ حَمِيمٌ وَغَسَّاقٌ - وَأَخْرُ مِنْ
شَكْلِهِ أَرْوَاجٌ -

“আর খোদাদ্রোহী লোকদের নিকট পরিণতি হচ্ছে জাহান্নাম। সেখানে তারা (অনন্তকাল) জ্বলবে। এটা অত্যন্ত খারাপ স্থান। প্রকৃতপক্ষে এ তাদের জন্যেই। অতএব সেখানে তারা স্বাধ গ্রহণ করবে টগবগ করা ফুটন্ত পানি, ফুঁজ, রক্ত এবং এ ধরনের আরো অনেক কষ্টের।”-(সূরা সাদঃ ৫৫-৫৮)

يُصَبُّ مِنْ فَوْقِ رُءُوسِهِمُ الْحَمِيمُ - يُصْهَرُ بِهِ مَا فِي
بُطُونِهِمْ وَالْجُلُودُ - وَ لَهُمْ مَقَامِعٌ مِنْ حَدِيدٍ - كُلَّمَا
أَرَادُوا أَنْ يَخْرُجُوا مِنْهَا مِنْ غَمٍّ أُعِيدُوا فِيهَا وَ ذُوقُوا
عَذَابَ الْحَرِيقِ -

“তাদের (জাহান্নামীদের) মাথার উপরে তীব্র গরম পানি ঢেলে দেয়া হবে, ফলে তাদের পেটের মধ্যে অবস্থিত সকল বস্তু ও চামড়া (সাথে সাথে) গলে যাবে এবং তাদের জন্য লোহার ডাঙা থাকবে। যখনই তারা স্বাসরোধক অবস্থায় জাহান্নাম হতে বের হবার চেষ্টা করবে তখনই তাদেরকে প্রতিহত করা হবে এবং বলা হবে দহনের শাস্তি ভোগ করতে থাক।”

-(সূরা হজ্জঃ ১৯-২২)

তবে অপরাধের পরিমাণ অনুযায়ী তাদেরকে সেখানে শাস্তি দেয়া হবে। নবী করীম সাল্লাল্লাহু আলাইহি ওয়া সাল্লাম বলেছেনঃ

مِنْهُمْ مَنْ تَأْخُذُهُ النَّارُ إِلَى كَعْبِيهِ وَمِنْهُمْ مَنْ تَأْخُذُهُ
النَّارُ إِلَى رُكْبَتَيْهِ وَمِنْهُمْ مَنْ تَأْخُذُهُ النَّارُ إِلَى
حُجْرَتِهِ وَمِنْهُمْ مَنْ تَأْخُذُهُ النَّارُ إِلَى تَرَاقُوتِهِ -

জাহান্নামীদের মধ্যে এমন কিছু লোক থাকবে, আগুন যাদেরকে টাখনু পর্যন্ত স্পর্শ করবে। আবার কিছু লোক থাকবে, আগুন যাদের হাঁটু পর্যন্ত স্পর্শ করবে। আবার কারো কারো কোমর পর্যন্ত স্পর্শ করবে। কিছু লোক এমনও থাকবে আগুন যাদেরকে কণ্ঠনালী পর্যন্ত পুড়াবে। - (মুসলিম)

জাহান্নামে যাদেরকে কম শাস্তি দেয়া হবে

ঐ সমস্ত জাহান্নামী সম্পর্কে রাসূলুল্লাহ সাল্লাল্লাহু আলাইহি ওয়া সাল্লাম বলেছেন, যাদেরকে সব চেয়ে কম শাস্তি দেয়া হবেঃ

إِنَّ أَهْوَنَ أَهْلِ النَّارِ عَذَابًا مَنْ لَهُ نَعْلَانِ وَشِرَاكَانِ مِنْ
نَّارٍ يَغْلِي مِنْهُمَا دِمَاغُهُ كَمَا يَغْلِي الْمَرْجُلُ مَا يَرَى إِنْ
أَحَدًا أَشَدُّ مِنْهُ عَذَابًا وَإِنَّهُ لَأَهْوَنُهُمْ عَذَابًا -

“জাহান্নামে সবচেয়ে কম শাস্তি দেয়া হবে তাকে, যাকে এক জোড়া আঙ্গুনের চপ্পল পরানো হবে এবং তার ফিতা দুটোও হবে আঙ্গুনের তৈরী। এতেই তার মগজ এমনভাবে ফুটে থাকবে, যেভাবে চুলোর উপরে ডেকটীতে পানি ফুটে। সে মনে করতে থাকবে, জাহান্নামে এর চেয়ে কঠিন আজাব আর কারো হয় না।” - (বুখারী, মুসলিম)

অন্য হাদীসে আছেঃ

أَهْوَانَ أَهْلِ النَّارِ عَذَابًا أَبُو طَالِبٍ وَهُوَ مُنْتَعِلٌ
بِنَعْلَيْنِ يَغْلِي مِنْهَا دِمَاغُهُ -

জাহান্নামীদের মধ্যে সর্বাপেক্ষা কম আজাব হবে আবু তালিবের। তাকে মাত্র এক জোড়া জুতা পরানো হবে, এতেই তার মগজ গলে গলে পড়তে থাকবে। -(বুখারী)

জাহান্নামীদের আকার আকৃতির বিস্তৃতি ঘটিয়ে আজাব দেয়া হবে পৃথিবীর মতো এতো সুন্দর চেহারা বা আকার আকৃতি জাহান্নামীদের থাকবে না। সেদিন তাদের চেহারাকে বিকৃতি ও কুৎসিত করে দেয়া হবে।

ইরশাদ হচ্ছেঃ

وَالَّذِينَ كَسَبُوا السَّيِّئَاتِ جَزَاءُ سَيِّئَةٍ بِمِثْلِهَا لَا وَ تَرْهَقُهُمْ ذِلَّةٌ ط مَا لَهُمْ مِّنَ اللَّهِ مِن عَاصِمٍ ج كَأَنَّمَا أُغْشِيَتْ وُجُوهُهُمْ قِطْعًا مِّنَ اللَّيْلِ مُظْلِمًا ط

“যারা খারাপ কাজ করবে তাদের পরিণতিও অনুরূপ খারাপ হবে। অপমান লাঞ্ছনা তাদেরকে আবদ্ধ করে রাখবে। আর আল্লাহর আজাব থেকে কেউ তাদেরকে রক্ষা করবে না। তাদের মুখমণ্ডল যেন তমসাম্বন্ধ রাতের তিমিরে আচ্ছাদিত।”-(সূরা ইউনুসঃ ২৭)

অন্যত্র বলা হয়েছেঃ

تَلْفَحُ وُجُوهُهُمْ النَّارُ وَ هُمْ فِيهَا كَالْحُورِ -

“আগুন তাদের মুখ মণ্ডলকে চেটেচেটে খাবে এবং তাদের চেহারাগুলো হবে বীভৎস।”-(সূরা মুমিনুনঃ ১০৪)

হযরত আবদুল্লাহ ইবনে আমর (রাঃ) বর্ণনা করেছেনঃ “জাহান্নামী কোন ব্যক্তিকে যদি পৃথিবীতে ফেরত পাঠানো হতো তবে তার বীভৎস চেহারা দেখে এবং গায়ের দুর্গন্ধে পৃথিবীবাসী মারা যেতো।” একথা বলে তিনি কান্নায় ভেঙ্গে পড়লেন। -(তারগীব ওয়া তারহীব)

হযরত আবু হুরাইরা (রাঃ) বলেন, নবী করীম সাল্লাল্লাহু আলাইহি ওয়া সাল্লাম বলেছেনঃ

إِنَّ غِلْظَ جِلْدِ الْكَافِرِ اثْنَانِ وَأَرْبَعُونَ ذِرَاعًا وَإِنَّ
ضِرْسَهُ مِثْلُ أُحُدٍ وَإِنَّ مَجْلِسَهُ مِنْ جَهَنَّمَ مَا بَيْنَ مَكَّةَ
وَالْمَدِينَةِ -

“নিশ্চয়ই (জাহান্নামে) কাফিরদের চামড়া বিয়াল্লিশ গজ পুরু হবে এবং এক
একটি দাঁত উহুদ পাহাড়ের^২ সমান হবে। জাহান্নামে একজন জাহান্নামী যে
স্থান জুড়ে অবস্থান করবে তা মক্কা হতে মদীনার দূরত্বের সমান।
-(তিরমিযি)

অন্য হাদীসে আছে—

مَا بَيْنَ مَنْكَبِي الْكَافِرِ فِي النَّارِ مَسِيرَةٌ ثَلَاثَةَ أَيَّامٍ
لِلرَّكِبِ الْمُسْرِعِ -

জাহান্নামে কাফিরদের দু'কাধের মধ্যবর্তী দূরত্ব হবে, একজন অশ্বারোহী
তিনদিন পথ চলে যতোদূর যেতে পারে ততোটুকু। -(মুসলিম)

إِنَّ الْكَافِرَ لَيَسْحَبُ لِسَانَهُ الْفَرْسَخَ وَالْفَرْسَخَيْنِ
يَتَوَطَّأُهُ النَّاسُ -

জাহান্নামে কাফিরদের জিহ্বাকে এক থেকে দু ফারসাখ (তিন মাইল)
দীর্ঘ করে দেয়া হবে যার উপর লোক চলাচল করবে। -(তারগীব ওয়া
তারহীব, আহমদ, তিরমিযি)

(২) হাদীসে তুলনা করার জন্যে কিছু দৃষ্টান্ত দেয়া হয়েছে— যেমন, বিয়াল্লিশ গজ, উহুদ পাহাড়,
ইত্যাদি। কারণ কুরআন হাদীসে আখিরাতের নিয়ামত ও আজাবের বর্ণনায় পৃথিবীর বিভিন্ন বস্তু দ্বারা দৃষ্টান্ত
দেয়া হয়েছে। যদিও পরকালের কোন বস্তুর তুলনাই পৃথিবীতে হতে পারে না। কারণ পৃথিবী ও আখিরাতের
বস্তু এক নয়, তাদের প্রকৃতি ও বৈশিষ্ট্য ভিন্ন ভিন্ন। তবুও তুলনা না করে উপায় নেই। কেননা যে ব্যক্তি
কোন দিন জিরাফ দেখিনি তাকে জিরাফ সম্বন্ধে বুঝতে হলে বলতে হবে যে, জিরাফ ঘোড়ার মতই তবে
গলাটা অনেক লম্বা। যদিও জিরাফ এবং ঘোড়া এক নয় তবু দৃষ্টান্ত দেয়া হয়, ধারণাটা কাছাকাছি নেয়ার
জন্য। তেমনভাবেই পরকালের সমস্ত দৃষ্টান্ত দুনিয়ার সাথে তুলনা করে দেয়া হয়েছে শুধু বুঝার জন্য।

রাসূল সাল্লাল্লাহু আলাইহি ওয়া সাল্লাম আরো বলেছেনঃ

“আমার উম্মতের কোন কোন ব্যক্তিকে জাহান্নামে এতো বিশাল আকৃতির করে দেয়া হবে যে, একাই সে জাহান্নামের একটি কোনকে পূর্ণ করে দেবে।” –(তারগীব ওয়া তারহীব)

জাহান্নামের শাস্তির যে ধরন, তা পুরোপুরি অনুভব করতে হলে দৈহিক আকার আকৃতির পরিবর্তনের প্রয়োজন, এটা স্বাভাবিক জ্ঞান ও বুদ্ধির দাবী। আকার আকৃতি যতো বড়ো হয় শাস্তির তীব্রতাও ততো বেশী অনুভূত হয়। যেমন একটি মশাকে কোন কঠিন শাস্তি দেয়া যায় না, কিন্তু একটি বিড়াল, ছাগল অথবা তার চেয়ে বড়ো কোন প্রাণীকে ইচ্ছেমতো যে কোন শাস্তি দেয়া যায়। ঠিক তেমনিভাবে আল্লাহুও পাপীদেরকে আকার আকৃতি বৃদ্ধি করে দেবেন, যেনো আল্লাহর শাস্তি পুরোপুরি ভোগ করতে পারে।

জাহান্নামীদের চোখের পানি

হযরত আনাস (রাঃ) বর্ণনা করেছেন, নবী করীম সাল্লাল্লাহু আলাইহি ওয়া সাল্লাম বলেছেনঃ

يَا أَيُّهَا النَّاسُ ابْكُوا فَإِنَّ لَمْ تَسْتَطِيعُوا فَتَبَاكُوا فَإِنَّ
أَهْلَ النَّارِ يَبْكُونَ فِي النَّارِ حَتَّى تَسِيلَ دُمُوعُهُمْ فِي
وُجُوهِهِمْ كَأَنَّهَا جَدَاوِلٌ حَتَّى تَنْقَطِعَ الدُّمُوعُ فَتَسِيلُ
الدَّمَاءُ فَتَفْرَحُ الْعَيُونَ فَلَوْ أَنَّ سَفْنَا أُنْجِيَتْ فِيهَا
يَحْرَتْ -

“হে মূনষ! তোমরা কাঁদো। যদি পারো তবে কান্নার চেষ্টা করো। কেননা জাহান্নামীরা জাহান্নামে বসে এতো বেশী কাঁদবে যে, তাদের গণ্ডদ্বয়ে নালার সৃষ্টি হবে। কাঁদতে কাঁদতে তাদের চোখের পানি শেষ হয়ে যাবে। অবশেষে রক্ত ঝরতে থাকবে এবং চোখ ক্ষত বিক্ষত হয়ে যাবে। এতো অধিক

পরিমাণে পানি ও রক্ত প্রবাহিত হবে যে, তাতে নৌকা ছেড়ে দিলে অনায়াসে তা চলতে থাকবে। - (শরহে সুন্নাহ)

গায়ের চামড়া পরিবর্তন করে জ্বালানো হবে

كُلَّمَا نَضِجَتْ جُلُودُهُمْ بَدَّلْنَاهُمْ جُلُودًا غَيْرَهَا لِيَذُوقُوا
الْعَذَابَ ۗ إِنَّ اللَّهَ كَانَ عَزِيزًا حَكِيمًا -

“যখন তাদের দেহের চামড়া আগুনে পুড়ে গলে যাবে, তখন (সাথে সাথে) সেখানে অন্য চামড়া সৃষ্টি করে দেবো; যেনো তারা আজাবের স্বাদ পুরোপুরি গ্রহণ করতে পারে। বস্ত্রত আল্লাহ বড়োই শক্তিশালী এবং নিজের ফায়সালা সমূহ কার্যকরী করার কৌশল খুব ভালো করেই জানেন।”

-(সূরা নিসাঃ ৫৬)

চামড়া পরিবর্তন করা হচ্ছে এবং পুড়ে যাচ্ছে, পুনরায় আবার তা তৈরী হচ্ছে এ অনুভূতি কখনো জাহান্নামীদের থাকবে না। কেননা (পৃথিবীতে) যদি কোন বস্তু প্রতি সেকেন্ডে দশবার পর্যন্ত পরিবর্তন হয় তবে তা আমরা উপলব্ধি করতে পারি। কিন্তু কোন বস্তু যদি প্রতি সেকেন্ডে দশবারের বেশী পরিবর্তন হয় তবে তা আমরা উপলব্ধি করতে পারিনা। বরং ঐ বস্তুকে স্থির দেখি। যেমন বিদ্যুৎ এর বাতি। বিদ্যুৎ প্রতি সেকেন্ডে পঞ্চাশ বার দিক (Pole) পরিবর্তন করে অর্থাৎ একটি বাতি প্রতি সেকেন্ডে পঞ্চাশবার নিভে এবং জ্বলে। কিন্তু আমরা সব সময় বাতি জ্বলা অবস্থায় দেখি, কারণ যেহেতু সেকেন্ডে দশবারের বেশী দিক পরিবর্তন হচ্ছে তাই আমরা বাতিকে স্থির দেখি। অদ্রুপ জাহান্নামীদেরকে প্রতি সেকেন্ডে কয়েকশবার চামড়া পরিবর্তন করা হবে কিন্তু জাহান্নামীগণ মনে করবে, সেই পুরানো চামড়াই শরীরে আছে এবং তা অবিরাম পুড়ে চলছে।

জাহান্নামীরা ছায়ার মধ্যে থাকবে

فِي سَمُومٍ وَحَمِيمٍ - وَظِلٍّ مِّنْ يَّحْمُومٍ - لَّا بَارِدٍ وَلَا
كَرِيمٍ -

“তারা গরম বাষ্প, টগবগ করা ফুটন্ত পানি এবং কালো ধূঁয়ার ছায়ার মধ্যে থাকবে। তা (কখনো না ঠাণ্ডা হবে, না শান্তি দায়ক।”

—(সূরা ওয়াকিয়াঃ ৪২-৪৫)

পূর্বেই বলা হয়েছে যে, কালো বর্ণের আঙনে জাহান্নামীদেরকে নিষ্ক্ষেপ করা হবে। তাই যখন তারা সেখানে প্রবেশ করবে তখন চারদিকে অসহ্য তাপ ও ধূঁয়ার মতো ঘোলাটে অন্ধকার দেখবে। এ অবস্থার কথাই উপরোক্ত আয়াতে বলা হয়েছে।

জাহান্নামীদের খাদ্য ও পানীয়

انَّ شَجَرَتَ الزَّقُومِ - طَعَامُ الْاٰثِمِيْمِ - كَالْمُهْلِ يَغْلِي فِي الْبُطُوْنِ - كَغَلِي الْحَمِيْمِ -

“যাক্কুম গাছ জাহান্নামীদের খাদ্য হবে; তিলের তেলটিটির মতো। পেটে এমনভাবে উথলে উঠবে যেমন টগবগ করে ফোটা পানি উথলে উঠে।”

—(সূরা দোখানঃ ৪৩-৪৬)

ثُمَّ اِنَّ لَهُمْ عَلَيْهَا لَشَوْبًا مِّنْ حَمِيْمٍ -

“অতঃপর পান করার জন্য তাদের ফুটন্ত পানি দেয়া হবে।”

—(সূরা ছাফ্ফাতঃ ৬৭)

অন্যত্র বলা হয়েছেঃ

لَاكُلُوْنَ مِنْ شَجَرٍ مِّنْ زَقُوْمٍ - فَمَا لِيُوْنٍ مِنْهَا الْبُطُوْنِ - فَشَرِبُوْنَ عَلَيْهِ مِنَ الْحَمِيْمِ - فَشَرِبُوْنَ شَرْبَ الْهَيْمِ -

“অবশ্যই তারা যাক্কুম গাছের খাদ্য খাবে। ওগুলোর দ্বারাই পেট ভর্তি করবে। আর উপর হতে টগবগ করে ফুটন্ত পানি পিপাসা কাতর উটের ন্যায় পান করবে।” —(সূরা ওয়াকিয়াঃ ৫২-৫৩)

যাক্কুম, Cactus জাতীয় গাছ। আরবের তিহামা অঞ্চলে এ গাছ জন্মে। এর স্বাধ তিক্ত এবং গন্ধ অসহ্য। ঐ গাছ ভাঙ্গলে দুধের মতো সাদা কস বের হয়, যা গায়ে লাগলে সাথে সাথে ফোঁকা পড়ে যা হয় এবং গা ফুলে উঠে। আগেই বলা হয়েছে পৃথিবীর সাথে আখিরাতের কোন বস্তুর নামের মিল থাকলেও মূলত ঐ দু'ই বস্তু এ নয়। পৃথিবীর যাক্কুম গাছের তুলনায় আখিরাতের যাক্কুম গাছ আরও নিকৃষ্ট। রাসূলুল্লাহ সাল্লাল্লাহু আলাইহি ওয়া সাল্লাম ইরশাদ করেছেনঃ “যদি যাক্কুমের এক বিন্দু পৃথিবীতে পড়ে তবে তা সারা বিশ্বের প্রাণীকুলের আহাৰ্য্য বস্তুকে বিকৃত করে ফেলবে।”
—(তিরমিযি)

কুরআনে হাকিমে বলা হয়েছেঃ “আল্লাহর কসম! যদি এক ফোটা যাক্কুম পৃথিবীর নদ নদীতে ফেলা হয়, তবে তা পৃথিবী বাসীর সমস্ত খাদ্য দ্রব্যকে পয়মাল করে দেবে।”

যাক্কুম গাছের সংজ্ঞা দিতে গিয়ে আল্লাহ বলেনঃ

إِنَّهَا شَجَرَةٌ تَخْرُجُ فِي أَصْلِ الْجَحِيمِ - طَلْعُهَا كَأَنَّهُ
رُءُوسُ الشَّيَاطِينِ -

“তা এমন একটি গাছ-যা জাহান্নামের তলদেশ হতে বের হয়। তার ছড়াগুলি এমন, যেনো শয়তানগুলোর মাথা (?)”

“শয়তানগুলোর মাথা” এ কথাটা একটি রূপক দৃষ্টান্ত। যেমন আমরা কারো চেহারা ফর্সা দেখলে বলি একেবারে পেছীর মতো দেখতে। ঠিক এমনি একটি দৃষ্টান্ত হচ্ছে শয়তানের মাথার দৃষ্টান্ত। এ যে অত্যন্ত অরুচিকর, অখাদ্য, কুখাদ্য তা বুঝানোই হচ্ছে উক্ত আয়াতের অভিপ্রায়।

সূরা গাশিয়ায় বলা হয়েছেঃ

تُسْقَى مِنْ عَيْنٍ انِّيَّةٍ - لَيْسَ لَهُمْ طَعَامٌ إِلَّا مِنْ ضَرِيعٍ - لَا
يُسْمِنُ وَلَا يُغْنِي مِنْ جُوعٍ -

“তাদেরকে ফুটন্ত কুপের পানি পান করানো হবে। কাঁটা যুক্ত শুষ্ক ঘাস ছাড়া আর কোন খাদ্য তাদের জন্য থাকবে না। তা দেহের পুষ্টি সাধন করবে না এবং তাতে ক্ষুধারও উপশম হবে না।”-(সূরা গাশিয়াঃ ৫-৭)

সে পানি শুধুমাত্র গরম ও ফুটন্তই হবে না বরং তা তামা বা কঠিন কোন ধাতুকে তাপ প্রয়োগে তরল করা হলে, সেই উত্তপ্ত তরলের মতো হবে।
ইরশাদ হচ্ছেঃ

وَإِنْ يَسْتَغِيثُوا يُغَاثُوا بِمَاءٍ كَالْمُهْلِ يَشْوِي الْوُجُوهَ ط
بِئْسَ الثَّرَابُ ط وَسَاءَتْ مُرْتَفَقًا -

“তারা পানির আকাংখা করলে গলিত ধাতুর ন্যায় পানি সরবরাহ করা হবে। যা তাদের মুখমণ্ডলকে ঝলসে দেবে। এটা কতো নিকৃষ্ট পানীয় এবং জাহান্নাম কতোই না নিকৃষ্ট স্থান।”-(সূরা কাহাফঃ ২৯)

فَقَطَّعَ أَمْعَاءَهُمْ -

“(সে পানি পান করা মাত্র) তা তাদের নাড়ি ভুড়িকে ছিন্ন ভিন্ন করে দেবে।”-(সূরা মুহাম্মদঃ ১৫)

আরো বলা হয়েছেঃ

لَا يَذُوقُونَ فِيهَا بَرْدًا وَلَا شَرَابًا - إِلَّا حَمِيمًا وَغَسَّاقًا -

“সেখানে ঠাণ্ডা ও পানোপযোগী কোন বস্তুর স্বাদ তারা পাবে না। যদিও বা কিছু পায় তা হচ্ছে উত্তপ্ত গরম পানি ও দুর্গন্ধযুক্ত মিশ্রিত রক্ত।”

-(সূরা নাবাঃ ২৪-২৫)

সূরা ইব্রাহীমে বলা হয়েছেঃ

وَ يُسْقَى مِنْ مَّاءٍ صَدِيدٍ - يَتَجَرَّعُهُ وَلَا يَكَادُ يُسِغُهُ وَ
يَأْتِيهِ الْمَوْتُ مِنْ كُلِّ مَكَانٍ وَ مَا هُوَ بِمَيِّتٍ -

“আর গলিত পূঁজ পান করানো হবে যা সে অতিকষ্টে গলধঃকরণ করবে এবং তা গলধঃকরণ প্রায় অসম্ভব হয়ে পড়বে। চতুর্দিক থেকে মৃত্যু যন্ত্রণা তাকে গ্রাস করে নেবে কিন্তু তবুও তার মৃত্যু হবে না।”

—(সূরা ইব্রাহীম : ১৬-১৭)

لَوْ أَنَّ دُلُومًا مِّنْ غَسَّاقٍ يُهْرَاقُ فِي الدُّنْيَا لَأَنْتَنَ أَهْلُ
الدُّنْيَا -

নবী করীম সাল্লাল্লাহু আলাইহি ওয়া সাল্লাম বলেছেনঃ “যদি সেই দুর্গন্ধময় পূঁজ এক বালতি পৃথিবীতে ফেলে দেয়া হতো তবে তা গোটা পৃথিবীকে দুর্গন্ধে অতিষ্ঠ করে তুলতো।” —(তিরমিযি)

রাসূলুল্লাহ সাল্লাল্লাহু আলাইহি ওয়া সাল্লাম আরো বলেছেনঃ “জাহান্নামীদের ভীষণ ক্ষুধা পাবে তাই তারা খাদ্যের জন্য ফরিয়াদ করবে। তখন তাদেরকে ‘দরী’ জাতীয় খানা পরিবেশন করা হবে। যা তাদের ক্ষুধাকে নিবৃত্ত করবে না এবং তাদের পুষ্টিও বাড়াবে না। তারা পুণরায় খাদ্যের জন্য ফরিয়াদ করবে। অতঃপর তাদেরকে এমন খাদ্য দেয়া হবে। যা তাদের গলায় আটকে যাবে। তারা সেগুলো বের করার চেষ্টা করবে। তখন মনে হবে পৃথিবীতে এমতাবস্থায় পানীয় দ্রব্য দ্বারা আটকে যাওয়া বস্তু বের করা যেতো। কাজেই তখন তারা পানি চাবে। ফুটন্ত পানি লৌহনির্মিত পায়খানার পাত্রে রেখে তাদের সামনে পেশ করা হবে। যখন তা তাদের মুখের কাছাকাছি নেয়া হবে তখন তাদের মুখমণ্ডল ঝলসে যাবে। আর যখন সে পানি পাকস্থলীতে প্রবেশ করবে তখন পেটের সমস্ত নাড়িভুড়ি ছিন্নভিন্ন করে দেবে।” —(মিশকাত।)

জাহান্নামীরা জান্নাতীদের নিকট খাদ্য ও পানীয় চাবে

وَنَادَىٰ اصْحَابُ النَّارِ اصْحَابَ الْجَنَّةِ اَنْ اَفِيضُوْا عَلَيْنَا
مِنَ الْمَاءِ اَوْ مِمَّا رَزَقَكُمُ اللّٰهُ ط قَالُوْا اِنَّ اللّٰهَ حَرَمَهُمَا
عَلَى الْكٰفِرِيْنَ -

“জাহান্নামীরা জান্নাতীদেরকে ডেকে বলবে, আমাদেরকে সামান্য পানি দাও কিংবা আল্লাহ্ তোমাদেরকে যে রিজিক দিয়েছেন তা হতে কিছু আমাদের দিকে নিক্ষেপ করে দাও। জবাবে জান্নাতীগণ বলবেঃ আল্লাহ্ তা’আলা এ দুটো বস্তুই কাফেরদের জন্য হারাম করে দিয়েছেন।” –(সূরা আ’রাফঃ ৫০)

উল্লেখিত আয়াত হতে প্রমাণিত হয় যে, পৃথিবী যেমন স্থান কাল ও পাত্রের দ্বারা সীমাবদ্ধ কিন্তু আখিরাত স্থান-কালের সীমাবদ্ধতার উর্দে। কেননা জান্নাতের পরিধি যেমন বিশাল ঠিক তেমনিভাবে জাহান্নামের পরিধিও বিশাল। তবুও এ দু’প্রান্ত থেকে একজন অপরজনের অবস্থা অবলোকন করতে পারবে এবং পরস্পর কথাও বলবে, তাতে তাদের দৃষ্টিপাত বা কণ্ঠস্বরে কোন ব্যাঘাত সৃষ্টি হবে না।

জাহান্নামীরা আফসোস করবে

জাহান্নামীদেরকে যখন ফেরেশতারা এক হাতে চুলের মুঠি এবং অন্য হাতে পা ধরে চ্যাংদোলা করে জাহান্নামে নিক্ষেপ করতে নিয়ে যাবে, তখন জাহান্নামের পাহারাদারগণ জিজ্ঞেস করবেঃ তোমাদের কাছে কি কোন সুসংবাদ দাতা এবং ভীতি প্রদর্শনকারী পৌছেনি? তখন কাফেরগণ বলবেঃ হ্যাঁ, পৌছে ছিলো কিন্তু আমরা তাদেরকে ঠাট্টা বিদ্রূপ করতাম এবং মিথ্যা মনে করতাম। তখন আফসোস করবে এবং বলবেঃ

لَوْ كُنَّا نَسْمَعُ أَوْ نَعْقِلُ مَا كُنَّا فِي أَصْحَابِ السَّعِيرِ -

“হায়! আমরা যদি শুনতাম এবং অনুধাবন (জ্ঞান দিয়ে চিন্তা ভাবনা) করতাম, তবে আমরা আজ দাউ দাউ করে জ্বলা আগুনে নিক্ষিপ্ত লোকদের মধ্যে शामिल হতাম না।” (সূরা মুলকঃ ১০)

সূরা আন আমে বলা হয়েছেঃ

وَلَوْ تَرَىٰ إِذْ وَقَفُوا عَلَى النَّارِ فَقَالُوا يَلَيْتَنَا نُرَدُّ وَلَا
نُكذِّبُ بِآيَاتِ رَبِّنَا وَنَكُونُ مِنَ الْمُؤْمِنِينَ -

“হায়! সে সময়ের অবস্থা যদি তুমি দেখতে পারতে, যখন তাদেরকে জাহান্নামের কিনারায় দাঁড় করানো হবে; তখন তারা বলবেঃ হায়! আমরা যদি দুনিয়ায় আবার ফিরে যেতে পারতাম এবং সেখানে আল্লাহর আয়াতকে মিথ্যা মনে না করতাম, আর ঈমানদার লোকদের মধ্যে शामिल হতে পারতাম!।” –(সূরা আনআমঃ ২৭)

তাদের এ আবেদন নিবেদন ব্যর্থ হয়ে যাবে। আল্লাহ্ সরাসরি তাদের কথাকে প্রত্যাখান করবেন।

ইরশাদ হচ্ছেঃ

وَلَوْ رُدُّوا لَعَادُوا لِمَانْهُوْا عَنْهُ وَإِنَّهُمْ لَكَاذِبُوْنَ -

“তাদেরকে যদি পূর্ববর্তী জীবনের দিকে ফিরিয়েও দেয়া হয়, তবুও তারা সে সব কাজই করবে যা হতে তাদেরকে নিষেধ করা হয়েছে। তারা তো সবচেয়ে বড়ো মিথ্যাবাদী।” –(সূরা আনআমঃ ২৮)

সূরা যুমারে বলা হয়েছে— “যে সব লোক কুফরী করেছিলো তাদেরকে জাহান্নামের দিকে দলে দলে তাড়িয়ে নিয়ে যাওয়া হবে। তারা যখন সেখানে পৌঁছবে তখন তার (অর্থাৎ জাহান্নামের) দরজাগুলো খুলা হবে এবং তার কর্মচারীরা তাদেরকে বলবেঃ তোমাদের নিকট তোমাদের নিজেদের মধ্যে এমন কোন রাসূল কি আসেনি, যে তোমাদেরকে তোমাদের রবের আয়াত সমূহ শুনিয়েছে এবং তোমাদেরকে এ বলে ভয় প্রদর্শন করেছেন যে, এ দিনটি অবশ্যই একদিন তোমাদেরকে দেখতে হবে?”

তারা বলবেঃ

بَلَىٰ وَلَكِنْ حَقَّتْ كَلِمَةُ الْعَذَابِ عَلَى الْكَافِرِينَ -

“হ্যাঁ এসেছিলো! কিন্তু আজাব হওয়ার ফায়সালা কাফেরদের ভাগ্যলিপি হয়ে গিয়েছে। –(সূরা যুমারঃ ৭১)

মানুষ যখন হতাশ ও পেরেশান হয়ে যায় তখনই তার মুখ দিয়ে হতাব্য ক কথা বের হয়। উপরোক্ত দৃষ্টান্তটি তার নমুনা।

অপরাধীরা পৃথিবীতে ফিরে আসতে চাবে

قَالُوا رَبَّنَا أَمَتْنَا اثْنَتَيْنِ وَأَحْيَيْتَنَا اثْنَتَيْنِ فَاءْتَرْفُنَا
بِذُنُوبِنَا فَهَلْ إِلَىٰ خُرُوجٍ مِّنْ سَبِيلٍ -

“তারা বলবে হে আমাদের রব! তুমি নিশ্চয়ই আমাদেরকে দু’বার মৃত্যু ও দু’বার জীবন দান করেছো। এখন আমরা আমাদের অপরাধসমূহ স্বীকার করে নিচ্ছি। এখন (জাহান্নাম) থেকে বের হবার কোন পথ আছে কি?”

-(সূরা আল মু’মিনঃ ১১)

দু’বার মৃত্যু এবং দু’বার জীবন দান অর্থ-মানুষ অস্তিত্বহীন ছিলো অর্থাৎ মৃত্যু ছিলো, আল্লাহ জীবন দান করেছেন। আবার মৃত্যু দেবেন এবং পুণরায় কিয়ামতের দিন জীবিত করে উঠাবেন। এ কথা কয়টি স্বয়ং আল্লাহ্ রাক্বুল আলামীন সূরা বাকারায় স্পষ্ট করে বলেছেনঃ

كَيْفَ تَكْفُرُونَ بِاللَّهِ وَكُنْتُمْ أَمْوَاتًا فَأَحْيَاكُمْ ۚ ثُمَّ
يُمِيتُكُمْ ثُمَّ يُحْيِيكُمْ ثُمَّ إِلَيْهِ تُرْجَعُونَ -

“তোমরা আল্লাহর সাথে কেমন করে কুফুরী করতে পারো! অথচ তোমরা ছিলে প্রাণহীন-মৃত্যু, তিনি তোমাদের জীবন দান করেছেন। আবার মৃত্যু দেবেন এবং পুণরায় জীবন দান করে উঠাবেন। তারপর তার দিকেই তোমাদের ফিরে যেতে হবে।”-(সূরা বাকারঃ ২৮)

অপরাধীরা প্রথম তিনটি অবস্থা অবিশ্বাস করতো না, কেননা এ তিনটি অবস্থা তাদের চোখের সামনেই ঘটতো। কিন্তু শেষাবস্থা তারা প্রত্যক্ষ করতে পারেনি বলে উপহাস করে উড়িয়ে দিতো। কেননা শেষ অবস্থার খবর একমাত্র নবী রাসূলগণই দিয়েছেন। কিয়ামতের দিন কার্যত যখন এ অবস্থা ঘটে যাবে তখন তারা স্বীকার করবে এবং কাকুতি মিনতি করবে পৃথিবীতে পুণরায় ফিরে আসার জন্য।

সূরা ফাতির এ বলা হয়েছেঃ

وَهُمْ يَصْطَرِحُونَ فِيهَا ۚ رَبَّنَا أَخْرِجْنَا نَعْمَلْ صَالِحًا
غَيْرَ الَّذِي كُنَّا نَعْمَلُ ۖ ط

“সেখানে (জাহান্নামে) তারা চিৎকার করে বলবেঃ হে আমাদের রব! আমাদেরকে এখান হতে বের করে নাও, যেনো আমরা নেক আমল করতে পারি। সে আমল থেকে ভিন্নতর যা আমরা পূর্বে করছিলাম।”

-(সূরা ফাতিরঃ ৩৭)

অতঃপর তাদেরকে প্রতি উত্তরে বলা হবেঃ

أَوَلَمْ نُعَمِّرْكُمْ مَّا يَتَذَكَّرُ فِيهِ مَن تَذَكَّرُ وَجَاءَكُمُ النَّذِيرُ
ط فَذُوقُوا فَمَا لِلظَّالِمِينَ مِن نَّصِيرٍ -

“আমরা কি তোমাদেরকে এমন বয়স দান করিনি যে, শিক্ষা গ্রহণ করতে চাইলে শিক্ষা গ্রহণ করতে পারতে? আর তোমাদের নিকট সতর্ককারীও এসেছিলো। এখন (আজাবের) স্বাদ গ্রহণ করো। এখানে জালিমদের কোন সাহায্যকারী নেই।”-(সূরা ফাতিরঃ ৩৭)

আত্মীয় স্বজন ও দুনিয়ার সব মানুষকে বিনিময় দিয়ে হলেও জাহান্নামীরা বাঁচতে চাবে

يَوْمَ الْمُجْرِمِ لَوْ يَفْتَدِي مِنْ عَذَابِ يَوْمِئِذٍ بِنِيهِ - وَ
صَاحِبَتِهِ وَأَخِيهِ - وَفَصِيلَتِهِ الَّتِي تُؤْوِيهِ - وَ مَنْ فِي
الْأَرْضِ جَمِيعًا لَا تُمْ يُنْجِيهِ -

“সেদিন অপরাধীরা চাবে তার সন্তান, স্ত্রী, ভাই এবং সাহায্যকারী নিকটবর্তী পরিবার এমনকি দুনিয়ার সব মানুষকে বিনিময় দিয়ে হলেও নিজেকে আজাব থেকে বাঁচিয়ে নিতে।”-(সূরা আল মায়ারিজঃ ১১-১৪)

সূরা আল মু'মিনুনে বলা হয়েছেঃ

فَلَا أَنْسَابَ بَيْنَهُمْ يَوْمَئِذٍ وَلَا يَتَسَاءَلُونَ -

“তখন তাদের মধ্যে আর কোন আত্মীয়তা থাকবে না, এমনকি পরস্পর দেখা হলেও (কেউ কাউকে) জিজ্ঞেস করবে না।”

-(সূরা আল মুমিনুনঃ ১০১)

অন্যত্র বলা হয়েছেঃ

وَلَا يَسْأَلُ حَمِيمٌ حَمِيمًا -

“সেদিন কোন প্রাণের বন্ধু অপর প্রাণের বন্ধুকে জিজ্ঞেসও করবে না।”

-(সূরা আল মায়ারিজঃ ১০)

প্রত্যেক জাহান্নামী দল পূর্ববর্তী দলকে দোষ দেবে

كُلَّمَا دَخَلَتْ أُمَّةٌ لَعْنَتْ أُخْتَهَا ط حَتَّىٰ إِذَا ادَّارَكُوا فِيهَا
جَمِيعًا لَا قَالَتْ أُخْرَهُمْ لِأَوْلِهِمْ رَبَّنَا هَؤُلَاءِ ضَلُّونَا
فَاتِهِمْ عَذَابًا ضِعْفًا مِّنَ النَّارِ ط قَالَ لِكُلِّ ضِعْفٌ وَلَكِن
لَّا تَعْلَمُونَ -

“প্রত্যেকটি দল যখনই জাহান্নামে প্রবেশ করবে, নিজের সঙ্গে দলটির উপর অভিশাপ দিতে দিতে অগ্রসর হবে। শেষ পর্যন্ত সকলেই যখন সেখানে সমবেত হবে, তখন (প্রত্যেক) পরবর্তী লোক পূর্ববর্তী লোকদের সম্পর্কে বলবেঃ হে আমাদের রব! এ লোকরাই আমাদেরই বিভ্রান্ত করেছে। এখন তাদেরকে আগুনে (আমাদের চেয়ে) দ্বিগুণ শাস্তি দাও।

আল্লাহ্ বলবেনঃ সকলের জন্যই দ্বিগুণ আজাব কিন্তু তোমরা তা বুঝবে না।”-(সূরা আ'রাফঃ ৩৮

সকলের জন্যই দ্বিগুণ আজাব একথার তাৎপর্য হচ্ছেঃ অপরাধীরা সর্বদাই নিজে অপকর্ম করে এবং অন্যদের করতে উৎসাহ দেয়। যেহেতু প্রতিটি অপকর্মই বাহ্যিক চাকচিক্যময় তাই তার উৎসাহে বিপুল সংখ্যক লোক সাড়া দেয়। আবার তাদের দেখাদেখি পরবর্তীতে আরেক দল অপরাধ প্রবণ হয়ে যায়। এমনি করে ধারাবাহিকভাবে একের পর এক অপরাধীদের দল কিয়ামত পর্যন্ত বৃদ্ধি পেতে থাকে। সত্যি কথা বলতে কি, প্রত্যেকটি দলই পূর্ববর্তী দলকে অনুসরণ করেই অপরাধ প্রবণতায় জড়িয়ে পড়ে এবং অপরাধী হিসেবে চিহ্নিত হয়। তাই আল্লাহ্ রাক্বুল আলামীন প্রত্যেক দলকেই দ্বিগুণ শাস্তি দেবেন। কারণ একদিকে যেমন তারা পূর্ববর্তী দলের অনুসারী অপরদিকে তারা তাদের পরবর্তী দলের পথ প্রদর্শক।

এ কথাগুলোই আল্লাহ্ পবিত্র কালামে অন্যভাবে বলেছেনঃ

اللَّهُ وَلِيُّ الَّذِينَ آمَنُوا لَا يُخْرِجُهُم مِّنَ الظُّلُمَاتِ إِلَى النُّورِ ط وَالَّذِينَ كَفَرُوا أُولِيئُهُمُ الطَّاغُوتُ لَا يُخْرِجُونَهُم مِّنَ النُّورِ إِلَى الظُّلُمَاتِ -

“আল্লাহ ঈমানদারদের বন্ধু। তিনি তাদেরকে অন্ধকার হতে আলোর দিকে পথ দেখান এবং কাফেরদের বন্ধু তাগুত (অর্থাৎ আল্লাহ্‌দ্রোহী শক্তি)। তারা তাদেরকে আলো থেকে অন্ধকারের দিকে পথ দেখায়।”

-(সূরা বাকারাঃ ২৫৭)

অনুসারীগণ নেতাদের শাস্তি দাবী করবে

قَالُوا رَبَّنَا إِنَّا أَطَعْنَا سَادَتَنَا وَكُبَرَاءَنَا فَأَضَلُّونَا السَّبِيلًا - رَبَّنَا اتِهِمْ ضِعْفَيْنِ مِنَ الْعَذَابِ وَالْعَنَهُمْ لَعْنًا كَبِيرًا -

“(যখন জাহান্নামীদেরকে আশুনে পুড়ানো হবে) তখন তারা বলবেঃ হে আমাদের রব! আমরা আমাদের সরদার ও নেতাদের আনুগত্য করেছি, তারা আমাদেরকে সঠিক সরল পথ থেকে বিভ্রান্ত করে দিয়েছে। হে রব! এ লোকদেরকে দ্বিগুণ শাস্তি দাও এবং তাদের উপর কঠিন অভিশাপ বর্ষণ করো।” –(সূরা আহযাবঃ ৬৭-৬৮)

জাহান্নামীরা জাহান্নামে জ্বলতে জ্বলতে অসহ্য হয়ে যাবে। তখন চিৎকার করে বলতে থাকবেঃ

رَبَّنَا أَرِنَا الَّذِينَ أَضَلَّنَا مِنَ الْجِنَّ وَالْإِنْسِ نَجْعَلْهُمَا
تَحْتَ أَقْدَامِنَا لِيَكُونَا مِنَ الْأَسْفَلِينَ -

“হে পরোয়ারদেগার! সেই জিন ও মানুষদেরকে আমাদের সামনে এনে দাও, যারা আমাদেরকে গোমরাহ করছিলো। আমরা তাদেরকে আমাদের পায়ের তলায় রেখে দলিত মথিত করবো, যেনো তারা লাঞ্চিত ও অপমানিত হয়।” –(সূরা হা-মীম-আস সিজদাহঃ ২৯)

জাহান্নামীদের অনুভূতি তীব্র হবে। তারা তাদের ভুল বুঝতে পারবে এবং সেদিন বুঝবে অন্ধভাবে নেতাদের অনুসরণ করা কতো বড়ো ভ্রান্তনীতি ছিলো। আল্লাহ বলেন-

تَاللَّهِ إِنْ كُنَّا لَفِي ضَلَالٍ مُّبِينٍ - اذْنَسَوْكُمْ بِرَبِّ
الْعَلَمِينَ -

“আর এই বিভ্রান্ত লোকেরা নিজেদের নেতাদেরকে লক্ষ্য করে বলবে/ আল্লাহর কসম! আমরা তো সুস্পষ্ট গোমরাহীতে নিমজ্জিত ছিলাম, যখন তোমাদেরকে রাক্বুল আলামীনের মর্যাদা দিচ্ছিলাম।”

–(সূরা শুয়ারাঃ ৯৭-৯৮)

সূরা বাকারায় বলা হয়েছেঃ

اِذْ تَبَرَّأَ الَّذِينَ اتَّبَعُوا مِنَ الَّذِينَ اتَّبَعُوا وَرَأَوْا الْعَذَابَ وَ
تَقَطَّعَتْ بِهِمُ الْأَسْبَابُ - وَقَالَ الَّذِينَ اتَّبَعُوا لَوْ أَنَّا
كُرَّهٌ فَنَتَّبَرَأَ مِنْهُمُ كَمَا تَبَرَّءُوا مِنَّا ط كَذَلِكَ يُرِيهِمُ اللَّهُ
أَعْمَالَهُمْ حَسْرَتٍ عَلَيْهِمْ ط وَمَا هُمْ بِخَارِجِينَ مِنَ
النَّارِ -

যখন জাহান্নামে শাস্তি দেয়া হবে তখন এসব নেতা ও প্রধান ব্যক্তির
দুনিয়ায় যাদের অনুসরণ করা হতো, (তারা) তাদের অনুসারীদের সাথে
সম্পর্কহীনতা প্রকাশ করতে থাকবে কিন্তু তবুও শাস্তি তারা পাবেই। এবং
তাদের সমস্ত উপায় উপকরণের ধারা ছিন্ন হয়ে যাবে। আর যেসব লোক
দুনিয়ায় তাদের অনুসারী ছিলো, তারা বলতে থাকবেঃ “হায়! যদি
আমাদেরকে আরেকবার সুযোগ দেয়া হতো, তবে এরা আজ যেভাবে
আমাদের সাথে সম্পর্কচ্ছেদ করেছে, তেমনি আমরাও এদের সাথে
সম্পর্কচ্ছেদ করে দেখিয়ে দিতাম। এভাবেই দুনিয়ায় এরা যে সমস্ত কাজ
করেছে সেগুলো আল্লাহ তাদের সামনে এমনভাবে উপস্থিত করবেন যাতে
তারা কেবল দুঃখ ও আক্ষেপই করতে থাকবে। কিন্তু জাহান্নামের আগুন
থেকে বের হবার কোন পথই তারা খুঁজে পাবে না”

—(সূরা বাকারঃ ১৬৬-১৬৭)

জাহান্নামীদের প্রতি শয়তানের ভাষণ

মজার ব্যাপার হচ্ছে, জাহান্নামীরা তাদের জাহান্নামে যাবার ব্যাপারে
নিজেদের নেতা, বাপ-দাদা এবং শয়তানের উপর দোষ চাপানোর চেষ্টা
করবে। নিজেদের কৃতকর্মের ব্যাপারে ধৃত হলেও তারা অপরের কাঁধে দোষ
চাপানোর চেষ্টা করবে। উদ্দেশ্য একটাই। তা হচ্ছে সামান্য হলেও আল্লাহর
করণা দৃষ্টি লাভ করা। তখন শয়তান নিজেকে নির্দোষ প্রমাণ করার জন্য

নিম্নোক্ত ভাষণটি জাহান্নামীদেরকে উদ্দেশ্যে প্রদান করবে। সে ভাষণটি আল্লাহ সূরা ইব্রাহীমে হুবহু তুলে ধরেছেন। ইরশাদ হচ্ছেঃ

وَقَالَ الشَّيْطَانُ لَمَّا قُضِيَ الْأَمْرُ إِنَّ اللَّهَ وَعَدَكُمْ وَعَدَ الْحَقُّ وَوَعَدْتُكُمْ فَأَخْلَفْتُكُمْ ط وَمَا كَانَ لِي عَلَيْكُمْ مِنْ سُلْطَانٍ إِلَّا أَنْ دَعَوْتُكُمْ فَاسْتَجَبْتُمْ لِي ج فَلَا تَلُمُونِي وَلَا لَوْمُوا أَنْفُسَكُمْ ط مَا أَنَا بِمُصْرِخِكُمْ وَمَا أَنْتُمْ بِمُصْرِخِيَّ ط إِنِّي كَفَرْتُ بِمَا أَشْرَكْتُمُونِ مِنْ قَبْلُ ط إِنَّ الظَّالِمِينَ لَهُمْ عَذَابٌ أَلِيمٌ -

“যখন ছুড়ান্ত ফায়সালা করে দেয়া হবে, তখন শয়তান বলবেঃ আল্লাহ তোমাদেরকে যেসব প্রতিশ্রুতি দিয়েছিলেন, তা সবই সত্য ছিলো। আর আমিও তোমাদেরকে প্রতিশ্রুতি দিয়েছিলাম, কিন্তু তার একটিও আমি পূরণ করিনি। তোমাদের উপর আমারতো কোন জোর জবরদস্তি ছিলোনা। আমি কেবলমাত্র তোমাদেরকে আহ্বান করেছি আর অমনি তোমরা সে আহ্বানে সাড়া দিয়েছো। কাজেই এখন আর আমাকে দোষ দিওনা। তিরস্কার করোনা। বরং নিজেকে নিজে দোষ দাও, তিরস্কার করো। আজ আমি তোমাদেরকে উদ্ধার করতে যেমন অপারগ ঠিক তোমরাও আমাকে উদ্ধার করতে তেমন অপারগ। ইতোপূর্বে তোমরা আমাকে আল্লাহর সাথে শরীক করেছিলে, আজ আমি তার দায়দায়িত্ব সম্পূর্ণরূপে অস্বীকার করছি। বস্তুতঃ যন্ত্রণাদায়ক শাস্তিতে জালিমদের জন্যই নির্দিষ্ট।”-(সূরা ইব্রাহীমঃ ২২)

সেখানে সবর করা না করা সমান হবে

يَوْمَ يُدْعَوْنَ إِلَى نَارِ جَهَنَّمَ دَعَا - هَذِهِ النَّارُ الَّتِي كُنْتُمْ بِهَا تَكْذِبُونَ - أَفَسِحْرٌ هَذَا أَمْ أَنْتُمْ لَا تَبْصِرُونَ - اصْلَوْهَا

فَاصْبِرُوا أَوْ لَا تَصْبِرُوا سَوَاءٌ عَلَيْكُمْ إِنَّمَا تُجْرُونَ
مَا كُنْتُمْ تَعْمَلُونَ -

“যেদিন তাদেরকে ধাক্কা মেরে মেরে জাহান্নামের দিকে নিয়ে যাওয়া হবে, তখন তাদেরকে বলা হবে এই সে আগুন যাকে তোমরা ভিত্তিহীন গুজব মনে করেছিলে। এবার বলো, এটা কি যাদু? না তোমরা কিছুই দেখোনা? এবার যাও এর মধ্যে ভস্ম হতে থাকো।

এখন তোমরা ধৈর্য ধারণ করো বা না করো, সবই তোমাদের জন্য সমান। তোমাদেরকে সে রকম প্রতিফলই দেয়া হচ্ছে যা তোমরা আমল করেছো।” - (সূরা তুরঃ ১৩-১৬)

সূরা হাদীদে বলা হয়েছেঃ

فَالْيَوْمَ لَا يُؤْخَذُ مِنْكُمْ فِدْيَةٌ وَلَا مِنَ الَّذِينَ كَفَرُوا ط
مَاوَكُمْ النَّارُ ط هِيَ مَوْلَكُمْ ط وَبِئْسَ الْمَصِيرُ -

(যখন ফেরেশতাগণ জাহান্নামীদেরকে জাহান্নামের দিকে তাড়িয়ে নিয়ে যাবে, তখন বলবেঃ)

“আজ তোমাদের নিকট হ’তে কোন বিনিময় গ্রহণ করা হবে না এবং যারা পৃথিবীতে (প্রকাশ্য দাঙ্কিতার সাথে আল্লাহর আয়াতগুলো) অস্বীকার করেছিলে, (তাদেরকেও বিনিময় নিয়ে মুক্তি দেয়া হবে না। উপরন্তু বলা হবে) তোমাদের ঠিকানা জাহান্নাম। সে জাহান্নামই তোমাদের খোঁজখরব গ্রহণকারী অভিভাবক। কতো নিকৃষ্ট পরিণতি।” - (সূরা আল-হাদীদঃ ১৫)

সত্যি কথা বলতে কি, সেখান হতে বের হওয়া তো দূরের কথা একমাত্র জাহান্নাম ছাড়া অন্য কোন বন্ধু অভিভাবক কিংবা সাহায্যকারীও পাবে না।

কাজেই সেখানে ইচ্ছায় হোক অথবা অনিচ্ছায় হোক, শাস্তি গ্রহণ করতেই হবে। এমন শাস্তি দেয়া হবে যে, ধৈর্য্য ধারণের প্রশ্নই উঠে না। তাই বলে ধৈর্য্য না ধরে জাহান্নামীদের কোন উপায় ও অবশিষ্ট থাকবে না।

জাহান্নামের তত্ত্বাবধায়ক মালিকের নিকট অনুনয় বিনয়

জাহান্নামীরা যখন শাস্তি ভোগ করতে করতে অতিষ্ঠ হয়ে যাবে তখন জাহান্নামের তত্ত্বাবধায়ক মালিক ফেরেশতাকে অনুনয় বিনয় করে বলবেঃ

أُدْعُوا رَبَّكُمْ يُخَفِّفْ عَنَّا يَوْمًا مِّنَ الْعَذَابِ -

“তোমাদের রবকে বলো, তিনি যেনো আমাদের শাস্তিকে একটু কম করে দেন।” –(সূরা মুমিনঃ ৪৯)

প্রতি উত্তরে বলা হবেঃ

فَادْعُوا جَ وَمَا دُعُوا الْكُفْرَيْنَ إِلَّا فِي ضَلَالٍ -

তোমরা অনুনয় বিনয় করতে পারো কিন্তু কাফিরদের জন্য তা নিষ্ফল।

তারা আবার অনুরোধ করবেঃ

يَا مَالِكُ لِيُقْضِ عَلَيْنَا رَبُّكَ -

হে মালিক! তুমি আমাদের জন্য তোমার রবের নিকট ফরিয়াদ করো, তিনি যেন আমাদের মৃত্যু দিয়ে দেন।

মালিক ফেরেশতা উত্তর দেবেঃ

إِنَّكُمْ مَا كُتِبُونَ -

“তোমাদেরকে সর্বদা এখানেই থাকতে হবে। (তোমাদের মৃত্যু হবে না।)”

জাহান্নামীদের শেষ প্রচেষ্টা

অবশেষে জাহান্নামীরা হতাশ হয়ে মহা পরাক্রমশালী আল্লাহর নিকট ধরণা দেবে। ফরিয়াদ করবেঃ

رَبَّنَا غَلَبَتْ عَلَيْنَا شِقْوَتُنَا وَكُنَّا قَوْمًا ضَالِّينَ - رَبَّنَا
أَخْرَجْنَا مِنْهَا فَإِنْ عُدْنَا فَإِنَّا ظَالِمُونَ -

“হে আমাদের প্রভূ! আমাদেরকে দুর্ভোগে পেয়ে বসেছিলো এবং আমরা ছিলাম বিভ্রান্ত এক সম্প্রদায়। হে আমাদের প্রতিপালক! এ অসহনীয় যন্ত্রণা থেকে আমাদেরকে উদ্ধার করো। এরপর আমরা যদি পুনরায় সত্য প্রত্যাখ্যান করি তবে অবশ্যই জালিমদের অন্তর্ভুক্ত হবো।”

-(সূরা মুমিনঃ ১০৭)

তখন আল্লাহ তাদেরকে ধমক দিয়ে বলবেনঃ

اِخْسَتُوا فِيهَا وَلَا تَكْلُمُونَ -

“তোমরা এ লাঞ্ছনা গঞ্জনার মধ্যেই থাকো, আমার সাথে আর কোন কথা বলবেনা।”-(সূরা মুমিনঃ ১০৮)

এ জবাবের পর জাহান্নামের দরজা বন্ধ করে দেয়া হবে এবং জাহান্নামীরা সেখানে যন্ত্রণায় ছটফট করতে থাকবে।

আ'রাফ (أَعْرَافُ)

আ'রাফ জান্নাত ও জাহান্নামের মধ্যবর্তী একটি জায়গা। হিসেব নিকেশের পর কতিপয় লোককে সাময়িক ভাবে জান্নাত ও জাহান্নামের মধ্যবর্তী স্থানে রাখা হবে। তারা সেখান থেকে জান্নাত ও জাহান্নামীদেরকে দেখতে পাবে এবং তাদের সাথে কথাবার্তাও বলতে পারবে। এখানকার অধিবাসী হবে সেসব লোক যাদের নকী ও গুণাহ উভয়ই সমান। এ সমস্ত লোক যেমন জান্নাতে যাওয়ার যোগ্য হবে না ঠিক তেমনিভাবে তাদেরকে জাহান্নামেও দেয়া হবে না। তারা জান্নাত ও জাহান্নামের সীমান্ত এলাকায় কিছুকাল বাস করবে। পরে অবশ্য মেহেরবান আল্লাহ তাদেরকে জান্নাতে নেবার ব্যবস্থা করবেন। পাগল, শিশু যাদের নিকট নবী পৌঁছেনি এসব লোকও সেখানে বাস করবে। আ'রাফবাসীদের বর্ণনা দিতে গিয়ে মহান আল্লাহ্ রাক্বুল আলামীন বলেনঃ

وَ بَيْنَهُمَا حِجَابٌ ۚ وَ عَلَى الْأَعْرَافِ رِجَالٌ يَعْرِفُونَ كُلًّا
بِسِيمَتِهِمْ ۚ وَ نَادُوا أَصْحَابَ الْجَنَّةِ أَنْ سَلِّمْ عَلَيْكُمْ ۚ فَ لَمْ
يَدْخُلُوهَا وَ هُمْ يَطْمَعُونَ - وَإِذَا صُرِفَتْ أَبْصَارُهُمْ
تَلْقَاءَ أَصْحَابِ النَّارِ لَا قَالُوا رَبَّنَا لِأَتَّجِعَلْنَا مَعَ الْقَوْمِ
الظَّالِمِينَ -

“এ উভয় শ্রেণীর লোকদের মাঝে পার্থক্যকারী একটি পর্দা থাকবে। তার উঁচুতে থাকবে কিছু সংখ্যক লোক। এরা জান্নাতে প্রবেশ করেনি বটে কিন্তু তারা তার জন্য আকাংখী। এরা প্রত্যেককে তার চিহ্ন দিয়ে চিনতে পারবে। এরা জান্নাতবাসীদেরকে ডেকে বলবেঃ তোমাদের উপর শান্তি বর্ষিত হোক। অতঃপর জাহান্নামীদের উপর যখন তাদের চোখ পড়বে তখন বলবেঃ হে রব! আমাদেরকে এ জালিম লোকদের মধ্যে शामिल করো না।”

—(সূরা আ'রাফঃ ৪৬-৪৮)

জান্নাত (الْجَنَّةُ)

جَنَّةٌ এক বচন, বহু বচনে جَنَّاتٌ। অর্থ ঘনো সন্নিবেশিত বাগান, বাগ-বাগিচা। আরবীতে বাগানকে رَوْضَةٌ (রওজাতুন) এবং جَنَّةٌ (হাদীকাতুন)ও বলা হয়। কিন্তু جَنَّاتٌ (জান্নাত) শব্দটি আল্লাহ রাব্বুল আলামীনের নিজস্ব একটি পরিভাষা। পারিভাষিক অর্থে জান্নাত বলতে এমন স্থানকে বুঝায়, যা আল্লাহ রাব্বুল আলামীন তাঁর অনুগত বান্দাদের জন্য নির্দিষ্ট করে রেখেছেন। যা দিগন্ত বিস্তৃত নানা রকম ফুলে ফলে সুশোভিত সুরম্য অট্টালিকা সম্বলিত মনোমগ্নকর বাগান; যার পাশ দিয়ে প্রবাহমান বিভিন্ন ধরনের নদী নালা ও বর্নাধারা। যেখানে চির বসন্ত বিরাজমান।

আমরা জান্নাতকে বেহেশতও বলে থাকি। বেহেশত ফার্সী শব্দ। আমরা আমাদের এ পুস্তকে আরবী শব্দটিই ব্যবহার করবো।

জান্নাত মোট আট প্রকার

আট প্রকার জান্নাতের কথাই আল-কুরআন ও সহীহ হাদীসে উল্লেখ করা হয়েছে। প্রকারগুলো হচ্ছেঃ

- (১) জান্নাতুল ফিরদাউস।
- (২) জান্নাতুল নায়ীম।
- (৩) জান্নাতুল মা'ওয়া।
- (৪) জান্নাতুল আদ্ন।
- (৫) জান্নাতুল দারুস সালাম।
- (৬) জান্নাতুল দারুল খুলদ।
- (৭) জান্নাতুল দারুল মাকাম।
- (৮) জান্নাতুল ইল্লিয়্যুন।

জান্নাতের প্রশস্ততা

মহান আল্লাহ বলেনঃ

سَابِقُوا إِلَىٰ مَغْفِرَةٍ مِّن رَّبِّكُمْ وَجَنَّةٍ عَرْضُهَا كَعَرْضِ
السَّمَاءِ وَالْأَرْضِ لَا -

“তোমরা একে অপরের সাথে সৎকাজে প্রতিযোগিতামূলক অগ্রসর হও। তোমার প্রভুর ক্ষমা এবং সে জান্নাতের দিকে, যার বিশালতা ও বিস্তৃতি আকাশ ও পৃথিবীর ন্যায়।”-(সূরা হাদীদঃ ২১)

হাদীসে আছে- আল্লাহ যাকে সবচেয়ে ছোট জান্নাত দেবেন তাকেও এ পৃথিবীর মতো দশ পৃথিবীর সমান জান্নাত দেবেন।

মহান আল্লাহ বলেনঃ

وَإِذَا رَأَيْتَ ثَمَّ رَأَيْتَ نَعِيمًا وَمُلْكًا كَبِيرًا -

“সেখানে (জান্নাতে) যে দিকে তোমরা তাকাবে শুধু নিয়ামাত আর নিয়ামাত এবং একটি বিরাট সাম্রাজ্যের সাজ সরঞ্জাম দেখতে পাবে।”

-(সূরা দাহরঃ ২০)

إِنَّ فِي الْجَنَّةِ مِائَةَ دَرَجَةٍ لَّوْ أَنَّ الْعَالَمِينَ اجْتَمَعُوا فِي
أَحَدِهِنَّ لَوَسِعَتْهُمْ -

নবী করীম সাল্লাল্লাহু আলাইহি ওয়া সাল্লাম বলেছেন, “জান্নাতে একশতটি স্তর আছে। সারা পৃথিবীর সমস্ত মানুষ যদি একত্রিত হয়ে তার কোন একটিতে আশ্রয় নেয়, তবে তা তাদের জন্য যথেষ্ট হবে।”-(তিরমিযি)

অন্য হাদীসে আছে- “প্রতি স্তরের মধ্যে ব্যবধান একশত বৎসরে অতিক্রান্ত দূরত্বের সমান।”-(তিরমিযি)

সম্পূর্ণ জান্নাত হবে শীতাতপ নিয়ন্ত্রিত (Air condition)

জান্নাতে সর্বদা বসন্তকাল বিরাজ করবে। ফুল-ফলের সমাহার এবং সৌন্দর্য্য শ্যামলতা কখনো ম্লান হবে না। এমন কি গোটা জান্নাত শীতাতপ নিয়ন্ত্রিত বা Air condition হবে। মহান আল্লাহ বলেনঃ

لَا يَرَوْنَ فِيهَا شَمْسًا وَلَا زَمَهْرِيرًا -

“তাদেরকে সেখানে (জান্নাতে) না সূর্যতাপ জ্বালাতন করবে না শৈত প্রবাহ।” –(সূরা দাহরঃ ১৩)

জান্নাতের অট্টালিকাসমূহ

একবার নবী করীম সাল্লাল্লাহু আলাইহি ওয়া সাল্লামকে হযরত আবু হুরাইরা জিজ্ঞেস করলেনঃ “ইয়া রাসূলুল্লাহ! জান্নাত কিসের তৈরী?” জবাবে তিনি বললেনঃ

لِبِنَّةٍ مِّنْ ذَهَبٍ وَلِبِنَّةٍ مِّنْ فِضَّةٍ وَمَلَاطُهَا الْمِسْكُ الْأَذْفَرُ وَحَصْبَاءُهَا اللَّؤْلُؤُ وَالْيَاقُوتُ وَتُرْبَتُهَا الزَّعْفَرَانُ -

“একটি ইট স্বর্ণের এবং একটি ইট রৌপ্যের, এ ভাবে গাথুনী দেয়া হয়েছে। আর মিশক হচ্ছে তার সিমেন্ট এবং মনি মুক্তা ও ইয়াকুত পাথর হচ্ছে তার সুরকী। মেঝে বানানো হয়েছে জাফরান দিয়ে।” (তিরমিযি, আহমদ, দারেমী)

নিম্ন মর্যাদার এক জান্নাতীর প্রাপ্য সম্পর্কে বলতে গিয়ে নবী করীম সাল্লাল্লাহু আলাইহি ওয়া সাল্লাম বলেছেনঃ

وَتُنْصَبُ لَهُ قُبَّةٌ مِّنْ لُّؤْلُؤٍ وَزَبْرَجَدٍ وَيَاقُوتٍ كَمَا بَيْنَ الْجَابِيَةِ الَّتِي صُنِعَاءَ -

“তার জন্য (সংরক্ষিত প্রসাদের) একটি বিশাল গল্পজ থাকবে। যা মুক্তা যবরজদ ইয়াকুত দ্বারা নির্মিত হবে। এবং তা এতো বিশাল হবে যে, তার দূরত্ব হবে সানআ’ হতে জারিয়া পর্যন্ত। –(তিরমিযি)

হযরত আবু মুসা আশায়ারী (রাঃ) থেকে বর্ণিত। নবী করীম সাল্লাল্লাহু আলাইহি ওয়া সাল্লাম বলেছেনঃ “নিঃসন্দেহে জান্নাতে মুমিনের জন্য এমন একটি তাঁবু থাকবে যা মোতির তৈরী এবং ভেতর দিকে ফাঁপা। –(বুখারী ও মুসলিম)

জান্নাতে কোন দুঃখ কষ্ট থাকবে না

পৃথিবীতে মানুষ যতো বিত্তশালী হোক এবং যতো সুখ-শান্তিই ভোগ করুক না কেনো তবু তার কোন না কোন দুঃখ বা অশান্তি থাকেই, কোন মানুষই সম্পূর্ণ সুখী হওয়া সম্ভব নয়। কিন্তু জান্নাতে কোন দুঃখই থাকবে না, এমন কি পৃথিবীতে মাল্টি বিলিয়ন হয়েও আরো বেশী পাওয়ার জন্য এবং ভোগ করার জন্য দুঃখের শেষ থাকে না। পক্ষান্তরে জান্নাতীগণ-যাকে সবচেয়ে ছোট জান্নাত দেয়া হবে তারও কোন অনুতাপ বা দুঃখ থাকবে না। আল্লাহু নিজেই এ ব্যাপারে সাক্ষ্য দিচ্ছেন।

لَا يَمَسُّهُمْ فِيهَا نَصَبٌ وَمَا هُمْ مِنْهَا بِمُخْرَجِينَ -

“তারা সেখানে কখনও কোন দুঃখ কষ্টের সম্মুখীন হবে না এবং কোনদিন সেখান থেকে তাদেরকে বের করে দেয়া হবে না।” –(সূরা হিজরঃ ৪৮)

অন্যত্র বলা হয়েছেঃ

الَّذِي أَحَلَّنَا دَارَ الْمَقَامَةِ مِنْ فَضْلِهِ لَآ يَمَسُّنَا فِيهَا نَصَبٌ وَلَا يَمَسُّنَا فِيهَا لُغُوبٌ -

“(জান্নাতীগণ বলবে) তিনি আমাদেরকে নিজের অনুগ্রহে চিরন্তনী আবাসস্থল দান করছেন এবং আমাদের কোন দুঃখ এবং ক্লান্তি নেই।”

—(সূরা ফাতিরঃ ৩৫)

নবী করীম সাল্লাল্লাহু আলাইহি ওয়া সাল্লাম বলেনঃ

مَنْ يَدْخُلَ الْجَنَّةَ يُنَعَّمُ وَلَا يُبَاسُ وَلَا يُبْلَى ثِيَابُهُ وَلَا
يَفْنَى شَبَابُهُ -

“যারা জান্নাতে যাবে তারা সর্বদা স্বচ্ছল অবস্থায় থাকবে, দারিদ্র ও অনাহারে কষ্ট পাবে না। তাদের পোশাক পুরাতন হবে না এবং তাদের যৌবনও কোনদিন শেষ হবে না।” —(মুসলিম)

জান্নাতে অশ্লীল কথা শুনা যাবে না

পৃথিবীতে যতো ঝগড়া ফাসাদ সমস্তই স্বার্থপরতা, অহংকার ও হিংসার কারণে সংঘটিত হয়ে থাকে। জান্নাতে স্বার্থপরতা, অহংকার, হিংসা ইত্যাদি থাকবে না, তাই সেখানে গীবত, পরনিন্দা, পরচর্চা, ঝগড়া-বিবাদ, অশ্লীল কথাবর্তা ইত্যাদি কিছুই থাকবে না। সেখানে শুধু সম্প্রীতি ও সৌন্দর্যপূর্ণ পরিবেশ বিরাজ করবে।

মহান আল্লাহ বলেনঃ

لَا يَسْمَعُونَ فِيهَا لَغْوًا وَلَا تَأْتِيهَا - الْأَقْبِلًا سَلْمًا
سَلْمًا -

“সেখানে তারা বেহুদা ও অশ্লীল কথাবর্তা শুনতে পাবে না। যে কথাবর্তা হবে তা ঠিকঠাক ও যথাযথ (সম্প্রীতি পূর্ণ) হবে।” —(সূরা ওয়াকিয়াঃ ২৫-২৬)

অন্যত্র বলা হয়েছেঃ

لَا يَسْمَعُونَ فِيهَا لَغْوًا وَلَا كِذْبًا -

“সেখানে তারা কোন অপ্রয়োজনীয় তাৎপর্যহীন ও মিথ্যা কথা শুনবে না।”

—(সূরা নাবাঃ ৩৫)

অবশ্য এ ব্যাপারে জান্নাতবাসীদেরকে জান্নাতের দ্বার রক্ষীগণই সুসংবাদ প্রদান করবে।

ইরশাদ হচ্ছেঃ

حَتَّىٰ إِذَا جَاءُوهَا وَفُتِحَتْ أَبْوَابُهَا وَقَالَ لَهُمْ خَزَنَتُهَا
سَلِّمْ عَلَيْكُمْ طِبْتُمْ فَادْخُلُوهَا خَالِدِينَ -

“অতঃপর যখন তারা সেখানে (প্রবেশ করার জন্য) আসবে, তখন দ্বাররক্ষীগণ তাদের জন্য দরজাসমূহ খুলে রাখবে এবং জান্নাতীদেরকে সম্বোধন করে বলবে, আপনাদের প্রতি অব্যাহত শান্তি বর্ষিক হোক। অনন্তকালের জন্য এখানে প্রবেশ করুন।” —(সূরা যুমারঃ ৭৩)

জান্নাতীদের আর মৃত্যু হবে না

পৃথিবীতে যতোগুলো বাস্তব ও চাক্ষুষ বস্তু আছে তার মধ্যে মৃত্যু একটি। সত্যি কথা বলতে কি, মানুষ পার্থিব কোন বস্তু থেকেই অমনোযোগী ও গাফেল নয় একমাত্র মৃত্যু ছাড়া। যদিও আমাদের প্রত্যেককেই মৃত্যুর মুখোমুখি হতে হবে। তবুও মৃত্যুকে আমরা ভীতির চোখে দেখি এবং মৃত্যু থেকে পালিয়ে বেড়াবার ব্যর্থ প্রয়াস পাই। এ ভীতিকর অবস্থা থেকে মুক্তির একমাত্র গ্যারান্টি থাকবে জান্নাতীদের জন্য।

মহান আল্লাহ বলেনঃ

لَا يَذُوقُونَ فِيهَا الْمَوْتَ إِلَّا الْمَوْتَةَ الْأُولَىٰ وَوَقَّهُمْ
عَذَابَ الْجَحِيمِ -

“সেখানে তারা আর কখনো মৃত্যুর মুখোমুখি হবে না। পৃথিবীতে একবার

যে মৃত্যু হয়েছে সেটাই তাদের জন্য যথেষ্ট। আর আল্লাহ তাদেরকে জাহান্নামের শাস্তি হতে বাঁচিয়ে দেবেন।”-(সূরা দোখানঃ ৫৬)

নবী করীম সাল্লাল্লাহু আলাইহি ওয়া সাল্লাম বলেছেনঃ

إِذَا دَخَلَ أَهْلُ الْجَنَّةِ يُنَادِي مُنَادٍ إِنَّ لَكُمْ أَنْ تَصِحُّوا فَلَا
يَسْقُمُوا أَبَدًا وَإِنَّ لَكُمْ أَنْ تَحْيُوا فَلَا تَمُوتُوا أَبَدًا وَإِنَّ
لَكُمْ تَشَبُّوا فَلَا تَهْرَمُوا أَبَدًا وَإِنَّ لَكُمْ أَنْ تَنْعَمُوا فَلَا
تَبْأَسُوا أَبَدًا -

যখন জান্নাতীগণ জান্নাতে প্রবেশ করবে তখন এক ঘোষণা করবে-“হে জান্নাতীগণ! এখন আর তোমরা কোনদিন অসুস্থ হয়ে পড়বে না। সর্বদা সুস্থ ও স্বাস্থ্যবান থাকবে। কোনদিন আর তোমাদের মৃত্যু হবে না অনন্তকাল জীবিত থাকবে। সর্বদা যুবক হয়ে থাকবে কখনো তোমরা বুড়ো হবে না। সর্বদা অফুরন্ত নেয়ামত ভোগ করবে কোনদিন তা শেষে হবে না এবং কখনো দুঃখ অনাহারে থাকবে না।”-(মুসলিম, তিরমিযি)

যা পেতে ইচ্ছে করবে তাই পাবে

পৃথিবীতে কোন জিনিস পেতে হলে বা ভোগ করতে চাইলে সে জিনিসের জন্য চেষ্টা শ্রম ও কোন কোন ক্ষেত্রে টাকা বা সম্পদের প্রয়োজন হয়। কিন্তু জান্নাতে ইচ্ছে হওয়া মাত্রই সে জিনিস তার সামনে উপস্থিত পাবে। এ ব্যাপারে আল্লাহ সাক্ষ্য দিচ্ছেনঃ

وَ لَكُمْ فِيهَا مَا تَشْتَهُى أَنْفُسُكُمْ وَ لَكُمْ فِيهَا مَا تَدَّعُونَ -
نُزُلًا مِّنْ غَفُورٍ رَّحِيمٍ -

“সেখানে তোমরা যা কিছু চাও পাবে এবং যা ইচ্ছে করবে সাথে সাথে

তাই হবে। এটা হচ্ছে ক্ষমাশীল ও দয়াবান আল্লাহর तरফ হতে মেহমানদারী।” –(সূরা হা-মীম আস সিজদাঃ ৩০-৩১)

একবার এক সাহাবী আরজ করলেন : ইয়া রাসূলুল্লাহ! জান্নাতে কি ঘোড়াও পাওয়া যাবে? তখন রাসূলুল্লাহ সাল্লাল্লাহু আলাইহি ওয়া সাল্লাম বললেনঃ

إِنَّ اللَّهَ أَدْخَلَ الْجَنَّةَ فَلَا تَشَاءُ أَنْ تَحْمِلَ فِيهَا عَلَى
فَرَسٍ مِّنْ يَأْقُوتَةَ حَمْرَاءٍ يَطِيرُكَ فِي الْجَنَّةِ حَيْثُ
شِئْتَ إِلَّا فَعَلْتَ - الْحَدِيثُ - وَفِيهِ أَنْ يُدْخَلَ اللَّهُ
الْجَنَّةَ يَكُنْ لَكَ فِيهَا مَا اشْتَهَتْ نَفْسُكَ وَلَذَّتْ عَيْنُكَ -

“আল্লাহ্ তা’আলা যদি তোমাকে জান্নাতেই প্রবেশ করান তবে সেখানে লাল ইয়াকুত পাথরের ঘোড়াও ১ যদি তুমি আরোহন করতে চাও যা তোমার ইচ্ছেনুযায়ী জান্নাতে ভ্রমণ করবে তবে তাও তোমাকে দেয়া হবে।” (এটি একটি দীর্ঘ হাদীস। এ হাদীসে আরো বলা হয়েছে)

“আল্লাহ্ যদি তোমাকে জান্নাতবাসী করেন, তবে তুমি যা চাবে তাই পাবে। যে সমস্ত বস্তু দেখে তোমার মন খুশী হয়ে যাবে এবং চোখ জুড়িয়ে যাবে তার সমস্তই তোমাকে দেয়া হবে” –(মিশকাত)

অন্যত্র বলা হয়েছেঃ

وَ أَمَدَدْنَهُمْ بِفَاكِهَةٍ وَلَحْمٍ مِّمَّا يَشْتَهُونَ -

“এবং আমি জান্নাতীদেরকে তাদের ইচ্ছে অনুযায়ী ফল ও গোস্বত প্রদান

(১) হাদীসে বর্ণিত লাল ইয়াকুত পাথরের ঘোড়া বলতে নবী করীম সাল্লাল্লাহু আলাইহি ওয়া সাল্লাম সম্ভবত এমন কোন যানের কথা বলেছে যা হবে অত্যাধুনিক ও দ্রুতগামী এবং জলে স্থলে ও অন্তরীক্ষে চলাচলে সক্ষম এবং তা ইয়াকুত নির্মিত হবে। অথবা যেহেতু ইয়াকুত পাথর অত্যন্ত মূল্যবান তাই ঘোড়ার বিশেষণ রূপে যোগ করা হয়েছে শুধু দুর্লভ ও অমূল্য ঘোড়ার কথা বুঝানো জন্য।

করতে থাকবো।”-(সূরা তুরঃ ২২)

এ দান স্থান ও কালের সাথে সীমাবদ্ধ হবে না, নিয়মিতভাবে চিরদিন প্রদান করা হবে। যেমন আল্লাহ বলেনঃ

وَلَهُمْ رِزْقُهُمْ فِيهَا بُكْرَةً وَعَشِيًّا -

“এবং সেখানে তাদেরকে (নিয়মিতভাবে) সকাল সন্ধ্যা খাদ্য পরিবেশন করা হবে।”-(সূরা মারইয়ামঃ ৬২)

অসীম সুখ-সম্ভার কোনদিন শেষ হবে না

পৃথিবীতে যদিও কোন ব্যক্তি সম্পূর্ণ সুখ সম্ভোগ লাভ করতে পারে না; তবুও যতোটুকু পায় তার মধ্যে প্রতিটি মুহূর্ত ভীত সন্ত্রস্ত থাকে চোর-ডাকাত, প্রতারক এবং মৃত্যুর ভয়ে। কিন্তু জান্নাতের নিয়ামত এবং সুখ ভোগ কোন দিনই কমতি বা শেষ হবে না।

আল্লাহ বলেনঃ

فِي سِدْرٍ مَّخْضُودٍ - وَ طَلْحٍ مَّنْضُودٍ - وَ ظِلٍّ مَّمْدُودٍ -

“তাদের জন্য কাঁটাবৃক্ষসমূহ,^২ থরে থরে সাজানো কলা, বিস্তৃর্ণ অঞ্চলব্যাপী ছায়া, সর্বদা প্রবাহমান পানি, আর খুব প্রচুর পরিমাণ ফল থাকবে। যা কোনদিন শেষ হবে না এবং ভোগ করতে কোন বাধা বিপত্তিও থাকবে না।”-(সূরা ওয়াকিয়াঃ ২৮-৩৩)

অন্যত্র বলা হয়েছেঃ

(২) প্রশ্ন উঠতে পারে যে, “কুল” এমন কোন উত্তম ও উৎকৃষ্ট ফল, জান্নাতে যার সুসংবাদ দেয়ায় প্রয়োজন দেখা দিলো? কিন্তু সত্যি কথা এই যে, জান্নাতের কুল সব্বন্ধে আর কি বলবো, এ দুনিয়ায়ও কোন কোন এলাকার এ ফল এতোই সু-স্বাদু, সু-ছাণযুক্ত যে, তা বলে শেষ করা যায় না। এ ধরনের ফল একবার মুখে দিলে ফেলে দেয়াই কঠিন হয়ে পড়ে। কুল যতো উচ্চমানের হয় তার গাছের কাঁটাও ততো কম হয়ে থাকে। এ কারণেই জান্নাতের কুল ফলের এ রকম প্রশংসা করা হয়েছে যে, জান্নাতের কুলগাছসমূহ একেবারে কাঁটা শূন্য হবে অর্থাৎ জাহা ন্না তের কুল হবে অতীব উত্তম ও উৎকৃষ্টমানের। সে ধরনের কুল পৃথিবীতে পাওয়া সম্ভব নয়। (তাক্বীমুল কুরআন, সূরা আল ওয়াকিয়া, টীকা-১৫)

جَنَّتِ عَدْنٍ مُّفْتَحَةً لَهُمُ الْأَبْوَابُ - مُتَكَبِّرِينَ فِيهَا يَدْعُونَ
فِيهَا بِفَاكِهِةٍ كَثِيرَةٍ وَشَرَابٍ - وَعِنْدَهُمْ قَصْرَاتُ
الطَّرْفِ أَتْرَابٍ - هَذَا مَا تُوْعَدُونَ لِيَوْمِ الْحِسَابِ - إِنَّ
هَذَا لَرِزْقُنَا مَا لَهُ مِنْ نَفَادٍ -

“চরস্থায়ী জান্নাতসমূহ যার দ্বারগুলো তাদের জন্য উন্মুক্ত হয়ে থাকবে। সেখানে তারা ঠেস দিয়ে বসবে এবং প্রচুর ফল ও পানীয় চেয়ে পাঠাবে, আর তাদের নিকট লজ্জাবনত সমবয়স্ক স্ত্রী থাকবে। এ জিনিসগুলো এমন যা হিসেবের দিন দান করার জন্য তোমাদের নিকট ওয়াদা করা হয়েছে। এটা আমাদের দেয়া রিযিক, কোন দিন শেষ হয়ে যাবে না।”

-(সূরা সাদঃ ৫০-৫৪)

জান্নাতীদেরকে আল্লাহ পবিত্রা স্ত্রী ও ছরদের সাথে বিয়ে দেবেন

মহান আল্লাহ বলেনঃ

مُتَكَبِّرِينَ عَلَى سُرُرٍ مُّصْفُوفَةٍ ۚ وَزَوَّجْنَاهُمْ بِحُورٍ
عِينٍ -

“তারা সামনা সামনিভাবে সাজানো সারি সারি আসনের উপর ঠেস দিয়ে বসে থাকবে এবং আমি তাদের সাথে সুনয়না হরদেরকে বিবাহ দেবো।”

-(সূরা তুরঃ ২০)

‘حُورٌ’ বহু বচনের শব্দ। একবচনে ‘حُورَاءُ’ অর্থ অত্যন্ত সুশ্রী, অনিন্দনীয় সুন্দরী। ‘عِينٍ’ শব্দটিও বহুবচন। এক বচনে ‘عِينَاءُ’ অর্থ ভাসা ভাসা ডাগর চক্ষুওয়ালা রমনী। যাদেরকে বাংলা সাহিত্যের ভাষায় হরিণ নয়না বলা হয়। হর সম্বন্ধে ব্যাখ্যা দিতে গিয়ে মুফাচ্ছিরগণ দু’ভাগে বিভক্ত হয়েছেন, এক দলের মতেঃ

সম্ভবত এরা হবে সেসব মেয়ে যারা বালগা হওয়ার পূর্বেই যুতুবরণ করেছিলো এবং যাদের পিতা-মাতা জান্নাতে যাওয়ার যোগ্য হয়নি। সে সব মেয়েদেরকে ষোড়শী যুবতী করে হুরে রূপান্তর করা হবে। আর তারা চিরদিন নব্য যুবতীই থেকে যাবে।

অন্যদের মতে-হুরগণ প্রকৃতপক্ষে স্ত্রী জাতি কিন্তু তাদের সৃষ্টি মানব সৃষ্টির চেয়ে আলাদা এবং আল্লাহ্ রাব্বুল আলামীন আপন মহিমায় তাদেরকে সৃষ্টি করেছেন।

অন্যত্র বলা হয়েছেঃ

فِيهِنَّ خَيْرَاتٌ حِسَانٌ -

“(এসব নিয়ামাতের মধ্যে থাকবে) তাদের জন্য সচ্চরিত্রবান ও সুদর্শন স্ত্রীগণ।” –(সূরা আর-রাহমানঃ ৭০)

সূরা আলে ইমরানে বলা হয়েছেঃ

لِلَّذِينَ اتَّقَوْا عِنْدَ رَبِّهِمْ جَنَّاتٌ تَجْرِي مِنْ تَحْتِهَا الْأَنْهَارُ
خَالِدِينَ فِيهَا وَأَزْوَاجٌ مُطَهَّرَةٌ وَرِضْوَانٌ مِّنَ اللَّهِ ط

“যারা আল্লাহকে ভয় করে তাদের প্রতিপালকের নিকট তাদের জন্য এমন উদ্যান সমূহ রয়েছে যার নীচ দিয়ে ঝর্ণাধারা প্রবাহমান। আর সেখানে তারা চিরকাল অবস্থান করবে। সেখানে তাদের জন্য আরও আছে পবিত্রা স্ত্রীগণ^৩ ও আল্লাহর সন্তুষ্টি।” অন্যত্র বলা হয়েছেঃ

(৩) পবিত্রা স্ত্রীগণ, বলতে কি বুঝানো হয়েছে এ সম্পর্কে মুফাসসিরগণ বিভিন্ন ব্যাখ্যা দিয়েছেন। তবে প্রত্যেকের সার কথা একটাই।

ইবনে কাসীর (রহ) বলেনঃ পবিত্রা স্ত্রীগণ বাহ্যিক ময়লা ও অভ্যন্তরীণ গরলতা, কষ্টদায়ক কথাবার্তা, ঋতুস্রাব, নেফাস ইত্যাদি থেকে মুক্ত স্ত্রীদেরকে বুঝানো হয়েছে।

মুজাহিদ (রহ) বলেছেনঃ তারা ঋতুস্রাব, পায়খানা প্রস্রাব, কফ-খুথু, বীর্য ও সন্তান প্রস্রব থেকে পাক ও পবিত্র থাকবে।

কাতাদা (রহ) বলেছেনঃ তারা কষ্ট দায়ক সব কিছু থেকে মুক্ত এবং নাফরমানী থেকে পবিত্র থাকবে।

(৪) উল্লেখিত আয়াতে -- শব্দটি বহুবচর, একবচনে -- অর্থ কুমারী। মিশকাত শরীফের এক হাদীসে বলা হয়েছেঃ স্বামীরা যখনই তাদেরকে নিয়ে বিছানায় যাবে তখনই কুমারী পাবে। অর্থাৎ যতোবারই তারা দেহ দান করবে ততোবারই তারা পুনরায় কুমারী হয়ে যাবে। এবং প্রতিবার ভোগের সময় মনে হবে যে, অক্ষুন্ন সতীচ্ছন্দ বিশিষ্ট কুমারী নারীকেই সে অংগসায়িনী করছে। এ বৈশিষ্ট্যটি স্ত্রী এবং হুরদের বেলায় সমভাবে প্রযোজ্য হবে।

إِنَّا أَنْشَأْنَهُنَّ أَنْشَاءً - فَجَعَلْنَهُنَّ أَبْكَارًا - عُرُبًا أَتْرَابًا -

“তাদের স্ত্রীগণকে আমরা বিশেষভাবে সম্পূর্ণ নতুন করে সৃষ্টি করবো এবং তাদেরকে কুমারী^৪ বনিয়ে দেবো। তারা হবে নিজেদের স্বামীর প্রতি আসক্ত এবং বয়সে সমকক্ষ।” –(সূরা ওয়াকিয়াঃ ৩৫-৩৮)

এখানে পৃথিবীর সে সব মহিলাদের কথা বলা হয়েছে, যা ‘আমলে সালেহ’ এর বিনিময়ে জান্নাতে যাবে। তারা পৃথিবীতে বিকলাঙ্গ, কালা, কুৎসিত, যুবতী, বিধবা, অথবা বুড়ি যাই হোক না কেন, আল্লাহ জান্নাতে তাদেরকে সুশ্রী, সুনয়না, কুমারী হিসেবে পুণরায় সৃষ্টি করবেন এবং তারা আজীবন কুমারী থাকবে। কখনো তারা বার্ধক্যে উপনীত হবে না। হযরত উম্মে সালামা (রাঃ) হতে বর্ণিত, তিনি বলেছেন– “আমি নবী করীম সাল্লাল্লাহু আলাইহি ওয়া সাল্লামকে জিজ্ঞেস করলাম, ইয়া রাসূলুল্লাহ! দুনিয়ার মহিলারা উত্তম না হুরগণ?” হজুর সাল্লাল্লাহু আলাইহি ওয়া সাল্লাম বললেন, “দুনিয়ার মহিলারা হুরদের তুলনায় শ্রেষ্ঠ। আমি বললাম, “তার কারণ কি?” তিনি বললেনঃ “তা এ কারণে যে ঐ মহিলারা নামায পড়ছে, রোযা রেখেছে ও অন্যান্য ইবাদাত বন্দেগী করেছে।” –(তাবারানী)

ঐ সকল পূর্ণবতী মহিলাদের স্বামীরাও যদি জান্নাতী হয় তবে আল্লাহ রাব্বুল আলামীন তাদের উভয়ের মধ্যে মিলন ঘটিয়ে দেবেন। আর ঐ সব মহিলাদের মধ্যে যাদের স্বামী জাহান্নামী হবে তাদেরকে জান্নাতের ঐসব পুরুষের সাথে আল্লাহ নিজের অভিভাবকত্বে বিয়ে দিয়ে দেবেন যাদের স্ত্রীগণ চিরস্থায়ী জাহান্নামী।

এখন প্রশ্ন হতে পারে, পৃথিবীতে যদি কোন মহিলার একাধিক স্বামী থাকে এবং সব স্বামীই যদি জান্নাতী হয় তবে ঐ মহিলাকে আল্লাহ কোন স্বামীর স্ত্রীত্বে দেবেন?

এর উত্তর অবশ্য উম্মে সালামা (রাঃ) বর্ণিত আরেক হাদীস থেকেই পাওয়া যায়।

“নবী পত্নী উম্মে সালামা (রাঃ) জিজ্ঞেস করেন, ইয়া রাসূলুল্লাহ! সে সব মহিলার একাধিক স্বামী আছে এবং ঐ স্বামীগণ যদি সকলেই জান্নাতী হোন তবে স্ত্রীকে তাদের মধ্যে কে লাভ করবে? নবী করীম সাল্লাল্লাহু আলাইহি ওয়া সাল্লাম বললেনঃ “সে মহিলাকে সুযোগ ও স্বাধীনতা দেয়া হবে। তখন তার

স্বামীদের মধ্যে সে কোন একজনকে বাছাই করে নেবে। সে বাছাই করবে ঐ স্বামীকে যে সর্বাধিক উত্তম চরিত্রের অধিকারী ছিলো।”

পুণরায় আরেকটি প্রশ্ন হতে পারে, একজন জান্নাতী পুরুষ অনেক হ্র পাবে পক্ষান্তরে একজন জান্নাতী মহিলা শুধুমাত্র একজন স্বামী পাবে। তাও সম্পূর্ণভাবে নিজের জন্য সংরক্ষিত থাকবে না, হ্রগণ তার শরীক থাকবে। এটা কি ইনসাফ হতে পারে?

এর দুটো উত্তর হতে পারে এবং দুটোই এখানে প্রযোজ্য।

প্রথমতঃ জান্নাতী একজন পুরুষ হ্র প্রাপ্তির কথা বাদ দিলে অন্যান্য যেসব সুযোগ সুবিধা ভোগ করবে এবং যেসব খাদ্য ও পানীয় খাবে, তা একজন জান্নাতী মহিলাও ভোগ করতে পারবে এবং সেদিন ঐ সব মহিলার মধ্য হতে ঈর্ষা এবং একাধিক পুরুষ ভোগের হীন মানসিকতা সম্পূর্ণরূপে আল্লাহ্ রাক্বুল আলামীন দূর করে দেবেন। তাই তারা পরস্পর সতীন সুলভ আচরণ বা ঈর্ষা পোষণ করবে না।

দ্বিতীয়তঃ পৃথিবীতে যেমন মহিলাগণ সংসারের পূর্ণ কর্তৃত্ব নিজের হাতে গ্রহণ করার জন্য সর্বদা ব্যতিব্যস্ত থাকে এবং এ লক্ষ্যকে সামনে রেখে তাদের সমস্ত তৎপরতা আর্ভিত হয়। পক্ষান্তরে পুরুষদের মধ্যে এ ধরনের প্রবণতা লক্ষ্য করা যায় না। তাদের মধ্যে অবশ্য ভিন্নধর্মী প্রবণতা লক্ষ্য করা যায়—যেমন একাধিক স্ত্রী গ্রহণ বা স্ত্রীদের প্রতি অতিরিক্ত দুর্বলতা। হয়তো জান্নাতেও সেদিন এ রকম মন মানসিকতার কথা স্মরণ রেখেই আল্লাহ্ রাক্বুল আলামীন পুরুষদেরকে অনেক হ্র দেবেন এবং যেহেতু স্ত্রীগণ কর্তৃত্ব করা বেশী পছন্দ করে তাই জান্নাতে সমস্ত হ্র এবং খাদেমদের কর্তৃত্ব দেয়া হবে ঐ সব পূর্ণবতী স্ত্রীগণকে। (এ ব্যাপারে আল্লাহুই ভালো জানেন)

ঐ সমস্ত হ্র এবং স্ত্রীগণ শুধু কুমারীই হবে না এমন অবস্থায় থাকবে যে, জান্নাতীদের স্পর্শের পূর্বে কোন মানুষ অথবা জ্বীন তাদেরকে স্পর্শ করেনি বা দেখেওনি। কেননা বিচারের পূর্বে কোন ব্যক্তিই জান্নাতে প্রবেশ করতে পারবেনা তাই তাদেরকে দেখা বা স্পর্শ করাও সম্ভব নয়।

আল্লাহ্ রাক্বুল আলামীন নিজেই বলেনঃ

لَمْ يَطْمِئُنُّنَّ اِنْسُ قَبْلَهُمْ وَلَا جَانٌ -

“তাদেরকে (জান্নাতীদের) পূর্বে কোন মানুষ অথবা জ্বীন স্পর্শ করেনি।”

—(সূরা আর রাহমানঃ ৫৬)

ছরদের রূপ সৌন্দর্যের উপমা দিতে গিয়ে আল্লাহ বলেনঃ

كَأَنَّهُنَّ الْيَاقُوتُ وَالْمَرْجَانُ -

“তারা এমনই সুন্দরী রূপসী যেনো হীরা ও মুক্তা।”

-(সূরা আর-রাহমানঃ ৫৮)

অন্যত্র বলা হয়েছেঃ

كَأَمْثَالِ الْوُؤُ الْمَكْنُونِ -

“তারা এমন সুশ্রী ও সুন্দরী হবে যেনো (ঝিনুকের মধ্যে) লুকিয়ে থাকা মুক্তা।” -(সূরা ওয়াকিয়াঃ ২৩)

আরও বলা হয়েছেঃ

وَ عِنْدَهُمْ قُصِرَتُ الطَّرْفِ عَيْنٌ - كَأَنَّهُنَّ بَيْضٌ مَّكْنُونٌ -

“তাদের নিকট (ভিন্ন পুরুষ হতে) দৃষ্টি সংরক্ষণকারী সুন্দর চক্ষু বিশিষ্ট নারীগণ থাকবে। এমন স্বচ্ছ, যেনো ডিমের খোসার নিচে লুকানো ঝিল্লি।”

بَيْضٌ مَّكْنُونٌ বা ডিমের খোসার নিচে লুকানো ঝিল্লি-এ প্রসঙ্গে নবী পত্নী হযরত উম্মে সালমা বলেনঃ আমি এ আয়াতের ব্যাখ্যা নবী করীম সাল্লাল্লাহু আলাইহি ওয়া সাল্লাম এর নিকট জিজ্ঞেস করেছি, তিনি বলেছেনঃ “তাদের (ছরদের) মসৃণতা ও স্বচ্ছতা হবে সেই ঝিল্লির মতো যা ডিমের খোসা ও তার কুসুমের মাঝে থাকে।” -(ইবনে জারীরের হাওয়ালায় তাফহীম ১৩শ খণ্ড পৃঃ ৫২)

নবী করীম সাল্লাল্লাহু আলাইহি ওয়া সাল্লাম বলেছেনঃ

لَوْ أَنَّ امْرَأَةً مِنْ أَهْلِ الْجَنَّةِ اِطَّلَعَتْ إِلَى الْأَرْضِ

لَأَضَاءَتْ مَا بَيْنَهُمَا وَلَمَلَتْ مَا بَيْنَهُمَا رِيحًا

وَلَنَصِيفُهَا عَلَى رَأْسِهَا خَيْرٌ مِّنَ الدُّنْيَا وَمَا فِيهَا -

“জান্নাতীগণের স্ত্রীদের মধ্যে থেকে কোন একজন স্ত্রী যদি পৃথিবীর দিকে উঁকি মেরে দেখতো তবে আসমান ও জমিনের মধ্যবর্তী সবকিছু আলোকিত হয়ে যেতো। এবং গোটা পৃথিবী সুগন্ধে ভরে যেতো। তার মাথার উড়নাটিও পৃথিবী এবং পৃথিবীর সমস্ত বস্তুর চেয়ে দামী।” –(বুখারী)

অন্য বর্ণনায় আছে—

كُلُّ زَوْجَةٍ سَبْعُونَ حُلَّةً يَرَىٰ مِنْهَا مِنْ وَرَائِهَا -

“জান্নাতের স্ত্রীগণের পায়ের গোছার স্বেতবর্ণ সত্তর পরতে কাপড়ের ভেতর থেকেও দৃষ্টি গোছর হবে। এমন কি পায়ের গোছার মজ্জা পর্যন্তও দেখা যাবে।” –(তিরমিযি)

ছরদের থান মাতানো সংগীত

عَنْ عَلِيٍّ رَضِيَ اللَّهُ عَنْهُ قَالَ قَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ - إِنَّ فِي الْجَنَّةِ لَمُجْتَمَعًا لِلْحُورِ الْعَيْنِ يَرْفَعْنَ بِأَصْوَاتٍ لَمْ تَسْمَعْ الْخَلَائِقُ مِثْلَهَا يَقْلُنَ -

হযরত আলী (রাঃ) বর্ণনা করেছেন, রাসূলুল্লাহ সাল্লাল্লাহু আলাইহি ওয়া সাল্লাম বলেছেনঃ জান্নাতের মধ্যে ঘনো কালো হরিণ নয়না পরমাসুন্দরী ছরদের জন্য একটি মিলনায়তন থাকবে। তারা সেখানে জমায়েত হয়ে অপূর্ব সুরে সংগীত পরিবেশন করবে। (আল্লাহর নূরের মাধুরী মাখা) এমন সুমধুর সুরের মূর্ছনা কোনদিন আর কেউ শোনেনি। তারা সমস্বরে গাইতে থাকবেঃ

نَحْنُ الْخَالِدَاتُ فَلَا نَبِيدُ

وَنَحْنُ النَّاعِمَاتُ فَلَا نَبَأُ

وَنَحْنُ الرَّاغِبَاتُ فَلَا نَسْخَطُ

طُوبَى لِمَنْ كَانَ لَنَا وَكُنَّا لَهُ - (ترمذی)

ক্ষয় নেই ওগো বন্ধু ক্ষয় নেই মধু জীবনের,

(৫) অনুবাদের ছন্দটি আশরাফ আলী খানবী (রহ) এর শওকে ওয়াতনের বঙ্গানুবাদ হতে গৃহিত।

ক্ষয় নেই কভু এ রূপের, এ বদন, এ যৌবনের ।
 মোরা চির আনন্দময়ী চির সুখী দায়িনী,
 মোরা চির তুষ্ট-প্রাণ, চির মনোহারিনী ।
 প্রীতিসুখ তার তরে যে আমার,
 মন ও মায়া তার তরে আমি যার ।
 সুখী তারা মোরা হয়েছি যাদের । ৫ - (তিরমিযি)

জান্নাতীদের খেদমতের জন্য অসংখ্য গিলমান থাকবে

জান্নাতীদের জন্য হরের পাশাপাশি গিলমান (غُلَمَانُ) থাকবে । غُلَمَانُ
 বহুবচন, একবচনে غُلَامٌ অর্থ দাস, সেবক ইত্যাদি ।

মহান আল্লাহ্ বলেনঃ

وَ يَطُوفُ عَلَيْهِمْ غُلَمَانٌ لَهُمْ كَأَنَّهُمْ لُؤْلُؤٌ مَّكْنُونٌ -

“আর তাদের সেবা যত্নে সে সব বালক দৌড়াদৌড়ির কাজে নিযুক্ত থাকবে যারা কেবলমাত্র তাদের জন্যই নির্দিষ্ট । এরা এমন সুন্দর সুশ্রী হবে যেমন (কিনুক) লুকিয়ে থাকা মুক্ত ।” - (সূরা তুরঃ ২৪)

غُلَمَانٌ বা সেবকগণ হবে চিরন্তন বালক । এদের বয়স কোনদিনই বাড়বে না । এই সেইসব বালক যারা বালগ হওয়ার আগেই মৃত্যুবরণ করেছে এবং তাদের মা-বাবা চিরস্থায়ী জাহান্নামী হবে । অথবা তারা হবে এক নতুন সৃষ্টি যাদেরকে আল্লাহ আপন মহিমায় জান্নাতীদের পরিচর্যা ও সেবার জন্য সৃষ্টি করবেন । (আল্লাহ্ই সর্বজ্ঞ) । ঐ বালকগণ জান্নাতীদেরকে বাসন-কোসন, খাদ্য-পানীয় ইত্যাদি পরিবেশনের দায়িত্বে নিয়োজিত থাকবে এবং তারা পুরুষ ও মহিলা উভয় ধরনের জান্নাতীদের নিকট অবাধে যাতায়াত করবে ।

অন্যত্র বলা হয়েছেঃ

وَ يَطُوفُ عَلَيْهِمْ وِلْدَانٌ مُّخَلَّدُونَ إِذَا رَأَيْتَهُمْ حَسِبْتَهُمْ لُؤْلُؤًا مَّنثُورًا -

“তাদের সেবার জন্য এমন সব বালক ব্যস্ত সমস্ত হয়ে দৌড়াদৌড়ি করতে থাকবে, যারা চিরদিনই বালক থাকবে । তোমরা তাদেরকে দেখলে

মনে করবে এরা যেনো ছড়িয়ে দেয়া মুক্তা।”-(সূরা দাহরঃ ১৯)

সূরা আল ওয়াকীয়াতে বলা হয়েছেঃ

يَطُوفُ عَلَيْهِمْ وِلْدَانٌ مُّخَلَّدُونَ - بِأَكْوَابٍ وَأَبَارِيقَ - وَ
كَأْسٍ مِّنْ مَّعِينٍ -

“তাদের মজলিসসমূহে চিরন্তন ছেলেরা প্রবাহমান ঝর্ণার সূরায় ভরা পানপাত্র ও হাতলধারী সূরাভাও এবং আবখোরা নিয়ে দৌড়াদৌড়ি করতে থাকবে।”-(সূরা ওয়াকীয়াঃ ১৭-১৮)

নবী করীম সাল্লাল্লাহু আলাইহি ওয়া সাল্লাম বলেছেনঃ

أَدْنَىٰ أَهْلِ الْجَنَّةِ الَّذِي لَهُ ثَمَانُونَ أَلْفَ خَادِمٍ وَ اثْنَانِ وَ
سَبْعُونَ زَوْجَةً -

“একজন নিম্নমর্যাদার জান্নাতীদের জন্য ৮০ হাজার খাদেম এবং ৭২ জন্য স্ত্রী থাকবে।”-(তিরমিযি)

জান্নাতীদের দৈহিক গঠন

রাসূলে আকরাম সাল্লাল্লাহু আলাইহি ওয়া সাল্লাম বলেছেনঃ

مَنْ مَاتَ مِنْ أَهْلِ الْجَنَّةِ مِنْ صَغِيرٍ أَوْ كَبِيرٍ يُرَدُّونَ
بَنِي ثَلَاثِينَ فِي الْجَنَّةِ لَا يَزِيدُونَ عَلَيْهَا أَبَدًا -

“অল্প বয়সে অথবা বেশী বয়সে যে কোন বয়সেই মারা যাক না কেন যদি তারা জান্নাতী হয় তবে তাদেরকে জান্নাতে ত্রিশ (৩০) বৎসরের যুবক বানিয়ে প্রবেশ করানো হবে। তাদের বয়স ও আকার আকৃতি কখনো হ্রাসবৃদ্ধি হবে না।”-(তিরমিযি)

অন্য হাদীসে বলা হয়েছেঃ

أَهْلُ الْجَنَّةِ جُرْدٌ مُّرْدٌ كَحُلِي لَا يَفْنَىٰ شَبَابُهُمْ وَلَا يَبْلَىٰ ثِيَابُهُمْ -
“জান্নাতীগণ লোম ও দাড়ি গোঁফ বিহীন হবে, তাদের চোখ থাকবে

সুরমায়িত। তাদের যৌবন কোনদিনই বিলুপ্ত হবে না এবং তাদের কাপড় চোপড়ও পুরানো হবে না।” –(তিরমিযি, দারেমী)

একবার রাসূলে আকরাম সাল্লাল্লাহু আলাইহি ওয়া সাল্লামের নিকট এক বৃদ্ধা আবেদন করলেনঃ “হে আল্লাহর রাসূল! আপনি দু’আ করে দিন আমি যেনো জান্নাতে যেতে পারি।” রাসূলুল্লাহ সাল্লাল্লাহু আলাইহি ওয়া সাল্লাম বললেনঃ “কোন বৃদ্ধা জান্নাতে যাবে না। একথা শুনে বৃদ্ধা কাঁদাতে লাগলেন। তখন তিনি তাকে ডেকে বললেনঃ বুড়ি শোনো, তুমি যখন জান্নাতে যাবে তখন আর বুড়ি থাকবে না। ষোড়শী যুবতী হয়েই জান্নাতে প্রবেশ করবে। এ কথা শুনে বৃদ্ধা খুশী হয়ে চলে গেলো।”

জান্নাতীদের পোশাক পরিচ্ছদ

আল্লাহ্ রাক্বুল আলামীন বলেনঃ

جَنَّتْ عَدْنٌ يَدْخُلُونَهَا يُحَلَوْنَ فِيهَا مِنْ أَسَاوِرٍ مِنْ
ذَهَبٍ وَّلُؤْلُؤًا جَ وَّلِبَاسُهُمْ فِيهَا حَرِيرٌ -

“জান্নাতুল আদনে (চিরন্তনী জান্নাত) যারা প্রবেশ করবে তাদেরকে সেখানে স্বর্ণের কংকন ও মনি মুক্তার অলংকারে সজ্জিত করা হবে এবং তাদেরকে রেশমের কাপড় পরানো হবে।”

–(সূরা ফাতিরঃ ৩৩, সূরা আল হজ্জঃ ২৩)

অন্যত্র বলা হয়েছেঃ

عَلَيْهِمْ ثِيَابٌ سُنْدُسٌ خُضْرٌ وَّأِسْتَبْرَقٌ زَوْ وَّحُلُوءًا
أَسَاوِرَ مِنْ فِضَّةٍ جَ

“তাদের উপর সুস্ব রেশমের সবুজ পোশাক, কিংখাব ও মখমলের কাপড় থাকবে। এবং তাদেরকে রৌপ্যের কংকন পরানো হবে।”

–(সূরা দাহরঃ ২১)

সূরা আল কাহাফে বল হয়েছেঃ

يُحَلَوْنَ فِيهَا مِنْ أَسَاوِرٍ مِنْ ذَهَبٍ وَّيَلْبَسُونَ ثِيَابًا

خُضْرًا مِّنْ سُنْدُسٍ وَاسْتَبْرَقٍ مُّتَكَيِّنٍ فِيهَا عَلَى
الْأَرَائِكِ ط نِعْمَ الثَّوَابُ ط وَحَسُنَتْ مُرْتَفَقًا -

“সেখানে তাদেরকে স্বর্গের কংকন দ্বারা অলংকৃত করা হবে। “তারা সূক্ষ্ম ও গাঢ় রেশমের সবুজ পোশাক পরিধান করবে এবং উচ্চ আসনের উপর ঢেস লাগিয়ে বসবে। এটা অতি উত্তম কর্মফল ও উঁচু স্তরের অবস্থান।”

-(সূরা কাহাফঃ ৩১)

সূরা আর রাহমানে বলা হয়েছেঃ

مُتَكَيِّنٍ عَلَى رَفْرَفٍ خُضْرٍ وَعَبْقَرِيٍّ حَسَانٍ -

“তারা সবুজ গালিচা ও সুন্দর সুরঞ্জিত শয্যায় এলায়িতভাবে অবস্থান করবে।”-(সূরা আর রাহমানঃ ৭৬)

উপরোক্ত আয়াতসমূহের আলোকে বুঝা যায় যে, উক্ত পোশাক এবং অলংকার পুরুষ ও মহিলা উভয়কেই পরানো হবে অলংকার সাধারণতঃ মহিলাগণই পরে থাকে। কিন্তু পুরুষদেরকে পুরুষদেরকে পরানো হবে, কথটি আমাদের নিকট একটু খটকা লাগে। তবে গভীরভাবে চিন্তা করলেই বুঝা যায় যে, প্রাচীনকালে এমন কি কুরআন যখন অবতীর্ণ হয়েছে তখনো রাজা-বাদশাহগণ, সমাজপতি ও সম্ভ্রান্ত ব্যক্তিবর্গ হাতে, কানে গলায় পোশাক পরিচ্ছদে অলংকার ও মুকুট ব্যবহার করতেন। এককালে আমাদের দেশের রাজা বাদশা ও জমিদারগণ বিভিন্ন প্রকার অলংকার পরতেন সত্যি কথা বলতে কি, তখন পুরুষদের অলংকারাদি ছিলো কৌলিন্যের প্রতীক। এ কথটি সূরা যুখরুফের একটি আয়াতেও প্রমাণিত হয়। যখন হযরত মূসা (আঃ) জাঁকজমকহীন পোশাকে শুধুমাত্র একটি লাঠি হাতে ফিরআউনের দরবারে গেলেন, ফিরআউনকে দাওয়াত দেয়ার জন্য, তখন সে সভাসদকে লক্ষ্য করে বলে উঠলোঃ

فَلَوْلَا الْقِيَّ عَلَيْهِ اسْوْرَةٌ مِّنْ ذَهَبٍ اَوْ جَاءَ مَعَهُ الْمَلِكَةُ
مُقْتَرْنَيْنِ -

“এ যদি আসমান জমিনের বাদশাহর নিকট হতে প্রেরিতই হতো তবে তাকে স্বর্গের কংকন পরিয়ে দেয়া হলো না কেনো? কিংবা ফেরেশতাদের একটা বাহিনীই না হয় তার আর্দালী হয়ে আসতো।”-(সূরা যখরুফঃ ৫৩)

কোথাও স্বর্ণের কংকন আবার কোথাও রৌপ্যের কংকন পরানোর কথা বলা হয়েছে। এ প্রসঙ্গে আল্লামা মওদুদী (রহঃ) বলেনঃ

“..... এ সব ক’টি আয়াত একত্র করে পাঠ করলে তিনটি অবস্থা সম্ভব বলে মনে হয়।

প্রথমতঃ তারা কখনো স্বর্ণের এবং কখনো রৌপ্যের কংকন পরতে চাবে, আর উভয় জিনিসই তাদের ইচ্ছানুযায়ী থাকবে।

দ্বিতীয়তঃ স্বর্ণ ও রৌপ্যের কংকন তারা একসঙ্গে পরবে। কেননা, তাতে সৌন্দর্যের মাত্রা অনেকগুণ বৃদ্ধি পেয়ে যাবে।

তৃতীয়তঃ যার ইচ্ছে হবে স্বর্ণের কংকন পরবে এবং যার ইচ্ছে হবে রৌপ্যের কংকন পরবে। - (তাফহীমুল কুরআন, সুরা আদ-দাহার, টীকা-২৪)

জান্নাতীদের আসবাবপত্র

وَ يُطَافُ عَلَيْهِمْ بِانِيَةٍ مِّنْ فِضَّةٍ وَّ اَكْوَابٍ كَانَتْ
قَوَارِيرًا - قَوَارِيرًا مِّنْ فِضَّةٍ قَدَرُوهَا تَقْدِيرًا -

“তাদের সম্মুখে রৌপ্য নির্মিত পাত্র ও কাঁচের পেয়লা আবর্তিত করানো হবে। সে কাঁচ-যা রৌপ্য জাতীয় হবে এবং সেগুলোকে পরিমাণ মতো ভরতি করে রাখা হবে।” - (সূরা দাহরঃ ১৫-১৬)

অন্যত্র বলা হয়েছেঃ

يُطَافُ عَلَيْهِمْ بِصِحَافٍ مِّنْ ذَهَبٍ وَّ اَكْوَابٍ ج وَ فِيهَا مَا
تَشْتَهِيهِ الْاَنفُسُ وَ تَلَذُّ الْاَعْيُنُ ج وَ اَنْتُمْ فِيهَا خَالِدُونَ -

“তাদের সামনে সোনার থালা ও পান পাত্র আবর্তিত হবে এবং মন ভুলানা ও চোখ জুড়ানো জিনিসসমূহ সেখানে বর্তমান থাকবে। তাদেরকে বলা হবে এখন তোমরা চিরদিন এখানে থাকবে।” - (সূরা যুখরুফঃ ৭১)

এখানেও দেখা যাচ্ছে কোথাও স্বর্ণের এবং কোথাও রৌপ্যের পাত্রের কথা উল্লেখ করা হয়েছে। অর্থাৎ সেখানে স্বর্ণের অথবা রৌপ্যের পান পাত্র একত্রে অথবা পৃথক পৃথক ব্যবহার করা হবে। তবে রৌপ্য পাত্রের আরেকটি বৈশিষ্ট্যের কথা বলা হয়েছে যে, সে পাত্রগুলো যদিও রৌপ্যের তৈরী হবে কিন্তু কাঁচের মতো স্বচ্ছ দেখা যাবে। যা দেখলে কাঁচের মতোই মনে হবে

কিন্তু কাঁচের মতো ভঙ্গুর হবে না। ঠিক তদ্রূপ স্বচ্ছ বালাখানার কথাও হাদীসে উল্লেখ আছে। নবী করীম সাল্লাল্লাহু আলাইহি ওয়া সাল্লাম বলেছেনঃ

إِنَّ فِي الْجَنَّةِ غُرَفًا يُرَى ظَاهِرُوهَا مِنْ بَاطِنِهَا وَ
بَاطِنُهَا مِنْ ظَاهِرِهَا -

“জান্নাতের মধ্যে এমন বালাখানা আছে (স্বচ্ছতার কারণে) যার ভেতরের অংশ বাইরে থেকে এবং বাইরের অংশ ভেতর থেকে দেখা যায়।”
-(তাবারানী, যাদেরাহ)

أَمْشَاتُهُمُ الذَّهَبُ وَ مَجَامِرُهُمُ الْأُلُوءَةُ -

“তাদের চিরুণী হবে স্বর্ণের তৈরী তাদের ধুপদানী সুগন্ধী কাঠ দিয়ে জ্বালানো হবে।” -(বুখারী, মুসলিম)

জান্নাতের নদী ও ঝর্ণাসমূহ

মহান আল্লাহ রাব্বুল আলামীন বলেনঃ

وَ بَشِّرِ الَّذِينَ آمَنُوا وَعَمِلُوا الصَّالِحَاتِ أَنَّ لَهُمْ جَنَّاتٍ
تَجْرِي مِنْ تَحْتِهَا الْأَنْهَارُ ط

“ঐ সমস্ত ঈমানদারদের জন্য সুসংবাদ। যারা আমলে সালেহ (সৎকাজ) করবে, তাদের জন্য এমন সব বাগান আছে যার নিম্নদেশ দিয়ে নদী প্রবাহিত হবে।”-(সূরা আল বাকারাঃ ২৫)

অন্যত্র বলা হয়েছেঃ

إِنَّ الْمُتَّقِينَ فِي مَقَامٍ أَمِينٍ - فِي جَنَّاتٍ وَ عِيُونٍ -

“নিঃসন্দেহে মুজাকীগণ নিরাপদ স্থানে থাকবে এবং সেখানে অনেক বাগান ও ঝর্ণা থাকবে।”-(সূরা দোখানঃ ৫১-৫২)

সূরা যারিয়াতে বলা হয়েছেঃ

إِنَّ الْمُتَّقِينَ فِي جَنَّاتٍ وَ عِيُونٍ - أَخْذِينَ مَا أَرْتَهُمْ رَبُّهُمْ
ط إِنَّهُمْ كَانُوا قَبْلَ ذَلِكَ مُحْسِنِينَ -

“অবশ্য মুত্তাকী লোকেরা সেদিন বাগ-বাগিচা ও ঝর্ণাধারা সমূহের পরিবেষ্টনে অবস্থান করবে। তাদের রব তাদেরকে যা দেবেন সানন্দে তারা তা গ্রহণ করতে থাকবে। (এটা এজন্য যে,) তারা এর আগে মুহসিন (সদাচারী) বান্দা হিসেবে পরিচিত ছিলো।”-(সূরা যারিয়াতঃ ১৫-১৬)

بِهَرٍ বহ বচন। একবচনে نَهْرٌ অর্থ নদী।

বাগান সমূহের নিচ দিয়ে প্রবাহের অর্থ হচ্ছে, বাগান সমূহের পাশ দিয়ে নদী নালা প্রবাহমান থাকবে। কেননা বাগ-বাগিচা যদিও নদীর কিনারে। হয় তবু তা নদী থেকে একটু উঁচু জায়গাই হয়ে থাকে এবং নদী ও বাগান থেকে সামান্য নিচু দিয়েই প্রবাহিত হয়।

পক্ষান্তরে যে সমস্ত জায়গায় ঝর্ণার কথা বলা হয়েছে সেখানে বাগান এবং ঝর্ণা একত্রে থাকবে একথাই বলা হয়েছে। আমরা জানি বাগানের মধ্যে বা একই সমতলে ঝর্ণা থাকা সম্ভব। শুধু সম্ভবই নয় বাগানের শোভা বর্ধনের একটি অন্যতম উৎসও বটে। তাই কুরআনের ভাষা হচ্ছেঃ

سَعِدِينَ تَارَا بَاغ-بَاغِيحَا وَ زَرْعَا سَمُوحِهِرُ^৬ পরিবেষ্টনে অবস্থান করবে।

আরো বলা হয়েছেঃ

وَدَانِيَةً عَلَيْهِمْ ظِلُّهَا وَ ذُلِّلَتْ قُطُوفُهَا تَذْلِيلًا -

“জান্নাতের ছায়া তাদের উপর বিস্তৃত হয়ে থাকবে এবং তার ফলসমূহ সর্বদা আয়ত্বের মধ্যে থাকবে।”-(সূরা দাহরঃ ১৪)

একই জায়গায় নানা ধরনের ফুল ফলের বাগান, বড়ো বড়ো ছায়াদার বৃক্ষরাজি, ঝর্ণাসমূহ, সাথে বিশাল আয়তনের অট্টালিকাসমূহ, পাশ দিয়ে প্রবাহমান নদী, একত্রে এগুলোর সমাবেশ ঘটলে পরিবেশ কতো মোহিনী মনোমুগ্ধকর হতে পারে তা লিখে বা বর্ণনা করে বুঝানো কোন ক্রমেই সম্ভব নয় শুধুমাত্র মনের চোখে কল্পনার ছবি দেখলে কিছুমাত্র অনুমান করা সম্ভব।

জান্নাতে মোট চার ধরনের নদী প্রবাহিত হবে। যথা- (১) পানি (২) দুধ (৩) মধু ও (৪) শরাব। তাছাড়া তিন ধরনের ঝর্ণা প্রবাহমান থাকবে।

(১) “কাফুর” নামক ঝর্ণা। এর পানি সুঘ্রাণ এবং সুশীতল।

(২) সালসাবিল ঝর্ণা। এর পানি ফুটন্ত চা ও কপির ন্যায় সুগন্ধি ও উত্তপ্ত থাকবে।

(৩) তাছনীয় নামক ঝর্ণা। এর পানি থাকবে নাতিশীতোষ্ণ।

(৬) ---- বহবচনে ---- অর্থ ঝর্ণা।

মহান আল্লাহ বলেনঃ

مَثَلُ الْجَنَّةِ الَّتِي وَعَدَ الْمُتَّقُونَ ط فِيهَا أَنْهَارٌ مِّنْ مَّاءٍ
غَيْرِ آسِنٍ ج وَأَنْهَارٌ مِّنْ عَسَلٍ مُّصَفًّى -

“মুক্তাকী লোকদের জন্য যে জান্নাতের ওয়াদা করা হয়েছিলো তার পরিচয় হচ্ছে, সেখানে স্বচ্ছ ও সুমিষ্ট পানির নদী প্রবাহমান থাকবে। এমন দুধের নদী প্রবাহিত হবে যা কখনো বিস্বাদ হবে না। এমন শরাবের নদী প্রবাহিত হবে যা পানকারীদের জন্য সুস্বাদু ও সুপেয় (নেশাহীন) হবে। (তাছাড়া) স্বচ্ছ ও পরিচ্ছন্ন মধুর নদীও প্রবাহিত হবে।”-(সূরা মুহাম্মদঃ ১৫)

জান্নাতের বৃক্ষ ও বিহঙ্গকুল

قَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ إِنَّ فِي الْجَنَّةِ
جَرَّةَ يَسِيرُ الرَّكْبُ فِي ظِلِّهَا مِائَةَ عَامٍ وَلَا يَقْطَعُهَا -

“জান্নাতের মধ্যে কিছু বৃক্ষ এমন বড়ো ও বিশাল হবে কোন সওয়ারী যদি তার ছায়া অতিক্রম করতে চায় তবে একশ বছর চলার পরও তা অতিক্রম করতে পারবে না।”-(বুখারী ও মুসলিম)

অন্য হাদীসে বলা হয়েছেঃ

مَا فِي الْجَنَّةِ شَجَرٌ إِلَّا وَسَاقُهَا مِنْ ذَهَبٍ -

“জান্নাতে এমন কোন বৃক্ষ নেই যার শাখা প্রশাখা স্বর্ণের নয়।”
-(তিরমিযি)

হযরত জারীর ইবনে আব্দুল্লাহ (রাঃ) বর্ণনা করেছেনঃ একদিন আমি সালমান ফারেসীর নিকট গেলাম। তিনি আলাপ আলোচনার এক পর্যায়ে ছোট্ট একটি কাঠের টুকরো নিলেন, যা তার দু’আঙ্গুলের মাঝে থাকার কারণে ভালোভাবে দেখা যাচ্ছিলো না। তিনি বললেনঃ যদি তুমি জান্নাতে এতটুকু কাঠ সংগ্রহ করতে চাও তা পারবে না। আমি বললামঃ তাহলে খেজুর গাছও অন্যান্য গাছপালা কোথায় যাবে। (যার কথা কুরআন ও হাদীসে উল্লেখ আছে)। তিনি বললেনঃ অবশ্য খেজুর ও অন্যান্য গাছপালা সেখানে থাকবে তবে তা কাঠের হবে না। বরং তার শাখা প্রশাখাগুলো মোতি ও স্বর্ণের তৈরী হবে। আর তাতে থাকবে কাঁদি কাঁদি খেজুর।-(বাইহাকী)

জান্নাতে শুধু গাছ-পালা, নদী-নালা ও বর্ণাধারাই থাকবে না। সেখানে রং

বেরং এর নানা প্রজাতির পাখীও থাকবে। তারা সারাক্ষণ কুজন কাকলীতে মুখরিত করে রাখবে।

রাসূলুল্লাহ সাল্লাল্লাহু আলাইহি ওয়া সাল্লাম বলেছেন:

“জান্নাতে লম্বা ঘাড় বিশিষ্ট উটের ন্যায় পাখীও আছে। যারা সর্বদা জান্নাতের বৃক্ষারাজীর মধ্যে বিচরণ করে বেড়ায়।” হযরত আবুবকর (রাঃ) শোনে আরজ করলেন: “ইয়া রাসূলুল্লাহ! তারাতো খুব আনন্দময় ও সুখকর জীবন যাপনে রত।” রাসূল সাল্লাল্লাহু আলাইহি ওয়া সাল্লাম বললেন: “সেগুলোর ভক্ষণকারীরা সেখানে আরো উত্তম জীবন যাপন করবে।” একথা তিনি তিনবার বললেন। -(মুসনাদে আহমদ।)

জান্নাতীদের খাদ্য ও পানীয়

মহান আল্লাহ রাব্বুল আলামীন বলেনঃ

إِنَّ الْمُتَّقِينَ فِي جَنَّاتٍ وَنَعِيمٍ - فِكِهَيْنَ بِمَا آتَاهُمْ رَبُّهُم
عَ وَوَقَهُم رَبُّهُم عَذَابَ الْجَحِيمِ - كُلُوا وَاشْرَبُوا هَنِيئًا
بِمَا كُنْتُمْ تَعْمَلُونَ -

“মুত্তাকী লোকেরা সেখানে বাগানসমূহে ও নিয়ামত সম্ভারের মধ্যে অবস্থান করবে। মজা ও স্বাদ আনন্দন করতে থাকবে সে সব জিনিসের যা তাদের রব তাদেরকে দেবেন। আর তাদের রব তাদেরকে জাহান্নামের আজাব হতে রক্ষা করবেন। (তাদেরকে বলা হবে) খাও এবং পান কর মজা ও তৃপ্তির সাথে। এটা তো তোমাদের সে সব কাজের প্রতিফল যা তোমরা (পৃথিবীতে) করছিলে।”-(সূরা তুরঃ ১৭-১৯)

অন্যত্র বলা হয়েছেঃ

فَهُوَ فِي عِيشَةٍ رَاضِيَةٍ - فِي جَنَّةٍ عَالِيَةٍ - قُطُوفُهَا دَانِيَةٌ -
كُلُوا وَاشْرَبُوا هَنِيئًا بِمَا أَسْلَفْتُمْ فِي الْأَيَّامِ الْخَالِيَةِ -

“সেখানে তারা বাঞ্ছিত সুখভোগে লিপ্ত থাকবে। (তাদের অবস্থান হবে) জান্নাতের উচ্চতম স্থানে। যার ফলসমূহের গুচ্ছ ঝুলতে থাকবে। (বলা হবে) খাও এবং পান করো, তৃপ্তি সহকারে। সে সব আমলের বিনিময়ে যা তোমরা অতীত দিনে করেছো।”-(সূরা আল হাক্বাহঃ ২১-২৪)

আরো বলা হয়েছেঃ

كُلَّمَا رُزِقُوا مِنْهَا مِنْ ثَمَرَةٍ رِزْقًا لَا قَالُوا هَذَا الَّذِي رُزِقْنَا مِنْ قَبْلُ لَا وَاتُّوا بِهِ مُتَشَابِهًا -

“জান্নাতের ফল দেখতে পৃথিবীর ফলের মতোই হবে। যখন কোন ফল তাদের দেয়া হবে খাবার জন্য, তারা বলবেঃ এ ধরনের ফল তো আমরা পৃথিবীতেই খেয়েছি।” – (সূরা বাকারাঃ ২৫)

ফলগুলো যদিও পৃথিবীর মতো হবে কিন্তু স্বাদ ও গন্ধে সম্পূর্ণ উন্নত ও ভিন্ন ধরনের হবে।

প্রতিবার খাওয়ার সময়ই তার স্বাদ গন্ধ শেনৈঃ শেনৈঃ বৃদ্ধি পাবে।

এখানে প্রশ্ন হতে পারে যে, পৃথিবীতে দুঃখ আছে বলেই সুখকে আমরা উপভোগ করতে পারি। কিন্তু জান্নাতে যদি দুঃখ না থাকে তবে শুধু সুখ উপভোগ করা যাবে কি? বা সুখ ভোগ করতে করতে একঘেয়েমী লাগবে না?

এর দুটি উত্তর হতে পারে

প্রথমতঃ জান্নাতীগণ জাহান্নামীদের অবস্থা অবলোকন করতে পারবে এবং কথপোকথনও হবে। (সূরা আ'রাফ দ্রষ্টব্য) তাই তাদের সুখকে জাহান্নামীদের সাথে তুলনা করতে কষ্ট হবে না এবং সে সুখে এক ঘেয়েমিও আসবে না।

দ্বিতীয়তঃ দুঃখ না থাকলেও সুখের মাত্রা স্থিতিশীল হবেনা, পর্যায়ক্রমে বৃদ্ধি পেতে থাকবে। কাজেই সে সুখভোগে কখনো ক্লান্তি আসবে না বরং সুখভোগের অনুভূতি তীব্র হতে তীব্রতর হবে।

জান্নাতীদের প্রস্রাব পায়খানার প্রয়োজন হবে না

হযরত জাবির (রাঃ) নবী করীম সাল্লাল্লাহু আলাইহি ওয়া সাল্লাম হতে বর্ণনা করেছেন যে, তিনি বলেছেনঃ

يَأْكُلُ أَهْلُ الْجَنَّةِ فِيهَا وَيَشْرَبُونَ لَا يَتَغَوَّطُونَ وَلَا يَمْتَخِطُونَ وَلَا يَبُولُونَ وَ لَكِنْ طَعَامُهُمْ ذَلِكَ جُشَاءٌ كَرِشِحِ الْمَسْكِ يُلْهَمُونَ التَّسْبِيحَ وَ التَّكْبِيرَ كَمَا يُلْهَمُونَ النَّفْسَ -

“জান্নাতীগণ জান্নাতের খাবার খাবে এবং পানীয় বস্তু পান করবে কিন্তু সেখানে তাদের পায়খানা প্রস্রাবের প্রয়োজন হবে না, এমনকি তাদের নাকে ময়লাও জমবে না। ঢেকুরের মাধ্যমে তাদের পেটের খাদ্রব্য হজম হয়ে মিশকের সুগন্ধির মতো বেরিয়ে যাবে। স্বাস-প্রশ্বাস গ্রহণের মতোই তারা তাসবীহ তাকবীরে অভ্যস্ত হয়ে যাবে।” –(মুসলিম)

অন্যত্র বলা হয়েছেঃ

لَا يَبُولُونَ وَلَا يَتَغَطُّونَ وَلَا يَتَفُلُّونَ وَلَا يَمْتَخِطُونَ -

“তাদেরকে পেশাপ পায়খানা করতে হবে না, মুখে থুথু আসবে না, আর নাকে কোনরূপ ময়লা জমবে না।” –(বুখারী, মুসলিম)

জান্নাতীদের সৌন্দর্য ও সম্প্রীতি

রাসূলুল্লাহ সাল্লাল্লাহু আলাইহি ওয়া সাল্লাম ইরশাদ করেছেনঃ

إِنَّ أَوَّلَ زُمْرَةٍ يَدْخُلُونَ الْجَنَّةَ عَلَى صُورَةِ الْقَمَرِ لَيْلَةَ الْبَدْرِ ثُمَّ الَّذِينَ يَلُونَهُمْ كَأَشَدَّ كَوْكَبٍ دُرِّيٍّ فِي السَّمَاءِ إِضَاءَةً قُلُوبُهُمْ عَلَى قَلْبِ رَجُلٍ وَاحِدٍ لَا اخْتِلَافَ بَيْنَهُمْ وَلَا تَبَاغُضَ -

“যে দলটি সর্বপ্রথম জান্নাতে প্রবেশ করবে তাদের চেহারা পূর্ণিমার চাঁদের মতো সুন্দর ও উজ্জ্বল হবে। তাদের পর যারা প্রবেশ করবে তাদের চেহারা হবে আকাশের সর্বাধিক আলোকউজ্জ্বল তারকার মতো জ্যোতির্ময়। আর সকলের অন্তকরণ একটি অন্তকরণ সাদৃশ্য হবে। তাদের মধ্যে পারস্পরিক মতভেদ বা বৈপরিত্য থাকবে না।” –(বুখারী ও মুসলিম)

আল্লাহু রাব্বুল আলামীন ইরশাদ করেছেনঃ

وَنَزَعْنَا مَا فِي صُدُورِهِمْ مِّنْ غِلٍّ إِخْوَانًا عَلَىٰ سُرُرٍ مُّتَقَابِلِينَ -

“আমি তাদের অন্তর থেকে ঈর্ষা ও বৈরিতা দূর করে দেবো। তারা ভাইয়ের মতো পরস্পর মখোমুখি হয়ে আসন সমূহে সমাসীন থাকবে।”

জান্নাতীগণ জান্নাতী বাপদাদা, স্ত্রী ও সন্তানসহ একান্নবর্তী পরিবারের ন্যায় বসবাস করবে
মহান আল্লাহ বলেনঃ

وَالَّذِينَ آمَنُوا وَاتَّبَعَتْهُمْ ذُرِّيَّتُهُمْ بِإِيمَانٍ أَلْحَقْنَا بِهِمْ
ذُرِّيَّتَهُمْ وَمَا أَلَتْنَهُمْ مِّنْ عَمَلِهِمْ مِّنْ شَيْءٍ ۗ ط كُلُّ امْرِئٍ
بِمَا كَسَبَ رَهِينٌ -

“যারা ঈমান এনেছে এবং তাদের সন্তানও ঈমানের কোন মাত্রায় ৭
তাদের পদাংক অনুসরণ করেছে, তাদের সে সন্তানদেরকে আমরা (জান্নাতে)
তাদের সাথে একত্রিত করবো, আর তাদের আমলে কোন কম করা হবে
না।” - (সূরা তুরঃ ২১)

সূরা রা’দে বলা হয়েছেঃ

جَنَّتْ عَدْنٌ يَدْخُلُونَهَا وَمَنْ صَلَحَ مِنْ آبَائِهِمْ وَأَزْوَاجِهِمْ وَذُرِّيَّتِهِمْ وَالْمَلَائِكَةُ يَدْخُلُونَ عَلَيْهِمْ مِّنْ كُلِّ
بَابٍ -

“তারাতো চিরন্তন জান্নাতে প্রবেশ করবেই, তাদের সাথে তাঁদের
বাপ-দাদা, তাদের স্ত্রী এবং তাদের সন্তানদের মধ্যে যারা সৎ ও নেককার
তারাও তাদের সাথে সেখানে (জান্নাতে) যাবে। ফেরেশতাগণ চারদিক হতে
তাদেরকে সম্বর্ধনা দিতে আসবে এবং বলবে তোমাদের প্রতি শান্তি।”

- (সূরা রা’দঃ ২৩)

এখানে উল্লেখ্য যে, যে সমস্ত সন্তান অপ্রাপ্ত বয়সে মৃত্যুবরণ করে তাদের কথা বলা হয়নি, কেননা তাদের ব্যাপারে তো কুফুর, ঈমান, আল্লাহর আনুগত্য ও নাফরমানীর প্রশ্নই উঠে না। সহীহ হাদীসে বর্ণিত আছে যে, তারা এমনিই জান্নাতে যাবে এবং মা বাপের সন্তুষ্টির জন্য তাদের সাথে একত্রিত

(৭) সন্তানগণ যদি বাপদাদার মতো উত্তম ঈমান এবং আমলের অধিকারী নাও হয় শুধুমাত্র জান্নাত পর্যন্ত পৌঁছার যোগ্যতা অর্জন করে তবে পিতৃপুরুষদের উত্তম আমলের বদৌলতে এবং তাদের মর্যাদার দিকে চেয়ে ঐ সন্তানগণকে ঐ রকম মর্যাদা দিয়ে একত্রিত করা হবে। কিন্তু সন্তানের সাথে মিলনের জন্য বাপদাদার মর্যাদার হ্রাস করা হবে না, আর সে মিলন, ক্ষণস্থায়ী হবে না, তা হবে চিরস্থায়ী।

করে দেয়া হবে।

জান্নাতের বাজার

রাসূলুল্লাহ সাল্লাল্লাহু আলাইহি ওয়া সাল্লাম ইরশাদ করেছেনঃ “জান্নাতে একটি বাজার আছে। সেখানে জান্নাতীগণ প্রতি শুক্রবার যাবে। সেখানে উত্তর দিক হতে মৃদুমন্দ বাতাস প্রবাহিত হয়ে জান্নাতীদের মুখমণ্ডল ও পরিধেয় বস্ত্রাদি সুগন্ধিতে ভরিয়ে দেবে। আর তাদের সৌন্দর্য ও রূপ লাভণ্য পর্যায়ক্রমে বাড়তে থাকবে। সুতরাং তারা অত্যন্ত সুন্দর ও লাভণ্যময় হয়ে নিজেদের স্ত্রী নিকট ফিরে আসবে। স্ত্রীগণ তাদেরকে দেখে বলবে, আল্লাহ্ শপথ! তোমারা যে সৌন্দর্য ও লাভণ্যের অধিকারী হয়েছো। আবার পুরুষগণও বলবে, আল্লাহর কসম! আমরা তোমাদের কাছ হতে যাবার পর তোমাদের রূপলাভণ্য এবং সৌন্দর্যও অনেক গুণ বৃদ্ধি পেয়েছে।”

—(মুসলিম)

হযরত আলী (রাঃ) বর্ণনা করেছেন। রাসূলে পাক সাল্লাল্লাহু আলাইহি ওয়া সাল্লাম ইরশাদ করেছেনঃ “জান্নাতে একটি বাজার আছে। কিন্তু সেখানে কোন বেচা কেনা হয় না। সেখানে অসংখ্য পুরুষ ও স্ত্রীলোকদের প্রতিকৃতি ও ছবি থাকবে। কোন ছবি দেখে যদি কেউ আকাংখা করে যে আমার চেহারাটা যদি এর মতো হতো তখন তাদের সাথে সাথে তার সে আকৃতি ও কাংখিত রূপ নেবে। —(তিরমিযি)

জান্নাতীদের মর্যাদাভেদে জান্নাতের প্রকারভেদ

পবিত্র কালামে জান্নাতীদেরকে দু'ভাগ করা হয়েছে। যথাঃ

(১) ডান বাহুর লোক (২) অগ্রবর্তী লোক।

ইরশাদ হচ্ছেঃ

فَأَصْحَابُ الْمَيْمَنَةِ لَا مَا أَصْحَابُ الْمَيْمَنَةِ -

“অতঃপর ডানবাহুর লোক। ডানবাহুর লোকের (সৌভাগ্যের কথা) কি বলা যায়?”—(সূরা ওয়াকীয়াঃ ৮)

وَالسَّابِقُونَ السَّابِقُونَ - أُولَئِكَ الْمُقَرَّبُونَ -

“আর অগ্রবর্তী লোকেরা তো (সকল ব্যাপারে) অগ্রবর্তীই। তারাই তো সান্নিধ্যশালী লোক।”—(সূরা ওয়াকীয়াঃ ১০-১১)

রাসূলে আকরাম সাল্লাল্লাহু আলাইহি ওয়া সাল্লাম বলেছেনঃ

انَّ أَهْلَ الْجَنَّةِ لَيَتَرَاءُونَ أَهْلَ الْغُرَفِ مِنْ فَوْقِهِمْ كَمَا تَتَرَاءُونَ الْكُوكَبَ الدَّرِّيَّ الْغَائِبَ فِي الْأَفْقِ مِنَ الْمَشْرِقِ أَوْ الْمَغْرِبِ لِتَفَاضُلِ بَيْنِهِمْ قَالُوا يَا رَسُولَ اللَّهِ تِلْكَ مَنَازِلُ الْأَنْبِيَاءِ لَا يَبْلُغُهَا غَيْرُهُمْ؟ قَالَ بَلَى وَالَّذِي نَفْسِي بِيَدِهِ رَجَالَ آمَنُوا بِاللَّهِ وَصَدَّقُوا الْمُرْسَلِينَ -

“জান্নাতীরা তাদের উপরতলার লোকদেরকে এমনভাবে দেখতে পাবে, যেমন করে তোমরা পূর্ব অথবা পশ্চিম দিগন্তে উজ্জ্বল তারকাগুলো দেখতে পাও। তাদের পরস্পর মর্যাদার পার্থক্যের কারণে এরূপ হবে” সাহাবাগণ জিজ্ঞেস করলেন “ইয়া রাসূলান্নাহ! ঐ স্তরগুলো কি নবীদের যা অন্য কেউ লাভ করতে পারবে না? তিনি বললেনঃ “কেন পারবে না! সেই সত্ত্বার শপথ, যার হাতে আমার প্রাণ। যারা আল্লাহর উপর ঈমান এনেছে এবং নবীদেরকে সত্য বলে মেনে নিয়েছে, তারা ঐ স্তরে যেতে সক্ষম হবে।”

-(বুখারী, মুসলিম)

অত্র হাদীস থেকে স্পষ্ট জানা যায় যে, জান্নাতীদের আমলের তারতম্যের কারণে সেখানে তাদের মর্যাদাও বিভিন্ন রকম হবে। অনেক হাদীসে জান্নাতীদের নেয়ামতের বর্ণনা দিতে গিয়ে বলা হয়েছে নিম্নমানের এক জান্নাতীকে অমুক অমুক বস্তু দেয়া হবে। এতে স্পষ্ট প্রতীয়মান হয় যে জান্নাতীদেরকে আল্লাহ তাদের আমল ও মর্যাদা অনুযায়ী বিভিন্ন মানের জান্নাত দেবেন। নিম্নোক্ত হাদীস দু'টো এ কথারই প্রমাণ করে।

قَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ أَدْنَى أَهْلِ الْجَنَّةِ الَّذِي لَهُ ثَمَانُونَ أَلْفَ خَادِمٍ وَاثْنَتَانِ وَسَبْعُونَ زَوْجَةً وَتَنْصِبُ لَهُ قَبَّةٌ مِّنْ لُّؤْلُؤٍ وَجَبْرَجِدٍ وَيَاقُوتٍ -

নবী করীম সাল্লাল্লাহু আলাইহি ওয়া সাল্লাম বলেছেন, “সবচেয়ে নিম্নমানের একজন জান্নাতী ৮০ হাজার খাদেম, ৭২ জন স্ত্রী পাবে এবং ঐ সমস্ত স্ত্রীগণ যে সমস্ত ওড়না ব্যবহার করবে তার মধ্যে জামরুদ, মুক্তা ও ইয়াকুতের কারুকার্য খচিত হবে।” -(তিরমিযি, মিশকাত, ইনেস মাজাহ্)

قَالَ رَسُولُ اللَّهِ صَلَّى اللَّهُ عَلَيْهِ وَسَلَّمَ قَالَ اللَّهُ تَعَالَى
أَعَدَدْتُ لِعِبَادِي الصَّالِحِينَ مَالًا عَيْنٌ رَأَتْ وَلَا أُذُنٌ
سَمِعَتْ وَلَا خَطَرَ عَلَى قَلْبِ بَشَرٍ -

নবী করীম সালাল্লাহু আলাইহি ওয়া সাল্লাম বলেন, মহান আল্লাহ বলেছেন—
“আমি আমার নেক (সালেহ) বান্দাদের জন্য যা কিছু রেখেছি তা কোন চোখ
দেখেনি, কোন কান তা (বিররণ) শুনেনি, কোন হৃদয়ও তা কল্পনা করতে
পারেনি।” —(হাদীসে কুদসী—বুখারী, মুসলিম)

এ হাদীস দ্বারা বুঝা যায় কুরআন ও হাদীসে জান্নাতের যে আলোচনা করা
হয়েছে তা সাধারণভাবে সকল জান্নাতীদের জন্য প্রযোজ্য। কিন্তু যারা আল্লাহর
প্রিয় ও সালেহ বান্দাহ তাদেরকে এর অতিরিক্ত আরও কিছু দেবেন তার বর্ণনা
আল্লাহ কোথাও করেনি। শুধু এ ইঙ্গিতটুকু দেয়াই যথেষ্ট মনে করেছেন।

নিম্ন মর্যাদার জান্নাতীদের প্রাপ্য

“রাসূলুল্লাহ সালাল্লাহু আলাইহি ওয়া সাল্লাম বলেছেনঃ মুসা (আঃ) তাঁর
প্রভুকে জিজ্ঞেস করলেনঃ “সবচেয়ে কম মর্যাদার জান্নাতী কে? আল্লাহ
বললেন, সে ঐ ব্যক্তি যে জান্নাতীদেরকে জান্নাত বন্টনের পর আসবে। তাকে
বলা হবেঃ জান্নাতে প্রবেশ করো। সে বলবেঃ হে প্রভু! সব লোক নিজ নিজ
বাসস্থানে অবস্থান নিয়েছে এবং নিজেদের প্রাপ্য অংশ গ্রহণ করেছে, তাই
আমি এখন কিভাবে জান্নাতে স্থান পাবো? তাকে বলা হবে তোমাকে যদি
পৃথিবীর কোন বাদশাহ বা শাসকের রাজ্যের সমান এলাকা দেয়া হয়, তবে কি
তুমি খুশী হবে? তখন সে বলবে, প্রভু আমি রাজী আছি। আল্লাহ তাআলা
তাকে বললেনঃ তোমাকে তাই দেয়া হলো। এরপরও তার সমান আরও দেয়া
হলো। এরপর তার সমান আরো এবং এরপর ঐগুলোর সমান আরও
অতিরিক্ত দেয়া হলো। পঞ্চমবারে সে বলবে, প্রভু! আমি সন্তুষ্ট হলাম।
অতঃপর আল্লাহ বলবেন, তোমাকে সবগুলোর সমান আরও দশগুন দেয়া
হলো। সে বলবে, হে প্রভু আমি খুশী হয়েছি।” —(মুসলিম)

রাসূলের আকরাম রাসূলুল্লাহ সালাল্লাহু আলাইহি ওয়া সাল্লাম আরও
বলেছেনঃ এক ব্যক্তি নিতম্বের উপর ভর দিয়ে হেচড়াতে হেচড়াতে জাহান্নাম
থেকে বেরিয়ে আসবে। মহান ও সর্ব শক্তিমান আল্লাহ তাকে বলবেনঃ যাও,
জান্নাতে প্রবেশ করো। সে জান্নাতের কাছে গেলে তার মনে হবে ইতিমধ্যেই
জান্নাত পরিপূর্ণ হয়ে গিয়েছে। আল্লাহ তাকে আবার কলবেন তুমি গিয়ে
জান্নাতে প্রবেশ করো। সে আবার এসে বলবে, হে প্রভু! আমি দেখলাম
জান্নাত ভরপুর হয়ে গিয়েছে। তখন সে মহান আল্লাহর কথায় আবার যাবে
এবং ফিরে এসে আগের মতোই বলবে। পরিশেষে মহান আল্লাহ বলবেনঃ

তুমি জান্নাতে যাও। কেননা তোমার জন্য পৃথিবীর সমপরিমাণ এবং অনুরূপ আরো দশগুণ অথবা পৃথিবীর মতো দশগুণ জায়গা নির্মিত হয়েছে। তখন লোকটি বলবেঃ হে আল্লাহ্! আপনিও কি আমাকে বিদ্রূপ করছেন? অথচ আপনি সবকিছুর একচ্ছত্র মালিক। ইবনে মাসউদ (রা) বলেনঃ আমি দেখলাম রাসূলুল্লাহ সাল্লাল্লাহু আলাইহি ওয়া সাল্লাম একথা বলে এমনভাবে হাসলেন যে তাঁর পবিত্র দাঁত দেখা যাচ্ছিল। তিনি বলছিলেনঃ এ ব্যক্তি হবে সবচেয়ে নিম্ন মর্যাদার জান্নাতী। -(বুখারী, মুসলিম)

জান্নাতীগণ আল্লাহর দর্শন লাভ করবে

আল্লাহর দর্শনের ব্যাপারে আল-কুরআনের মাত্র দু'জায়গায় আলোচনা করা হয়েছে। সূরা আল কিয়ামাহ্ এবং সূরা আল মুতাফফীনে।

ইরশাদ হচ্ছেঃ

وَجُوهٌ يَوْمَئِذٍ نَّاضِرَةٌ - إِلَىٰ رَبِّهَا نَاظِرَةٌ -

“সেদিন কিছু সংখ্যক মুখমণ্ডল উজ্জ্বল ও উদ্ভাসিত হবে এবং নিজের রবের দিকে তাকাতে থাকবে।” -(সূরা কিয়ামাহ্ঃ ২২-২৩)

অন্যত্র বলা হয়েছেঃ

كَلَّا إِنَّهُمْ عَنْ رَبِّهِمْ يَوْمَئِذٍ لَّمَّحْجُوبُونَ -

“কখনই নয়। নিঃসন্দেহে সেদিন এ লোকদেরকে তাদের রব এর দর্শন হতে বঞ্চিত রাখা হবে।” -(সূরা মুতাফফীনঃ ১৫)

তাছাড়া বুখারী, মুসলিম, তিরমিযি, মুসনাদে আহামদ, বায়হাকী, দারেকুতনী ইবনে জারীর, তাবারানী ইত্যাদি গ্রন্থেও আল্লাহ দর্শন প্রসঙ্গে বেশ কিছু হাদীস বর্ণিত হয়েছে। এখন প্রশ্ন হতে পারে যে, সেদিন দর্শনের ব্যাপারটা কিভাবে সম্পন্ন হবে?

প্রতি উত্তরে বলা যেতে পারে যে, তা আল্লাহই ভালো জানেন। কেননা আমরা পৃথিবীতে কোন বস্তু দেখতে হলে নিম্নোক্ত শর্ত সাপেক্ষে দেখে থাকি। যেমনঃ

(ক) বস্তুর নির্দিষ্ট একটি আকার আয়তন থাকা।

(খ) বস্তুর উপর আলোকের প্রতিফলন ঘটে আমাদের চোখে তার প্রতিবিম্ব পড়া।

(গ) প্রতিবিম্বটি উল্টা প্রতিফলিত হয় মস্তিস্ক তা সোজা করে দেখতে সাহায্য করা।

(ঘ) চক্ষু নামক একটি দর্শনেন্দ্রিয় থাকা এবং তা কার্যক্রম থাকা।

উপরোক্ত শর্তাবলীর ব্যত্যয় ঘটলে দেখা সম্ভব নয়। তখনই প্রশ্ন আসে আল্লাহুতো নিরাকার। উপরোক্ত শর্তসাপেক্ষে আল্লাহু দেখেন না। তবে কি করে তিনি দেখেন? তার উত্তর আমাদের কাছে অজানা। তবে আমরা শুধু

এতটুকু বুঝতে পারি যে, যেভাবে আল্লাহ তাঁর সৃষ্ট বিশ্বলোক দেখে থাকেন সে ভাবেই মানুষ সেদিন আল্লাহকে দেখবে অথবা আল্লাহ সেদিন অন্য কোন পদ্ধতিতে দেখার ব্যবস্থা করে দেবেন। নবী করীম সালাল্লাহু আলাইহি ওয়া সাল্লাম বলেছেন যে, আল্লাহর কসম, জান্নাতীদের জন্য আল্লাহর দর্শন ব্যতিরেকে অধিক প্রিয় ও পছন্দনীয় আর কিছু হবে না। - (তিরমিযি)

অন্যত্র বলা হয়েছেঃ

انَّ اللّٰهَ عَزَّ وَجَلَّ يَقُولُ لَأَهْلَ الْجَنَّةِ يَا أَهْلَ الْجَنَّةِ فَيَقُولُونَ لَبَّيْكَ رَبَّنَا وَسَعْدَيْكَ وَالْخَيْرُ فِي يَدَيْكَ فَيَقُولُ هَلْ رَضِيتُمْ؟ فَيَقُولُونَ: وَمَا لَنَا لَأَنْرَضِيَ يَا رَبَّنَا وَقَدْ أَعْطَيْتَنَا مَا لَمْ تُعْطِ أَحَدًا مِنْ خَلْقِكَ فَيَقُولُ أَلَا أُعْطِيكُمْ أَفْضَلَ مِنْ ذَلِكَ م فَيَقُولُونَ وَ أَى شَيْءٍ أَفْضَلُ مِنْ ذَلِكَ فَيَقُولُ أَحِلَّ عَلَيْكُمْ رِضْوَانِي فَلَا أَسْخَطُ عَلَيْكُمْ بَعْدَهُ أَبَدًا -

মহান ও পরাক্রমশালী আল্লাহ জান্নাতবাসীদের বলবেন, হে জান্নাত বাসীগণ!

তারা বলবে হে আমাদের প্রভু, আমরা উপস্থিত। সমস্ত মঙ্গল ও কল্যাণ আপনার হাতে। (কি আদেশ বলুন!) আল্লাহ তা'আলা তাদেরকে জিজ্ঞাসা করবেন, তোমরা কি তোমাদের আমলের প্রতিদান পেয়ে সন্তুষ্ট হয়েছে? তারা (জান্নাতীগণ) জবাব দিবে- হে আমাদের রব, আপনি আমাদেরকে এমন সব নেয়াতম দিয়েছেন যা অন্য কাউকে দেননি। তখন আমরা সন্তুষ্ট হবো না কেনো?

তখন আল্লাহ বলবেন আমি কি তোমাদেরকে এর চেয়েও অধিক উত্তম ও উন্নত জিনিস দান করবো না? তারা বলবে এর চেয়ে অধিক ও উত্তম বস্তু আর কি হতে পারে? তখন আল্লাহ বলবেন আমি চিরকাল তোমাদের উপর সন্তুষ্ট থাকবো। কোনদিন আর অসন্তুষ্ট হবো না। (বুখারী, মুসলিম, তিরমিযি-তারগীব তারহীব, যাদেরাহ)

অন্য হাদীসে আছে এ কথা শুনে জান্নাতীগণ তাদের সমস্ত নেয়া'মতের কথা ভুলে যাবে। কেননা এ সুসংবাদ-ই হচ্ছে তাদের কাছে সবচেয়ে বড়ো নেয়া'মত।



আমাদের কয়েকটি গুরুত্বপূর্ণ প্রকাশনা

- ১। দারসুল কুরআন (১ম, ২য় ও ৩য় খণ্ড) - এঞ্জিএম বদরুদোজা
- ২। কুরআন হাদীসের আলোকে পূর্ণাঙ্গ মানব জীবন - অধ্যাপক হারুনুর রশিদ খান
- ৩। রিয়াদুস সালাহীন (১ম, ২য়, ৩য় ও ৪র্থ খণ্ড) - ইমাম মহিউদ্দিন ইয়াহইয়া আন নবী
- ৪। রাহে আমল (১ম, ২য় খণ্ড) - আব্দামা জলিল আহসান নদভী
- ৫। এশুেখাবে হাদীস (একত্রে) - আব্দুল গাফ্ফার হাসান নদভী
- ৬। দৈনন্দিন জীবনে হাদীসের রাসূল (সা.) রাহে আমল (বাংলা) - গোলাম সোবহান সিদ্দিকী
- ৭। দারসে হাদীস (ভলিউম-১) - মাও. মু. খলিলুর রহমান মুমিন
- ৮। দারসে হাদীস (ভলিউম-২) - মাও. মু. খলিলুর রহমান মুমিন
- ৯। রহমতে আলম - আব্দামা সাইয়েদ সুলায়মান নদভী
- ১০। প্রিয়তম নবী (সা.) - শিশির দাস
- ১১। ইসরা ও মিরাজের মর্মকথা - সাইয়েদ আবুল আ'লা মওদুদী
- ১২। মহিলা সাহাবী - নিয়াজ ফতেহপুরী
- ১৩। কারাগারের রাতদিন - যম্বনব আল-গাজ্জালী
- ১৪। শহীদ হাসানুল বান্নার ডায়েরী - খলিল আহমেদ হামেদী
- ১৫। মৃত্যুর দুয়ারে সাহাবায়ে কেলাম (র.) - অধ্যাপক হারুনুর রশিদ খান
- ১৬। সাহাবা চরিত্র - মাওলানা মোহাম্মদ যাকারিয়া
- ১৭। আজাদী আন্দোলনে আলেম সমাজের সংগঠনী ভূমিকা - জুলফিকার আহমদ কিসমতী
- ১৮। জীবন নদীর ওপারে - মুফতি মাওলানা আব্দুল মান্নান
- ১৯। কবিরা গুনাহ - ইমাম আযযাহাবী
- ২০। আত্মতত্ত্বের পথ - শহীদ হাসানুল বান্না
- ২১। বিশ্বায়ন সাম্রাজ্যবাদের নতুন স্ট্র্যাটেজি - ইয়াসির নাদীম
- ২২। সত্যের আলো - মাওলানা বশিরুজ্জামান
- ২৩। ফেরাউনের দেশে ইখওয়ান - আহমেদ রায়েফ
- ২৪। চেতনার বালকোট - শেখ জেবুল আমিন দুলাল
- ২৫। মৃত্যুর দুয়ারে মানবতার রূপ - আবুল কালাম আজাদ (ভারত)



প্রফেসর'স পাবলিকেশন্স

৩৮/৩ কম্পিউটার কমপ্লেক্স, বাংলাবাজার, ঢাকা
মোবাইল : ০১৭১১১২৮৫৮৬, ০১৯৭৭১২৮৫৮৬

